



四川大學古籍整理研究所編

儒藏

史部
第九十二冊

四川大學出版社



B222
30
(92)



儒 藏



四川大學古籍整理研究所 編

儒藏·史部

儒林年譜

第四十二冊

四川大學出版社 二〇〇七年

國家「211工程」重點學科建設項目

國家「985工程」創新基地規劃項目

中國孔子基金會重大項目

目錄

王石臞先生年譜	閔爾昌 編撰	一
王石渠先生年譜	劉盼遂 編撰	五九
容甫先生年譜	清・汪喜孫 編撰	一〇一
洪北江先生年譜	清・呂培等 編撰	二二三
劉端臨先生年譜	劉文興 編撰	三六一
孫淵如先生年譜	清・張紹南 編撰	王德福 續編	四五一
凌次仲先生年譜	清・張其錦 編撰	五一九
郝蘭皋夫婦年譜	許維適 編撰	六五三
江子屏先生年譜	閔爾昌 編撰	七一五
焦理堂先生年譜	閔爾昌 編撰	七六一



儒藏

目錄

王石臞先生年譜

閔爾昌 編撰

李文澤 校點

刁忠民 一審

蔣宗許 二審

民國十六年刊本

《王石臞先生年譜》一卷，閔爾昌編撰。民國十六年江都閔氏刊本。

王念孫（一七四四—一八三二），字懷祖，號石渠，又號石臞，清江蘇高郵人。乾隆四十年進士及第，爲翰林院庶吉士，補散館，任職都水司。改虞衡司主事，擢營繕司員外郎、製造庫郎中，歷陝西、山西、京畿諸道監察御史。五十八年，擢吏科給事中，改直隸永定河道，移山東運河道。以年邁致休，隨其子王引之居住於京師。道光十二年卒，年八十九。王念孫父子爲乾嘉時代經學家之翹楚，精通音韻訓詁文字學，其著述以《讀書雜誌》、《廣雅疏證》爲最著。

現存王念孫年譜凡二種，一爲劉盼遂所編《王石渠先生年譜》，另一種即閔爾昌所編本譜。爾昌字葆之，江都人。據卷首閔序稱，作者嘗客居高郵二年，民國十六年前後寓居上海，鈎稽文獻典籍，整理爬梳，撰成此譜。又云上虞羅振玉「嘗擬撰《石臞年譜》，尚未之見」，今亦未見羅譜傳世。而稍後出之劉盼遂譜，似未參此，且各有所側重，故兩存之。此譜紀事較簡明，以大字繫事，以小字補注出處等，並時有考證，於研究王念孫生平、學術頗有裨益。閔氏於是年還撰有乾嘉時代經學大師王引之、江藩、焦循四種年譜，王念孫與王引之年譜合刻爲《高郵王氏父子年譜》，可以考知王氏學術之淵源。

此譜又有民國二十三年刊《高郵王氏父子年譜》本，後有編者跋語，言係糾劉盼遂譜中有關地理、年代之訛誤者，可參看。



昔王德甫撰四士說、稱高郵王念孫及其子引之、有蒼雅之學。汪容甫論次當代通儒姓氏、厘八人、而王氏有二。焦理堂贊廣雅疏證、經義述聞曰、高郵王氏、鄭許之亞。借張揖書、示人大路。經義述聞、以子翼父。阮伯元敘經傳釋詞、則曰、高郵王氏橋梓貫通經訓、兼及詞氣。今伯申侍郎刻成釋詞十卷、元讀之、恨不能起毛孔鄭諸儒共證此快論也。又云、王氏一家之學、海內無匹。顧千里謂近代通儒、程徵君經學、錢少詹史學、汪明經文章、高郵王氏父子小學、天下五人而已。臧在東謂高郵王氏父子小學出六朝人之上。陳恭甫謂當代通儒著述、惟高郵王氏父子與讓堂老人爲最醇。曾滌生圖聖哲

三十餘人遺象、謂王氏父子集小學訓詁之大成、復乎不可幾已。爾昌生長江都、與高郵爲同郡、壤相接也。辛丑、壬寅又客高郵者二年、聞兩先生之流風遺韻也稔矣。願以寡昧、溺志詞章、疲精道路、於鄉賢聲音文字訓詁精博淹通之學、無能爲役。閉門人海、補過讀書、乃取兩先生事蹟、鉤稽而排比之、成年譜二卷、藉寓仰止之誠云爾。上虞羅叔蘊嘗擬撰石臞年譜、尙未之見。憶周保緒有陶詩譜、丁儉卿病其未審、別爲一編、保緒卽自毀所作。它日羅書刊布、吾固不辭爲保緒也。中華民國十六年三月三十一日、閔爾昌記。

王石臞先生年譜

鄉後學閔爾昌編

清高宗乾隆九年甲子三月十三日寅時先生生。

先生姓王氏諱念孫字懷祖號石臞高郵州人先世居蘇州明初始遷高郵五世祖應祥高祖開運並明諸生曾祖式耜字聖野號宇泰康熙戊午副榜貢生著有四書詳說書經詳說時藝益壯堂集卒年七十二祖曾祿字西受號古堂雍正癸卯選拔貢生父安國字書城號春圃雍正甲辰一甲第二名進士歷官吏部尚書諡文肅文肅公元配車夫人繼配崑山徐夫人皆生子而殤再繼配錢塘徐夫人江西吉安府知府亨時女



乃生先生。先是文肅公父贈尙書公年逾七十，望孫甚切，豫爲之名曰念孫。謂文肅公曰：有孫生，則以是名之。乾隆八年十二月，贈尙書公卒，迨先生生，文肅公曰：天佑吾父而予之孫，其將使紹吾父之業乎。遂如遺命以名之。

十年乙丑二歲。

十一月壬申，文肅公授禮部尙書，命俟服闋赴部辦事。清國史王安國傳：十年十二月，授禮部尙書。先生撰春園府君行狀云：十年夏，遷禮部尙書。此依長沙王氏東華錄。

十一年丙寅三歲。

丁母徐夫人憂。文肅公服闋，遂攜先生入都。文肅

公中年失耦、不畜妾媵、家鮮童僕、父子相依、同寢起者十餘年。先生性聰敏過人、在襁褓中已識二十餘字、人皆謂有夙慧。文肅公往往囊書挈先生治事堂上、就案上以筆授句讀。

十二年丁卯、四歲。

讀尚書、矢口成誦、皆文肅公口授百數十行、俄頃皆已爛熟。一時都下有神童之目。此依子引之撰行狀。阮元撰墓志銘則云、生四歲即能讀尚書、六七歲文肅公口授諸經、皆成誦云云。

十三年戊辰、五歲。

十四年己巳、六歲。

十五年庚午、七歲。



備藏

文肅公蔽獄陪都、攜先生東行。時偕往之某公夜作奏、彙援據經傳、恐有錯誤、則詢之先生。先生方睡熟、應聲誦之、一字無謬、乃相與驚歎、以爲異才。

十六年辛未、八歲。

學爲制義、操觚卽作全篇。

十七年壬申、九歲。

十八年癸酉、十歲。

十三經誦畢、旁涉史鑑、

江陰繆氏儒學傳彙引阮元撰墓志云、八歲讀十三經畢、

旁涉史鑑、案墓志實作八歲、屬文十歲、流觀往事、感讀十三經畢云云、與行狀同、筱珊蓋誤。

慨激昂、嘗擬作秦檜論、斷制森嚴、章法完密。文肅公覽而喜之。由是期望益厚、勗之以忠信、示之以勿欺。



先生之持躬正直、得於庭訓者甚蚤。

十九年甲戌、十一歲。

二十年乙亥、十二歲。

五月辛卯、文肅公調吏部尙書。

二十一年丙子、十三歲。

休寧戴東原先生精於三禮、六書、九數、聲音訓詁之學、文肅公延之家塾、爲先生師。先生稽古之學、實基於此。據東原年譜列此。文肅公兼管工部尙書。十一月

壬戌、文肅公因病解任。

二十二年丁丑、十四歲。

正月初八日、文肅公卒。年六十四。先生扶柩旋里、受業夏

嘯門先生之門、名庭芝、字荀紫、雍正癸丑進士、翰林院侍講。篤志爲學、爲

文根柢深厚、理法精熟、老師宿儒不能過也。先生撰元配吳

恭人行略受業夏先生之門、次補州學生員後。

二十三年戊寅、十五歲。

二十四年己卯、十六歲。

二十五年庚辰、十七歲。

二十六年辛巳、十八歲。

補州學生員、州試第二、府院試皆第一。府試題爲先生數年前所作、旣出場、嘯門先生問、尙能記舊作否。先生因援筆默寫原文及嘯門先生所改一字一句、無不脗合。嘯門先生大奇之。學使劉文清公歎賞其

文、以爲軼羣之彥。旣而過揚州、見都轉盧雅雨先生、乃知先生家世、則大喜曰、文肅公有子矣。

二十七年壬午、十九歲。

吳恭人來歸。同州增生、贈翰林院編修鉉之女。

二十八年癸未、二十歲。

二十九年甲申、二十一歲。

作護城橋祠田石梁墳田記。

三十年乙酉、二十二歲。

高宗南巡、先生以大臣之子迎鑾獻頌冊。二月癸巳、賞舉人。

三十一年丙戌、二十三歲。



試禮部不第。三月十一日，長子引之生。得江氏古韻標準，始知顧氏所分十部猶有罅漏。旋里後取三百五篇反覆尋繹，始知江氏之書仍未盡善，重加編次，分古音爲二十一部，未敢示人。

三十二年丁亥，二十四歲。

是年有詩二十首，題曰丁亥詩鈔。錄目於下：偕任一泛舟至芙蓉館一首，同任于田夕步南郭一首，空翠亭一首，裴公洞一首，同任三石農登文峯塔一首，河間道中遇雷雨作一首，偕任子田游東岡山一首，寄呈李大司馬一首，石佛閣放舟一首，文游臺懷古一首，春耕詩擬陶一首，登海陵泰山墩懷古一首，晚泊湖口一首，晚次江口一首，月夜游焦山作一首，天長道中晚晴一首，冬日郊行晚歸山莊二首，以河間東阿諸詩觀之，似先生丙戌下第後，丁亥方南歸。又游蒜山二首，淮海英靈集，滿海詩傳，江蘇詩徵並作文肅公詩題無偕任一子田五字，詩中字句亦小異。



說詩移詩區亦作文肅詩蓋沿諸選之誤先生通籍
 後不復爲詩後以詩法教子敬之日古體詩當以漢
 魏六朝爲宗下逮有唐諸大家以正所趨近體則唐
 稱極盛而中晚氣格漸弱已無足法有宋以後古近
 體皆可涉獵當知其佳處得力於唐人而新其壁壘
 不可轉襲宋人之貌世徒嗤明代七子規仿盛唐爲
 優孟衣冠而不知去唐學宋又出七子之下至古
 體月韻嘗依唐韻部分無若填詞家信筆出入也

三十三年戊子二十五歲。

三十四年己丑二十六歲。

試禮部不第。冬與李素伯遇於京師先生屬素伯
 爲購毛刻北宋本說文適書賈老韋有之高其直先
 生時下第囊空稱貸而買之歸而發明字學作書四
 種以配亭林顧氏音學五書先生嘗宗說文之字而
 書既而識解益超自謂所點俗體爲六書正俗一
 見猶淺乃屏其藁而棄之李格非病先生偕友人

爲延醫市葠具、調治數日、竟不起。

三十五年庚寅、二十七歲。

三十六年辛卯、二十八歲。

試禮部不第。

三十七年壬辰、二十九歲。

試禮部不第。在都始與劉端臨訂交。避禍天長。

大興朱竹君先生時爲安徽學政。冬杪、先生跋涉往見、竹君敬禮之時、從問字質疑、未嘗以前輩禮貌自

居。爲飛書當路、護持其家盡力。先生後在京、有與劉

勢難人居京邸、決意於冬底告病、明春南歸。但舍間俗穴叢勝、家難紛起、不可一日居。擬於鎮江覓一養病之所、以度餘年。此書當是官科道時始與汪容作。壬辰避禍天長、大約亦因家難也。



甫訂交以古經義小學相切劘。容甫是時所校書多孝臣銘所謂古學大興江以北王念孫爲之唱而君印之。中及劉台拱繼之是也。容甫又嘗言高郵王懷道神悟而漢儒者所無。

三十八年癸巳三十歲。

在朱竹君幕中。

江容甫有大戴禮校本題云乾隆昭陽大荒落辜月大興朱筠高郵王念

孫江都汪中校於安徽學政署中。

竹君病安徽士子不習音訓購得

汲古閣許氏說文初印本先生爲校正刊行。

章實齋有答沈

祖璋論學云昔朱竹君先生善古文辭其於六書未嘗精研而心知其意王君懷祖固以六書之學專門名家者也朱先生序刻說文中間辨別六書要旨皆咨於懷祖而承用其言侯稱先生諸序此爲第一非不知此言本懷祖也而世或譏之此不可語於古人爲文之大體也。朱序末署昭陽大荒落正月十日入日案之章話殆爲先生捉刀之作。

冬偕竹君入都下榻椒花吟舫。

竹君家在日南坊李鐵拐斜街之北、甲申移居街南
肇慶館之西、中有報花吟舫。見筭河文集編修蔣君
墓志銘。

三十九年甲午、三十一歲。

九月十三日、竹君約先生與史文量、陳梅岑、何敷峯
及姪玉川爲西山之游、歸復時時爲文酒之會。

四十年乙未、三十二歲。

試禮部中式、總裁爲無錫嵇文恭公、韓城王文端公、

長白阿雨齋先生、同考仁和黃葭塘先生。殿試二甲

第七名、改翰林院庶吉士。碩學登科、當世榮之。行狀云、大

矣。朱竒河學士品隆望重、凡新科後進投刺者、皆不
答拜、獨於府君往謁、躬自答之曰、是當代通儒正士、
不可以後進視之也。案竹君與先生既屬通家、嘗所
敬禮、彼來此往、友道之常、而以前輩答拜、引爲榮幸。



亦當時一種風氣也。

與朱竹君、程魚門、曹慕堂、法源寺避暑。

冬乞假旋里。

詩集乙未送先生詩云：昔我謁

盤峯缺。早知松柏根。茯苓芽必中。辰父典三禮。子實

精其說。乙酉子賜舉。計偕歲丙戌。任幼植主我。子來

晤姚悅。春試五連卯。屢深門外轍。共子持酒樽。識子

譚孔訥。許君堂室奧。表位施綿幕。我南子雷北。長春

罷去竭。其年在太平。冬杪子我竭。開張浮雲。同春

白龍龍。華陽真逸。龍場穴泉列。更觀互浮沈。燭讀

永昌碣。還登府子城。游蹤指曲折。下有萬竿竹。雲歷

小山雪。我方紱說文。資子口存舌。辨體音必兼。影響

窮蚊蚋。聲五色亦五。北鶴和南鷺。要令江南士。通經

字爲揭。春試子暫歸。夏息我逃熱。子又渡江來。兩箇

軒坐設。我承四庫令。網書廣張罟。大集異等生。倚倚

青山岑。傳鈔千萬本。唐禮子精閱。晚暇入竹。尺簡筍

觸盃盤。時交日飛鴻。戲弄取其拙。數當風月清。提手

步高埭。相顧七伯老。古影千年近。江山六朝風。它時

此道絕。煥寒幾何時。我冬使節撤。諸生送江邊。忽與

采石別。子待我邦溝。蜀岡梅蕾裂。覆孟城角。船載子

所風相。齊東竅正號。趙北冰已渴。近臘稅轡下。下榻

子之媒。掃綠椒花庭。除啓碧桐闌。我甘歸識字。理董

仗于哲。子言許氏書形意事契筭。假借古說。精諧聲
流。箕劣。川居。卽中州。山增。或大。嶺。依聲。心有。羞。託事
禮。司。徹。古。今。諧。借。殊。始。背。終。隔。泚。父。子。有。轉。注。一。考。老
訓。互。綴。要。之。形。聲。訓。六。書。密。而。誓。李。燾。韻。補。五。一。亥
徐。音。減。陽。冰。好。大。乖。次。立。校。徒。列。其。聞。小。學。家。注。疏
部。道。鑒。然。死。唐。前。友。伐。餘。漢。初。藥。其。聞。小。學。家。注。疏
一。一。段。法。當。收。散。失。非。一。手。足。烈。書。成。曰。攷。異。計。功
竊。稷。尚。我。既。奇。子。言。鱗。爪。先。漏。泄。牛。載。卒。二。卷。大。樹
臺。鼓。鵲。我。亦。時。一。鳴。初。隙。應。靖。蛸。飄。朝。玉。堂。夢。送。子
風。雨。國。關。校。雖。要。賢。名。山。業。恐。輟。乙。夏。遷。城。西。香。鑑
巷。楚。蹕。遲。子。三。日。見。英。華。自。愁。癘。短。乙。夏。遷。城。西。香。鑑
快。蟬。蛸。良。友。之。我。遇。臨。波。心。悵。段。我。有。白。玉。璫。大。酋
治。麴。藥。必。也。六。物。兼。我。心。醉。口。吸。亦。嘗。采。黃。山。嘉。蔬
取。名。鼈。何。當。烹。肥。豸。膏。薤。奪。荷。藕。豈。不。嗜。飲。食。不。如
子。書。歷。乃。知。五。味。成。在。璠。薦。酒。況。子。別。我。我。留。書。成
我。則。悅。我。之。思。子。來。成。書。子。真。傑。昔。易。詩。書。分。文。字
百。遺。子。諸。師。路。塞。茅。絕。學。誰。探。竈。在。禮。敦。贈。處。母。曰
懷。安。藝。懷。士。豈。日。宜。君。子。氣。母。茶。今。冬。徂。明。秋。兩。九
跳。躑。躑。良。工。治。必。爲。子。來。旦。旦。誓。雖。傷。亦。取。在。郡
歡。勿。忘。在。執。筆。勛。哉。大。其。學。世。鼓。傳。魯。薛。
城。汪。雪。礪。字。名。大。杏。也。新。得。馬。秋。王。家。武。梁。石。室。畫。象。舊



拓本屬先生作跋。先生爲題數十字、且言某氏以極爲模之誤。卽翁閣學跋語內所云高郵王石臞說此字凡數條者是也。

四十一年丙申、三十三歲。

里居以舊述爲事、常謝絕人事、獨居湖濱精舍、窮搜博采者四載有餘。春至揚州。孟冬、賈稻孫、李成

裕同過先生湖西別業、時先生正注說文、稻孫贈先生詩三首。稻孫又有雜詠詩云、去訪王公子、連岡策子敬之小言集有句云、可觀亭上菱花岸、也有衣紅相閒閒。自注、先文肅別業在天長故潘氏可觀園也。中有可驤亭。墓志云、先生初從東原戴氏受聲音文字訓詁、遂通爾雅、說文、皆有撰述矣。繼而餘姚邵學士晉涵爲爾雅疏、金壇段進士玉裁爲說文注、先生遂不再爲之。又先生嘗告汪孟慈云、向注說文、後見

段若庸說多與己同遂輟業先生亦爲爾雅注因邵
學士好是書遂盡棄其所學並見汪容甫年譜李慈
銘越縵堂日記載先生與邵二雲書云知不足齋叢
書一套繳上曩注廣雅葆本也而不解其義又讀詩
傳苞本也亦不解其義竊疑浸彼苞稂如竹苞矣實
方實苞苞有三葉皆不當訓爲本昨偶閱玉篇艸部
尊字注云本尊草叢生時該雅輒始知傳訓苞
爲本者乃叢生之義非根本之義也斯干箋云言時
民殷眾如竹之本生本生猶言叢生故以比民之殷
眾故孫炎云物叢生日苞非根本之義明矣生民箋
云豐苞亦茂也長發箋云苞豐也皆是增成傳義而
正義以爲易傳失其旨矣廣雅云葆科本也又云科
叢也茲葆也類歟韓絳則葆苞古蓋通用未知
有當與否唯先生裁之又李氏周易集解繫于苞桑
下所列古訓必有與爾雅毛詩相發明者
者並祈錄示餘不一。年侍王念孫頓首。

四十二年丁酉三十四歲

春日賈稻孫畱汪容甫李孝臣暨先生草堂聚飲翼
日容甫北行爲詩以別。中有句云石隴又放湖干蓬。
自注將之石梁案先生祖古



堂公墳在天長石梁鎮南五里莊。相孫孝臣及先生三人皆善飲。見容甫撰賈君銘。是年五月、相孫卒於泰。五月十八日、次子敬之生。翁正三復初齋詩集、丁酉送任子田南歸、有句云、無復雷塘豔舊游、而今寶學在揚州。翰林館課、輟將返、吏部家園夢未酬。翰林謂先生也。正三嘗贈先生楹帖云、識過鉉錯。兩徐而上、學居後先二鄭之間。是年戴東原先生歿。

四十三年戊戌三十五歲。

王德甫春融堂集、戊戌有朱竹君翁振三暨孔巖部體生編修、眾仲家虞部、浪祖小集、陶然亭詩。案先生乙未冬、旋里後、庚子始入都。戊戌尚未散館、亦不得博漢部。春融堂集、編年疑誤。又辛丑先生甫改工部、而是年六月、竹君歿、德甫方居憂。集中無詩、尤不可解矣。

四十四年己亥三十六歲。

四十五年庚子三十七歲。

入都。行狀墓志並云年三十七入都。先生撰吳恭人入都。行略云己亥入都。又先生與汪孟慈書云辛丑入都。豈先生庚子入都後中開會南歸耶。書錄下尊甫與念孫定交於荀河先生幕府。在壬辰之冬。賈稻孫先生與尊甫交始於癸巳之秋。亦在荀河先生幕府。丙申之春念孫至揚州尊甫始言程易時先生之學甚精想訂交卽在乙未丙申之間也。念孫自辛丑入都未嘗南旋至辛亥年接尊甫札始言段若膺小學甚精其訂交則不知在何時矣。尊甫札尋檢尙未得。因往反山左書籍凌亂故也。祇檢出請祝沈樞園先生議一篇想有此藁因係尊甫手書良可寶貴故先行奉上乞檢存。先生已亥有方言校本是年爲丁小雅錄去。先生有方言疏證補一卷。行狀云嘗作方言疏證補精核過人。晚年猶以精力衰頹不能卒業爲憾。是年盧召弓有與先生論校正大戴禮記書。翁正三復初齋文集書同。人送抱經文凡七首。末谷魚門爲記。林汲爲說。小正爲書。後而石臞端林與予爲之序者也。又送盧抱經南



歸字云、乾隆四十五年秋、餘姚盧抱經學士祝釐北來、其冬將南歸、同人集方網詩境軒、各爲文以贈其行。案先生序文、今遺文不載。

四十六年辛丑三十八歲。

補散館。行狀云、年三十七入都、次年散館。山東公舉文肅公行狀亦謂先生辛丑補散館。友人代敘清高宗實錄云、辛丑補散館是也。日處君而盈度賦注作庚子散館。賦題爲日處君而盈度賦、同考者多不知所出、先生依衛恆四體書勢本指、且以告於同考者、同考者歸檢晉書、乃信服。考列一等第五名、以部屬用、簽掣工部、治事於都水司。都水司河工估銷總匯之所也。先生素精熟於水經注、禹貢錐指、河防一覽諸書、至是益講明治水之道、爲導河議上下篇。上篇導

河北流下篇建倉通運也。漳浦蔡文恭公見而建之。
是年三月二十六日、孔眾仲有與先生論音學書。
四十七年壬寅、三十九歲。

充河源紀略纂修官、議者或誤指河源所出之山、先生力辨其誣、議乃定。紀略中辨謬一門、先生所撰也。
四十九年七月書成、先生充四庫全書纂隸分校官、當亦在辛丑壬寅間。

四十八年癸卯、四十歲。

程彝齋招先生及凌次仲小集。

次仲詩云、在昔東原氏、曾將漢學論。二君

能入室、六藝得專門。著述書盈笥、諧談酒滿尊。晴窗忘晝永、重與溯淵源。

南河有擱黃

壩工、題銷本因原估浮多加入墊陷、重修以符原估銀數。先生主橐議駁、白長官入奏。命工部尙書福康



安往勘、先生隨往、遂刪減如例。其遇事明辨類如是。
四十八年四月、福康安署工部尚書。四十
九年閏三月、擢兵部尚書。姑繫於是年。

四十九年甲辰、四十一歲。

補虞衡司主事。

此依行狀墓志云、
年四十補主事。

五十年乙巳、四十二歲。

擢營繕司員外郎。記名御史。

五十一年丙午、四十三歲。

擢製造庫郎中。阮文達以公車入京、見先生、隨事
請問、捧手有所授焉。文達于先生爲鄉後學、嘗稱先
生之學精微廣博、元之稍知聲音文字訓詁者、得于
先生也。

五十二年丁未、四十四歲。

十月、從工部左侍郎德成查勘浙江海塘。

五十三年戊申、四十五歲。

補陝西道監察御史。

五十四年己酉、四十六歲。

轉掌山西道監察御史、尋轉掌京畿道監察御史。

京畿道事繁任重、京察之年無不列一等者、先生獨

力辭不與。八月、段若膺入都、先生始與相晤、商訂

古音。先生答江晉三書云、與段君商訂古音、從者二、
不從者三。自段君而外、則意多不合、難望鍾期
之賞。若膺答黃紹武書云、深曉音均十七部、細釋成
書、愚不如懷祖觀察。阮文達與吳學博、蘭修書云、自
陸法言等定四聲韻、爲二百六韻之後、古韻之分合、
近惟金壇段氏若膺六書音均表十七部爲善。高郵



王懷祖先生精研六書音韻，欲著古音一書，因段氏成書，遂即輟筆。然其分廿一部，至極詩堅，剖析豪芒，不但密于段氏，更有密于陸氏者。願淵刻釋拜敘云：段君見謂音均表解人，向為王懷祖，今乃得足下耳。

五十五年庚戌，四十七歲。

五十六年辛亥，四十八歲。

作晉授奉政大夫福建邵武府同知沈公墓碑。名之本，字

曾培高郵人，其季子業廣女為。先生豕婦以是年卒，故列此。是年八月，段若膺

為作廣雅注敘。經韻樓集作廣雅注，蓋疏證之初名。

五十七年壬子，四十九歲。

歷俸已滿四年，例當保送知府。先生呈稱不勝外任，願供京職，論者嘉其恬退，有古人之風。十月，孫壽

昌生。是年三月二十一日、盧召弓有與先生書。

五十八年癸丑、五十歲。

擢吏科給事中。

此依行狀墓志列於年四十
王之明年、則籍沒數年矣。

有與

汪容甫書。

見容甫
年譜。

五十九年甲寅、五十一歲。

正月、作宋質夫印譜敘。孫彥和生。

六十年乙卯、五十二歲。

四月、派巡南城。是年、子敬之補博士弟子。有與

劉端臨書。

略云、正月底即聞容甫凶耗、悲不能已。二
十年性情學術之交、遂成永訣、痛哉。武曹

兄曩曾一晤於清江、再晤於寶應、今爲三聚矣。省試
前未及縱談、而約略數語、已知其博聞強識、而有卓
見。它日吾見蔑之。
面、今吾見其心矣。

仁宗嘉慶元年丙辰五十三歲。

正月、敘廣雅疏證。

廣雅疏證刻本敘文不著年月、遺文有之。又敘文末音內字誤入正

文者五十七句、遺文奪七字。

先生官御史時、治事之餘、必注釋廣

雅、日以三字爲率、寒暑無閒。十年而成書、凡二十二

卷、名曰廣雅疏證。

廣雅疏證實十卷、每卷分上下。行狀作二十二卷、墓志作二十三卷。

江陰繆氏儒學傳彙又作三十二卷。書目答問正作

十卷。又疏證刊成後、先生又補正數百事、書於刊本

或別籤夾入書中。光緒庚子、淮安黃惠伯曾寫爲一

卷刊行。民國六年、海寧王靜安又印入廣倉學窘叢

書中。學者比諸酈道元之注水經、注優於經云。疏證校

訂甚精、援引甚確、斷制甚明、尤善以古音求古義、而

旁推交通、闢先儒之閫奧、作後學之津梁、爲自來訓

詁家所未有。段若膺既爲之敘、且詒書云、讀疏證如



儒藏

入武陵桃源、取徑幽深而其中曠朗、蓋知之深也。阮

文

達亦稱此書凡漢以前倉雅古訓皆搜括而通證之、乃藉張揖之書以納諸說、實多張揖所未及知者、而亦惠氏定宇、戴氏東原所未及。

二年丁巳、五十四歲。

轉吏科掌印給事中。先生自任科道、其閒巡視東城、南城、中城者各一年、管理街道者一年。批斷呈詞、皆秉公持正、約理準情、同事及屬官皆敬而愛之。司坊報案、毋許片刻稽遲、以免勒索。罪止枷杖者皆不轉送刑部、以免拖累。每遇秋審、必詳閱招冊、至再至三、力求可以從輕者而籤商之。四川嘗有囚已議緩決矣、先生察其犯事之年尙在幼年、乃以可矜籤商、部

議從之。

三年戊午五十五歲。

四年己未五十六歲。

正月高宗崩仁宗親政時教匪猖獗蔓延陝豫川楚四省已閱三年之久民生荼毒士卒暴露老師費財迄無成功而首輔和珅方黷貨攬權恣爲欺罔先生上疏陳勦賊六事一除內賊以肅朝宇一擇經略以專責成一扼險要以杜奔竄一廣召問以知實情一明賞罰以課實效一撫良民以孤賊勢並附陳龔景瀚堅壁清野議一篇疏入仁宗嘉納之下丑令和珅自盡政府肅清後復以勒保爲統帥飭令疆臣力行



堅壁清野之法而教匪以平。疏內所舉之四川知縣劉清後擢至方面所劾之湖北道員胡齊崙亦以賊貪伏法。其疏人爭誦之以爲不媿古名臣奏議云。

三月巡視淮安漕務。吳恭人行略云巡視瓜儀漕務嚴絕餽遺及至高郵資用乏絕乃稱貸以繼之。四月子引之賜進士及第授翰林院編修。

九月巡視濟寧漕務於巡漕陋規盡行裁汰人皆服其廉潔。道路所經凡吏治優劣民間疾苦無不悉心陳奏仰荷聽納次第施行。十二月授直隸永定河道。

五年庚申五十七歲。

抵永定河道任備料稽工皆核實經理浮冒之弊以



除河兵餉銀則躬泣堂皇、驗而授之、焚捐之屬亦繼
防汛到工極蚤、巡察極勤。是歲水至一丈五尺、晝夜
防護、得報安瀾。

六年辛酉、五十八歲。

有籌復漳沱故道說。五月以後、淫雨匝月、晝夜不
休、河水長至二丈有餘、越隄而過、南北岸同時漫溢。
六月甲寅、直隸總督姜晟及先生均革職拏問。壬申、
軍機大臣刑部請將姜晟發往軍臺、先生發往烏魯
木齊效力贖罪。奏上、免姜晟等罪、均發往永定河工
效力。

七年壬戌、五十九歲。

三月、直隸總督陳大文奏派先生督辦河閒高家口漫工。五月、永定河大工全竣、賞六品頂戴、仍畱工次、隨同那彥寶巴寧阿防汛。九月、永定河道陳鳳翔給假省親、先生暫署道篆。是年四月三日、錢曉徵有與先生論廣雅書。

八年癸亥、六十歲。

四月、賞主事銜、畱於直隸、令周歷通省、遇有關涉水利事宜、悉心紀載。先生遂上顏制軍檢一書、臚舉畿輔水利章程。六月、顏據以入奏、諭俟秋汛後令先生履勘、應如何次第興工之處。先生由是周行畿輔、相度機宜。九月庚戌、東河衡家樓河溢、先生隨尙書



費淳赴山東臨清一帶查勘河道情形。十月奉命偕費淳鐵保籌辦來年糧船北來事宜。是月履勘楊家莊臺莊運河。十二月署山東運河道。九年甲子六十一歲。

三月給予四品頂戴、實授山東運河道。運河冬挑最爲弊藪、前任收工以銅尺量之、遇泥水無不深入、驗得一尺、實纔數寸。先生改造梅花樁、以木筏橫列、淺深立辨、屬吏無能掩飾。河員積習相沿、每於歲修之外、動稱某處工程損壞、請帑興修、以爲自便之地、名曰另案工程。先生履任、嚴禁虛浮、非實有損壞、不得報修、而另案之工始息。計在任六年、節省帑項至數

十萬。是月吳恭人至濟寧署，以水土不習得腫脹

疾，日以益甚。七月二十九日，吳恭人卒。年六十三。段若履到，端臨

並有書唁慰。十二月，孫壽同生。引之第

十年乙丑，六十二歲。

在山東任。是年八月二十日，臧用中有與先生書。

朱武曹有與先生書。略云：彬來京，忽忽半載，回憶戊午己未，閑寓楊梅斜街，與

先生喬梓朝夕過從，質疑請益，惘然如夢。

十一年丙寅，六十三歲。

在山東任。

十二年丁卯，六十四歲。

在山東任。正月十六日，自濟寧起身赴臨清一帶。



查驗挑工。二十三日、回至張秋。二十六日、回濟寧。

先生以微山湖蓄水無多、因上游牛頭河淤塞所致、力白河督、奏請挑濬牛頭河以廣來源。又以臨清閘內兩岸勢卑、蓄水易致旁泄、乃請加高兩岸以爲蓄汶之地。每遇衛河盛漲、卽閉閘蓄水、使汶高於衛、然後開放刷沙、以除捫口之患。劾署濟寧知州黃炳任性濫刑、酷以濟貧、索取陋規、各行罷市。黃遂罷職。是年、文肅公入祀鄉賢。

十三年戊辰、六十五歲。

在山東任。五月、作段若膺說文解字讀紱。經韻樓刻本作說文解字注。

十四年己巳六十六歲。

巡視東漕御史趙佩湘奏參前任巡漕給事中英綸貪縱各款傳問先生以爲實據。先是英綸恐獨取財官吏多應其求先生堅飭所屬拒之後饋送者皆獲咎而運河道屬官獨免。六月調補直隸永定河道就道時濟寧商民出郊遠餞數十里中肩錯踵接。此依行狀墓志十一月以運河道任內卓異引見甫旋

署會河東河道總督陳鳳翔奏請啓放蘇家山閘引黃入湖以利漕運而山東巡撫吉綸則奏請挑濬棗林閘以南濱湖運河乃召先生入都決其是非先生上挑濬趙王河議仁宗以先生言是遂依陳議權宜



辦理、並挑濬趙王河爲久遠之計。是月、有查勘新舊唐河、潯龍河、並東西淀、應濬情形稟奏。

十五年庚午、六十七歲。

七月壬戌、永定河溢、先生自請治罪、以六品休致。子引之方自河南學政差旋、乃迎養於京寓。先生旣罷職、乃以著述自娛、亟取所校淮南子內篇重加校正、博考諸書、以訂譌誤。由是校戰國策、史記、管子、晏子春秋、荀子、逸周書、及舊所校漢書、墨子、附以漢隸拾遺、凡十種八十二卷、名曰讀書雜誌。自壬申以後陸續付梓。今刻本除志餘二卷、祇八十一卷。總目淮南內篇雜誌二十二卷、下有闕字、豈淮南亦有補遺一卷如荀子邪、或二爲一之誤也。俟攷。先生有致宋小城書云、公餘之暇、惟耽小學、經義述聞而外

擬作讀書雜記一書先生所著殆先有經義述聞之名矣。是年季夏臧用中有與先生書。略云庸私心敬仰已二十餘年承論學問終身佩之。

十六年辛未六十八歲。

夏校讀戰國策錄成三卷。

讀書雜志十種多半有敘

種無敘逸周書四卷第一戰國策三卷第二漢書十六卷第四

六月望日作臧用

中拜經日記敘。

略云去年余官直隸永定河道用中過余相見甚歡及余罷官養疴都下

與用中所居相去數武晨夕過從而益以知其人之
樸厚學之精審也拜經堂文集辛未仲夏有與先生
論校小學鉤沈書略云凡一切經音義所云字體作
某者謂字之形體如此或言正體當如此非別有字
體之書也又華嚴經音義每引珠叢韻圖二書鉤沈
有韻圖而無珠叢又隋志有說文音隱鉤沈載音隱
僅一切經卷四一則將刪之抑仍其舊或博考羣籍
以補之以上三事均祈示奪時先生答書云接讀來



示考訂精詳、佩服之至。字體可刪、珠璣可補。其說文音隱、若博考羣書以補之、實有功于許氏。此書不知亡於何時、繫傳所稱此反切、皆後人所加者、疑卽是也。乃小徐易以新音、而大徐則專用唐韻、於是說文之舊反切遂亡。今采羣書補之、實一快事也。專此羽覆、不一。念孫頓首。用中先生執事案、任子田小學鉤沈十九卷。汪廷珍跋云、前十二卷高郵王懷祖先生手校付梓、後七卷未及校。廷珍屬懷祖先生令子伯申侍郎刊其訛誤、授之割屬。以用中與先生往還書觀之、小學鉤沈一書、大抵用中代先生校正者也。

次孫彥和南歸。

十七年壬申、六十九歲。

十八年癸酉、七十歲。

先生生日用唐寶中、行詩看春已過清明節、算老重經癸巳年句、易巳字爲酉字、書爲楹聯以自娛。後先於壬辰、竟未重經癸巳。先生孫壽同以此爲詩兆云。

十九年甲戌七十一歲。

子引之簡任山東學政，乃侍養先生於學署。濟南山
水顧而樂之。子敬之有侍大人游歷，城靈臺山，傍峪
盤輿，侍安便。遙指靈臺路，言結名山緣。古寺叩殿，若
谷鳥導我前。一邱度危約，雙屐凌蒼煙。孤亭試憑眺，
呼吸通九天。狂擬躡碧落，長嘯招飛仙。傑閣更俯瞰，
迴臨百折川。雨壁夾幽邃，一泓靜淙淵。萬古此淨綠，
雲霞映澄鮮。陰崖偃欲墜，嵐翠生其巔。青松翳疏影，
歷歷當崖巖。其下諸佛子，坐契無言禪。如何浪游客，
題字紛唐詩。遠足覓小憩，石鼎烹清泉。甘冽沁心腑，
足令世慮捐。近景忽在眼，鐘梵聲悠然。扶將就禪榻，
共作山中眠。其二，明發向禹登，龍洞凌巖芳。引手捫
星辰，辰褰衣歷荊棘。束炬當然犀，照耀破慘黑。陰風毛
髮森，石氣肌膚逼。放膽入幽深，曲折赴偈仄。稍闊待
游行，景隘或匍匐。登降開夷隘，向背生眩惑。世界隔
微茫，疑墮羅剎國。又如混沌初，三光尙否塞。我與恆
河沙，冥漠寄八極。數轉得虛明，洞達見古色。妙相列
莊嚴，模矐半欹蝕。出險下危坡，松根坐休息。卻顧所
歷高，萬仞削壁直。來蹤不可尋，一一勞記憶。歸去夢

煙霞應更
快句凡

二十年乙亥七十一歲。

正月七日作汪容甫述學敘。十二月朔作陳蕚溪

蛾術集敘。蕚溪大興人巡撫是月二十日敘讀淮

南雜誌。是為讀書雜誌之九共二十二卷第二

二十一年丙子七十三歲。

六月望作劉端臨遺書敘。略云歲在壬辰予入都應

又因汪容甫得聞端臨之學之精與其孝友純篤於

是益心折焉。後端臨留京師教授生徒予亦官於工

部數過從講學每得一義必以相示及端臨言冬

歸觀省郵書來往以所得相示如在都下時。子引之任滿旋部仍侍養先生於京邸。作大清敕

授文林郎四川巫山縣知縣段君墓志銘。若曆乙亥

卒明年若



儒藏

王石臞先生年譜

膺子請先生銘墓。曩聞光緒蘇州府志及江陰廖氏
儒學傳彙，即知有此。文檢遺文，乃無之。友人陳援庵
得先生原稿，爰假歸錄於下。君諱
人，曾祖武祖文，父世續，並隸學舍。以君貴，贈文林郎。
君生穎異，讀書有兼人資。年十三，入學爲附生，有
時名。初治詞術，受知于沈尚書德潛。于時李侍郎因
培督學江蘇，尤加激賞。乾隆二十五年，舉江南鄉試，
尋充景山教習。期滿，授貴州玉屏縣知縣，被議去官。
總督察君狀，奏請開復，得旨發往四川，以知縣用。尋
攝富順，再攝南溪。王師申討，金酋儲侍，輪輓不絕于
道。君密勿在公，克舉其職。大吏廉君之才，久于蜀，未
得，即真奏補巫山縣知縣。在官，引疾歸。自是閉戶，著
書不復出。君治聲音訓詁之學，受業戴先生震，日益
進。謂說文五百四十部次第，以形相聯，每部之中，次
第以義相屬，每字之下，兼說其古義、古形、古音。其說
古義者，訓釋是也。其說古形者，象某形，從某某聲，是
也。其說古音者，某聲，讀若某，是也。三者合而後，一字
乃全。其根氏經傳，以說古義者，如虞書至于岱宗，崇
詩就祭于繫，此說字之本義也。商書無有作政，周書
布重莫，此說假借此字之義也。有根氏經傳，以說
古形者，如周易百穀艸木麗于地，說麗從草麗之義。
豐其屋，說豐從山豐之意。突如其來，如說去從倒子。



之意。先庚三日說庸從庚之意是也。有根氏經傳以說古音者如歲讀若苦歲歲弗讀若子違女弼是也。成說文解字注三十卷謂韻之立也與文字俱起文字未有而部分立故有字即有所歸有物斯有名有名斯有字有字象形指字而字形立形立其聲必有諧聲而字形益滋其聲必有所歸之部周官經達之論之保氏教之三十年就傳而學蓋必有部分之書達于天下是以詩三百自商迄于東周自天子達于田夫野婦其韻部無不同者秦火而後部分之書亡今摭三百篇所同韻字立之部分以求其轉注假借成六書音韻十七部謂漢人注經有讀如者有讀爲者有當爲讀如主于說音讀爲主于更字說義當爲主于糾正誤字如者比方之辭爲者變化之辭當爲者糾正之辭讀如者不易其字故下文仍用經之本字讀爲必易其字故下文仍用所易之字說文者說字之書故有讀如無讀爲說經之書則必兼兼斯二者成周禮漢讀攷又著毛詩小學尚書誤異儀禮漢讀攷漢書地理志音釋汲古閣說文訂文集詩集彙于家以嘉慶二十年達侯卒春秋八十有一取于氏縣學生某女于二驪國子監生點縣學生美女一達江南道龔孫五美中縣學生美女美製美慈美歡君卒之

明年君之子葬吾于某原來請銘。與君爲問學
交義不敢辭銘曰。曲阿之英。金山之靈。一行作吏。屹
屹窮經。中歲解綬。漫游井里。孝友睦婣。壺餐粟米。上
規漢氏。剖虛求書。叔其遺業。揚其墜華。以食以息。息
於古人。以業以延。延于大年。飄風振林。奪我修幹。不
朽有三。立言其選。覆屋若堂。巍巍然墓門。我銘志之。引
翼子孫。原空若膺。名及龔。麗正職名。又說麗從草麗
之義。義字依說文注。當作意。苦澁澁上奪施字。象形
指字。字當是事之誤。均照原稟未予改補。以存其真。

二十二年丁丑七十四歲。

十一月五日。敘史記雜志。是爲讀書雜志之三。共六卷。

二十三年戊寅七十五歲。

秋。長洲陳碩甫謁先生於梅檀寺左側。先生官工部
琉璃街。見孫淵。聞人以先生不出見也。拒不納。強之
如與先生書。

以名這。先生出見。時有發寒之疾。侍者扶以行。命無



揖且曰、不見客十七年矣、南方學者來、固未嘗不喜見也。坐久辭出、送及衢街口、外曰、余癰病、不答拜。明日遣兒子答拜也。自是碩甫往先生所、逕造寢室、質問疑義、若家人然。不見客十七年、係依碩甫撰先生遺文敘。前十七年、先生方在永定河王次、不應謝客十七年、十字疑衍。當是先生罷官後、不見客耳。碩甫嘗語楊見山云、高郵王念孫氏三代經學、度架無庸以後書、學貴精深、奚汎濫爲。

二十四年己卯、七十六歲。

三月既望、敘讀管子雜志。

是爲讀書雜誌之五、共十二卷。

十一月、

朔日、作陳觀樓先生文集敘。

名昌齊、字賓臣、海康人。

二十五年庚辰、七十七歲。

宣宗道光元年辛巳、七十八歲。

有答江晉三論前學書。

略云、段君歿已六年、而念孫亦春秋七十有八、左辟手足

信、枯不能步履、精神日銷亡、行將繼段君而去矣。唯是獲覩吳書、猶然見獵心喜。

二年壬午、七十九歲。

六月既望、作朱武言經傳攷證叙。

此敘遺文不載、錄於下、余曩與劉端

臨台拱善、端臨數以所爲經說示余、余歎其好古而能求是、深得作者之意、而不爲傳注所域、其學識有過人者。朱武言、端臨之內兄弟也、其識與端臨相伯仲。昔在京師、與余講論經義、多相符合。今年寓書於余、以所作經傳攷證八卷見示。余讀而善之、其中苦書之、淵注于家、一無起穢、以自臭、予仁若考、以修我西土、遇佚前人光、在家不知天命、不易及釋大、一尊詩之、維美其美、其美斯干、如竹苞矣、如松茂矣、矧敢多入、厥猶翼翼、其居然生、子辭之、擇矣、民之莫矣、禮記之疑、女於夫子、非意之也、左傳之憂、必隣焉、不蓋不義、寶龜僂句、五叔無官、論語之食、饁而餽、二句微子去之、三句孟子之堯之於舜也、一節以及光字、方字弔字、焉亦不誕、洪諸字、皆揆之文義、而安求之古訓、而合采、漢唐宋諸儒之所長、而化其鑿空之病、與



儒藏

王石臞先生年譜

拘牽之習蓋非置前人之說而不之用乃師前人之說而善用之者也至其援據之確搜討之精非用力之深且久者不能有是是可謂傳注之功臣矣讀武曹書訖因舉其犖犖大者以告於綴學之士云道光二年六月既望高郵王念孫時年七十有九是年朱武曹有復先生書三年癸未八十歲

胡載屏撰先生八十壽序。文云自昔傳經之士若伏臾周而蒼頡爲黃帝史臣觀象制字說者謂其生神農時或又謂其生伏羲以前歷歲更不知千有幾百蓋典籍籍文字聖道所寄其義至深遠而有人焉能發其蘊則天必與之神明之壽以永其傳理固然已道光癸未三月爲太夫子石臞先生八十壽長先生生於華間早歷詞館設官中外宣勞著績受列聖之知復以吾師位則貳晉一品封德誥兼隆海內共知無俟觀禮。圖其得壽之由則培翬讀先生書藉以爲先生育以致之而天之壽先生未言進退也。同之時保氏教國子司徒教萬民皆以六書六書之指各殊而徒轉注假借用至無窮周公作爾雅孔子言正名故後之儒者率知講求古人字假義轉之白或因音近

而假其形、或因音變而別其義、有一字具數用者、有數字共一用者。雖經秦火之餘、而網羅條理、秩然由漢魏至隋唐、專門而授、代有其人。逮宋新義字說出、穿鑿破壞、於是言文字、不本六書、沿及元明、此事遂廢、浸至士大夫、目不睹五百四十部之文、耳不習十口所傳之義、踵譌襲謬、魯魚亥豕、展卷皆是、其流弊將有不可勝言者矣。我國國家文運昌隆、通儒輩出、時則有若顧氏、江氏、戴氏、究心聲音訓詁之學、然或引其端而末竟其緒、或得其偏而未會其全。先生博學以綜之、精思以審之、偉識以斷之、集諸家之法、大成爲後學之津導。其始出入經史百家、儒先傳注、浸淫衍釋、以自得、其指歸、其後卽以所得者、鑒別乎經史百家之書、而是非疑似、無不立辨。蓋能會音形義三者、之大原、以言文字、俟古籍之傳、得存真面目於天壤者、千百年來、先生一人而已。先生嘗以魏張揖之廣雅、蒼萃魏以前、故訓、勤勤疏證之。聞先生之爲是書也、日課疏三字、同問寒暑、積十餘稔、乃成。又以子史中徵文、與義研究、少、患傳本訛脫、日甚、迺取管子、淮南子、國策、史記等書、詳加釐定。方將以次別錄、所校於簡、爲讀書雜誌。蓋先生弱懷高淡、實能吐棄一切、嗜古、著書、吐門謝客、惟有所獲、互相證佐。穆穆愉愉、以先生旁講問經義、凡有所獲、互相證佐。穆穆愉愉、以



兩大儒幸於一門。而長少傳業未平。遠所未有也。然則先生惟內有所重。外物不足動其心。故神明純固。又味道之腴。常有以頤養其天。和故老而益健。先生之壽。孰非先生自致之。矧古義湮鬱。弗章。賴先生與之。剔抉以傳。永久者甚多。先生既。有以爲斯文壽。則天之壽。先生以彰我朝文治之長者。易有極邪。抑嘗考之。廣雅舊無注。惟隋曹憲作音釋。其書頗淺陋。然舊唐書載。憲年百有五歲。先生箸作。直契古先文字之原。其壽必倍。徒於憲又何疑歟。培輩敬仰先生久。已卯。出吾師門下。進拜先生。親承訓教。故敢以所窺測者。侑一觴焉。謹序。陳碩常亦撰句云。代推三月小學有達人。天假大儒以長日。爲先生壽。

有復江晉三書。晉三於壬午冬月再寄先生一書。先生復之。顧澗蘋以所校刻晏子春秋贈先生。

四年甲申、八十一歲。

五年乙酉、八十二歲。

是年鄉試、距先生賜舉人之年已周甲矣、例當重與

鹿鳴宴。八月、順天府以聞、賞給四品職銜、准其重赴鹿鳴筵宴。九月十三日、作紀恩詩六首。孫壽同考

取選拔貢生。

壽同幼穎異、日侍先生側、質疑辨難、先生願之、喜曰、此兒舉止安詳、不喜嬉游、

吾當親教之。

六年丙戌、八十三歲。

八月八日、作李成裕羣經識小敘。

略云羣經識小者、余友李進士成裕

之所作也。余自壯年有志於鄭許之學、以文字辨音聲、非唐以前書不敢讀也。逡巡里下同志者卒鮮、唯進士與余有聲氣之應。晨夕過從、無間風雨、市酒一柸、園蔬數器、抵掌而談、莫非古義、有所疑則相問難、有所得則相告語、聞者或訕笑之、而進士與余下因之而少沮也。

七年丁亥、八十四歲。

五月、子引之授工部尙書。引之充武英殿總裁、刊



儒藏

王石臞先生年譜

修康熙字典。先生曰、欽定字典、爲信今傳後萬世不刊之書、亟宜詳校更正、以成善本。乃先校數冊、以爲法式、命引之倣而行之。

八年戊子、八十五歲。

肅寧苗先麓因顧子明見先生、以所著毛詩句訂呈政、先生見鄭風遵大路次章注、以爲先得我心。辛卯秋、先麓又以說文建首字讀呈政、先生歎爲小學絕作。

九年己丑、八十六歲。

陳碩甫以手校宋錢佃本荀子異同寄先生。思遠齋集宋本荀子跋云、藝文書舍藏宋葉荀子二、北宋則呂夏卿監本、南宋則錢佃江西漕司本也。近者王石

渠先生讀書雜誌內有荀子一種屬訪此兩本將採擇焉。當必各盡其所長矣。案淵齋手錄呂錢二本異同於庚寅十二月二十日敘讀荀子雜誌。是為讀寄先生。之入共八卷。

十年庚寅八十七歲。

五月庚辰作程易壽果羸轉語跋。略云昔余應試入導先生。先生長於余十九歲而為忘年交。同在京師則晨夕過從。南北索居則尺牘時通。相與商榷古義者四十餘年。是月二十九日敘讀荀子雜誌補遺一卷。

九月子引之調禮部尚書。

十一年辛卯八十八歲。

三月九日敘讀晏子春秋雜誌。是為讀書雜誌之六、二卷。是月

二十一日敘漢隸拾遺。是為讀書雜誌之十一卷。九月十三日



敘讀墨子雜志。是爲讀書雜志之七、六卷。

有書黃小松所贈武

梁石室畫象三石拓本。仲冬、讀書雜志刊竣。是

冬寒甚、先生坐不敢近窗、猶於臥牀竟日端坐、取架上新唐書四函讀之。見兒孫輩、則道書中事、盡不憊。一日忽書四語云、校字徒傷目、看書亦費心、不如高枕臥、無古復無今。似有厭棄人間之意。十二月十四日、偶感時氣、卽患流涕惡寒、服藥後客感雖解、而精神委頓、飲食日減。初猶飲粥、旣而粥不能進、乃易以米湯、旣而米湯亦不能進、乃易以牛乳。

十二年壬辰、八十九歲。

正月二十三日、牛乳亦不能進、語言蹇澀、鼻息微喘。

夜半命子引之等扶坐、諭曰、吾受三朝厚恩、未能報稱、汝必盡心竭力以報主知。且諭請孫曾服官讀書、以繼世德。遺命畢、端坐不動。二十四日寅時卒、年八十有九。同治揚州府志云、年九十、蓋誤。子二人、長引之、字伯中、號曼卿、嘉慶己未一甲第三名進士、授翰林院編修、歷官工部尚書、諡文簡。次敬之、字仲恪、號寬甫、增貢生。

女三人、長適寶應增貢生朱聯奎、字聚五。次適儀徵附

監生鄭樞、三適同州附生胡道傳。孫 人、引之子、四

光元年正二品廕生、用戶部主事、歷官廣西按察使、人、壽昌、道彥和、歷官安徽徽寧池太廣道、壽朋、蚤歿。壽同、道光甲辰進士、歷官湖北漢黃德道、咸豐二年殉難、武昌賞騎都尉、世職、諡忠介。敬之子 人、壽山、候選從九品、壽祺、附生、葆和、保孫女 人、曾孫人。會孫 人、恩、寬、恩、泰、定、璣、珩、頤、縉、縉、舉孫女 人、曾孫人。思寬、恩、泰、



儒藏

王石臞先生年譜

王石臞先生年譜

男孫僑校

恩江恩瀛恩海。會孫女。人。玄孫。人。植忠。偉忠。侯忠。十二
 年癸巳十二月庚子日。是月丁酉朔。庚子爲初四日。葬於六合縣
 東北鄉東嶽廟鎮南癸山丁向。此依子引之撰高郵
 志作東原王廟。阮元撰先生墓志銘。刻本先生遺文
 鎮蓋字之誤。阮元撰先生墓志銘。附阮墓志。於先
 生疏劾和珅事敘述特詳。羣經室集則頗簡略。蓋有所刪減矣。徐士芬撰事略狀。
 十九年入祀山東名宦祠。二十三年入祀鄉賢祠。

校記

①指字：當作「指事」。按，《年譜》編者云：原稿即此，未予改補，以存其真。

王石渠先生年譜

劉盼遂 編撰

郭 齊 一審

蔣宗許 二審

據《北平女師大學刊》重排

《王石渠先生年譜》一卷，附《伯申先生年譜》，劉盼遂編撰。原載一九三〇年《北平女師大學刊》第一卷第三期。

譜主王念孫（一七四四—一八三二）生平簡介，見前閔爾昌所編王譜提要。

此譜爲劉盼遂編，原題《王石渠先生年譜附伯申先生年譜》，重刊時或題作《高郵王氏父子年譜》，今依舊題作《王石渠先生年譜》。盼遂（一八九六—一九六六），名銘志，字盼遂，後更今名，河南息縣人，著名學者，北京師範大學教授。從事文字音韻訓詁學研究，著有《段王學五種》、《文字音韻學論叢》、《段玉裁年譜》、《論衡集解》等。

此譜爲盼遂任北京女子師範大學歷史語言研究所研究員時所編，初刊於《北平女師大學刊》，後收人民國二十五年排印本《段王學五種》，又有一九七一年香港崇文書局排印《高郵王氏父子年譜》本、臺北商務印書館排印《新編中國歷代名人年譜集成》本等。此譜雖爲父子合譜，但以父爲主，子爲從屬，故念孫譜詳載詩文著述及交遊事蹟等，較詳備；而引之譜則僅及年歲經歷等，較簡略。是譜徵引資料，易見者一概從略，難得者載錄全篇，實於譜例有補。至於王氏父子「論學行己之方」，則作《高郵王氏治學切要語》一卷附譜後。又以王氏父子著述甚多，如一一攷載，難免「指大於股」，因此別作《高郵王氏父子著述攷》，附於篇末，亦爲得法。惜原刊未載《著述攷》，是爲遺憾。

王石渠先生年譜

附伯申先生年譜

劉盼遂

輯譜凡例四則

今之修譜者、類多羈人譜主詩文多首、實無異編年文集、令讀者口耳悞慵、甚所不取。今惟將每年大事提要錄入、其修學行己之方、則別著石渠治學要語一卷、附錄後方、以免混淆。

王氏父子詩文、存者絕少、故其事蹟較難攷索。又於當世寡少交遊、故同時人集中、亦罕見先生之事。今凡遇他人詩文之及先生者、必詳爲收載、亦物因罕而貴之意也。

是編所引用之書、若經義述聞、讀書雜誌、廣雅疏證、經傳釋詞、字典攷證、高郵王氏遺書、昭代經師手簡初編二編等書、皆人所習知、故不復注明出處、亦以避煩瀆也。至當時他人著述之及於先生父子者、則必詳爲注明、以原所自、如朱笥河詩集、苗氏說文建首字讀等籍是也。

王氏父子之于小學、藝林久尊爲不祧之祖、凡所著作、約近百種、儻盡考核入譜、勢必有指大于股之弊。今別著高郵王氏父子著述攷一卷、附于譜後、弘達君子、或無譏焉。



藏 齋

先生名念孫、字懷祖、號石渠、又作石臞、江蘇高郵州人也。高祖開運州學生、治尚書有聲。曾祖式耜、康熙戊午副榜貢生、博通五經。祖曾祿、字西受、號古堂先生、雍正癸卯選拔貢生、理學深湛、學者從遊甚衆。父安國、字書城、號春圃、雍正甲辰殿試一甲二名進士、官至吏部尚書、薨諡文肅。清史有傳。妣徐夫人、江西吉安府知府錢塘徐亨時女也。

清高宗乾隆九年甲子一歲。

三月十三日寅時先生生於高郵里第。先是先生祖古堂先生年逾七十、望孫甚切、豫爲之名曰念孫。至是遂如遺命、以名先生。

是年惠棟四十八歲、全祖望四十歲、賈田祖三十一歲、盧文弨二十八歲、莊存與二十六歲、江聲二十四歲、王鳴盛二十三歲、戴震二十二歲、紀昀二十一歲、王昶、程瑤田二十歲、錢大昕十七歲、朱筠十六歲、周廣業、畢沅十五歲、姚鼐、朱珪十四歲、余蕭客十三歲、李惇十一歲、錢塘、段玉裁、金榜十歲、桂馥九歲、孫志祖八歲、任大椿、丁傑、章學誠七歲、孔繼涵六歲、崔述五歲、邵晉涵二歲、汪中、錢坫、錢大昭一歲。

乾隆十年乙丑二歲。

夏、文肅公遷禮部尚書、時丁外艱不赴。

是年武億生、李馥、張照卒。

乾隆十一年丙寅三歲。

先生妣徐夫人卒。文肅公服闋，拜補授禮部尚書之命，携先生入都，時已識二十餘字。

乾隆十二年丁卯四歲。

去年文肅公以通禮一書中多未協，奏請更定。至是奉命充大清會典館正總裁，越十年書成。文肅公授讀尚書百數十行，能矢口成誦，都下有神童之目。

是年陳景雲卒。

乾隆十三年戊辰五歲。

文肅每早登朝，家不舉火，偕先生同輿往。文肅入內堂餐，市餅餌數枚，予先生食，輿中充飢而已。以後數年皆然。

是年尹會一卒。

乾隆十四年己巳六歲。

是年方苞卒。

乾隆十五年庚午七歲。

侍文肅公往南京蔽獄，旋入都。

是年李紱卒。

乾隆十六年辛未八歲。

能屬文，學爲制藝，操觚即作全篇。筭河詩集十三送王懷祖詩云：昔我謁文肅，輿中英物瞥。抱持出



儒藏

王石渠先生年譜

塞門解愛盤峰缺。早知松柏根。茯苓芽必中。厥父典三禮。子實精其說。

按文肅出塞未知何年。今玩詩意。姑定置壬申以前。

是年劉台拱生。

乾隆十七年壬申九歲。

是年孔廣森生。沈彤厲鶚卒。

乾隆十八年癸酉十歲。

誦畢十三經。旁涉史鑑。嘗擬作秦檜傳。斷制森嚴。章法完密。文肅公益勗之以忠信。示之以勿欺。

是年孫星衍、陳鱣、朱彬生。孫嘉淦卒。

乾隆十九年甲戌十一歲。

是年季賡芸、張敦仁生。陳祖范、吳敬梓卒。

乾隆二十年乙亥十二歲。

夏文肅公遷吏部尚書。

是年凌廷堪生。張廷玉、吳廷華、馬曰琯、全祖望卒。

乾隆二十一年丙子十三歲。

文肅公兼管工部尚書事。延戴君東原館于家。命先生從受經。戴君當代碩儒。精于三禮、六書、九數、聲音訓詁之學。先生從學一年。終能盡得其傳。

是年黃叔琳卒。

乾隆二十二年丁丑十四歲。

正月八日文肅公薨于京邸享年六十四。先生哀毀過人。既而扶柩旋里。從夏君嘯門受舉業。爲文根柢深厚。理法精熟。老師宿儒不能過也。嘯門嘗評先生文曰。生子當如孫仲謀。其器重如此。

是年惲敬郝懿行生。

乾隆二十三年戊寅十五歲。

是年徐養原姚文田生。陳世倌汪由敦胡穉威惠棟卒。

乾隆二十四年己卯十六歲。

是年顧棟高汪紱卒。

乾隆二十五年庚辰十七歲。

是年盧蔭溥生。盧字南石。文簡公之業師。

乾隆二十六年辛巳十八歲。

應童子試。州試第二。府院試皆第一。學使劉公石庵歎賞先生之文。以爲軼羣之彥。既而曰。文肅公有子矣。夏公嘯門謂先生曰。子之年當室矣。子雖宦家。而儉樸過于貧士。富貴家女。諒非所宜。城北吳君家教素謹。其次女可聘也。先生因委禽于吳氏焉。

是年張惠言江藩生。陳宏謨卒。



儒藏

乾隆二十七年壬午十九歲。

娶恭人吳氏同邑增生吳鉉次女也。

是年嚴可均生江永卒。

乾隆二十八年癸未二十歲。

高宗巡幸江南先生以大臣子迎鑾獻頌冊詔賜舉人一體會試。

是年焦循嚴傑莫與儔黃丕烈生史貽直梁詩正卒。

乾隆二十九年甲申二十一歲。

是後數年與李惇賈田祖晨夕過從。又與江都汪中寶應劉台拱興化任大椿歙程瑤田書札往還講求古學。詩宗漢魏六朝摹擬逼真。經訓則發明叔重康成究其闡奧。大興翁覃溪方綱贈以楹帖云識過鉉錯兩徐而上學居後先二鄭之間蓋道其實也。撰護城橋祠田石梁墳田記。

是年阮元張琦李富孫倪璨張問陶生金農秦薰田卒。

乾隆三十年乙酉二十二歲。

是年洪頤煊舒位生鄭燮卒。

乾隆三十一年丙戌二十三歲。

春長子引之生。入都會試。朱笥河送王懷祖詩。乙酉子賜舉。計偕歲丙戌。任幼植主我。子來晤姚琬。得江氏古韻標準讀之。始知顧氏所分十部猶有罅漏。旋里後取三百五篇反覆尋繹。始知江氏之書。

仍未盡善遂以己意重加編次分古音爲二十一部。

盼遂按段若膺六書音均表創於丁亥成於庚寅較先生書晚數年而先生羞爲雷同竟不出己作。

附 王伯申先生年譜

公諱引之字曼卿號伯申薨諡文簡母吳夫人。

一歲三月十一日寅時生于高郵里第吳夫人孕八月而免故公生而身小氣弱。

是年彭兆蓀顧廣圻生程延祚卒。

乾隆三十二年丁亥二十四歲。

有丁亥詩鈔一卷

多記漫遊隣邑登覽山水事。

是年臧庸吳德旋生。

乾隆三十三年戊子二十五歲。

是年李銳陳鴻壽許宗彥汪萊周中孚生齊召南卒。

乾隆三十四年己丑二十六歲。

春人都會試不第旋歸。

是年李申耆生沈德潛諸錦邵齊燾卒。

乾隆三十五年庚寅二十七歲。



儒藏

附 五歲。從師讀，即能篤志于學。

是年洪震煊、康紹鏞、丁履恒生。

乾隆三十六年辛卯二十八歲。

入都。朱笥河送王懷祖詩云：春試丑連卯，屢深門外轍。共子持酒樽，識字譚孔訥。許君堂室奧，表位施綿蕞。

盼遂按會試期在明年壬辰，先生作劉端臨遺書序亦言：歲在壬辰入都，應禮部試，始得交于端臨。今朱詩云辛卯，意先生于辛卯先期入都，識劉君在春試也。茲從朱詩所記，繫于此年。

是年陳壽祺、黃承吉、徐大椿、姚範卒。

乾隆三十七年壬辰二十九歲。

會試不第，與劉台拱定交。出都，避禍天長，旋于冬杪赴安徽太平府，從朱筠于安徽學政任。朱笥河送王懷祖詩云：我南子留北，辰春罷去謁。其年在太平，冬杪子我謁。李威朱先生從遊記云：笥河先生居江南，廣延知名士居幕下。高郵王懷祖深明六書七音之旨，旁通訓詁攷據，一時賢士談古學皆弗及也。時避禍天長，跋涉來見，先生敬禮之，時從問字質疑，未嘗以前輩自居。爲飛書當路，護持其家。

是年方東樹生，沈廷芳、錢維城卒。

乾隆三十八年癸巳三十歲。

正月十八日爲朱筠校正大徐本說文刻之。

洪北江文集書朱學士逸事一則記在安徽刻說文事云司校刊之役者爲

王念孫如洪說則序爲先生作益明。

又代朱筠撰重刻說文解字繫傳序。余有考詳所著高郵王氏父子著述考中。從朱

筠遊覽江干山水極文酒之盛。朱笥河送王懷祖詩云開陬遊橫雲岡脊白龍龍華陽真逸隱龍蜴穴泉冽更觀互浮沈燭讀永昌碣還登府子城遊蹤指曲折下有萬竿竹亂壓小山雪我方敍說文資子口存舌辨體音必兼影響窮蚊蚋聲五色亦五北鵠和南鷺要令江南士通經字爲揭歸里夏復來朱筠學署爲校唐開元禮冬隨朱筠入都下榻朱氏椒花吟舫朱笥河送王懷祖詩云春試子暫歸夏息我逃熱子又渡江來兩個軒坐設我承四庫令網書廣張翬大集異等生館倚青山官傳抄千萬本唐禮子精閱晚暇入竹根削筭觸蠡蠶時交目飛鴻戲奕取其拙數當風月清握手步高埒相眄七柏老古影千年逝江山六朝州他時此憶絕燠寒幾何時我冬使節撤諸生送江邊忽與采石別子待我邗溝蜀岡梅蕾裂覆孟城角船載子朔風柂齊東竅正號趙北冰已渴近臘稅轂下下榻子之媒掃滌椒花庭除啟碧桐闌。

盼遂按椒花吟舫乃笥河之書屋時在日南坊李鍊拐斜街街南肇慶會館之西。

是年吳榮光嚴元照洪飴孫端木國瑚迮鶴壽生杭世駿劉統勳裘曰修卒。

乾隆三十九年甲午三十一歲。

在都住朱氏椒花吟舫以半載之力成說文考異二卷。朱笥河送王懷祖詩云我甘歸識字理董仗子哲子言許氏書形意事契筭假借古說精諧聲流弊劣川居卽中州山增或大嶠依聲心有羞托事



儒藏

禮按疑體字之誤。司徹古今諧借殊始背終隔絕。又有轉注一考老訓互綴。要之形聲訓六書密而訥。父子許義昭。兄弟徐音滅。陽冰好大乖。次立校徒列。李燾韻譜五一亥部遭螫。然死唐前灰。伐餘漢初蘖。其間小學家注疏一一掇。法當收散失。非一手足烈。書成曰攷異。計功竊稷卨。我既奇子言。鱗爪先漏泄。半載卒二卷。大樹蠹敲鴛。我亦時一鳴。砌隙應蜻蛚。飄飄玉堂夢。送子風雨颺。閣校雖要賢。名山業恐輟。

盼遂按詩末四語。蓋謂先生因春試而遂閣去說文攷異之作也。陪朱筠遊西山。笥河詩集十二。九月十三日約王懷祖史文量陳梅岑何數峰及姪玉川爲西山之遊云。涼風吹簾簾。萬片落何忍。天香在其中。落悲華又積。獨我閉門觀。妙理閱無盡。西山翠峨峨。邀客發連軫。載者雙玉人。蓬鬢泣雲鬢。吾家亦有駒。駿足掛軸勒。曰宜縱之遊。相索氣淒緊。山中客素衣。涕輟領遙引。我更王生俱。先後出郊畛。此遊信清絕。秋意刻肝腎。寒流經蘆溝。日色淡嶢嶢。土囊一折去。翠嶂排齧齧。吾徒亦何嗜。塵想暫泯泯。入夜山月空。心曠無一窘。擁衾茅舍間。寒映或聞斷。又歸自山中。柬同遊諸子王懷祖一首云。北越河淮載子車。名山連榻又叩驢。伏崖變色談三市。縋洞捫痕憶六書。此處十年當不悔。中宵一甕且休虛。渾河炬上燒峰焰。招隱靈仙或告予。自注十四日夜千佛閣前

神燈見無算。

乾隆四十年乙未三十二歲。

試禮部中式。殿試賜二甲七名進士出身。改翰林院庶吉士。大興朱笥河學士筠風格嚴峻。後進謁之。



不答獨躬往詣先生曰是當代通儒正士也夏自朱宅移居西城香爐營同曹學閔招朱筠集法源寺避暑笥河詩集乙未年有題慕堂太僕懷祖吉士招集法源寺避暑次魚門韻一首云秋後捫碑約上房先尋熱寺臥僧牀共言青石懋題字又勝黃花蘭若香狂有醒時聊樂飲遊無熱客即追涼年年日日能來往老死何須羨伯陽中冬乞假旋里朱筠有詩贈行朱笥河詩集送王懷祖云乙夏遷城西香爐巷蹙躅遲子三日見英華自愁癘矧茲蓴鱸思歸飛快蟬蛻良友知我遐臨岐心惓惓我有白玉瓚大酋治麴蘖必也六物兼我心醉口啜亦嘗采黃山嘉蔬取名鼈何當烹肥羜膏薌奪蘅藹豈不嗜飲食不如子書牕乃知五味成在瓊薦酒浼子別我我按二我字當有一訛留書成我則悅我之思子來成書子真傑昔易書詩分文字百遺子諸師路塞茅絕學誰探竈在禮敦贈處毋曰懷安襲懷土豈曰宜君子氣母茶今冬徂明秋兩丸跳蹶踣良工冶必爲子來旦旦誓雖傷亦聚歡勿忘在執筆勗哉大其學世鼓傳魯薛冬在揚州有跋武梁石室畫象攷訂數字

附 十歲 從觀察公受童蒙須知朱子小學呂氏小兒語諸書即能仿而行之於日用之間。

是年梁章鉅沈欽韓包世臣鄧廷楨凌曙徐同柏俞正燮生。

乾隆四十一年丙申三十三歲。

自是以後四年皆獨居于家祠畔之湖濱精舍以著述爲事窮搜冥討謝絕人事。

盼遂按先生畢世精粹之作厥惟廣雅疏證一書先生亦自以廣雅疏證爲一生結穴之作讀集中諸文可見

也。由古音以得經義陰陽開闔不可端倪實則其根柢植此數年之中膏渥故光煜積厚故流長

矣。近上虞羅氏振玉得先生叢稿盈箱內計詩經楚辭羣經韻譜七本周秦諸子韻譜散片，釘成一

本淮南韻譜散片，釘成一本史漢韻譜散片，釘成二本楚辭韻譜散片，釘成三本文選韻譜散片，釘成二本易

林韻譜散片，釘成九本詩經羣經楚辭合韻譜三本逸周書戰國策合韻譜一本兩漢合韻譜淮南說

苑太玄等三本兩漢合韻譜素問易林等三本兩漢合韻譜史漢二本兩漢合韻譜楚辭一本兩漢合

韻譜文選二本兩漢合韻譜易林五本諧聲表二本爾雅分韻二本方言廣雅小爾雅分韻一巨本雅

詁表散片，釘成一本古音義雜記散片，釘成一本古音索隱散片，釘成一本釋大七篇二本雅音

釋一本提封八十冊此外尚有羣經字類六書正俗說文考正讀說文札記方言校正等書當皆

此數年所條理儲侍以備他日之摛經義攷小學之利器斯可以四辟六達動搭合度而無勦說

附會之弊矣。然則以上諸書即廣雅疏證之長編與。若夫讀書雜誌經義述聞諸作斯又廣雅疏

證之餘力。要之大端既立則觸類旁通矣。

是年宋翔鳳、胡承珙、臧禮堂、劉逢祿生。

乾隆四十二年丁酉三十四歲。

汪容甫先生遺詩附錄引證賈稻孫詩集、丁酉春日病中留江都汪容甫暨李孝臣王石臞聚飲。翼日

容甫北行爲詩以別、兼柬孝臣石臞一首、有石臞又放湖千篷之句。賈氏自注將之石渠。

是年賈田祖、秦大士載震卒。

乾隆四十三年戊戌三十五歲。

次子敬之生。據元配吳恭人行略推敬之字寬甫，官縣令，年七十九卒。著有三十六湖漁唱三卷、漁唱稿一卷、宜略識字齋雜著九卷。

是年陶澍、錢侗、許桂林、唐鑑生、余蕭客、羅有高卒。

乾隆四十四年己亥三十六歲。

仍居湖濱精舍，校正方言。

乾隆四十五年庚子三十七歲。

入都供職翰林院，抱經堂文集二十與王懷祖念孫庶常論校正大戴禮記書注云：庚子年始得段氏六書音均表，見集中與江晉三書云：及服官後始得亡友段君六書音均表，見其分支脂之爲三，真諄爲二，尤侯爲二，皆與鄙見若合符節。唯入聲之分配及分配平上去，與念孫多有不合云云。

盼遂按：段氏六書音均表之成，在乾隆四十二年丁酉。石臞初入翰林時尚不及見，則所謂服官自應指庚子入都銷假言也。先師靜安徽君跋王氏古韻譜後，謂石渠於乙未年見段氏書，竊所未安。先生僦居京邸，屏絕人事，鍵戶日手一編，探賸索隱，觀其會通，有以語言文字求者，雖至交亦不輕應。蓋不欲以文人傳，並不欲以經師學人傳也。

是年劉大櫟、朱仕琇卒。

乾隆四十六年辛丑三十八歲。

散館，試日處君而盈度賦，考一等五名。任工部都水司主事，爲導河議上下篇、上篇導河北流、下篇



儒藏

建倉通運也。任勅纂河源紀略纂修官。別撰辨譌一門。三月二十六日。孔鵬軒來書論詩經用韻。是年。劉開、周濟、徐松生、朱筠卒。

乾隆四十七年壬寅三十九歲。

任四庫全書館篆隸校對官。

附 十七歲。補博士弟子員。

是年。胡培翬、馬瑞辰、童鈺卒。

乾隆四十八年癸卯四十歲。

附 十八歲。入都。因入國子監。

是年。苗夔生、孔繼涵、黃景仁卒。

乾隆四十九年甲辰四十一歲。

補虞衡司主事。

是年。王筠、包世榮、彭啟豐、鄭文虎、程晉芳、蔣士銓、李惇卒。

乾隆五十年乙巳四十二歲。

擢營繕司員外郎。奉旨記名御史。

是年。程恩澤、林則徐、陳沆、姚瑩生。

乾隆五十一年丙午四十三歲。

擢製造庫郎中。奉旨從工部侍郎德曉峰往勘浙江海塘工。道出高郵，與吳恭人相見，數語而去。不及家事，恭人壯之。

附 二十一歲 旋里，因從事小學諸書，日夕研求。

是年陳奐、汪喜孫生，孔廣森卒。

乾隆五十二年丁未，四十四歲。

夏秋間，作輶軒使者絕代語釋別國方言疏證補一卷而中止。八月，始作廣雅疏證，期以十年爲之。

盼遂按：廣雅一書出于曹魏，遠不如爾正說文方言之精。先生初亦有意從事於三書，故先作說

文攷異。或名說文攷正而當時段若膺已成說文解字讀五百餘卷，知難驟與爭鋒，故廬成二卷而

即棄去。方言則有戴氏疏證，雖有可補，苴然大體既得，所餘鱗爪其細亦甚，故成方言疏證補一

卷，即復中止。至於爾雅，同時有邵二雲作正義告成。邵書戊申刻本已體大思精，而郝蘭皋之作義

疏實昕夕過從先生，問雅故，商體製。此事爲晉城郭允叔先生跋郝蘭皋校本顏氏家訓中語先生於此書遂

不再措思焉。至此乃決然舍去以上三書，別啟新塗，而得廣雅與集韻爲之主幹，以闡發其所自

得，咸瀦偃於此。迨廣雅疏證成，日月已邁，集韻之業終歸虛願矣。間嘗譬之石渠之疏，廣雅如

劉先主之帝巴蜀，誠以中原無用武之地，故遜入險阻而辟夷行。卒之政理民和，極蕩蕩便便之

致，持以校夫馳騁平原康衢者，其成功之難易，詎不遠哉？又按此卷中頗引伯申之說，予于是

能無疑焉。參予著經義述聞跋。



是年曹仁虎嚴長明生。

乾隆五十三年戊申四十五歲。

補陝西道監察御史。廣雅疏證成卷一上與劉端臨第一書論校訂方言廣雅之事。

是年薛傳均朱駿聲生莊存與卒。

乾隆五十四年己酉四十六歲。

轉山西道監察御史轉京畿道監察御史仲秋與段君玉裁晤於京師快談一切恨相見之晚。

附二十四歲 入都從盧君南石學舉業成春秋名字解詁二卷。

是年劉文淇生褚寅亮任大椿卒。

乾隆五十五年庚戌四十七歲。

患脾泄頗甚。廣雅疏證成卷二與劉端臨第二書頗有告病歸隱之思。

是年錢塘卒。

乾隆五十六年辛亥四十八歲。

八月段氏玉裁爲作廣雅疏證序有云小學有形有音有義三者互相求舉一可得其二有古形有今形有古音有今音有古義有今義六者互相求舉一可得其五懷祖氏能以三者互求以六者互求尤能以古音得經義蓋天下一人而已矣。假廣雅以證其所得其注之精粹再有子雲必能知之。是年毛嶽生錢泰吉董佑誠劉寶楠生孔繼涑周永年卒。

乾隆五十七年壬子四十九歲

四年俸滿自呈不勝外任願供京職得旨允之連年因寒暑中官差臥病數次廣雅疏證因體例重有改訂至此成第四卷春有與劉端臨三書言今秋必將告歸三月二十一日盧抱經來書請刻廣雅疏證前數卷

是年龔自珍姚配中梁紹壬生陸錫熊卒

乾隆五十八年癸丑五十歲

擢吏科給事中

附二十八歲 阮伯元來第三書阮伯元來第五書

是年祁雋藻生汪縉魯九皋江德量卒

乾隆五十九年甲寅五十一歲

正月爲宋質夫撰印譜序十一月二十日汪中卒于杭州

是年汪遠孫魏源丁晏生盧文弨謝墉寶光鼎卒

乾隆六十年乙卯五十二歲

孫星衍尚書逸文自序云予校訂尚書馬鄭注又質疑于王侍御念孫

此序作于乙卯三月春

廣雅疏證

成第七卷四月派巡南城與劉端臨第四書論汪中身後諸事秋冬間成廣雅疏證第八第九兩卷其第十卷用伯申之稿至是而廣雅疏證歷七載又半遂全部告成矣



儒藏

盼遂按廣雅疏證爲先生精心撰結之作最稱精緻。若述聞雜誌諸書則皆隨時疏記非有程限。隨錄日札之流非其比也。故嘉慶戊寅先生語陳石甫曰余之欲董理集韻久矣廣雅疏證成日月已邁段先生亦常思修之說文注刊行而獲終壽考云云。時先生年七十五述聞與雜誌早已繡梓獨擣廣雅與說文注爲比知先生於此書盡心焉爾。畢生焉爾。蓋先生雖壽耄耄而氣羸多病不耐孤詣疏證廣雅後即優遊浸滋以讀書爲樂事矣。不則集韻之理董寧必詒之後人哉。

附 三十歲 應順天鄉試成孝廉公初名述之榜後易今名。

是年陳慶墉徐繼畲柳興恩生錢澧卒。

仁宗嘉慶元年丙辰五十三歲。

正月作廣雅疏證序。

是年彭紹升卒。

嘉慶二年丁巳五十四歲。

轉吏科掌印給事中。

附 三十二歲 三月作經義述聞敘。經義述聞付梓凡所說易書詩周官儀禮大小戴記春秋內

外傳公羊穀梁傳爾雅諸書附以通說。其春秋名字解詁二卷與太歲攷二卷皆道光七年重刊所增入。

是年袁枚王鳴盛卒。

嘉慶三年戊午五十五歲。

附 三十三歲。二月一日作經傳釋詞敘。

是年李棠階生。江聲、周廣業卒。

嘉慶四年己未五十六歲。

正月密疏劾大學士和珅贖貨攬權。清仁宗覽奏稱善。即日下旨正法和珅。當時歛然稱之爲朝陽鳴鳳。今文集第一篇敬陳勦賊事宜摺是也。三月受命巡視淮南漕務。嚴絕餽遺。及至高郵。資用乏絕。乃稱貸以繼之。孫淵如來書。

九月巡視濟寧漕務。十二月授直隸永定河道。

附 三十四歲。試禮部中式。出朱石君阮文達門。廷對以一甲三名進士及第。授翰林院編修。是年何紹基、吳熙載、王柏心、黃汝成、生、武億卒。

嘉慶五年庚申五十七歲。

正月抵河道任。

嘉慶六年辛酉五十八歲。

六月永定河溢。革職逮問。尋奉命往永定河工次。

附 三十六歲。散館。放貴州鄉試正考官。

是年章學誠、馮應榴、湯鵬生、金榜、孫志祖卒。



儒藏

嘉慶七年壬戌五十九歲。

四月三日錢竹汀來書論廣雅疏證。九月署永定河道。是年費丹旭汪士鐸生。王文治謝啟昆黃易張惠言卒。

嘉慶八年癸亥六十歲。

上直隸總督顏檢書臚舉畿輔水利章程。九月隨尚書費淳往山東臨清一帶查勘河道情形。十二月署山東運河道。冬至前一日劉端臨來書。

附 三十七歲。大考擬潘岳籍田賦。欽取一甲三名擢侍講。五月陳左海來書。是年吳嘉賓朱琦生。錢大昕吳省欽彭元瑞吳東發卒。

嘉慶九年甲子六十一歲。

三月授山東運河道。往濟寧州。居大椿齋。三月迎吳恭人由水道來署。朱武曹來書。劾濟寧州知州黃炳有摺。七月二十九日吳恭人以水土不習得腫脹疾。卒於署。享年六十三。

按先生室無姬媵。此後數十年即塊然獨處。撰元配吳恭人行略。劉端臨來書相唁。

附 三十九歲。充詞林典故館總纂。放湖北鄉試正攷官。十一月子壽同生。是年劉墉卒。

嘉慶十年乙丑六十二歲。

又六月八日朱武曹來信。八月二十日臧在東來書。論詩經韻。十二月二十二日段茂堂來信。

附 四十歲。奉妣吳夫人喪旋里卜葬于天長縣南原。張古愚來書論詩述聞。

是年鄒漢勳、張穆、吳敏樹生、紀昀、王杰、桂馥、鄧琰、劉台拱卒。

嘉慶十二年丙寅六十三歲。

先生官運河道時見官不設客位送客不出門闕屬吏咸以爲拓大無如此者。

段茂堂來書論說文九月二十一日臧在東來書。

是年鄭珍生、朱珪、錢坫卒。

嘉慶十二年丁卯六十四歲。

附 四十二歲。服闋入都補原官。八月簡放河南學政。手訂詩韻一冊分給各諸生與巡撫阮文

達捐廉購十三經注疏百餘部分置各學教士子以根柢爲務。

阮伯元來三書。

是年羅澤南生、王昶、丁杰卒。

嘉慶十三年戊辰六十五歲。

五月爲段茂堂撰說文解字讀序。六月改永定河道。

附 四十三歲。五月轉左庶子與宋小城書論諧聲補逸爲訂補米部柴字音讀一則。

是年張文虎生。

嘉慶十四年己巳六十六歲。



藏

致宋小城第一書論集注爾雅之方段茂堂來書論孟子字義疏證。

是年馮桂芬、陳喬樞、陳立生、洪亮吉、凌廷堪卒。

嘉慶十五年庚午六十七歲。

永定河暴溢、南北岸同時漫沒。先生立奏自請治罪、得旨以六品休致、應賠河工堵築漫口例銀一萬七千二百五十九兩。先生日以無力完繳爲憂。終由子引之稱貸親朋、扣除養廉陸續完繳。凡十餘年始竣。重校訂淮南子內篇。

附 四十五歲。學政秩滿還京。迎養觀察公于京邸。

是年邵懿辰、陳澧、李善蘭生。

嘉慶十六年辛未六十八歲。

夏間校讀戰國策錄成三卷。六月爲臧用中撰拜經日記序。致宋小城第二書論說文諧聲補逸。

按宋氏此書先生爲補正惴字規字蒐字昏字退字谷字啻字筐字霍字肥字刪字覲字夏字甬字灰字憇字等音讀。凡十六則。故書中云間附所見數條靜候裁酌也。

附 四十六歲。隨幸木蘭。編避暑山莊宸翰三千餘軸。

是年曾國藩、吳雲、莫友芝、張之萬生。

嘉慶十七年壬申六十九歲。

自是年讀書雜志陸續付梓。按行狀云府君既罷職乃以著述自娛。亟取所校淮南子內篇重加校

正由是校戰國策、史記、管子、晏子春秋、荀子、逸周書及舊所校漢書、墨子、附以漢隸拾遺、凡十種、名曰讀書雜誌。

盼遂按所列各書次第、即以先生校錄之早晚爲次第也。至雜誌中各序、皆興至所爲、不能取以定成書年月、此則學者所宜知也。

附 四十七歲 授通政使副使。八月任太僕寺卿。十月轉大理寺卿。

是年江忠源、胡林翼、左宗棠、吳可讀生、錢伯垌卒。

嘉慶十八年癸酉七十歲。

是年陳介祺、楊沂孫生。吳騫、錢大昭、莊達吉卒。

嘉慶十九年甲戌七十一歲。

就養于山東學署。悅濟南山水間、亦討論經籍。

附 四十九歲 放山東學政。撰闡訓化愚論、以教士。撰見利思害說、以教民。皆奉旨刊布。

是年龍啟瑞、周壽昌、孫衣言生。程瑤田、張問陶卒。

嘉慶二十年乙亥七十二歲。

正月爲汪容甫撰述學序。十二月爲陳尊谿撰蛾術集序。撰讀淮南子內篇雜誌序。

附 五十歲 南昌盧宣旬讀經義述聞而慕之。明年公以全帙寄阮文達。屬文達授之盧氏。爲刻于

江西焉。正月陳左海來書。



儒藏

是年彭玉麐生。梁同書、周春、姚鼐、段玉裁、楊芳燦、伊秉綬、舒位、洪震煊卒。

嘉慶二十一年丙子七十三歲。

六月撰劉端臨遺書序。與李許齋、方伯書論古韻。隨子引之還都。

附 五十一歲 太歲考成凡二十八篇。六月跋晉任城太守夫人碑。秩滿奉觀察公還京。遷都。

察院左副都御史。十二月焦理堂來書論周易。徐乃昌輯焦理堂遺文

是年劉蓉生、崔述、莊述祖卒。

嘉慶二十二年丁丑七十四歲。

十月撰史記雜志序。

附 五十二歲 奉命往福建。治李賡芸被誣自經之獄。悉得平反。還晉禮部右侍郎。春阮文達爲

作經義述聞序於荊州。

是年龔橙、閻敬銘生。陳鱣、李賡芸、惲敬嚴、元照卒。

嘉慶二十三年戊寅七十五歲。

居旃檀寺左側。秋陳石甫來謁。先生時患骹癰之疾。侍者扶出相見。曰：余不見客十七年矣。南方學

者來固未嘗不喜見學者也。並語之以先治詩傳而後及集韻。與集韻所以校理之方。後方成珪氏著集

韻校正。即承先生此說。送至胡同口外。謝以癰病不能答拜。當遣兒子答拜也。

附 五十三歲 除禮部左侍郎。放浙江鄉試正考官。

是年劉傳瑩、郭嵩壽、劉毓崧、蔣春霖、方宗誠、生翁、方綱、董誥、吳錫麒、孫星衍卒。

嘉慶二十四年己卯七十六歲。

三月撰讀管子雜志序。十一月撰陳觀樓先生文集序。與陳石甫書論毛傳集韻及古音分部。幾千餘言皆精整端楷。

附 五十四歲 春充會試總裁兼署兵部左侍郎。秋充武會試監射大臣。

嘉慶二十五年庚辰七十七歲。

附 五十五歲 丁儉卿來見出所撰論語孔注證譌就正。公爲序之。謂足紹鄉先生閻潛邱之學。

冬充仁宗實錄總裁官。

是年勞格、丁寶楨、生焦循卒。

宣宗道光元年辛巳七十八歲。

左畔手足偏枯不能步履。唯覩異書猶見獵心喜。答江晉三論韻學書。集中又有與江晉三書一篇。論古有四聲不能定爲某年姑類繫於此。

附 五十六歲 山東旱蝗進以錢米買蝗之策。秋放浙江恩科鄉試正攷官。與王畹馨書。

是年李元度、俞樾、生吳鼐卒。

道光二年壬午七十九歲。

朱武曹來書。二月爲朱武曹撰經傳攷證序。



儒藏

附 五十七歲。轉吏部右侍郎。八月署刑部左侍郎。

道光三年癸未八十歲。

春三月爲先生八十壽辰。胡培翬貢壽序一首。研六室文鈔卷六陳奐貢壽聯句云。代推小學有達人。天假大儒以長日。十四字先生視爲當意。

附 五十八歲。春充會試總裁。與王昶馨書論說文段注。王有復書。冬充武會試正總裁。是年張裕釗、李鴻章、汪龍卒。

道光四年甲申八十一歲。

附 五十九歲。充經筵直講大臣。四月仁宗實錄成。是年曾國荃、何秋濤生。

道光五年乙酉八十二歲。

賞給四品職銜。重與順天府鹿鳴筵宴。賦紀恩詩六章。

附 六十歲。冬與陳石甫第二書。論三家詩師傳本子與毛異。非如太史公以訓詁字代經之比。正校刻讀漢書雜志。

是年郝懿行、徐養原、黃丕烈卒。

道光六年丙戌 八十三歲。

八月爲李成裕撰羣經識小序。

附 六十一歲。春與陳石甫第三書論詩毛傳三事。經義述聞毛詩三冊刻成。逸周書雜誌二冊刻

成。冬與陳石甫第四書論荀子校本並告經義述聞中三傳已刻畢。

是年周星養易佩紳生。

道光七年丁亥八十四歲。

子引之奉旨校刊康熙字典。先生乃先校數冊以爲法式。以後亦經先生覆閱乃定。朱武曹來書。

附 六十二歲。春擢工部尚書。七月充武英殿正總裁。八月起校康熙字典。繼室范夫人卒。雲南

布政司經歷大興范鍾女也。公不畜妾媵。是後即獨居。與陳石甫第五書論荀子注。岑者崔嵬及

詩采菽傳。平平辯治也。二條並贈以新刻太歲攷。

盼遂按據書中事實。此函宜在荀子校本函後。文集編在前方。誤也。今訂正。十二月重刊經義述

聞於西江米巷壽藤書屋。

是年姚文田鈕樹玉卒。

道光八年戊子八十五歲。

秋顧子明紹介苗仙露來見。苗以毛詩吟訂求正。先生大驚曰。先得我心。因以經義述聞相贈。

附 六十三歲。十二月與陳石甫第六書。荀子雜誌已刻兩卷。經義述聞通說已刻一卷。二月陳

左海來信。

是年黃以周生。



儒藏

道光九年己丑八十六歲。

十二月撰讀荀子雜誌敘。

附 六十四歲 與陳石甫第七書論段茂堂詩經小學金誠齋三禮荀子雜誌八卷已刻訖。
是年趙之謙唐仁壽李慈銘生。

道光十年庚寅八十七歲。

得顧澗蘋所寄荀子呂錢二本異同乃擇善而從成讀荀子雜誌補遺一卷於五月二十九日序之。五月跋程易疇果羸轉語。

附 六十五歲 夏秋間數病惟未至太困與陳石甫第八書言有餘暇尚欲爲尚書集解左傳集說二書經義述聞全刻成冬校刻康熙字典畢共改正二千五百八十八條輯爲攷證十二冊。
調禮部尚書正月王琬馨來書有復書夏至日汪孟慈來書。

是年潘祖蔭翁同和生。

道光十一年辛卯八十八歲。

三月撰漢隸拾遺序撰讀晏子春秋雜誌序夏撰讀墨子雜誌序文成手自錄之。行狀九月寫定讀墨子雜誌序跋武梁石室畫象三石秋苗先露與先生父子往來以所著說文建首字讀求正先生歎曰此小學絕作也六朝五代以來讀字譌誤皆坐不知此耳漢宣帝召能通倉頡讀者張敞杜業秦近爰禮孝平時徵禮等百餘人令說文字未央廷中以禮爲小學元士楊雄采以爲訓纂篇今訓纂

篇不可得見、得見此讀、亦猶舛蠶聞聲而知踊躍者矣。冬讀書雜誌刻成、手書逸周書以下卷帙次第、竟日端坐床上、讀唐書爲孫輩說書中故事。是冬嚴寒、異於往歲、畏寒食減、醫藥罔效。朱武曹來書求正所著禮記訓纂。

附 六十六歲 復署工部尚書。胡培翬爲序經傳釋辭。研六室文鈔卷七。

是年陳寶箴生、曾燠、江藩卒。

道光十二年壬辰八十九歲。

正月二十四日寅時先生卒。

附 六十七歲 奉觀察公柩南歸。五月既望、撰石渠府君行狀。夏輯讀書雜誌志餘二卷、刻之。與江晉三書云、晉三先生執事先君大事、辱賜唁書、意氣殷懃、溢于楮墨、哀感不可言喻。蒙賜大箸諧聲表、入聲表等韻叢說三種、考訂精審、確不可易、佩服之至、肅此鳴謝。諸維鑒察、不盡欲言。引之稽顙。按此書載江氏音學十書廿一部諧聲表前、羅氏及予撰著述考失收、故全錄之。

是年丁丙、譚獻、黃體芳、王闓運生、丁履恒卒。

道光十三年癸巳

附 六十八歲 暫寓揚州舊城觀光菴、爲觀察公卜地。與陳石甫第九書。葬觀察公于江蘇六合縣之北郊、尊遺命也。八月與阮伯元第四書及第五書。

是年周星詒生、張琦卒。



儒藏

道光十四年甲午

附 六十九歲 夏服闋入都復署工部尚書。過山陽時以讀書雜誌贈丁儉卿。阮伯元來第六書。

又第二書十一月二十四日辰刻薨。

是年陸心源、李文田、生朱彬、張敦仁、陳壽祺、陸繼輅卒。

附篇 高郵王氏治學切要語

自顧平生讀書最樂。行狀

人生各有所樂兮、吾獨著述以爲常。行狀

章學誠丙辰劄記云、王懷祖御史言、學問須有性靈。苦功而無性靈、是人役也。

余自壯年有志於許鄭之學、攷文字、辨聲音、非唐以前書、不敢讀也。羣經識小序

世之言漢學者、但見其異於今者、則寶貴之、而於古人之傳授、文字之變遷、多不暇致辨、或以細而忽之。拜經日記序

盼遂按、先生此言、殆尺惠余諸人也。伯申與焦理堂先生書亦云、惠定宇先生考古雖勤、而識不高、心不細。見異於今者、則從之、大都不論是非。如說周禮邱封之度、顛倒甚矣。它人無此謬也。

章學誠信撫一云、王懷祖御史嘗欲發明六書精義、意有所會、而無暇即筆於書、則曰、願得其人授之以意、俾筆爲書、成即爲其人著述、而不必著懷祖名。以商於余、余曰、創意難、屬辭亦復不易。果能承懷祖氏意、而曲折以達於文辭、而不失其指、則其人亦不借懷祖氏以爲重、卽承其意而爲書、亦不必沒懷祖名以見長矣。章氏遺書九與邵二雲論學書略同。

訓詁聲音明而小學明、小學明而經明。說文解字讀敘

訓詁之旨本于聲音、故有聲同字異、聲近義同。雖或類聚羣分、實亦同條共貫。譬如振裘必提其領、舉網必挈其綱、故曰本立而道生、知天下之至嘖而不可亂也。此之不悟、則有字別爲音、音別爲義、或望



文虛造而違古義、或墨守成訓而鮮會通、易簡之理既失而大道多岐矣。今則就古音以求古義、引申觸類不限形體、苟可以發明前訓、斯凌雜之譏亦所不辭。廣雅疏證序

說文之爲書、以文字而兼聲音訓詁者也。凡許氏形聲讀若皆與古音相準、或爲古之正音、或爲古之合音、方以類聚物以羣分、循而攷之、各有條理、不得其遠近分合之故、則或執今音以疑古音、或執古之正音以疑古之合音、而聲音之學晦矣。說文之訓前列製字之本意、而亦不廢假借。凡言一曰及所引經類多有之、蓋以廣異聞、備博識、而不限於一隅也。不明乎假借之指、則或據說文本字以改書傳假借之字、或據說文引經假借之字以改經之本字、而訓詁之學晦矣。說文解字讀序

盼遂按、說文解字讀即說文解字注也。段氏注說文先爲長編五百四十卷、名說文解字讀、既乃簡練成注爲三十卷、故先生及盧抱經作序仍前稱焉。

說文全書之例、凡古文與小篆異者、則首列小篆而次列古文、其小篆與古文同者、則但列小篆而不列古文、以小篆即古文也。若此者、凡十之八九、其與古文異者不過一二而已。故說文天地二字皆無古文、非無古文也、以小篆即古文也。書錢氏答問說地字音後

雙聲疊韻出于天籟、不學而能、由經典以及謠俗、如出一軌。先生獨能觀其會通、窮其變化、使學者讀之而知絕代異語、別國方言、無非一言之轉、則觸類旁通而天下之能事畢矣。程易疇果羸轉語跋

盼遂按、通藝錄有果羸通義說一篇、想即石渠所跋之果羸轉語也。

或作通作義各不同、或作者形體雖易、本爲一字、如東韻恫或作痾、舂或作腫之類也。通作者、顯屬二

字傳備用。如東韻僅通作童。功通作紅之類也。或作者於六書之義各有所取，必強爲牽合，而字之本義反亂。通作者於六書之義一無所取，必詳爲解釋，而此字義始明。重修古今韻略凡例

書傳多有旁記之字，誤入正文者。墨子備城門篇，令吏民皆智之。智，古之字也。後人旁記知字，而寫者並存之，遂作吏民皆智知之。王引之經義述聞通說下衍文條引家大人曰

凡經傳之中復舉上文者，皆不得謂之重複。方言補證

大抵雙聲疊韻之字，其義即存乎聲。求諸其聲則得，求諸其文則惑矣。揚榷嫖較，無慮皆兩字同義。後人望文生訓，遂致穿鑿而失其本旨。廣雅釋訓疏證

聲相近義亦相近。釋大卷一皋字下

經典之字多有因上下文而誤寫偏旁，有本有而誤易之者，有本無而誤加之者。經義述聞通說下引

義有相反而實相因者。釋大第二契字下

訓詁之指存乎聲音，字之聲同聲近者，經傳往往假借。學者以聲求義，破其假借之字而讀以本字，則渙然冰釋。如其假借之字而強爲之解，則詰籀爲病矣。故毛公詩傳多易假借之字，而以本字以開改讀之先。至康成箋詩注禮，婁云某讀爲某，而假借之例大明。後人或病康成破字者，不知古字之多假借也。王引之經義述聞序引先生說

說經者期于得經義而已。前人傳注不皆合于經，則擇其合者從之，其皆不合，則以己意逆經意而參之。他經證以成訓，雖別爲之說，亦無不可。必欲專守一家，無少出入，則何邵公之墨守見伐于康成者矣。同



儒藏

上

凡學者著書必於所託者尊。或後人不能譏正。則董理之日。定以課程底有成而止。集韻具載類篇。始以類篇校集韻。更以說文解字。經典釋文。玉篇。廣韻。一一校訖。舉韻內誤收之字。表而出之。辨學者之惑。至于攷證典籍。俟他年爲之。則發端已得。而成功較易。然必讀經十年。校經十年。始可與言著書也。余之欲董理集韻久矣。廣雅疏證成。日月已邁。段先生亦常思修之。說文注刊行。而獲終壽考。今子聞道蚤。年力強。先治毛公詩傳。是所託者尊。而後治集韻。未爲晚也。

陳奐王石臞先生遺文編次序引語

夫文章者。學問之發端也。若草木然。培其根而枝葉茂焉。

陳觀樓先生文集序

自元明已來。說經者多病鑿空而蹈株守之陋。爲文者慮襲歐曾王蘇之迹。而志乎古者。又貌爲奇傀而逾失其真。

汪容甫述學序

古體詩當以漢魏六朝爲宗。下逮有唐諸大家。以正所趨。近體則唐稱極盛。而中晚則氣格漸弱。已無足法。有宋以後。古近體皆可涉獵。當知其佳處。得力于唐人。而新其壁壘。不可輕襲宋人之貌。世徒嗤明代七子。規仿盛唐。爲優孟衣冠。而不知去唐學宋。又出七子之下。至古體用韻。當依唐韻部。無若填詞家信筆出入也。

行狀

常患學者成書之易。今則又患成書之難。蓋精力日就衰頹。撰述不可不早就也。

與劉端臨第四書

盼遂謹按。是年先生五十二歲。故有遲暮之歎。非世之諛癡自爆者所得籍以自文也。

先生嘗誦左傳。足欲亡無日矣之語。以自警。

行狀

先生常稱述湯文正公之請毀五通神象、先文肅公之駁立龍神廟、以爲此詩之求福不回、論語之知者不惑也。行狀

先生病篤、囑伯申先生古不祔葬、爲不忍先死者之復見也。汝母葬已三十年、窆穴不宜輕啟。如有朽損、傷子孫之心。且死而有知、無所不通。若其無知、合之何益。伯申府君行狀

盼遂按右三則皆足見先生之德行堅定、涵養深醇、實無愧于古者修踐之儒。不弟鏘鏘經師已也。

以上石臞先生治學要語凡二十六則。

夫訓詁之要在聲音、不在文字。聲之相同相近者、義每不甚相遠。故名字相沿、不必皆其本字。其所段借、今韻復多異音。畫字體以爲說、執今音以測義、斯于古訓多所未達、不明其要故也。今之所說多取古音相近之字以爲解。雖今亡其訓、猶將罕譬而喻、依聲託義焉。春秋名字解詁序

吾之學于百家、未窺獨治經。吾治經于大道、不敢承獨好小學。夫三代之語言與今之語言、如燕越之相語也。吾治小學、吾爲之舌人焉。其大歸曰：用小學說經、用小學校經而已矣。龔自珍工部尚書高郵王文簡公

墓表銘引語

吾用小學校經、有所改、有所不改。周以降、書體六七變、寫官主之。寫官誤、吾則勇改。孟蜀以降、槧工主之。槧工誤、吾則勇改。唐宋元明之士、或不知聲音文字而改經、以不誤爲誤、是妄改也。吾則勇改其所改。若夫周之沒、漢之初、經師無竹帛、異字博矣。吾不能擇一以定、吾不改。段借之法、由來舊矣。其本字



儒藏

王石渠先生年譜

附篇

高郵王氏治學切要語

什八可求、什二不可求。必求本字以改段借、則考文之聖之任也。吾不改、寫官槧工誤矣。吾疑之、且思而得之矣。但羣書無佐證、吾懼來者之滋口矣。吾又不改。同上文引

吾著書不喜放其辭、每一事就本事說之、栗然止不溢一辭。同上文引

蓋古今異語、別國方言、類多助語之文。凡其散見于經傳者、皆可比例而知。觸類書之、斯善式古訓者也。自漢以來、說經者宗尚雅訓、凡實義所在、即明著之矣。而語詞之例、則略而不究、或即以實義釋之、遂使其文扞格而意亦不明。如由用也、猷道也、而又爲詞之於。略凡此者、其爲古之語詞、較然甚著、揆之本文而協驗之、他卷而通、雖舊說所無、可以心知其意者也。王引之經傳釋詞自敘語

訓詁之旨、本于聲音、揆厥所由、實同條貫。王引之爲阮元作經籍纂詁序語

後之覽是書、指經籍纂詁言者去穿鑿妄談之病、而稽于古、取古人之傳注、而得其聲音之理、以知其所以

然而傳注之未安者、又能博考前訓以正之、庶可傳古聖賢著書本旨、且不失纂書之意歟。同上文語

許氏說文論六書段借曰、本無其字、依聲託事、令長是也。蓋無本字、而後段借他字。此謂造作文字之

始也。至于經典古本聲近而通、則有不限于無字之段借者。往往本字見存、而古本則不用本字、而用

同聲之字。學者改本字讀之、則怡然理順。依借字讀之、則以文害辭。是以漢世經師作注、有讀爲之例、

有當作之條。皆由聲同聲近者、以意逆之、而得其本字。所謂好學深思、心知其意也。然亦有改之不盡

者、迄今考之文義、參之古音、猶得更而正之、以求一心之安、而補古人之闕。如借光爲廣、而解者誤以

爲光明之光。略若是者、由借字之古音以考同音之本字、惟求合於經文、不敢株守舊說。王引之經義述聞通

說下經文段借條語

經典之文字各有義而字之爲語詞者則無義之可言但以足句耳語詞而以實義解之則扞格難通。略善學者不以語詞爲實義則依文作解較然明白何至展轉遷就而卒非立言之意乎。同書上通說下語詞誤解以實義條語

講論六藝稽合同異名儒之盛事也。述先聖之元意整百家之不齊經師之隆軌也。然不齊之說亦有終不可齊者。作者既所聞異辭學者亦第存兩說必欲牽就而泯其參差反致溷殺而失其本旨。所謂離之則兩美合之則兩傷也。如書序以武庚管叔蔡叔爲三監逸周書作雒篇以武庚管叔霍叔爲三監此不可強合者也。而解者欲合爲一則去武庚而以管叔蔡叔霍叔當之矣。略以兩不相侔之說而欲比而同之宜其說之阨隉而不安矣。同上書通說下經義不同不可強爲之說條語

古人訓詁不避重複往往有平列二字上下同義者解者分爲二義反失其指。同上書通說下經傳平列二字上下同義條語

經文數句平列義多相類如其類以解之則較若畫一否則上下差參而失其本指矣。如洪範聰作謀與恭作肅從作乂明作哲睿作聖並列則謀當讀爲敏解者以爲下進其謀則文義不倫矣。同上書通說下經文數句平列上下不當歧異條語

經文上下兩義者分之則各得其所合之則扞格難通。如易屯六二匪寇婚媾謂婚媾也女子貞不字十年乃字者謂妊娠也。而解者誤以女子貞不字承昏媾言之則云許嫁笄而字矣。略凡此皆宜分而合



儒藏

王石渠先生年譜

附篇

高郵王氏治學切要語

者也。說經者各如其本指，則明辯哲矣。

同上書通說下經文上兩義不可合解條語

經典之文，往往形近而譌，仍之則義不可通，改之則怡然理順。如失與矢相似，而誤爲矢，見春官樂師注。雷雍與盧維相似，而誤爲盧維，見夏官職方氏注。略尋文究理，皆各有其本字，不通篆隸之體，不可得而更正也。同上書通說下形譌條語

經典之文，自有本訓，得其本訓，則文義適相符合，不煩言而已解。失其本訓，而強爲之說，則阨隍不安，乃於文句之間，增字以足之，多方遷就，而後得申其說。此強經以就我，而究非經之本義。如易蹇六二，王臣蹇蹇，匪躬之故，故事也。言王臣不避艱難者，皆國家之事，而非本身之事也。而解者曰：盡忠于君，匪以私身之故，而不往濟君，則于躬上增以字私字，故下增不往濟君字矣。略此皆不得其正解，而增字以遷就之。治經者苟三復文義，而心有不安，雖舍舊說以求之可也。同上書通說下增字解經條說

文章之源，出于經訓，故六經者文章之祖也。其次則先秦諸子，兩漢遺書，皆無意爲文，而極天下之文之盛，不本乎此而欲爲文，則薄而已矣，俗而已矣，雷同而已矣。王引之爲王晚聞先生文集序語

以上伯申先生治學要語凡十五則

王敬之與姪子蘭書

子蘭賢姪覽。二月二十九日接閱正月十一日手書。知近履平吉。眷口各各安好。爲慰。高郵公舉。二月中旬州中文書至府。府中核轉文書。亦于二月杪到司。司中核轉事。已倩人寄信于同房。但未可無人前往招呼。叔前此正月內兩次奉寄信內。已略及大概。旁注：正月十七日同豐局。正月二十一日正大局。想久入覽矣。事實依照行狀。擇其大者羅列數條。叔神短筆拙。體裁未稱。旁注：四六呈辭宋實父先生作。同鄉催取甚緊。又無人可商。其中建白之大者。叔已從渾。以其事未奉明旨。應在避人焚草之內。吾姪以爲然否。此時司院二處。如無駁察之擔遲。則全銜具題。定可不愆。每年八月以前具題之期。到部時。吾姪可託人錄看耳。同鄉耿老二處。已代道吾姪送與印結之意。渠感謝之至。旁注：耿近又捐市房。延內外科醫士二人。爲貧人診治。大約好名好善二者兼之。高郵無二。轉爲富家所妒。其復謝之札。尚未送來。以渠本非讀書人。需倩人主稿也。去年署州左君輝春。因叔勸捐修城。勸捐練勇。遂列薦稟。非叔本意。十二月下旬濫邀議敘。實已過分。其所議優否。不敢問矣。旁注：耿老二獨蒙六品職銜。亦是望外。不知李欽差稟稿若何云云。叔亦不去打聽。但願此後江海乂安。不見有此等保薦之事也。玉亭處所存耿事。用餘銀六十餘兩。至今未見寄來。叔前信託吾姪取用而作。會還諭帖寄叔。以便向管田家人取還耿宅。旁注：叔此議亦已寫與玉亭。而不見復信已久。未接今年一字。以了經手。兼免叔慚顏。旁注：否則似叔乾沒此款。鄉里間無以對人。而又賠用無款。進退維谷之至。而尚未見吾姪復來。望吾姪詳告二女知之。旁注：叔此紙或即與二女閱之。此外不便作書與玉亭。速商會與姪收。以歸此款。倘蒙玉亭會還。則叔如拜玉亭之惠也。旁注：叔前已作字謝玉亭矣。叔近狀無恙。旁注：現在續增高郵州志。叔任分纂甚忙。家口亦如常。可慰注。



儒藏

王石渠先生年譜

附篇

高郵王氏治學切要語

愛諸維保衛不既。

旁注、三月三日、芸臺先生宅被回祿幾盡。

癸卯三月初十日叔敬之手書。

恩溥臨考患疔甚危、未入場、今已愈矣。恩湛亦未得意。子仁處無信來者。閱半年之久。叔已將公舉事詳告、並有同鄉賀啓寄去、而亦無復音。同鄉頗以爲位尊不似從前。前此兩過高郵、未拜一客。同鄉或亦疑詫。叔止好以事忙爲解。計此時泰興定已卸篆、當在省交代經手也。高郵天長冬無雪、春無雨、大麥已傷。憂旱兼以憂蝗、如何如何。或云令甫行將送女往浙、想當然耳。

遺文第二十五葉至末共五葉附去。前此正月十七日、二十一日信內附去十七葉至二十八葉、試檢之。

盼遂按、寬甫此書足見王氏家事細碎不少、今特附入年譜之後、以備覽觀。此稿今藏杞縣侯氏意園、未收入宜略識字齋文集中、尤可貴也。

容甫先生年譜

清·汪喜孫 編撰

李文澤 校點

刁忠民 一審

蔣宗許 二審

民國十四年影印本

《容甫先生年譜》一卷、附《先君年表》，清汪喜孫編撰。民國十四年《江都汪氏叢書》影印本。

汪中（一七四五—一七九四），初字庸夫，改字容甫，別字頌父，清江蘇江都人。少孤貧力學，試入太學，爲選拔貢生。一試不第，即不復應試。嘗遊歷安徽、金陵、江浙各方大吏幕府，長期客於沈業富、朱筠、馮廷丞、謝墉學館。應聘校文宗閣、文瀾閣《四庫全書》。乾隆五十九年十一月卒於杭州西湖葛林園，年五十一。汪中學貫經史，精研禮典，擅長金石書法，撰著甚豐，主要有《述學》內編、外編、補遺、別錄，《廣陵通典》，《遺詩》，《經義知新記》，《大戴禮記正誤》，《國語校文》等。

本譜及《年表》爲汪中子喜孫所編。據汪喜孫序，《年譜》作於嘉慶二十五年，多載錄譜主之詩文序跋及時人書簡文章，以反映譜主之交遊與經學成就爲主。《年表》以表格形式按年分欄記載譜主生平事蹟、學術著述，簡捷明瞭，極易檢閱。

此譜初刻於嘉慶末或道光初年，書中有「積學齋徐乃昌藏書」、「南陵徐乃昌校勘經籍記」長方印章二枚，可知原爲徐乃昌收藏刻本。海寧陳乃乾於民國十四年刊《江都汪氏叢書》，即據徐乃昌所藏刊刻本影印。卷首有乙丑（民國十四年）陳氏彙刻《江都汪氏叢書》序，並有重印《江都汪氏叢書》目錄。

汪容甫先生手蹟（烏程蔣氏藏）

房玄齡監修國史，上語之。
曰：「漢高祖上林，中虛，賕浮華。」
「天中其，上壽，音事，詞，理，切。」
「直者，朕從，疑，不，以，皆，載，上。」
「玄齡，明，達，史，事，輔，政，文，學。」



儒藏

容甫先生年譜 手蹟

癸卯年十二月

嗟余薄祜居賤且貧
晚預以賓期歿吾身
存東之齊亡或以殉
衣而斯之實唯仁人

此詩五十年七月新刊於西史房
宣統元年七月新刊於西史房

沈君平也初名元龍上元月六日
於中興生遺書四信誦其後久不重

漢以介與之理而以夫世仰





儒藏

容甫先生年譜 手蹟

得所用於寬平間乃為善
 哉可為止不已參隨躬久
 不已可為極物歸如曉夜
 引本類常如不及上爽歸

玄齡謀事以口非如曉不
能清及如曉至交用玄齡
止謀蓋玄齡壽謀不如曉
善斷也一乃同心徇國故
唐世稱賢相幾房杜豈或



儒藏

容甫先生年譜 手蹟

告魏徵私其親戚上陳
 事亦市溫彥博卿上
 上引徵不辟嫌稱襲上
 自今宜抒作詆徵曰君臣
 同體宜相親己誠哉但抒

作詠見國之興衰不可知
也臣不敢奉詔上云朕已
悔之徵曰臣幸得侍從願
使臣家良臣死使臣之忠
臣上曰忠良死異乎對曰



儒藏

容甫先生年譜 手蹟

釋契詐變君臣之心得高
尊榮所謂良臣也
諂諂比
干面稱爲爭免誅國亡身
謬忠臣也上悅

戊午冬十月一日

容氏正中

焦理堂贈汪容甫先生聯（秀水金氏藏）

湖光山色都娛目

容甫老學兄嘗過北湖軒居謂余曰湖光

山色都娛目矣余屬對并索書作楹帖

和璧隋珠弗動心

嗜痴之愛情不可却草：應教以

博一笑

里堂焦循識



神上校先生...
男只...
性注...
表考...
杜...
刻...
中...
予...
為...
昨...
質...

重印江都汪氏叢書目錄

年譜一卷。

述學內篇三卷、外篇一卷、補遺一卷、別錄一卷。

廣陵通典十卷。

遺詩五卷。

汪氏學行記六卷。

孤兒編三卷。

從政錄四卷。以上汪氏叢書本。述學後附方濬頤校記一卷。

大戴禮記正誤一卷。

經義知新記一卷。以上學海堂經解本。

春秋列國官名異同考一卷。藝圃叢書本。

國語校文一卷。靈鷲閣叢書本。

舊學蓄疑一卷。木犀軒叢書本。

喪服答問紀實一卷。寶晉書院本。

右江都汪氏父子所著書都十有三種。蓋取汪氏家刻及各叢書本彙集刊傳者也。吾友尹碩公炎武秦曼青更年服膺汪氏之學。倡爲此議。余與涇縣胡樸安韞玉金山高吹萬樊君定基姚石子光烏程王建民慈秀水金頌清興祥和之醪。貴以畀手民。容甫嘗自序其生平。以爲著書五車。數窮覆瓿。今傳刻漸廣。復爲最錄其全書。九原有知。庶幾稍慰矣。乙丑四月海甯陳乃乾。



容甫先生年譜序

積學齋徐乃昌感書

古者年譜之作其原出於年表推本史例敘事宜簡非如今人年譜文繁事複讀者厭之顧徵文考事成於數十百年之後不出子孫之手撫拾既廣紀述貴嚴編年體例自古如斯至若少孤失學聞見缺如譬若求珠於山采玉於淵惟恐不獲詎或棄捐後悔何及惟是先人同時文士生不同道謬託相知傳聞失實喜孫不敢自定謹以就正先人文章道義之交審定決擇十去二三使後之論世知人之君子勿爲譌言滋惑焉嘉慶二十五年十二月三十日內閣撰文
中書舍人前鄉貢士甘泉汪喜孫譔

容甫先生年譜

南陵徐乃昌
校勘經籍記

乾隆九年甲子十二月二十日先君生。

是時先祖考居揚州舊城缸巷。先祖妣聞深巷哭聲自門外入始生先君。計先君生五十有一年。少苦孤露。長苦奔走。晚苦疾疢。終先君之世。未嘗有生人之樂焉。著述未成。飾終旅館。舉室漂泊。期功無人。更廿餘年。家道再立。嗚呼痛哉。

十五年庚午

四月五日先祖考兆初先生卽世。家故貧。嘗以筋力致養。不能就外傳。先祖妣鄒太宜人。口授塾中諸書。

先君撰先考靈表云。某生七歲。寢息嬉游。未嘗不在君側。會文弔喪。咸置於抱。一食不甘。輒罔罔不自得。鄉黨戚友莫不異之。迨君卽世。然後知君於某父子之恩至深。而爲日至淺。故汲汲用之。惟恐其不盡。卽君亦莫能解於心也。又云。嘗使其握粟一溢。君以箸畫几算之。卽得其數。



先妣靈表云先君子下世無寸田尺宅之籍三族罕過問者母教女弟于數人且緝履以爲食猶思與子女相保直歲大饑乃蕩然無所託命矣再徙北城所居止三席地其左無壁覆之以苫日常使姊守舍而攜某及妹僕然旬於親故率日不得一食歸則藉藁於地每冬夜號寒母子相擁不自意全濟比見晨光則欣然有生望焉。

十六年辛未

十七年壬申

十八年癸酉

十九年甲戌

二十年乙亥

二十一年丙子

歲庚寅與劔潭書云往乾隆丙子桂林陳公巡撫江蘇屬年饑命節婦之貧者親族共周恤之以全其操誠大臣之言矣然是時吾母子方流離乞食而

三族之富人無問者。無亦文告之感人者淺歟。

二十二年丁丑

貧無所依。鬻書於肆。日與書賈借閱羣經十行並下。父友張先生文郭先生能濟見而異之。授以舉子業。郭先生無子嗣。歿後先君每於春秋拜奠其墓。脩稷敘跋尾云。某年十四五。卽喜蓄金石文字。數十年來所積遂多。屬有天幸。每得善本。

二十三年戊寅

二十四年己卯

始學爲詩。早歲溯源漢晉。下逮唐人。於杜工部韓昌黎用力尤邃。旣乃專以氣韻含蓄爲宗。自以少作依傍門戶。不欲存藁。劉先生台拱序先君詩云。早歲喜爲詩。三十以後絕不復作。并藁亦散失。

二十五年庚辰

二十六年辛巳



儒藏

容甫先生年譜

先君述懷詩云。在昔失怙日。生年才七歲。孱弱不能行。生我遽見背。迄今十
二載。忽忽如夢寐。阿母年五十。形容極憔悴。目已漸茫茫。耳已漸憤憤。齒牙
時動搖。髮白短如穗。霜落無寒衣。日夕無中饋。辛勤事紡績。抱布無人買。有
子亦何益。坐受虛名累。飽煖尚難望。顯揚復何賴。飄風起南山。烈烈吹蒿蔚。
憶昨乞米歸。庭階曝春日。上堂見阿母。嚮午未得食。敝臥草榻閒。弱妹立其
側。枵腹汗如注。餓久面轉赤。但聞號哭聲。想見心如熾。骨肉無二眛。此心詎
木石。感此號且呼。氣撼聲不出。按此詩爲先君少作。未嘗存藁。喜孫從友人
處借錄。以誌先君蚤年孤貧之境。

先君撰提督楊凱傳云。二十六年卒。按是篇作於凱歿後。當是先君少作。

二十七年壬午

過汪蛟門故居詩有云。我亦身輕如一葉。積年飄泊任西東。

重過族弟旣清詩有云。少年都似夢中看。

二十八年癸未

先君初諱。因應試老吏書冊誤落秉字遂更今名。

李侍郎因培督學江蘇試射鴈賦協官韻合唐人法。榜出列揚州府屬第一。入江都學爲附生。先君晝營飢粥之養夜則倍誦所業以紅豆記其數伏臘蜡飲之時音聲琅琅達於鄰舍。時杭先生世駿主安定書院講席見先君文深加嘆賞。先君益肆力於詩古文。杭先生以經史相淬厲先君得借讀羣經正義學日以進。朱笈贈詩略云汪生七歲失所怙交親一旦棄如土任氏遺孤衣葛衣謝眺書堂掩蓬戶賢哉生母備艱辛十指紡績易米薪夜深教生讀經史文名藉藉驚鄉人。

劉申甫云杭堇浦先生主講安定書院論及孟子往送之門以爲昏禮本無明文姑從闕疑。容甫先生引穀梁祭門闕門以證之四座皆驚堇浦深爲折服。先生經學由是知名。

二十九年甲申

先君應縣試時知縣沈公燮賞先君文置前列。是年沈公知高郵州先君往



見之沈公子昌齡與先君善於其歿作辭哀之。

三十年乙酉

先君二十以前詩未存彙是年有靜夜五律編年始此。

撰揚州管游擊白公頌謹按白公以乾隆三十年官揚州游擊先君致人書云白公已見鷹揚武臣扶杖而拜客其蕉萃可知也此書不知作於何年是爲相識之始白公後祀於名宦祠。

三十一年丙戌

歸耕操云子壯大兮母病羸老不得養兮何以生子爲日昭昭兮我心悲。夜泊馮店詩有云水宿波來往秋心問死生客途衣未授珍重倚門情自註九月作。

古詩云孤鳥雲際遊感君慕高義千里遠託身苦言精力微烈風吹箐林月黑夜如晦東西咫尺迷倏忽兩相棄稻梁豈不悅因緣恥自致委心託君宇羽毛日蕉萃孤鴻樂中野衆鳥憎氣類衆鳥自先榮孤鴻安足忌。

古詩各方立堂有云黃鵠一失所萬里身安歸遠道未云苦卑栖常自危孤
鳴時慕侶中夜有餘哀焉得君子心忠信兩不疑
有蟋蟀詩手藁自刪

三十二年丁亥

呈秦丈西巖云某也毀齒不見父父友平生心所識又云一朝失父一作可

憐人骨肉生分各自全不教富貴致身早忍使艱辛一作難累老親親交一

飯動微色長揖出門心斷絕山澤天寒草實盡冰霜歲晚葛衣裂十八年中

萬死身今日生成轉嗚咽世事消磨氣漸平風塵苦受俗人輕一劍防身報

知己十年落魄未成名豈有千金重然諾強將懷抱向人傾又云一時賓從

盡依然迴首疑逢夢中事歡游不見生我人厚地高天永相棄又云故人子

弟今年落負米猶能讀父書

旅食詩云旅食秋江上浮生感二毛畏讒多禮數居賤習憂勞野性存麋鹿

機心對桔槔百年將母計未敢託名高



荅觀魯詩有云、豈伊和者寡、大雅自茲沈、棄置亦云已、吾生終自任。觀魯爲先君族兄、諱夢旂、工詩、與先君論詩最契、歿後有女、先君爲許嫁、鄭氏未幾、壻沒、月給薪水視之如己女。

三十三年戊子

遷居儀徵花園巷、破屋三楹、四望野田漫漫、前有池水、引江潮自涵洞入、夏日潮水暴至、室中水漲二尺、鄒太宜人苦疾、踣繞几上、如是者十年。先君自題門楣云、海内存知己、高堂有老親、至今人傳誦之。是時樂儀書院山長沈先生廷芳極重先君之學、自遜以爲弗如、以先君孤貧有母、勉周其不足、先生深感之。辛卯沈先生歸里、先君困益甚、有講院老樹歌、蓋肄業書院時作。有玉畫叉歌、趙忠毅東方未明之硯歌、并爲沈先生作。有閨七夕麗澤堂雅集七律、不存藁。

先君早歲以詞賦知名、喜孫嘗從書肆、搗先君詩文一冊、題云麋駿文鈔。小傳云、汪某少孤、奉母至孝、家貧績學、奔走四方、以筆札供菽水、顧其嶢嶢皦皦、

皦之槩頗不諧於衆。諦觀所作矜慎乃爾。宜乎不可一世矣。此亦知先君早年學行者。惜不得其姓氏。

與秦文西巖書云。某始時止習辭章之學。數年以來。略見涯涘。三禮毛詩。以次研貫。且有志於古人立言之道。蓋挫折既多。名心轉熾。不欲使此身為速朽之物也。謹案先君嘗錄三禮注疏。分吉凶軍賓嘉五禮。命之曰三禮注疏記要。又所誤爲人後者。爲其曾祖父母祖父母服考。是初治三禮時作。嘗手寫以質朱先生笥河。知新記三禮諸條。亦少作。於後周官徵文。釋媒氏文明堂通釋。居喪釋服解義。釋冕服之用。並議禮之文。婦人無主答問。後跋。生則共事宗廟云云。劉先生校本所無。女子許嫁壻死。從死及守志議。劉未錄。古玉釋名。後集述學。與初刻異同。釋闕初刻十有八者。當作六。凡此者。皆貫穿經注。通知古今。錢少詹事謂學古通周禮。王侍郎引之謂博攷三代典禮是也。毛詩之學。詳知新記。

春初早發。青萍港詩有云。早懷一飯恩。終棄百金諾。功名久未立。義故將焉



託傷哉。啜菽歡。生涯思負郭。詠史詩有云。高材爲人棄。貧賤良獨難。焉知天下士。一身飢且寒。客中食蟹作有云。早歲魚鹽生物少。貧時蝦菜食鮮難。老親病後無兼味。掩淚尊前對晚餐。野望詩有云。病後心懷自知少。負薪終日逐人行。古詩有云。古香徒自悅。獨秀歲寒時。示僕詩云。同生非有屬。因勢遂相役。百年詎自免。念此罕奇責。貧居累人事。早作暮未息。天寒井巖苦。一飽媿安食。貴賤各有謀。相爭盡智力。嘆彼勞心人。無營覺爾適。又有聖恩寺作。春申里吳趨行。冬杪有宿上天竺。甘露寺詩。并遊歷之作。又有偶見詩。自刪白秋海棠題畫兩詩。并同。

秋試在江寧。刻策學設聞。嘗對策場屋。問事者屢至。悉疏示之。出場後。因撰策學數十篇。不檢書。不屬藁。刊行於時。先君省試後。以文就質於沈先生廷芳。先生嘆賞不已。將出榜。使人候江口。尋被放。惆悵久之。是科主司點定其文已中式矣。不審何以被落。先君尋病怔忡。遂不就省試。

三十四年己丑

與秦丈西巖書云正月之望遂往太平。

寄弟端光詩有云立身苟不媿貴賤同所歸。有才不用世天意安可知。吾生方多憂相見未有期。愛子千金軀令名無已時。歲暮詩有云名心未盡因謀養世議方寬足遂初。好是臨邛長作客得教壁立似相如。又除夕詩有雲端居對古人揖讓展墳籍。高言王霸略衣食苦無策。落魄媿清時困窮非所惜。秀皇四海中一身將何適。有貧交歎自刪。

魏次卿誄序云吾與次卿皆不偶恨其身之卑賤不得相倚以爲用。或時分散又恨不得聚處以爲樂。及今而次卿死然後嘆賦命之窮雖得一知己之人憂閑而慰護之且不可久。按序載次卿名題橋以乾隆三十四年正月辛卯卒。與劉先生台拱書云曩者某與次卿爲深友次卿沒而某不復有出境之交以爲疾病死生之際不能自必於一見適以負疚於朋友故不如其已。謹按魏次卿爲先君早年文字之交學行可傳於世錄此以誌其槩。繁昌縣學後記云三十一年始修繁昌縣學越二年且成明年紀文於石。案



是篇爲先君少作、與生平文體不類、魏次卿誄亦同。

與秦文西巖書云、武進黃景仁字仲則、昨以事客遊於此、其人年二十有一、所作詩千有餘篇、雄才逸氣、與李太白、高青邱爭勝、豪釐實非今世上所有。其雖負氣於詩、自媿弗如也。

先君詩序云、觀魯示所作贈鄭舍人詩、高格洪響、使人神王。昔與舍人同客江陰、追敘遊歷、作此卻寄。時觀魯亦往江陰、卽以送之。謹案先君族兄觀魯歿後、先君寫定其詩、尋失去、悵惘無已。喜孫謹錄是序、以誌當時論詩之友、且誌游歷之境。

先君族母梁夫人清節自守、先君以百錢爲壽、夫人堅不納、作返錢歌。當時多傳述其事。先君有答梁夫人詩、不存。葉謹案、夫人諱蘭漪、字素涵、著晚香樓詩、葉錢少詹事大昕序之。

三十五年庚寅

在太平沈太守業富幕。



有別母詩云細雨春燈夜欲分白頭閒坐話艱辛。出門便是天涯別明日思親夢裏人。贈王生詩有云與君同作他鄉客咫尺天涯歸不得江南二月天氣和節物感人悲旅食。客散詩云親老兼多病身孤更遠遊未應中宿鳥相對尚啁啾。吾生詩第二首云心計長如夜思親枕未安寄居時見迫衰序早知寒。女手謀生拙貧交仰食難。尚憐遊子意書到屢相寬第三首云孤露惟依母漂零止苦貧。勞生筋力盡暮景笑吮疽。親戚皆他縣扶持止一身。白頭空有子終歲走風塵。聽鐘鳴詩云青燈焚焚羅幔卷秋衾臥病夜輾轉。愛生來日促思親故鄉遠不寐聽鐘鳴鐘鳴淒復清。聲聲數已盡秋天猶未明。悲落葉詩有云同生一朝弃終無相聚一作時。又有過龍江關宿龍江當塗送客詩有泰伯廟聞陳并因至兩詩先君自刪。與秦丈西巖書云某孤露早嬰凡先君子之容止聲容起居嗜好略不復記憶卽手澤亦無存者。惟諸父執同時遊息當日出處摩厲臭味絕無差池不逮事父而逮事父之朋友人子之心有不能已者故未嘗有過情失禮之事。

哀鹽船文序題云乾隆三十五年十二月乙卯杭先生世駿序之。

三十六年辛卯

在當塗朱學使筠幕秋在江寧。

有三月二十一日夜和仲則七夕采石登太白樓題壁留示仲則詩。黃仲則詩集有七夕懷容甫游采石月下登太白樓和容甫壁閒見懷韻詩。又和詩有云修辭富華實秉操逾圭璋。翻使一國中撫掌嗤其狂。又有送容甫歸里以所攜劒寄容甫容甫亦以書寄余金陵待雅存不至適容甫招飲將至無湖憶文子容甫贈程厚孫時爲厚孫作書與汪容甫定交偕容甫登終雪亭讀容甫近詩過以哀怨爲體詩以廣之諸作不知作於何年。附記於此。

有山長沈公蒙

恩賜幣恭紀詩先君自刪。

細雨詩有云天昏地曠絕聞見孤客失路遠屏營寒叢出火就投宿入門老嫠兼孤嬰。戛然四顧但一室蹤跡人鬼疑難憑。菜羹麥飯各冰冷飢腸內熱癡蠅鳴敲斜竹柵臥踏地江風燐火吹熒熒水蟲毒蠱共高枕草頭雨落珠

璣明。人生到此百慮息。雖無噩夢魂屢驚。又云百年憂樂會如許。寸心坎壈何由平。佯狂罵坐自平日。豈知性命鴻毛輕。案此末二語。孫淵如誤以爲晚年之作。非也。先君是詩。自注辛卯可證也。

懷晚芝先生詩序云。其事晚芝先生二年。以其孤貧有母。勉周其不足。慰其無依。藹然和風之被物也。及先生歸里。其窮窘益甚。更無可告者。終夜展轉。乃作此詩。案沈先生廷芳號晚芝。先君有送山長仁和沈公序。不著錄。

冬謁鄭贊善虎文於秀水。鄭贊善與朱學使筠書云。汪秀才某挾其所著訪虎文於駕水。虎文喜忘其病。延之臥榻前。語竟日。雖未罄底蘊而已得其粗。汪生蓋篤學。薄浮名而期不朽者也。又云。聞沈使君頗有繼見之願。且云足下曾勸仍留故步。卽文亦以此策爲宜。汪生則以爲所入脩脯。叔水不給。用是謝去。今以無所遇而復就。不如其毋辭矣。必增精而後就。是以去要也。雖小小進退。不可以非道處。文聞其說。頗近古人難進易退之說。雖少變通求之。今世吾見亦罕矣。又云。才如汪生。至飢寒不能奉其母。尤仁人君子之所



心惻者也。鄭先生贈詩有云。呼則應馬牛。與不恥嘔蹴。準古捧檄歡斯意。可歌哭。又云。只尺蔽奇士。泥塗困匍匐。文也少孤貧。此味嘗最熟。君況嗟我同。感我額頻感。恭聞下。明詔遺書采幽谷。經術首所崇。激勸醒迷復。君子應時須學也。中有祿。不干亦不矯。吾道惟自淑。謹案先君感鄭先生之知。於其沒往拜其墓。盧文弨學士祭先君文云。師門風義。不忘久久。披荆拜墓。遺金卹後。自注云。謂沈椒園鄭誠齋兩先生是其證。鄭君師愈與喜孫書云。壬辰冬。尊公持沈禮部世煒書訪先君於洲東灣畔。以所撰哀鹽船文爲贄。先君患疾。命兒輩讀所著。嘆賞不已。延之臥榻前。縱談連日夕。獲觀詩文集二卷。嘆曰。君之才學絕世。方今四庫館開。何患無遇合。特守牖下。無益也。乃薦之朱學士。瀕行贈五古一章。其後或訪先君於紫陽山中。或來駕鸞湖側。先君嘗謂人言其狂。我則見性情篤厚耳。尊公通知古今。識洞淵微。遇事有所論列。口如縣河。爲所詆訐者。莫能置辨。是以咸尊而畏之。鄭君師愈云。先君六十生日。尊公將作序爲壽。先君曰。祝生非古。所願得於足下者。身後



一傳耳。按先君嘗作鄭先生碑銘。手書題銜文未成。又有書上朱文正公云。秀水鄭贊善一代名德。且與先師學士有淵源之舊。身後有子三人。皆貧不自立。然清門世學。文行修飾。表康成之里。宇任昉之孤。不於夫子其誰望之。鄭君久不相見。時念之。故敢陳乞。

弔黃祖文云。歲在單閼。今四月既望。按是篇當是晚年寫定。

袁玉符妻劉氏墓誌銘云。乾隆三十六年歿。按是篇爲先君少作文體。謹嚴已非諸長老所及。

冬與秦丈西巖書云。比來心力甚弱。不得已東歸。不講以併力於古文經學。聞彭公爲學使。學問之事。或有一日之知。亦可爲養親計。

又與秦丈西巖書云。溯流西上。江波殊爲險惡。客路風霜。高堂老病。殆亦難爲情矣。知是年冬先君有當塗之行。又云。館地已致之黃仲則。知是冬從沈太守署歸。

三十七年壬辰

樂儀書院請祀故山長仁和沈公議序云三十七年二月甲申沈公卒疑是篇作於是年。謹按是篇彙藏於朱學士及王先生許先君手訂述學篇目所無今不列入述學。又具狀云古者釋奠之禮祇爲學官行禮之事猶必董之以官誠以弟子於師欲報之德其意常無窮揆諸祭法而經以有司職掌然後定爲命祀而非以爲私也。伏見山長山東按察使沈公經術修明人倫儀表束修履道黃髮無愆。自丁亥行教儀徵前後五稔國有矜式之禮人懷在寬之教不幸善人無祿今歲在辰先聖告夢經神言逝生等撫車服而裴回登禮堂而心愴旣申經出爰交几筵謹奉主於薌雨樓耐於周程張朱五子及文忠烈郝文忠之次以康在天之靈報其恩誨而永歆於茲土且使國之子弟以時習禮其中使賢者百世之澤漸摩觀感而自復於孝弟忠信之美禮教行而人材出非獨諸生區區自致其哀誠也。

三月往江寧。

有萬松坪采薇子墓二詩。

上朱學使書云尋珊竹公墓詩一卷呈上數年不復作詩觀之輒爲失笑謹按此詩已佚。

有某編修主安定書院先君爭論經史疑義不相下山長心銜之適彭文勤公以侍郎督學江蘇與編修同鄉相契因譖於文勤前欲因試以摧辱先君九月按試泰州試牛李維州論先君投卷後文勤驚歎欲絕置爲上等猶以前言覆試當一等改二等一名諸生謁見時文勤謂先君曰子其怨我乎先君曰某有詩云命應逢穀弩心不怒虛舟文勤憮然若失先君作弭忘以記事又致人書云前此構閔既多傷弓之鳥聞虛弦而輒下亦其事之可矜者也。

與達官書云蓋古之爲貧而仕者抱關擊柝今既不可而在上之人又以下交爲恥故其上者焦然窮餓以沒其身而其下者遂失身於不義昔者成帝妨任王鳳災異迭見成帝虛己以求直言而谷永轉攻後宮以護王氏蔡邕晚爲董卓所辟遂死其難王伾王叔文用事柳宗元劉禹錫並爲之黨幾亂



天下。此四子者皆負瓊異絕人之材而一跌不振遂至不可湔贖。使在卑官
以命之時爲君子者已能獎激而錄用之何至比匪人以陷大辱哉。由是言
之四子不自貴重其身其蹉敗蓋無足惜。而當時之人不以人材爲事而棄
之以資權倖斯其可恨者也。某以孤童就學逮今二十年矣其他記誦之學
無過人者獨於空曲交會之際以求其不可知之事心目所及舉無疑滯鉤
深致隱思若有神。又喜爲文自六藝子史以下莫不知其利病而深思力取
之。凡此固夙昔辱知於閣下者。伏自念生太平之世幸得讀書爲士年力壯
盛何不可爲而累年奔走窘苦無聊。加老母早歷艱危久病羸瘠雖三牲之
養無補於血氣而更以窮餓迫之。每見庸奴叱隸下逮含生蠕動之類莫不
歡然相保知有生之樂而某乃不與之爲伍誠可悲也。某受知於蒙稚之年
被雪於疑謫之地所以陶冶而成之者尤不得與諸人比。然則今之投身歸
命於閣下者非徒爲一身之謀亦以賢人君子當爲天下養其才而不忍自
絕也。



先君寓泰州幻竹庵。叔外祖寶應朱野村先生同武曹舅氏應試。適與先君同寓。爲言劉先生端臨學行之美。劉先生爲野村先生之甥。文勤辛卯鄉試所取士也。試畢來泰州。先君先過訪焉。因定交。與劉先生第一書當在是年。高郵李先生惇與先君同試維州論。灑灑千餘言。先君奇之。李白吾文祇可驚俗眼耳。君乃真古文也。遂定交。

與朱先生武曹書云。有志於用世而恥爲無用之學。故於古今制度沿革民生利病之事。皆博問而切究之。

冬。適寶應主朱野村先生家。

遊杭州。有去杭州留別沈莊士作。略云。殘年乞食。知何處異地無交。尚累人夢裏。衰容空憶母。病餘短策獨隨身。相思若問生還日。春水南歸有鴈賓。

謁朱學使筠於富塗。時幕下多通儒。邵先生晉涵。王先生懷祖。洎先君俱以古經義小學相切劘。始與王先生定交。王先生嘗與喜孫書云。尊甫與其訂交於苕河先生幕內。在壬辰之冬。謹按先君治小學當在是時。是時所校書

多述王先生說。先君謨李先生墓銘。所謂古學大興。江以北王念孫爲之倡。而某繼之是也。又按上朱學使書云。古人爲學之方。至今年始窺其門戶。任重道遠。莫能自致。羣疑衆誦。就正末由。蓋在是年冬。由當塗歸里之後。王先生在當塗未歸。李先生在高郵。劉先生在寶應。先君僑儀徵。故先君云然。李先生與劉先生書云。容甫言先生與懷祖學行不媿古人。謹按先君嘗致書王先生。以遠小人不惡而嚴相規。先生張之座右。故王先生與劉先生端臨書。以爲與先君廿年性情學術之交。

先君手錄古文詞。請正於朱學士。有代陳商答韓退之書。其文云。商白。辱書示以學文求進士之道。非夫自得之而勇於爲人者。不能及此。屬思過苦。則造意反不能深。誠吾之病。然謂工於瑟而不工於求齊。則不然。君子之道。非苟以求人好也。今徒曰不好瑟而已。不幸而王不好士。則將去而爲工賈乎。而淫樂百戲。又可眡王之所好以中之乎。且君子患瑟之不工。不患人之不好。苟瑟工而人不好。雖舉一世之人棄之。猶將挾空桑雲和之材。奏於鈞天。

張於洞庭之野。使伶倫撝越。素女操縵。樂以鹿鳴。四牡與虞舜文王孔子揖讓。曾何齊王之云哉。王雖不好。吾固未嘗撝指而徹御也。又何怨且怒哉。世之君子。屢仕而不遇。則憤然自負其學。而於富貴有不屑名位已至。則以仕宦爲必可得。而謂同列晚達者無志。執事非其人也。且無貽簡賢者口實。商白。是時先君有志用世。私淑顧亭林處士爲經世之學。於出處進退無所苟如此。

大雪後一日。發冊書云。其清羸多病。遂有晚芝之翁。末年光景。老母勞瘁。家無一金之產。且父行三人。子姓惟有某耳。今三十尚未有子。脫有溝壑。何以堪此。念此黯然。

朱先生武曹嘗言。壬辰癸巳間。曾見彊識錄內有王介社哀詞。哀艷動人。荅晉侯使呂相絕秦書。胎息左國。述學未之見。豈有所遺佚耶。語見朱先生與喜孫書。又按先君嘗作蘭韻堂詩序。安福縣知縣吳君墓誌。黃君墓誌。皆不存葉。



三十八年癸巳

春與秦文西巖書云。得家書。知老母患寒溼不能行動。某近在數十里內。尚可朝發夕至。若江寧遠隔大江。則又有風水之阻矣。自念離家一日。則此生在膝下之日。卽少此一日。家鄉得一館地。使其展布其四體。尚不至於素餐。卽在府城。亦可奉母復歸故土也。

與劔潭書。是時先君議凡州縣察其寡婦之無依者。造屋一區。爲百間。開各戶使居之。命之曰貞苦堂。擇鄉大夫敦篤有智者總其事。出入羸縮之節。官吏不得問。門外爲社。有師一人。凡孤子五歲至十歲者。學焉。命之曰孤兒社。三年視其材分志趣。而分授以四民之業。然必通孝經解字體。至十六度能自食其力。以次減其廩。至三十則舉而遷之於外。

秋在朱學使幕。始與賈先生田祖定交。賈先生爲高郵老儒。工詩。所作凡三千篇。通左氏春秋。旁行細書。朱墨爛然。見先君所誦墓誌。朱先生武曹云。賈君以詩名世。人謂谷甫之學出於賈稻孫。誤也。



先君大戴禮校本卷四後題云乾隆昭陽大荒落壯月家居用繹史校凡七校矣。辜月大興朱筠高郵王念孫江都汪某校於安徽學政署中。是月客歙縣汪灼家得休寧戴震校本錄上。先君舊藏王先王校本大戴禮先君歿後喜孫年少高郵朱訓導保取去。王先生云某已擷其精華入經說矣。

撰朱先生學政記序云乾隆三十六年先生提督安徽學政十一月到官在官凡二年。

朱學使薦先君於馮兵備廷承書云汪生通人也其學知經傳之義而達於史事又善爲古文詞筠在江南尚或爲之所筠去恐遂窮以死其才當爲世愛惜之謹按先君三十以前工詩善詞賦肆力於諸史既乃專治經學於時先君以所撰著就正於朱學使如述典正名論封建論晏子殺三士論論趙襄子知伯事兩漢節義論留侯論所謂知經傳之義而達於史事也如代秦荅呂相代陳商荅韓退之書與達官書魏次卿誄沈昌齡哀詞樂儀書院請祀山長沈公議所謂善爲古文詞也然其時博覽羣經尚無專門之業既而

由聲音訓詁之學兼通名物象數。由名物象數之學精研大義。故知新記多古字古義。而於先秦韻學論之尤詳。晚年擇其精者爲述學。如釋三九玆文正釋厲字義。釋夫子是也。其攷證名物象數。如釋闕釋冕服明堂通釋。皆萌芽於知新記。此外見知新記者文多不載。王先生念孫以爲討論經史。惟然疏發挈其綱維。才卓識高。片詞隻字。皆當爲世寶之。又謂有功經義。使後之治經者振煩祛惑。而得其會通。王先生引之謂博攷文字訓詁。名物象數。識議精卓。唐以下所未有。蓋記實也。

謹按先君三十以後古文詞初學。昌黎既博覽先秦兩漢之書。鎔式百家。不名一體。王先生念孫謂貫穿經史諸子之書。流行毫素。合漢魏晉宋作者成一家言。淵正醇茂。無意摩放。神與之合。宋以後無此作手。

龍潭募建避風館疏略云。度龍昀洲之南。高昂之地。夏水所不至者。造草屋三間。中祀江神。召僧之強幹愿懃者。主之。仿京口之制。榜曰避風館。官爲條教。不可使胥役與其事。凡南來之船。遇風則止其下。就宿者人三錢。歸之僧。

飲食聽之。貧者量減其數。風止乃行。於船錢勿有增損。以龍潭準戶領之。如故。先君近年或客江寧。或客當塗。龍潭募建避風館。疏疑作於是時。先君是時臨摹懷仁聖教序。是篇文藁行法聖教。且與汪君墓誌同錄。故定爲是年。作貢士汪君墓誌云。乾隆三十八年十二月卒。明年葬於某原。按是年冬先君客西溪汪氏。誌當作於是時。

顧君墓誌云。乾隆三十六年春。某在府城。按是時先君僑居儀徵。故云。又云。閒一歲再至。則君方居父喪。及今而過之。則君之喪已在殯。按是誌不載顧君卒年。疑當作於是時。又先君有贈顧寅初詩。亦疑在辛卯以前。

先君壬辰歲與朱學使書。述程檢討事。誤程檢討墓表云。授檢討。愛歸一歲卒。墓表不記年月。以與朱學使書攷之。當在此數年間。

三十九年甲午

先君早歲好戴君屈原賦注。嘗手錄一帙。久之以貽桐城某。題冊尾云。甲午二月。汪某手贈天民。



一壑記云、三十九年三月、歙人汪夢紳作、其族弟爲之記、謹按是篇墨蹟、行書、似聖教序、爭座位帖、曾刻石行世、先君文不存、藁石今藏北來後山汪孝子祠、五月、往寧波、未幾自寧波歸、往江寧、八月、歸里、有宿錢唐江上詩云、羅刹江頭桃李春、東風吹雨黯銷魂、素車白馬休相問、我亦蘆中喚渡人、大戴禮校本卷四後題云、閑逢敦牂客、寶應劉台拱、朱彬同校、

九日江上逢儲玉琴、昔與玉琴器之、劔潭九日樂善庵日暮求酒不得、黯然而散、今忽已十年、有悲前事、因作此詩、詩云、城東雙樹記婆娑、城上西風動女蘿、落葉無端悲壯士、窮途相聚祇狂歌、驚心歲月中年速、過眼雲煙舊恨多、今日尊前重握手、扁舟江上奈愁何、

秋萍詩有云、自是浮生易漂泊、不因霜露怨蹉跎、

冬往寧波、依馮兵備廷丞、過常州詩云、百里延陵問水程、西風如舞一舟輕、亦知休息終無日、尚有昂藏媿此生、雪後夢回驚犬吠、荒天人定畏鷗鳴、恰當晚歲漂零日、好助淒涼倦客情、

伊太守秉綬誦先君消息詩云消息傳江上風沙滿目昏猶聞一路哭已解萬人屯財賦通吳會帆檣下海門尚思衣食樂生養累朝恩謹按是詩作於是年伊太守昔在京師聞人傳誦於守揚日始爲喜孫誦之太守與先君不相識是以贈喜孫詩有而翁吾未見想像漢名儒之句。

四十年乙未

撰沈椒園先生行狀題云乾隆四十年正月某日門人江都縣附學生汪某謹狀。

將赴江寧題所居東軒云屋裏圖書作四鄰庭前竹樹正三春老親嬌女團欒坐身是天涯乞食人謹按是詩先君未存藁。

爲兵備官寧紹台道先君在幕府尋調臺灣道先君以母病不能偕往兵備薦於其僚某官先君造某所則辭以事不得見於時兵備已度海先君遂不能治裝是年三月在杭州四月始歸里。

夏日鄒太宜人病篤先君與秦文西巖書云某於二十三日抵家老母以肝



脾受病其勢甚危。際此酷暑，附身之具一無所備。今特走字將通典二百卷資治通鑑三百四十四卷奉上，抵銀十兩，并懇即日遞下，即取書而去。人生至此，不容他言，七尺尚存，報恩有日。

在杭州四月歸里。先君作汪純甫哀詞云：君諱介壽，字純甫，仁和學生。其申官浙江，以君管其書記。乾隆四十年三月，有薦其於某官者，久之干謁無所遇，遂不能歸。武進蔣御史者客於某申所，言君數矜語某申，以某才藝學業皆已所不逮，其身羈貧可念，無使其失所，日日聒之不衰。余與君初不相識，至是始從叩其名氏里居，異日造其家，君固不在。及見訪，某又他出。於是君之所以知某及爲某出力者終不詳其所由致。某既北行，貽之以書曰：孤生失學，獨處無媒，不自意爲君子所采譽。雖神明之契不在晤言，然三江所環，千里而近，歲月未晏，必有見期。但使此身猶在，要當發名成業，以報知己。君荅書深婉，文爛不存。閒二歲，某數數問君行迹，最後沈禮部書至，則君歿矣。吾安知此生之不獲識君也？悲夫！往觀李習之感知已賦，嘗太息哀傷其事。



雖然習之出所業以求知己則人之譽之也有因其身親炙於補闕之門則猶有師友講習之樂然且感其知而非悲其後之不可再若斯也某受德於其所不習之人而終於不得一見而歿則且悲且感宜何如哉君之歿三十有六年促而位下不竟其施某爲此辭以寫其哀而不及其他行誼辟不敏也是篇詞未完謹按先君手藁末列哀詞數語有云惟百族之有知今苟在羣而必爭衆騰口而自雄今何賢不肖之定名。

雷州府知府馮君妻三李氏不合葬議有云乾隆五年雷州官岷洮道又十五年雷州卒於其官又十七年始得兆於州北之北岡其後三年其子邵客於鄞告某以其事。

題信貞婦高柳鳴蟬畫扇序云信貞婦於某爲表姑某四五歲嘗遊其家爲所保抱及昏於信氏數月而夫沒立子取婦未久子又殤通詩書能畫窮乃至於斯其可悲也謹按貞婦名瑾懷江都閭某之女工書入歐陽率更之室畫扇題詩云清風五月賓王賦瑞露三危梁帝詩亦不類閨秀詩先君於扇

後復繫詩云承露無 揚風有聲 解化稱此懷清^⑥

先君撰金陵地圖攷未成序自二十卷。國朝江南省城圖第一、國朝江寧府圖第二、秦漢地第三、吳建業第四、晉宋齊梁陳都城圖第五、晉宋齊梁陳丹陽郡第六、晉地圖第七、宋地圖第八、齊地圖第九、梁地圖第十、陳地圖第十一、隋蔣州城圖第十二、唐昇州城圖第十三、南唐都城第十四、南唐地名第十五、南唐金陵尹第十六、宋城郡邑第十七、元建康路圖第十八、明南京圖第十九、歷代水道圖第二十。葉本廬列史事數百條、未有按語、無年月可攷、姑系於此。顧君千里讀之、以爲按目錄而知體例之精也。

四十一年丙申

在江寧府某幕府。是年受知於謝侍郎壻、始食廩餼。

先君嘗列敘當代經師、以程先生爲舉首。程先生挽先君詩、亦有校才君宜得八斗之句。按鄭先生虎文與馮按察使書云、孝廉程易疇名瑤田、歙產也。其才兄事東原、弟畜谷用。案先君與劉先生書言、丁酉始與程先生定交。王

先生則云丙申之春至揚州。始言程易疇之學甚精。想訂交卽在乙未丙申之間。

呈均弼先生詩云。沈縣風義苦難忘。流水行蹤過隙光。海外經年勞悵望。尊前永日訴淒涼。按均弼先生於乾隆壬辰官浙江寧紹台道。甲午先君在幕府。尋遷臺灣。先君以鄒太宜人年老不能同往。故詩有海外經年勞悵望之句。千里詩云。千里關河七尺身。長年逐食走風塵。眼前冠蓋誰容我。老去飢寒尚累親。智慧不來空拊髀。雲山如夢只淒神。平生皎日心猶昨。每到窮途媿故人。

知新記卷首題云。乾隆柔兆涖灘二月。按是卷於尚書、毛詩、三禮、左氏春秋、逸周書及管子、墨子、列子、荀子、韓非子、呂氏春秋、史記、漢書多所發明。後又題云。九月病後。按所錄厘數十條。雜記經史疑義。先君自題篆書云。極深研幾。疏通知遠。又一冊題篤信好學。守死善道。蓋自勵也。居喪釋服。解義萌芽於此。



荀子校本卷一後題云丙申二月校。卷三後題云四月二十七日歸自江寧。校非十二子篇後題云是日雨。卷五後題云五月四日校。王制篇完前兩日。老母受寒汗之乃解。又理脾胃數劑。卷十五後題云日來母氏病風溼其未得親書。案比小菴始校此篇。

撰表忠祠碑文序略云惟乾隆四十一年、

皇帝永念故明建文革除之際諸臣守不戴天之義隕身湛族百折不回。爰命廷臣蹟行議諡以發幽光俾有司各祀於其鄉。有失其里居者則於其授命所。臣某適典江寧府治西有舊祠曰表忠因舊基而廓充之用屬臣某爲文刊石紀之。

撰喬君墓碑云君諱汲字敏伯沒年八十六是爲乾隆四十一年九月甲午遺命三月而葬禮也。又云昔操几杖屢接音容委死平生情瀾不竭。

爾雅校本跋云柔兆涒灘壯月寓府城以經典釋文開成石經校上釋文多古文奇字尚存漢以後諸儒之舊觀至石經始盡同今字。蓋自明皇改洪範



升月令更喪服變古亂常之後遂成俗學不可反庶幾比跡於秦政已。按此跋爲先君初校時所題後更出入羣籍稽合同異凡百數十條。同時王先生亦爲之注因邵學士好是書遂盡棄其所學。

謹按是時先君治經才五年所引郭注異文似當別爲攷證以誌古今同異。所校多有出於邵疏之外。凡四十條。且有邵本傳鈔譌脫藉以是正者。校在邵本具藁後一年邵本猶未禁儻以邵本流行故未卒業與。

盧學士文弢抱經堂文集書儀禮校本後云今年江都汪容甫語予曾見宋本儀禮鄭氏注與今本有異同。余因假其傳錄者以歸。按是篇首行標題自注云丙申作後三篇同。書孟子注疏校本後云乾隆辛巳余從吳友朱文游借得毛斧季所臨

吳匏庵校本乃始見所爲章指者獨於末卷缺如也。今江都汪容甫乃始以其錄自何本者借余遂得補錄以成完書。書荀子後云議兵篇有而順暴得勇力之屬句注雖依文爲解然相其文勢似不當爾。江都汪容甫謂其上有脫文下有爲之化而愿爲之化而公等語則此亦當是爲之化而順其上

文則無由知之矣。與先君書云、承示儀禮逸注一條、并以所錄孟子章指全本見寄、使得補足、以成完書、誠大快也。足下之本尚有遺漏一二處、則以墨筆識其旁、斧季過信宋本、於其字之沿俗體者、亦復規規然從之、此誠可不必也。足下之見贇矣。聞近著小學、一本古訓、補蒼之亾、作雅之翼、拭目以期蚤覩也。謹按先君所誤小學、依爾雅篇目分別部居、僅采錄數百條、未成書。孟子章指今亦不存、錄此札以誌之。

常州顧子明云、抱經先生在龍城書院講席、常常稱道尊公不置。某見尊公凡閱一詩一文、雖甚淺易、必再四循覽。

先祖妣患足疾、醫不能治、先君於夜半焚香跪於庭前、爲文以告城隍神。文成、亟詣城隍廟、廟門已閉、先君號呼不已、始啟門、以所爲文泣誦神前、誦畢焚之於鑪、默禱而退。是夜先祖妣安枕而臥、先君侍疾不寐者累日、至是坐而假寐、夢至神前、神擲一簿令先君檢閱、先君手開十二葉、意欲再開、神遽以手按住、而先君遂醒。先祖妣從此不藥而愈、後十二年而死。始知神令手

開簿十二葉。蓋十二年也。先君每痛哭言之悲不自已。

四十二年丁酉

督學謝侍郎試經解策賦詩俱第一。選拔入太學。每試別置一板。署名諸生前。督學謂所識拔之士曰。若果受學。容甫學當益進。又曰。予之上容甫。爵也。若以學。則予於容甫北面矣。先君聞之泣下。于後五十一年。侍郎奏稱洪澤湖形勢日淺。昔如釜。今如槃。尋江南河臣奏春汛安瀾。

高宗命侍郎往勘。先君爲具疏草數千言。侍郎益重先君之學。晚年贈詩。有人皆欲殺。因文字之句。又以所著寄示先君。書來謂足下與辛楣能鑒之。不足爲外人道。其知先君之深如此。先君少習經世之學。三十以後。病怔忡。聞金鼓雞犬聲。夜不成寐。選拔後不就。朝考歲己亥癸卯。侍郎典江南鄉試。先君不就試。又按先君論河道與王先生懷祖合。欲河由千乘入海。數百年可無河患。惟疏草不傳。先君或自焚之。先君文字最謹慎。此等疏草從未示人。亦絕不與人言一字。朱先生武曹爲言。江寧蔡丈芷山嘗語人曰。悠悠委



薄俗鬱鬱逼剛腸。容甫之境也。語及君臣際經書滿腹中。容甫之學也。時以爲知言。先君有志用世。杭編修世駿序袁鹽船文云。某方學古之道。其言必期於有用。朱學士筠最重先君。贈楹帖云。學古之道。藏器於身。

賈先生田祖有是年春日留先君暨李先生孝臣王先生懷祖草堂聚飲。翼日送先君北行詩略云。我欽汪子靈光崇。五三八九經術鴻。文鑱金石垂厚穹。阿誰相厄能兩雄。

撰賈田祖墓誌略云。乾隆四十二年。試於泰州。五月乙酉。經宿而卒。與王先生書云。賈君志金石文之正體。李君志則兼哀詞爲之。夏往江陰。秋就總督某公。巡撫某公。學使謝公。試往江寧。

墨子校本卷四後題云。四十二年十二月校訖。

盧學士文弼抱經堂文集與錢辛楣詹事書云。楊大眼造象記中懃字。江都汪容甫以爲卽旅字。以字形審之。良然。錢少詹事大昕潛研堂文集與孫淵如書云。僕前跋楊大眼造像記。未詳懃字。足下謂震懃卽振旅之異文。敬聞。

命矣。頃見江都汪容甫亦如足下之言。卽當刊正以志不忘。案抱經堂文集是篇自注云丁酉。

孫淵如誤江君聲傳論喪禮全用先君居喪釋服解義。先君是篇禁入述學垂十餘年。孫君始作江君傳。先君歿時江君尚存故也。

先君誤釋媒氏文謂大會男女讀如司會之會。說與潛研堂經義答問梁鴻翥問合。答問刊於述學之後。迨孫刊五松園彙則答問行世已久。孫作先君傳載是說而申之曰。予亦言奔則爲妾。釋奔者不禁之誼。孫君說與答問合。又按戴東原集亦有是說。較先君說詳核。先君祇釋大會會字之義。未嘗全同戴說。孫釋奔字之義則全與戴說合。

四十三年戊戌

正月。至江寧。撰中山王墓種樹記。宋搨顏魯公多寶塔碑跋尾。未存彙。

賈誼新書校本題云。乾隆四十三年正月十七日。坐洪氏鴈齋校此。是月爲治裝入都計。多日不開卷。至是以肝氣上逆。弛擔養病。雨中獨坐。得理故業。



其樂無涯。又題云。是年四月十二日。在揚州府治新城戴家灣新居之禮堂。緝成此書。

三月。自儀徵移歸揚州郡城甘泉治戴家灣。尋遷玉井西偏。先君自題閤門云。草長鄭公堂下。柳垂陶令門前。又云。催租無吏至。載酒有人來。

五月。復至江寧。八月。回里。與劉先生書云。某因馮按察南來。正當急難之際。挺身營護。竟克有濟。久宿鍾山書院。得受寒溼。八月中。歸而瘧作。醫者誤以爲虛損。過投大補大寒之劑。遂至絕命者二。及乎病後。則體反加壯也。

國語校本第一卷題云。乾隆四十三年五月。借代州馮按察使景鈔宋本校毛斧季故物也。

己亥與劉先生書云。去年交程舉人瑤田。洪中書榜。二君與金殿撰於戴君之學。皆可云具體又長。夏客江寧。與錢少詹事相處。日夕談論甚契。程君有體有用。不可不內交之。按錢先生博通羣史。先君最服膺其學。先生嘗問陳書本紀。大建五年六年十二年所書廣陵爲今之江都。抑後魏僑置之廣陵。

先君作答錢少詹事問。先生亦好金石之學。潛研堂金石文跋尾云。使院新修石幢記。爲江都汪容甫所贈。攷歐趙諸公皆未著錄。近代藏金石家亦罕及之。一紙書勝於百朋之錫矣。於時先生族子錢進士塘博聞強識。亦與先君爲同學交。先君敘次當代通儒名氏。程君及錢君與焉。

四十四年己亥

先君書儀禮校本大射篇後云。乾隆四十四年正月十日校。謹按。先君校儀禮在盧學士以前。

正月二十一日。與劉先生端臨書云。所論鳩集文字。某亦有此心。然某之志。乃在述學一書。文藝又其末也。是時先君撰述學一書。博攷先秦古籍。三代以上學制廢興。使知古人之所以爲學者。凡虞夏第一。周禮之制第二。列國第三。孔門第四。七十子後學者第五。又列通論。釋經舊聞。典籍數典。世官目錄。凡六。未成書。更取平日攷古之學及所論撰之文。爲述學內外篇。述學略云。觀周禮太史當時行一事。則有一書。其後執書以行事。又後則事



廢春秋而書存門孔比於告朔之餼羊。至宋儒以後則并其書之事而去之矣。
有官府之典籍有學士大夫之典籍故老之傳聞當時行一事則有一書傳之後
世奉以爲成憲此官府之典籍也。先王之禮樂政事遭世之衰廢而不失有
司徒守其文故老能言其事好古之君子閱其浸久而遂亾也而書之簡畢
此學士大夫之典籍也。

古之爲學士者官師之長但教之以其事其所誦者詩書而已其他典籍則皆官
府藏而世守之民間無有也。苟非其官官亦無有也。其所謂士者非王后公
卿大夫之子則一命之士外此則鄉學小學而已。自辟雍之制無聞太史之
官失守於是布衣有授業之徒草野多載筆之士教學之官記載之職不在
上而在下。及其衰也諸子各以其學鳴而先王之道荒矣。然當諸侯去籍秦
政焚書有司之所掌蕩然無存而猶賴學士相傳存其一二不幸中之幸也。
孔子所言則學士所能爲者留爲世教若其政教之大者聖人無位不復舉
以教弟子。



禮樂征伐失在諸侯大夫。又後而四豪游俠之徒出而學問乃在士大夫。周之衰也，典章制度考之故府，則犁然具在；而歷世既久，徒以沿襲失之，而不復能知其制作之義。孔子則睠然于一王之作，而被諸當世，故云人存政舉。又曰：待其人而後行。莊子則一以爲無用而思欲盡去之。

三月往江寧。時馮按察使廷丞罷官後，以候補同知羈厲江寧，貧不自給。先君往省之，贈均弼先生詩云：屈指三年別，驚心兩鬢絲。風波經海慣，雨露及春滋。舉室仍蓬梗，勞生比奕棋。此身期報國，應不嘆官卑。按均弼先生官臺灣道，先君以母老未能偕往。詩首二句謂此，第三句言其被逮，第四句言其論贖。第八句言其降捐同知。此詩與馮君碑銘相證。

知新記題云：三月杪至江寧。按是時于晏子春秋新書南史用力最專。又云：九月十日復至江寧。按是時所錄於禮記說文多所發明。

謹按：是年九月先君至江寧。据王述庵侍郎年譜云：九月至揚州，容甫以所辨尚書金縢諸篇相質。朱先生武曹云：王侍郎所作墓碣言容甫以經說正

于予似涉夸詞。又按先君解我之弗辟，據說文解字治也。孫淵如書疏本此。孫書刻於先君死後。先君生前彙行述學，即著錄居東證。於後焦里堂謂魏晉人作書傳如金縢我之不辟，訓辟爲法，居東即東征罪人，即管蔡，非馬鄭所及其說亦本先君。

賈誼新書敘云：乾隆屠維大淵獻且月^⑧述。敘有云：其時經之授受不著竹帛，解詁屬讀率皆口學，其有故書雅記異人之聞，則亦依事枚舉取足以明教。錢少詹事評云：通人之言，小儒少所見多所怪，聚訟興而經學衰矣。又於篇末記云：推本賈生學所自出，大言炎炎，卓爾不羣。

賈誼年表後按云：按史記歷書太初元年焉逢攝提格上推，孝文四年是爲昭陽單閼。錢少詹事云：據太初元年焉逢攝提格上推，單閼三歲應是文帝五年，或以天正冬至當屬前一年，恐非歷意。王先生引之復駁之，見太歲太陰攷。

爲江太守恂撰亳州渦水隄銘云：乾隆四十三年，河決儀封，恂立隄於渦之



陰明年爲文紀其功日財用遠通基址以告毫之民。

先君舊藏宋拓化度寺碑二本一以贈朱學士筠是年復以一本贈江編修德量是年冬編修以禮部試來京師贈其座師翁鴻臚方綱未幾學士歿鴻臚以所藏本易學士藏本去蓋學士拓本較精也。

先君所藏碑刻以先祖妣羸病嘗以售之人爲救水藥餌之用寄趙味辛書云東方朔畫贊已歸馮按察李昭碑嚴侍讀及秦君處二本皆遠在此本下與其歸之他人不如歸之足下又云北宋大麻紙肥本黃庭經守之如目珠與足下相見時當共賞之魏受禪上尊號二碑在許氏處如故旦夕即可買得之李少溫城隍廟碑拓本奉致左右殊不足與三墳記爲輿臺耳又云比有漢篆數十種均爲雲煙過眼好之而無力悵悵而已裴岑碑得見於江寧漢碑之存於世者此爲天下第一此數碑或存或不存錄此以誌金石之契四十五年庚子是年在江寧。

商子校本卷一後題云乾隆四十五年二月校。卷二後題云十五校。是日成裕自江陰歸，留余草堂兩日，極朋友之樂。十八日送之北去。成裕者，高郵李先生惇，字成裕。性行淳篤，治毛詩、左氏春秋尤用力於諸史。先君嘗與論明堂制度，上下議論，所說不同。王侍郎引之，少時見之，以語喜孫。先君撰李墓志云：各成其學，不相依附是也。

李先生與劉先生書云：惇因衰病侵尋，進取之念既灰，著述之心亦懶。並妻子之情亦淡。惟朋友之愛不能忘懷。如足下及易田、懷祖、容甫諸君，惇一得侍，便神志飛舞，終日不語，而性情亦適。

墨子校本卷一後題云：乾隆四十五年八月二十八日，覆校於玉井新居之禮堂。卷九後題云：乾隆四十五年九月九日，坐禮堂之東軒校訖。

知新記：是年所記周禮、左氏春秋疑義最詳核。雜錄周易、爾雅、素問、國語、國策、莊子、淮南子、白虎通、說文、三國志攷證亦多。先儒所未發。

與趙味辛書云：比來苦於多病，舊學日荒。本月中已移寓玉井之仁壽巷，在



舊居西南半里所得古碑若醴泉銘李思訓碑中興頌並北宋拓本夏間擬往杭州當與足下爲十日之聚其時可盡出所有與共觀之又云人世榮名史書佳傳比之富貴尤不可憑可爲長太息耳又云常州城中三數友近惟淵如與狎其他求於里門若有不能終譽者而足下金堅玉潤質有其文獨有使人意消之致以此解帶寫誠期於白首又云來札云將爲閉戶計今未知如願否君子深造之以道欲其自得之也足下學問當於此求之耳

孫星衍糧儲時以諸生游江都先君館之於家糧儲序儀鄭堂文云往余在江淮間友人汪容甫出驛軒檢討駢體文相示歎爲絕手

與秦丈西巖書云乙未之夏家母篤疾某以歲制之具告急於左右即日先生遣紀綱金姓持銀十兩至儀徵某感之不忘也荏苒六載老母幸邀餘蔭康彊無恙某生計亦裕於前人子之所以事親者其心無盡去冬適得美棧前此歲一漆之者已貨之他人而先生之德不可虛受也比見金紀綱在門不勝感觸因以銀屬其轉呈并道某感謝之意

四十六年辛丑

周禮校本云乾隆四十六年二月十二日坐禮堂之東軒治典瑞訖。

墨子校本卷十二後題云四十六年二月十二日校。

六月以古劒贈歙程先生瑤田見通藝錄桃氏爲劒攷。

四十七年壬寅

正月以古劒寄贈程先生瑤田見通藝錄桃氏爲劒攷。

春在淮安劉州判玉麟有送容甫之淮陰詩玉麟字又徐寶應人乾隆丁酉拔貢生官廣西值峒苗之變歿於軍。

癸卯與程先生瑤田書云某今年雖病賤體較去年淮安洒淚作別時固當勝之据此知是年先君與程先生相遇於淮安。

知新記題云元默攝提格元月至江寧是時於毛詩周禮穀梁逸周書荀子通攷多所攷正。

逸周書校本題云乾隆元默攝提格辛月寓江寧舊院之啟福庵校。

四十八年癸卯

知新記題云、昭陽單閼病月、按是時於毛詩、儀禮、史記、漢書、三國志、南史、通鑑、唐書、呂氏春秋、說苑、多所改正。

三月、往江寧修南巡盛典。與程先生瑤田書云、三月下旬、往江寧旅食者五閱月。四月、某因肝火鑠肺、作咳、醫者誤以爲寒涼、幾至不測。有奉賀席齋先生上官之作云、六載寓公、今守土注。先生自戊戌南來、寄孳於省城、今分巡江寧、卽官其地。鷲峯寺有感詩、一本題云、鷲峯寺側積水淪運、昔與次卿、穎田、嘗步履上、今重過其地、則二君皆爲異物、漫作是詩、以志余悲。又有秦淮雜詩、白門感舊之作、弔馬守貞文、劉先生台拱最愛此文、題云、容甫已矣、百身莫贖、按是篇寫定於臨終之年、遺藁與江君墓志同卷。

七月杪、往蕪湖、八月歸里。

與程先生瑤田書云、夏日避暑養病、稍理卷帙、於六書略有所窺。又明堂通釋、亦著有成書一卷、其餘小小心得者、亦多有之。据此知明堂通釋本獨爲



一書後乃附入述學。阮督部元云。容甫明堂釋有初藁。有次藁。歸安丁小雅。未藏其初藁。以爲必當附存於後。謹按。先君初藁。自篇首至百家之異說。可得而辨矣。爲一節。次列題云。一辨世室重屋。明堂同制。三辨呂氏春秋九室之制。終之以二辨。鄭康成五室之制。文詳略小有同異。督部集述學大字本。載先君是篇初藁。家刻小字本爲先君手訂。是以不載。

與程先生書又云。某病中百慮縈懷。深恐不起。而足下則時時夢見之。晤語如平生。此亦心思專一之驗也。又云。通藝錄乞仍惠一秩。其漚沍篇刻成。并望寄我。儀禮堂阿等制文。乞鈔一本見付。又新法列宿度數。亦乞見示。先君於通藝錄最所推服。每於相知前稱嘆之。錄此略見其大槩。

又云。昔號叔閑天太顛散宜生。南宮括五臣同寮。比德以贊文武。及號叔死。四人者爲之服。其事絕可感。其將仿其義爲制總服作說一篇。何如。

又云。端臨至江寧爲十日之聚。爲今年二百四十日之至樂。

又致書李先生。序云。足下得易田懷祖。端臨及其爲之友。其樂亦何以加之。

案此見當時友朋之樂李先生以是年卒於家李君之銘序略云是時古學大興元和惠氏休寧戴氏咸爲學者所宗自江以北則王念孫爲之倡而君和之某及劉台拱繼之並才力所詣各成其學雖有講習不相依附按是篇記李先生生卒年月云乾隆四十五年成進士越三年病卒

四十九年甲辰

凌仲子校禮堂文集云甲辰在揚州見汪君容甫研經論古偶及篇章汪君則以爲周官左傳本是經典馬史班書亦歸紀載孟荀之著述迥異於鴻篇賈孔之義疏不同於盛藻所謂文者屈宋之徒爰肇其始馬揚崔蔡實承其緒建安而後流風大暢大清以前正聲未泯是故蕭統一序已得要領劉勰數篇尤徵詳備唐之韓柳深諳斯理降至修軾浸失其傳是說也同學或疑之廷堪則深信焉又云汪君旣以蕭劉作則而又韓柳是崇良由識力未堅以致游移莫定謹按凌君前說恐亦非先君之旨先君選周秦以下之文爲喜誦仿昭明之例史班傳贊亦入本書所見固迥別也若後說駁先君不當



并尊韓柳豈有士生唐以後學爲文章不從事於韓柳者亦可謂妄已。韓柳固從先秦兩漢六朝鎔化爲文所謂唐之韓柳深諳斯理是也。今人若作碑版文字不上規史漢下遊韓柳但依仿六朝駢儷之作可乎。

雁足鐙槃銘釋文題云四十九年八月晦日釋謹按樊榭詩集載馬氏雁足鐙文與此銘文大同小異。

古玉釋名云乾隆四十九年十月丁丑訪巴子籍於左衛街子籍以示某。孫枝生墓誌云卒於雍正九年四月壬子後五十四年某爲之銘謹按孫君爲孫星衍糧儲之祖配許太君以節孝聞於世者也。

與馮按察廷丞書云春仲從謝侍郎北上在途病發抵家後衄血數升暈絕者再臥牀四五十日病後無慘輯成秦蠶食六國地表一卷秦當躁公出子之世數有內亂國勢最衰漢中屬楚則巴蜀不可取而扞關不驚桃林之塞屬韓則三川不可窺西河上郡屬魏則安邑有所蔽而大梁不徙九原屬趙則主父方欲襲秦自獻孝二公之後其勢始大而三家分晉其地畸零多有



子道秦人攻取之迹國策不詳史記多疏通鑑尤略今遍考先秦之書分其年限爲十圖頗爲該洽有暇日當鈔一本奉寄聞春來體中不快或者覽其之書啟顏一笑霍然病已比於枚叔不亦善乎。

又云母氏春秋益高某久病餘生無復四方之志飾巾待盡而已先生他日西來當臨吾殯也按是書作後馮按察遂以末疾終。

爲謝侍郎撰展義論略云民之所急者莫如食而江浙之民所以妨其食者則惟水河自發源注海周行萬三千餘里會大川二十有七而淮揚徐海當其下游河不治則民受其病而漕運鹽場因之以困錢唐之潮激以龕赭二山搏以漸江以蓄以灌不日則夜海塘不治則浙西受其病而蘇松諸郡因之以困。

皇上親臨相度數十年來率作興事之功以次而舉向者洪澤遇漲五壩盡啟下河幾成巨浸自立徐城水誌定清口東西壩展拆之制而湖流暢行入黃高寶諸州縣歲獲豐收向者陶莊積土逼黃南注自開引河築攔黃順黃

二壩而黃水東流注海、無奪淮內灌之患。向者老鹽倉、柴塘歲修采買勞費孔多、且不可久恃以爲固。自改建魚鱗大塘、而濱海之民永有所恃。又接築章家庵以西大塘、而省城益資保障。自餘相地因時、莫不大衛民生期於可久。

皇元孫誕生、頌、代、謝侍郎作略云、稽古哲后、黃帝、文王、咸以耆壽在服、獲多男之慶。黃帝之子二十五人、文王百男、登於樂師、載在外史。而青陽倉林小宗得姓、魯考、蔡荒、七命賜國、不聞生當二后之世。洎夫穆王百年享國、乃告童孫衛侯九十有五、猶稱抱子。雖書闕有聞、然子姓遲速之數、略可觀矣。自是以後、昭王、季世、始皇、燬生、孝武、征和、公孫、方震、齊高、四世之基、鬱林太翁之對、大同之育、仁遠、天寶之降、雍王、至元在御、真金得孫、孝陵暮年、建文生子。自共和以底於明、歷年二十四百有五、建國稱尊者二十九姓、二百三十八君、而降年有永、下見曾孫者、僅一王六帝、蓋若斯其難也。至於元孫則書契以來、無聞焉耳矣。

五十年乙巳

是年二月，辟雍園水告成，釋奠講學。先君作頌略云：自遼至明，凡更四代，大學之建基於至正，亦越五百餘年。然後橋門園水之規，至今而始備。上稽豐鎬創制之初，則又三千餘年。觀會通以行典禮，謹按是篇爲謝侍郎作，不存藁。

先君有事寶應，得石門畫像於射陽之雙敦。錢少詹事爲書楹帖云：學古通周禮，探奇竊漢碑。先君上畢尚書書云：射陽石門畫象，東漢時物，其石今在某家。謹按朱先生彬爲之記，惜藁已亡佚。又按程先生瑤田射陽石門畫象跋云：漢墓刻畫古人者，見趙岐傳。此畫孔子見老子象，殆是類歟。植柱而樹之者，建鼓也。大射儀注所謂以木貫而載之者也。跗刻獸厚脣短脰，考工記所謂羸屬以爲虛是也。霸臺詩箋言：筍虛以懸鐘鼓，是鼓亦懸於筍虛歟。其上橫木筍也，從筍盤繞交結而下者，所謂鱗屬以爲筍者也。知爲鱗屬者，以腹下排次有蛇蚶之狀也。下層一人剖魚，一人執爨納薪，手持挺以闌其薪。



儒藏

容甫先生年譜

之在竈外者。竈上置鑊一，熱氣蒸蒸上，鼎在旁，蓋將烹魚以升之。一人司酒，酒在罍爲交午畫者，河鱗也。杯六形，皆較長。淮南子所謂闕面於盤水則圓，於杯則橢，蓋杯橢圓也。鳥雞喙蛇頭龍文虎背者，鳳也。鳳有冠，亦戴羽，戴鍾會孔雀賦，戴翠毛以表弁。或又言其細頸隆脊似鳳，雄者尾長，此豈孔雀歟？不敢知矣。環有所銜者二，其一門鋪首，其一結於帶者，珮環也。此施巾，宜爲珮環。人左執盾，右持兵，兵末刻一邊者，刀也。五盾異於五兵者，鈍而不銳，故大盾得櫓名。珮環文飾兵盾武事也。乾隆丙午閏月十日，歙程瑤田記。墨子校本卷一後題云：五十年正月三日，得孫季仇校本錄上。卷二後題云：正月四日，是時宿痾初瘳，家有餘糧，無疚於心，無求於世，奉母之暇，校理羣籍。生人之樂，於斯爲極。卷五後題云：五十年正月八日，是日東裝，明日往清江。卷十二後題云：五十年五月十四日，校墨子。後序略云：某既治墨子，率於人事，且作且止。越六年，友人陽湖孫季仇星衍以刊本示余，既受而卒業，意有未盡，乃爲後序，以復於季仇。與畢侍郎書云：某向者於周秦古籍多所校正。

於墨子已有成書謹錄序目奉上。

撰修稷序跋尾題云晉右將軍會稽內史琅邪王羲之修稷序定武五字不損本。乾隆五十年八月江都汪某審定題字。又屬畫工丁以誠寫象其上題頌父年四十二象贊云嗟予薄祜居賤且貧晚獲此寶期歿吾身存莫之奪亾或以殉哀而聽之實爲仁人趙先生魏跋云嘉慶十八年春余遊邗江重過問禮堂孟慈盡出所藏周玉虎符陳氏簋射陽畫象摩挲響拓竟日劇話故友容甫所遺也容甫文字之餘卽握管作書楷法歐陽行法聖教晚年醉心蘭亭日臨一過讀其所跋數千言論定武實出右軍爲蔡氏博議中所未經見洵具千百年眼者所得之本較吾家松雪翁爲尤最宜其泊然無營知足之樂余二人有同心耶趙先生與先君爲金石交先君修稷序跋云吾友趙文學魏江編修德量皆深於金石之學。

漢巴郡太守樊敏碑酸棗令劉熊碑先君並有舊拓本迨後二碑並失嘉慶歲乙亥喜孫從所親處索還劉熊碑於是古刻之散失者垂二十年復來歸



禮堂。是石泐於明初。

本朝惟顧寧人鄭谷口、全謝山、巴子籍、江秋史家藏拓本。余家所藏有王侍郎祖跋。

謹按先君所藏書畫碑刻，不輕作題跋，亦無鑑賞印記。惟修禊序有跋，他跋皆爲人作。先君筆墨謹嚴，於此可見。

又按劉熊碑東里里字，士無逸三字，貧者下不獨二字，悔字下修字，刊字下石旌二字，并隸釋所缺。

五十一年丙午

朱文正公年譜云：乾隆五十一年丙午六月，奉命主江南鄉試。是年彭文勤偶集公署，文勤曰：公今年必典江南試，若能得方集、汪某者，吾輩服矣。方能爲清微元妙之文，汪某之學通雅精確，爲江淮學者冠。府君遍閱卷萬二千本，自謂能盡江南之選，而心揣未得兩人。浹月不憚，後知兩君皆未入場。撰馮按察廷丞碑銘云：乾隆五十年十一月乙丑卒，次年葬君於代州煙塋。

村禮也。又云。某自依有道遠一星終。媿以下材遇賞君子。始則窮鳥投懷。蒙恩分與年。流言不信。既而繾綣從公。共涉夷險。凡所披陳。無不意盡。嘗想朝露有期。將使老母弱女。累君高義。而一辭祖道。遽至撫棺。遂以衰疾餘生。哀述舊德。天道人事。其何可量。謹按先君與馮按察論交之篤。於此見其大槩。又按朱文正公亦有馮君碑銘。見知足齋集。謹按先君與馮君碑銘稱道程編修晉芳學行云。以名節相矜尚。文章議論。咸經藉有根底。天下稱名德者焉。据此知先君於鄉前輩稱之不置口。雖所學不同。持論不必盡合。固未嘗如洪編修亮吉所述。詆魚門子田爲不通也。馮君銘槩於先君生前。尤可據也。

聞馮按察之訃。誤次碑文。并以書祭告云。十二月十九日。後學汪某謹奉書按察閣下。朝陽門外拜送之後。不謂幽明永隔。後會無緣。淮揚兩度。凭棺哀痛何極。聞有治命以墓碑。見委某學爲文章。閣下劇所心賞。閣下名德某亦具知其詳。故不敢辭。碑銘之體。自東漢至於唐初。其敘年月官闕。既詳且實。



而於事蹟則爲隱括比擬之詞。中唐以後作者數家始以史漢敘事之法行之。故史家多采焉。而年月官閥類多凌躐剪裁以求行文簡便且避體製之重。今某所作於年月官閥則用漢以後例於事蹟則用唐以後例且事必覈實未有一言假飾。若史官刪取其文居然佳傳。此某誤述之苦心。閣下聰明正直沒爲明神是必鑑之。頓肉一盤、莖麥麵一碗、熬茶一杯皆公所喜。寄銀二錢使百史備之。陳於靈座焚其撰本碑文。伏惟嘉慶執筆雨泣不知所云。與馮百史書云先公已耐代州先塋深爲合禮。不及與執紼且悲且媿。碑文去歲五月草創後又加潤色如三反之類足使觀者動色且可作談助。銘詞則今年五月始成稍暇仍當正書一本寄至代州刻之於墓前。先公本樸學其於地理極精而未有成書。所有手蹟俟與足下會合時檢閱鈔出取其合作於吾輩著書中采入數十條亦足不朽。若詩文專集則有所難且需鈔出俟有大選家附入數首可耳。謹按此書可與馮君碑文相證。

五十二年丁未



正月謁大興朱侍郎於錢唐節署侍郎問廣陵遺事先君以爲廣陵之地在天爲維首在地爲歸墟歷十有八姓二千餘年而亡城降子不出於其間作廣陵對三千言先君自謂屬思精卓喜孫不知問學竊以先君是篇於割據戰爭謀臣力士建名立義殉節死難之迹事辨時地具有知人論世之識可以攬政治之興衰形勢之扼要不獨史學淹貫文章爾雅成著述一家言也先君博采周秦以來廣陵軼事誤廣陵史氏記長編改名廣陵通典次及楊吳而止廔成書十卷於後擷其精華成廣陵對又按先君廣陵通典底本字畫工楷未嘗屬草蓋貫穿列史如瀉水言之顧千里所謂目洞千秋也

泰伯廟銘序云歲在彊圉道出祠下按是春先君遊錢唐經泰伯祠下是篇藁草筆法近定武修禊敘蓋乙巳以後每日臨禊帖一過文藁如五諸侯釋名六國獨燕無後爭義宋世系表序大學平義講學釋義諸篇先妣靈表巴子籍別傳以筆畫求之當是癸丑以後寫定之文是時先君已病偏廢故行間斜上不復如盛年所書而右軍筆意流露行間可以意求之泰伯廟銘并

同。又古器銘釋文、書譜釋文疑亦同時作，未成。

致孫星衍編修書云：科名身外之一物，以之榮親則爲實際。某每聞人致語云：一舉登科，日泊然無所動心也。繼云：雙親未老，時則聞而瞿然。況足下大母在堂，於君子三樂之一且過之乎？又云：入世既深，必思所以自立。學術觀其會通，行業歸於平實，是所望也。謹按先君與孫糧儲書以道義相規，多切直之詞，語多不載。朱先生武曹嘗述先君規友人書云：太公以五斗折腰，足下以千金買笑，如之何其可？又與某友好面折之。一日食於某所，友人某方居母憂，避席謝主人曰：某居太宜人憂，不飲酒，不茹葷。先君明日斥之曰：前日與君食肉甚甘，何欺人若此？先君質直，不能容人。早年初字庸夫，後改字容甫，以自厲。

翁閣學方綱好金石文字，先君持論不合。同時袁知縣枚章進士學誠、張舍人塤並以詩文名。先君辨論無所讓。阮督部元序述學以爲先君孤秀獨出，是其證也。

又與趙味辛書有云。比聞足下將肆力於文章。此道自歐王之沒。迄今七百餘年。無嗣音者。

國初諸老。彼善於此。則有之。要於此事。均之無得也。某以窮鄉晚學。費心力於此。僅二十年。昔人所謂天地之道。近在胸臆者。雖不能至。心向往之。有便過從。當爲足下悉陳之。仍願足下之化我。要其道。則用功深者。收名遠。固非見小欲速者之所能爲也。足下頗心折于某氏某氏之才。誠美矣。然不通經術。不知六書。不能別書之正僞。不根持論。不辨文章流別。是俗學小說而已矣。不可效也。足下之年亦長矣。過此則心力日退。不可苟也。

先君推服姚禮部。稱之爲人。嘗云。其人則閒雲野鶴也。

焦里堂以文質先君。曰。藝之。此唐宋人小說。何不學左邱明。司馬遷。

先君一飯不忘。常嫉當世文人之負恩者。作責平原君客文。惜畢尚書坐上之客。未之見也。

先君鑑於人倫。時出片言。品覈士類。無不中窾。曩者。盧學士文昭祭先君文云。



君實不狂而衆曰狂。皮裏春秋。涇渭分明。王先生序述學云。直諒多聞。古之益友。其容甫之謂與。並紀實也。

七月朔。鄒大宜人棄養。先君朔望瞻拜。號痛無恒廢。七七之奠。屏浮屠法。不用四時之食。必祭於寢室。嘗衣白衣冠。行於道路。人多異之。

十二月十五日。上朱侍郎珪書云。某母於七月朔棄養。使至某方。居苦幽。準之於禮。非喪事不言。故不獲敬問起居。今葬雖未舉。而時日淹遲。已當三虞卒哭之後。意人事其可通乎。母氏食貧守志。於衰宗有再造之功。某擬墓銘一篇。表述先德。嚮子之閔。鮮民之哀。具載於篇。其石之首大書七字曰。汪氏母勞苦之碑。敢乞夫子銜名題之。資於清德。以發幽光。夫子其哀而許之。謹按先君遺文有先母鄒孺人靈表有云。迨某入學宮。游於四方。稍致甘旨之養。母百疾交攻。繇歷歲年。竟致不起。計母少苦操作。中苦飢寒。老苦疾疢。蓋終其身。尠一日之歡焉。論其摧剝。金石可銷。況於血氣。故雖以中壽告終。不得謂其天年之止於是也。嗚呼痛哉。



與王先生懷祖書云。老母素苦痰嗽。比年以來。飲食盡化為痰。肌肉銷鑠。六月二十三日之夜。忽然昏厥。用仲景半夏湯。次日始醒。神氣頗清。而呼吸甚促。藥物不能爲功。至七月之朔。竟至棄養。老母自歸汪氏。貧無童妾。親操井臼。及先君子下世。重以歉歲。三旬九食。冬無衣被。某所親見。養育兒女。且夕作勞。及其長成之日。傭書負米。謀一日之養。思以返哺之勤。償集蓼之苦。而終歲呻吟。少有寧宇。末路之猝變。由於積年之久病。而致此之故。實以中歲之摧剝。雖則考終。未盡其天年也。某入世以來。飢寒困辱。汲汲無歡。徒以老母之故。不復言苦。今顧此餘年。生亦何益。早衰多病。今更劇於向時。昔爲買李二君作墓誌。以足下與之交契。故於文中并及之。他日足下爲我操筆。當敘此情事也。

與趙味辛書云。先母有治命。葬事必以三月。若九月。得寒暑盡夜之中。以便將事。今歲之九月。爲期太促。故不及舉柩。係與先君子合墓。無須卜地。此時以未葬之故。其朔月半奠如故也。某素有肝氣。構此摧剝。殊難自支。太夫人

發引、某在苦塊、不能親來執紼。足下卜地數矣、其法應如何爲佳。某未嘗從事於此、術者之言、故不欲信之。

謹按先君遭鄒太宜人之喪、貧無以治斂、以所藏書畫歸之畢侍郎、始克成禮。

吾姑母畢太君語喜孫以先君之孝行。謹按先祖妣生前偶怒、輒不食。先君不敢食、同室者亦不食。俟先祖妣怒釋而後如初。親友有饋者、先祖妣不命之食、不敢食。必先祖妣嘗之而後食之。先祖妣嗜食鱸魚、丁未六月鱸已烹、而先祖妣疾作、遂不治。先君終身不食鱸。

五十三年戊申

三月戊寅、葬鄒太宜人於先祖兆初府君之兆。撰先考靈表、先母靈表。先考靈表云、君之卒後三十有八年、吾母將葬於是、某撫君之遺事、流涕而書之石。先母靈表云、母以乾隆五十二年七月辛丑朔卒、年七十有六。明年三月戊寅、合葬先君子之墓。母志也。其哀子某泣血爲之表。

題機聲鐙影圖序云中年多病久不作詩。比至居憂此事遂絕。某出此卷索題。有傷其事。聊作數章以當一哭。五十三年十二月。孤子汪某記。詩第二章云。嚴漏知冬盡。殘春迫歲荒。米鹽來日計。鐙下幾迴腸。第四章云。夜長資火力。天晚惜膏殘。比似吾親苦。煎熬漸欲乾。第五章云。裁到勝衣日。長爲負米游。已知貧賤累。仍作別離愁。第六章云。日短何由愛雲飛。且自望百年將母計。氣盡是空囊。第七章云。冥鵲應悲早。銜魚忽就枯。可憐八九子。不及城上烏。第八章云。衣敝猶餘綾。絮寒尚有膏。盡人由顧復。生我最劬勞。

五十四年己酉

鎮洋畢尚書初未識先君。聞先君名。薦先君於當事。先君寓書有云。嘉善謝侍郎爲某舉主。某受恩最厚。今在江南。某義不可他往。來歲將事公於梁。有士如其公。無退棄之道。天下有公。某無餓死之法。人傳誦之。是年遊武昌。時尚書開府湖北。禮延先君。先君爲撰黃鶴樓銘。欽程先生瑤田書石。嘉定錢先生坵篆額。時人謂之三絕。又爲作呂氏春秋序。徐季海書朱巨川告身跋。



尾唐元宗鵲鵠頌跋尾。雲麾將軍碑跋尾。懷素草書千字文跋尾。

先君爲畢尚書撰江陵萬城隄鐵牛銘。按大江自宜都西來入荊州境。其上兩山東之隄自萬城始。五十三年夏雨。漢沔洞庭彭蠡俱漲。爭入江以截江。趨海之勢。江水騰溢。蓄江陵隄決二十二處。

高宗命畢沅爲湖廣總督。發帑五十萬修之。又命大學士阿桂督工。工旣成。爰作是篇。

先君嘗作江夏風土銘。未成。有二。槃瓠取女於菟乳兒。神禹道漢自大別而南入。屈原哀郢。過夏首而西浮。

先君譔策問二則。其一問湖廣本楚地。言者輒曰全楚。曰三楚。楚自鬻熊至於負芻。當何王之世。其地最廣。全楚封域。以今府州縣計之。自何地而止。疆場之事。又有失於彼而得於此者。可得聞歟。三楚見於何書。本一國也。何以爲三。其名維何。以何爲界。在今何地。漢魏蜀吳之爭。宋齊梁陳魏齊周隨之割據。所屬之地。願聞其略。中唐以後。節度觀察。今地凡隸幾官。十國瓜分。今



地凡隸幾國。武昌江夏何以命名。與今府縣所治有無同異。地志之書。古有九邱。左氏倚相能讀之。固此邦之故事也。傳曰。山川能說。可以爲大夫。諸生其詳之。其一問。三百篇之後。厥有楚詞。二十五篇之中。體別有幾。招魂大招。究爲何人所作。漢世傳其學者。凡有幾人。注釋音訓。凡有幾家。後世嗣其音者。何人。淮南司馬極意推崇。賈生揚雄均有異議。班固顏介大致貶詞。劉勰知幾頗爲折衷。果孰是歟。其說可具陳歟。篇有前後。文有異同。以何本爲善。傳曰。凡釋菜者。必有合也。有國故則否。夫屈原者。楚之國故。諸生之先師也。其正詞以對。謹按此二條。疑作於遊武昌時。

致孫星衍編修書云。其有定武本修禊序。曾作銘及跋。前繪某小像。爲長衫戴笠。左手捋鬚。半身欲乞。足下作一像贊寄某。某與易田書之。贊前有序。後爲韻語。須君當家本色。又要切修禊序。某方有江夏之行。望於歲內交江編修。寄揚州舊拓李少監先塋記。奉之足下。以爲伴。函按像贊。終未作。丁丑十月。獲讀遺札。擬上書孫先生。乞足成之。以慰先君之志。明年正月。遽聞先生

訃掩卷憮然。

又云晤山西宋教諭聞近作續鍾鼎款識西宮襄陽及習鼎二文以幅大不能入某有一法可行一幅獨大四邊折入與衆紙齊是宋版三禮圖式又云黃鶴樓之約既已不果某即日東歸爲金山之蠹魚素志已遂他日南來當訪我於妙高臺下也。

庚戌以後先君與孫星衍編修書云平生吟咏編摩於世何補不若平心折獄尚有實政及人天之所以全足下而大用之者其道甚巧并聞廉慎自將苞苴不入固窮之節尤文人才士之所難時編修改官刑部故云。

五十五年庚戌

夏自武昌歸里。

是時

高宗純皇帝詔修四庫書告成頒於江蘇浙江勅建文匯文宗文淵三閣以儲之畢督部沅謝侍郎壩王侍郎昶交薦先君司校勘之役鹽政戴公全



德禮致先君典文宗閣秘書。先君檢理本書是正文字。竭二年之力校勘始畢。嘗自誤楹帖屬程先生瑤田書之云。家有射陽畫象。身典金山秘書。

石鼓文證彙本跋云。五十五年十月八日。錄此不寐。

上謝侍郎書云。十一月二十五日。某夢至一處。屋三楹。極潔淨。軒敞。夫子坐西南隅。與某言顏色敷腴。懽若疇昔。某願夫子以病歸。而夫子言欲之而不能也。數年來以夫子遂初之賦。尚不可知。而某心悸日加。無復北行之望。奉手未卜何時。每一念之。輒爲惘惘。今夢若此。豈尚有未盡之緣乎。告之左右。當爲悵然也。按此具徵先君師友之情。婉且篤也。

王先生引之以所著尚書古義寄質先君。先君驚嘆不已。爲王先生懷祖書楹帖云。清節王陽仍令子。說文許慎有功臣。寄以唐硯刻款識於匣云。汪某寄贈執友懷祖之子伯申。王先生撰先君行狀云。先生家大人之所推服也。其學其行。竊聞於趨庭之日久矣。而先生於予所說尚書訓詁。極獎厲以爲可讀。父書則又有知己之感焉。蓋先君論次當代通儒姓氏。屢八人。而王氏

有二焉。

五十六年辛亥

五月上謝侍郎書有云平居希接人事專積思於經術。

謝侍郎書有云數年來有校訂說文之役前曾以數字問難於抱經尚未有以開我足下卓識過人幸有以示之先君上謝侍郎書略云謹因明問作釋童一篇。

案賈先生詩題有云丙申冬懷祖注說文王先生亦告喜孫云向注說文後見段若膺說多與已同遂輟業又按先君亦治說文著說文求端未成先君誤訂文正駁說文解字段先生注說文用此說段注刻於先君歿後廿年冬校錄尚書古文屬段先生玉裁改正尚書譌字爲喜孫讀本謹按先君亦治尚書著尚書攷異所著瞽瞍說嬪于虞解周公居東證外所說尚書見知新記朋淫于家據後漢書樂成靖王傳作風孫淵如書疏用此說孫疏刻於先君歿後二十年。



謹按先君尚書攷異采輯先秦古書所引尚書凡百四十條在伏生以前今古文歐陽夏侯衛賈馬鄭所未錄問惠所弗攷將有所論著勿勿不傳哀哉是年先君手寫管子弟子職急就篇投喜孫讀於問禮堂西偏。

五十七年壬子

先君寫定述學內篇三卷外篇一卷刊行於世當時通儒輩出經史詞章金石之學卓然以著述見者皆顓門之業先君淹貫古今著爲文詞海內知名之士無不斂手推服阮督部元重刊述學於小琅嬛僊館同時敘錄書三種其三種則錢進士塘溉亭述古錄孔檢討廣森儀鄭堂文也。

先君與畢尚書沅書云某少日問學寔私淑顧亭人處士故嘗推六經之旨以合於世用及爲攷古之學實事求是而不尚墨守以此不合於元和惠氏所爲文恒患意不逮文文不稱物不專一體此先君自道得力之處讀先君遺書者自得之。

劉先生台拱序錄遺詩稱道先君學術云博聞彊記通知古今才學識俱有

以勝人爲文鉤貫經史、鎔鑄漢唐、閎麗風雅、卓然成一家言。劉先生與先君爲文章道義之交，故能知先君之深如此。

王先生念孫與劉先生台拱書云：聞容甫著作益富，此人才學識三者皆過人，在我輩中且當首屈一指。又乙卯歲與劉札云：聞容甫凶耗，悲不能已。二十年性情學術之交，遂成永訣，痛哉。容甫文章，念孫京邸僅存文十篇，講學釋義、左氏春秋釋疑、居喪釋服解義、石鼓文證、請祀故樂儀書院山長沈公議、廣陵對、泰伯廟銘、黃鶴樓銘、高郵賈君銘、李君銘、遠客燕邸，不獲爲之整頓。得先生身任其事，俾不朽之文縣諸日月，生死所共慰也。編錄已畢，祈將附秩見寄，以便參酌付梓。幸甚幸甚。謹按先君臨終前一年，曾託孤於劉先生，先生錄先君文二十篇，未及梓遽歿。王先生有述學敘，載本書卷首，文多不錄。

段君驤述茂堂先生之言曰：先君每言工文詞者不必通經術，通經術者不必工文詞，惟述學兼而有之，在當代爲有數之書。

是年寫定鄭氏周易詩本音衛包未改古文尚書儀禮喪服士夏傳穀梁傳
孫於禮堂其時喜孫蒙穉無識不能讀父之書遺家不造有慈無威今且二
十有一年迴憶少小之時趨庭如昨夢寐不通蒼天黃泉哀何可極。
秋秀水鄭贊善之子師靖師愈過訪先君攜喜孫出見曰吾有後矣。

五十八年癸丑

正月病鼻衄甚劇託遺孤於鮑封君志道尋念三月病天行氣因是血氣大
耗尋遭橫逆肝風眩暈痰溢於胃每月疾作逾時始解計五月內絕而復生
者三縣歷歲月竟以是疾告終哀哉。

先君病鼻衄里人吳謹言禱於社前願減算以延先君壽謹言貧窮常日無
所得食或病不能延醫生子不能自存先君皆周之是以感先君不已鄰人
李老而無子有姪孫瞰其多金欲手刃之懼先君發其事相持久之迨先君
歿李遂罹於難臨終嘆曰汪爺若在吾何以至是先君行義感人多類此。
正月四日上謝侍郎書有云近治春秋盡通其癥結天假之年當成不朽之



業恨已病風身廢他日夫子南歸當過某墓一慟也。又與王先生念孫書云於春秋用功甚深謹案先君著春秋述義春秋後傳並未成春秋述義大旨附見家傳。

朱先生與喜孫書云尊公言及欲釋春秋經文以正宋元人穿鑿附會之失。後於端臨處見手鈔數十條云係就原書簡擇者。端臨歿後亦未之見也。四月致謝郎中書云某衰病日增近則右手不仁已成偏中之勢欲以餘生侍夫子燕語豈可得乎。視江侍御阮詹事所遇不同而其苦則一豈同門人亦自同命耶。

王先生念孫與先君書云前聞足下有无妄之疾心竊憂之而恐傳聞之未確後見端臨札中云容甫轉更健壯知爲病後而未知病狀也。今又晤錢竹汀子爲言足下所患頗劇幸而得解驚喜交集者久之。又據端臨札則足下近日眠食俱佳慰甚慰甚聞足下有汪氏述學一書分內外篇平日讀書所得及他文詞無不具在。念孫以爲此縣諸日月不刊之書也宜速成之以示



天下後世使皆知所以爲學問者。王先生與先君爲文章道義之交。先君是年病新愈。先生書來促先君刊定述學。蓋慮先君不及見是書之成也。校錄未終。齋志以歿。嗚呼痛哉。

先君撰巴子籍別傳云。乾隆五十八年夏。游江都卒。又云。子與子籍同歲而交深。一別五年。相距數千里。余篤疾再生。而子籍適至。所欲與譚詣者何盡。而竟不及一見而死。豈余與子籍朋友之緣。固止於是與。按是傳。程先生易疇書石。先君謨是文。旣成。手持寫本。口授巴君子某。讀畢。焚於巴君靈前。痛哭拜奠而去。

九月二日。上謝侍郎書有云。欲以文自衛。不見侵犯。又云。某壯歲以前。飢寒勞苦。夫子所具知。今荷噓植成全。甫得飽食著書。以沒餘齒。而人事之侵凌如此。某安知有生之樂耶。

十月癸丑。江侍御德量歿於家。先君經紀其喪。檢理所藏金石書畫。手訂目錄。付與其孤。所親窺伺久之。無所得。憾先君不已。

十一月十九日、曾都轉煥招集三賢祠、致祀坡公。先君有詩、未存藁。
五十九年甲寅

正月七日、曾都轉煥招遊蜀岡。先君有詩、失藁。都轉好文禮士、集同人酬唱之作、爲邗上題襟集。先君序之。先君依先秦古籍之例、次述學內外篇。凡詩文集序皆不載。然先君序稱都轉且接賓客、盡理簡牘、夕誦文史。先君固深知都轉者。先君下世、都轉徵先君文、列入駢體正宗。宋錄遺詩、選刻朋舊詩鈔、是可感也。

二月九日、先君與劉先生台拱書云、去年臥病時、自度此生不復能至寄奴山下。正月二十九日、同當事來金山、午後渡江奉訪、坐超岸寺對門、盡未申酉三時、其日江寧陳布政往蘇州、肩輿咸從之往丹徒、某不能得也。次日同當事恩恩北歸、而孫容將持足下手書見示、惆悵無已。始知寄奴山雖可至、而不易至。譬夫蓬萊方丈、風忽引之去也。

謹按、劉先生官丹徒訓導、先君嘗來署內、上下議論、留連信宿而去。至是年、



訪劉先生不果，後遂不復至。升徒錄先君書以誌死生契闊之感。

十月，鹽政戴公全德薦往杭州校勘文淵閣四庫全書。杭州文學之士喜

先君至，問字談經，文酒之會無虛日。盧學士文弼祭先君文有云：「吾儕結契，無論舊新，聞名相思，握手情親。臭味本同，膠投漆中。來幸夫假，去何與恩。其愛慕先君如此。」先君始踈居書局，未幾移寓西湖梁氏葛林園，愛其地僻多古柏老梅，庭前手植山茶二株，語山僧云：「我不必定見其花，使後日來此者知其曾遊此地耳。」迨先君卽世，同人感嘆，咸謂先君預知時日云。

撰浙江始祀先蠶之神碑，略云：「乾隆五十有九年三月，

皇帝從巡撫侍郎臣某之請，立廟於杭州城東艮山門之右。其年臣某遊學是土，欣見嘉會，用敢珥筆，以美形容。」

先君與江御史德量爲同年生，是正金石文字，朝夕過從甚契。歲癸丑，江先生以末疾終於里第，先君哭之哀。迨遊錢唐十一月十九日二鼓，撰江君墓誌次及女適吳，未終篇掩卷而臥，病作，強起呼僕買石，葛蒲自述痰溢氣逆。

上不可治。于時山僧與一僕侍側，痛無一言及家事。至二十日子時棄養，喜孫年九歲，未獲隨侍旅館，殮不受舍，葬不成禮。天殯存酷，罪惡滋大，嗚乎痛哉。于時梁侍講同書視殮，盧學士文昭、孫侍御志祖、梁君履繩、張君燕昌爲文以祭先君。族人之寓於杭者，方管理書局，遣使歸先君之喪。同遊馬先生文莊至自杭，始聞凶耗，十二月六日喪歸。明年正月十日，吾母卜葬甘泉大儀鄉禪智寺葉家橋西。初，先君拜奠祖墓，行經此地，欲營壽藏，未果。及是，吾母購地以葬先君，宰樹蒼涼，與先曾祖以下兩世葬地遠近相望。太守伊公秉綬題墓前石云：

大清儒林汪君之墓。閩陳編修壽祺撰墓銘，喜孫撰靈表。

謹按盧學士集祭先君文，同祭者盧孫梁張四人。山舟先生親視含殮，汪君輔廷爲治殮具，此皆汪氏子孫世世不忘者。乃凌仲子謂先君歿後弔之者三人，真可謂失實已。於後梁氏祀先君於葛林園梁莊，當事祀於詒經精舍。遺藁有炳燭記一卷，浙江始祀先蠶之神碑文，江墓誌皆確知爲是年作。又



載經舊苑弔馬守真文序云歲在單閼客居江寧疑作於從前及是歲始定
藁又載史記蘇秦合從之年記蘇秦當燕文侯二十八年始說燕又云當周
顯王趙肅侯之世文祇二語未成是冊慟爲先君絕筆故詳及之
附馬秀才書事

乾隆五十九年九月廿九日赴杭應直指全德聘也是時揚州 文滙閣金
山 文宗閣四庫書校畢直指延至杭州校 文瀾閣四庫書屢辭不果始
成行。

十月朔至常州有舊友趙君來訪因同登岸歸舟有懷杭州故人口占絕句
末云行將揮淚過西州蓋爲鄭炳也先生作過白雲尖懷舊友孫淵如黃仲
則諸先生黃已歿於山西解州邸舍訪其後人不值自是日行一程十二三
日始抵杭州。

杭州書局在西湖照膽臺側其時書已陸續送 閣所未成者不足三四千
冊按籍而稽比揚奉到之書卷冊多有不符月餘之內精心校讐書成復直

指書俟有回書即擬返棹。門對西湖，足跡未一至勝地，其敬謹如此。

舊交往來者有盧抱經、梁山舟、梁曜北、鮑以文諸先生。杭大宗先生詰嗣亦常過訪，談論古今，少有不合，旁引曲證，諸人折服而散。

十一月十九日，有同校四庫書周君治具邀飲，時文莊亦在坐。先生於客散後復加餐一飯，口誦人生行樂耳，需富貴何時二語。將出，顧謂文莊云：別後恐夜閒有人來，老弟即速至。遂登舟而去。其時文莊寓照膽臺，先生好靜，先是借寓梁山舟先生家祠，置榻樓下，是夕歸寓，諭家人云：我若敲板壁，即速請馬爺來。二鼓後就寢，未幾家人聞敲板聲，應聲而起，時已痰喘不止。梁祠距書局在一里外，文莊即到，先生向文莊舉手作勢云：海蒲頭三錢，語不分明，哮喘愈劇，頃刻而逝。至今詢問醫家，并無藥名海蒲頭者，一時無從購藥，誠憾事也。

①下逮唐人：《年表》于乾隆二十四年條作「託體開天」，略異。

②「初諱」下墨釘，據文意當爲「秉中」二字。

③搆：當作「購」。

④只尺：當作「咫尺」。

⑤王：當作「生」。

⑥此句脫一字。

⑦數典：《年表》於乾隆四十四年條作「儲說」，略異。

⑧且月：當作「旦月」。見《述學》內篇卷三《賈誼新書敘》。

⑨「江」下當脫「君」字。



先君年表序

喜孫始爲先君年譜，惟恐闕失，文繁事複，以俟後之爲儒林傳者有所考焉。歷二十年，書旣成，慮失史裁，爲世詬病，廼擷其大綱，綴爲此書。謹依先君所撰賈生年表，以生平譔集序次前後，覽之者知問學之淺深，辨著作之存佚，於出處大節補錄年譜所未詳。先君夷曠之風，千載如見，讀先君書者，當不僅稱爲經師已也。

嘉慶二十五年十二月，內閣撰文中書舍人管理誥勅覆校會典

玉牒、鄉貢士甘泉汪喜孫謹撰。



儒藏

容甫先生年譜 先君年表 序

先君年表

甘泉汪喜孫撰

乾隆九年

先君子生。

經史諸子

詩文

十年

十一年

十二年

十三年

十四年

十五年

先祖妣
生、卒於
初月先
五日。

十六年



儒藏

容甫先生年譜 先君年表

十七年

十八年

十九年

二十年

二十一年

十三歲。

二十二年十四歲。

陳文恭公巡撫江蘇年饑命節婦之貧者親族共周恤之先祖妣鄒太宜人時貧困無問者。

先君子少孤貧無所依乃

二十三年十五歲。

鬻書於市。常日與書賈處。借閱羣經。十行并下。先君子年十四。五歲即喜。著金石文字。

二十四年十六歲。

先君子始學。為詩。早歲溯源。漢晉託體。開天於杜工。部用力尤深。既乃專以氣韻。含蓄為宗。自以少作。依傍門戶。不欲存案。劉先生序云。早歲以詩。三十歲以



儒藏

容甫先生年譜

先君年表

二十五年

二十六年十八歲。

二十七年

二十八年二十歲。

後絕不復作
并棄亦散失。

有述懷五古
二首。先君文
有提督揚凱
傳凱以是年
卒傳不知何
年作。又有白
公頌師君贊
書周義侯事
并年。月。日。
又有福歲亦
失其年月疑
少作。

李侍郎因培
督學試射鴈

入學附生。

二十九年二十一歲。

三十年二十二歲。

三十一年

三十二年

三十三年二十五歲。

遷儀徵。

賦第一。

作沈昌齡哀詞未存案。二十以前詩未存案。是年有靜夜五古。

先君子與秦兵備書云某少時止習詞章。數年以來三禮、毛詩、以次研貫。謹案先君當錄禮經注疏分吉



儒藏

容甫先生年譜 先君年表

三十五年二十七歲。	客太平。	三十四年二十六歲。		
			<p>禮命之曰三 禮注疏記要 所撰爲人後 者爲其曾祖 父母祖父母 服考是初治 三禮時作。知 新記三禮毛 詩諸條皆少 作。</p>	<p>凶軍賓嘉五 禮命之曰三 禮注疏記要 所撰爲人後 者爲其曾祖 父母祖父母 服考是初治 三禮時作。知 新記三禮毛 詩諸條皆少 作。</p>
<p>作哀鹽船文 仁和杭先生 世駿序之。</p>	<p>作魏次卿誄 繁昌學後記 未存案。</p>			

三十六年二十八歲。

先君子自以作弔黃祖文、心力甚弱、東袁玉符妻墓、客朱竹君先詩、不講併力誌、謹案先君生幕。先生時於經史、反詞、有畢尚書母、以學士督學章之學。祠銘、洪君妻、安徽秋遊江寧。賜母家傳、皆寧。

三十七年二十九歲。

先君子上彭文勤書、言六長、沈公議、并客江寧彭文勤公、以侍郎莫不知其利、詞與李進士、督學江蘇、先病而深思、力惇同作、牛李、君子試於泰、取之、又與劉維州論、皆不州文勤欲羅先生台拱、王錄入述學、有致之、而惑於先生念孫、定某編、修諧、先人言、來年先交、與劉先生君於彭文勤、君子不就試、書云、念他山前、作弔、又攻錯之義、使有與彭文勤、學業行誼、表書、代陳商、荅



韓退之書皆
不錄入述學。

三十八年三十歲。

在朱竹君先生幕。冬客歙西溪。

日之遇。下至百工小道。一術以自託。平日自食其力。可以養其廉恥。朱光祿云。壬辰癸巳間。曾見尊前。有疆識錄。答晉呂相絕秦書。校大戴禮。以作朱先生學所作述典。正政記。顧春生名論。封建論。墓誌。汪梧鳳晏子殺三士墓誌。程元基論趙襄子知墓表。龍潭建伯論。兩漢節避風館疏。與義論。畱侯論。劍潭書議。建就正於朱學。貞苦堂以養使。學使以爲寡婦之無依。知經傳之意者。



儒藏

容甫先生年譜 先君年表

三十九年三十一歲。	往寧波。	校大戴禮。	手錄休寧戴君屈原賦注加以案語。
四十年三十二歲。	客江寧杭州。	先君謨小學古訓補蒼之合葬謨沈按	作馮君妻不
四十年三十二歲。	客江寧杭州。	未成。又謨金壽哀詞。	陵地園攷亦
四十年三十二歲。	客江寧杭州。	未成。又謨金壽哀詞。	儀禮、爾正、荀文喬汲墓碑
四十一年三十三歲。	在江寧。	子。與仁和盧學士講三禮	之學。與先君
四十一年三十三歲。	在江寧。	子。與仁和盧學士講三禮	年方壯盛而
四十一年三十三歲。	在江寧。	年方壯盛而	專精古義。又

與欽程先生
定交治休寧
戴君之學秀
水鄭贊善與
馮兵備書云
程孝廉兄事
東原弟畜容
甫謹按先君
校儀禮从宋
本以定朱子
敖氏之誤又
所誤說禮之
文如釋媒氏
文婦人無主
答問女子許
嫁壻死从死
及守志議周
官徵文郊牲
答問并見述
學尔足補注



儒藏

容甫先生年譜

先君年表

四十二年三十四歲。

往江寧。選拔貢生。以母病未廷試。

四十三年三十五歲。

正月在江寧。三月自儀徵移歸揚州郡城。

荀子通論亦。是年以後作。又有老子考。異則不知何。時作。

校墨子。謹按。作賈田祖墓。先君與畢督誌。

部書言。向者。

於先泰古籍。

多所校正。阮。

督部敘述學。

言心貫九流。

口敝萬卷。

校國語。賈誼。

新書。與錢少。

廣事。答問。廣。

陵地。理沿革。

作。答。錢少詹。

事。問。錢少詹。

作多寶塔碑。跋尾。失棄。

四十四年三十六歲。

舉主嘉善謝金圃先生同大興翁覃溪先生與試江南擬得先君子試卷為諸生楷模。先君不入試。

校賈誼新書作亳州渦水堤銘。

撰知新記撰述學博攷先泰古書三代學制廢興使知古人所以為學。凡虞夏制弟一、周禮之弟三、孔子門弟四、七十子後學者弟五。又列通論釋經、舊聞、典籍、世官、儲說、目錄、凡六。又撰周公居東證。又與端臨書。是正經文古字。



儒藏

容甫先生年譜 先君年表

四十五年	三十七歲。	古義。	撰知新記。校墨子。撰序并後序。又校商子。	作與趙味辛書。論金石文字。述學未錄。又王基碑跋。
四十六年	三十八歲。	校周禮。二月十二日治典。	瑞訖。又校墨子。	誌跋尾。亦金
四十七年	三十九歲。	撰知新記。校逸周書。		
四十八年	四十歲。	撰知新記。謹按先君錄知文。	又有狐父	真

往江寧。

新記聞八年之盜。頃年月
其訓詁之學。爲玆文正釋。
厲字義著於。流學其攷證。
名物象數如。釋閔釋冕服。
之用亦取材。於此書。至釋
連山釋夫子。藝叟說嬪於
虞解周公居。東證淹貫經。
義竝以此書。爲權輿而釋。
三九居喪釋。服解義其尤。
著者左氏春。秋釋疑疑與。



儒藏

容甫先生年譜

先君年表

四十九年四十一歲。

居喪釋服解
義同時作侯
攷修南巡
盛典與歆程
先生書某於
六書略有所
闕明堂通釋
亦著有成書
又與程先生
荅問堂阿之
制。

撰秦蠶食六
國表。

皇上六巡江
浙謹作展義
論又作
皇元孫誕生
頌皆為謝侍
郎作未存案
作古玉釋名
鴈足鑑銘釋

五十年四十二歲。

校墨子。

文。孫枝生墓誌。

謹作。碑。雍園水頌。又作。

修禊序。跋。自。

作像贊。作。馮。

按察碑文。以。

書祭告。又撰。

馮鄧基銘。年。

月。以。攷。

五十一年四十三歲。

先君於川瀆作自序。朱文。

朱文正公。以深。是年嘉善得先君為惜。

侍郎典試。欲謝侍郎奏江先君作書千。

得先君子為南水利。言謝之。失策。

榜首先君子。上命侍郎。

不就試。而以往。勘。先君為。

師禮事之。製奏草。

五十二年四十四歲。

先君謁朱文與趙味。奉書。正於錢唐。荅論文。章流別。



儒藏

容甫先生年譜

先君年表

七月辛丑朔
先祖妣卒。

年	理	考	駁	證	郢	宇	今	以	高	言	萃	至	郡	通	先	三	人	之	述
月	之	皆	義	江	廣	也	天	為	郵	屬	作	是	形	典	君	干	作	迹	楊
可	學	辨	江	都	陵	又	下	博	王	思	是	擷	勢	熱	謨	言	廣	死	州
致	惜	正	淹	縣	曲	按	奇	綜	侍	精	篇	其	沿	於	廣	先	陵	節	制
	無	地	墓	榜	江	釋	文	古	郎	卓	自	精	革	一	陵	是	對	之	據
											之	汪	題	書	考	虞	宜	七	作
											碑	氏	墓	朱	妣	卒	人	月	泰
												母	碑	文	靈	哭	棄	朔	伯
												勞	額	正	表	作	養	鄒	廟
												苦	曰	求	上	先	三	太	銘

五十三年四十五歲。

先君居憂讀
禮、非喪事不
言。

五十四年四十六歲。

遊武昌。

先君於是年為
冬為畢督部
策問湖廣地
理沿革、研貫
地志、致為精
核。又撰呂氏
春秋序。

為畢督部撰
黃鶴樓銘。又
作漢上琴臺
銘、江陵萬城
堤、鎮牛銘、徐
季海書、朱巨
川告身、跋尾、
唐元宗鶴鵠
頌、跋尾、雲
將軍碑、跋尾、
懷素草書千
文跋尾、擬策
問楚詞源流、
未存案。又作
江夏風土銘、
未成。



五十五年四十七歲。

自武昌歸里。

先君子應戴作石鼓文謚。公全德、曾撫先君是時往部之聘、校撫來京、口疑京庫全書。文宗閣四口建浮橋議或作於是時。

五十六年四十八歲。

校尚書從馬與王先生書。鄭本、段大令言段大令小玉裁同校。上學之精。

謝侍郎書云：平居希接人事，專積思於經術。又答謝侍郎問作釋童。

五十七年四十九歲。

先君寫定述與畢督部書。學內篇三卷，自述所為文。外篇一卷，始恆患意不逮於釋辰參文、文不稱物。

終於伯牙事不專一體。

攷三十四篇。

刊行於世。又

與畢尚書書。

自述爲攷古

之學實事求

是不尙墨守。

於是後王先生

阮督部并爲

之序。又王先生

先生是年與劉

先生書云。聞

容甫著述益

富。此人才學

識皆過人。

五十八年五十歲。

先君上謝侍作巴子籍別

郎書云。近治博。又作古器

春秋通其藏銘釋文。書譜

結。又與王先釋文。未成。



儒藏

容甫先生年譜

先君年表

宗	無	名	義	釋	君	未	卓	述	狀	王	惑	學	春	經	先	春	謹	秋	生
室	後	六	五	義	所	有	唐	義	以	侍	得	者	秋	義	生	秋	按	用	書
世	爭	固	諸	大	誤	謹	以	識	為	郎	其	振	述	者	云	述	先	功	云
系	義	獨	侯	學	講	按	下	議	春	誤	會	煩	義	有	有	義	君	甚	於
表	宋	燕	釋	平	學	先	所	超	秋	行	通	祛	使	若	功	王	撰	深	春

五十九年五十一歲。

序疑是癸丑以後寫定。

戴公全德延有炳燭記載

純皇帝詔於

閣四庫全書

戴之神碑江

來年行授受

十一月二十

德量基誌謹

大禮公卿擬

日歿於西湖

按江基誌為

以先君子應

葛林園

先君臨終前

博學宏詞之

一夕作

選先君子作

書堅辭之。

洪北江先生年譜

清·呂培等編撰

李文澤校點

刁忠民一審

蔣宗許二審

清光緒五年刻本

《洪北江先生年譜》，清呂培等編撰。清光緒五年陽湖洪用勲授經堂刻《洪北江遺集》本。

洪亮吉（一七四六—一八〇九），初名禮吉，後改今名，字君直，又字稚存，號北江，清常州陽湖人。少孤貧力學，四十五年中順天鄉試，應陝西巡撫畢沅聘為幕僚。乾隆五十五年成進士，授翰林院編修，充國史館纂修官。為順天鄉試同考官，於闡中拜貴州學政。回京師，任咸安宮官學總裁、實錄館纂修官。嘉慶四年，以上疏言時事，下部議，當大不敬律斬立決，免死謫戍伊犁，次年放歸里第，因自號更生居士。家居十年，屢應聘撰修地方志，出主講書院。嘉慶十四年病卒，年六十四。亮吉通經學，工文辭，勤於撰著，其著述除有詩文集外，另有《春秋左傳詁》、《公羊穀梁古義》、《六書轉注錄》、《兩晉南北史樂府》、《傳經表》、《通經表》、《比雅》、《漢魏音》、《補三國疆域志》、《補東晉疆域志》、《補十六國疆域志》、《乾隆府廳州縣圖志》等，共二百六十餘卷。

本書所收《洪北江先生年譜》為亮吉門人呂培等編次。據法式善所撰《行狀》稱，洪亮吉之子飴孫曾以《年譜》付法式善，乞其為行狀。由此可以推斷，《年譜》當成於亮吉辭世不久。清光緒五年洪用勲重刊《遺集》，將《年譜》附刊入集內。此譜紀事詳盡，尤詳於詩文著述，並於譜後附有行狀、墓誌、碑傳，可與《年譜》相互稽考補足。

洪北江先生年譜

門人旌德呂培等同編次

先生姓洪氏、諱亮吉、字君直、一字稚存、號北江、晚號更生、行一、江蘇常州府陽湖縣左廂花橋里人。先世本居歙縣洪坑、系出唐宣歙觀察使經綸、始避唐敬宗諱、改宏氏爲洪氏。三十六世至先生高祖千運府君、諱德健、國子監生、封中憲大夫。娶程恭人。生子二、長爲先生曾祖秋山府君、諱璟、康熙戊寅拔貢生、山西大同知府、崇祀交城大同名宦祠。娶汪恭人、歙國子監生世昌女、繼娶徐恭人、歙處士成教女。生子十一、次爲先生祖封旅府君諱公案、國子監生、考授直隸州同知、贈承德郎。



儒藏

贅於常州趙氏、遂遷居焉。娶趙安人、武進戶部尙書諡恭毅申喬孫女、翰林院侍讀熊詔女。生子五、次爲先生。父午峰府君諡剋、國子監生、累贈奉直大夫。娶蔣太宜人、武進歲貢生封奉政大夫金聲孫女、雲南嶧峨知縣。數淳女。生先生兄弟二人。

乾隆十一年丙寅、先生一歲、以九月初三日子時生於常州中河橋東南興隆里賃宅中。宅後有積水池、先生生於池南西舍。

十二年丁卯、先生二歲。

十三年戊辰、先生三歲。

十四年己巳、先生四歲。午峰府君命先生伯姊課之識字、

先生每字必詢其義。日晚皆爲蔣太宜人述之。是年凡識七八百字。

十五年庚午。先生五歲。在家塾。從季父希李先生受禮記大學中庸兩篇。正月八日。仲弟靄吉生。

按先生從父四人。長諱翰。字翮飛。行一。國子監生。未婚卒。次卽午峰府君。次諱翔。字雲上。行三。次諱翹。字君佐。行四。國子監生。贈修職郎。次諱翱。字希李。行六。先生仲弟字赤存。行二。

十六年辛未。先生六歲。在家塾。受論語。七月二十日。午峰府君客鎮洋縣署。得疾歸。未至家五十里。以廿四日申時卒於洛社舟次。越日殯於城東天甯寺華房。先生隨



蔣太宜人暨三姊一弟守殯宮凡五十日始歸。

十七年壬申先生七歲。以午峰府君卒貧無所依。隨蔣太宜人及姊弟寄居外家。外王母龔太孺人之意也。時外家亦窘。蔣太宜人率諸女勤女工自給。并儲修脯俾先生就外家塾受經。率夜四鼓方就寢。事詳機聲燈影圖記及南樓憶舊詩。是歲塾師爲莊觀五先生。城西坂上鄉人。同學則其子駢剛、表兄肇新、廷耀、馨凡四人。讀論語畢。

十八年癸酉先生八歲。在外家塾。從惲牧菴先生銘受孟子。惲先生武進縣學附生。惲先生幼孤而慧。常分館餐食之。後其孫與三以乾隆甲午科舉順天鄉試爲先生

同歲生。憚先生猶及見之。

十九年甲戌，先生九歲。在外家塾，從黃敬菴先生朝俊受孟子及毛詩國風。黃先生武進縣學增生，課讀極嚴。是秋，先生適楊氏從母，亦以嫠居貧苦無依，率二女僦從兄啟宸後樓以居，與外家相近。移舍日，值先生讀孟子，既醉以酒一章，解塾詣其處。龔太孺人及蔣太宜人適在坐，因舉宜其室家句命之屬對，卽應聲曰：飽乎仁義。龔太孺人極賞之，自此益鍾愛焉。是歲表弟定熙亦入塾，與先生年相若，後卒於叔素園先生官舍。先生有詩哭之。

按先生舅氏三人，長名樹誠，字實君，國子監生，贈登



仕郎。次名琦，字素園，乾隆甲子舉人，江西德興知縣。皆蔣太宜人兄。次名衡，字曙齋，乾隆壬午科副榜貢生。賜檢討銜，出嗣世父淮安教授文元後，爲蔣太宜人弟。事皆詳先生所撰外家記聞一卷。處士肇新，少府廷耀上舍馨，處士定熙，奎耀皆實君先生子。蔣太宜人之姪，先生之配蔣宜人兄弟也。

二十年乙亥，先生十歲，在外家塾，從黃先生受毛詩畢。二十一年丙子，先生十一歲，蔣太宜人率先生歸興隆里舊宅，從旁舍塾師受尙書。同學生徒十餘人，不能徧課，每篇音訓譌者，恆至十數。日夕歸，蔣太宜人令之背誦，必爲泣而正焉。如濟河惟兗州，兗讀作袞之類。九月八



日叔父君佐先生卒於廣西百色廳寓舍無子以仲弟爲之後。十二月伯姊適城北前橋村芮處士光照。

二十二年丁丑先生十二歲從周線里岳介錫先生受禮記。是冬舅氏素園先生以國史館謄錄議敘選授江西德興知縣迎養龔太孺人於官舍。自此蔣太宜人益貧苦無所依。

二十三年戊寅先生十三歲仍就外家從表兄肇新受禮記及周易塾課畢先生始學作詩嘗作中秋卽景詩有月出百尺樓花香三重門之句不敢示人惟以示表弟定熙。冬十月舅氏實君先生卒於德興官舍表兄肇新奔喪西上因從陳荄賓先生寶讀書先是丙子科陳先

生赴江甯鄉試，舟覆於江，午峰府君往館，世執漳浦蔡太守觀瀾江甯官署，塗次遇之，急募舟以拯，并助館金一笏爲試費。陳後以己卯舉於鄉，與先生亦中表兄弟也。課徒之暇，喜錄唐宋詩餘，于是先生亦學作小令，并與表兄馨日課漢魏六朝三唐詩成誦乃已。是月仲姊適同里汪上舍德潤。

二十四年己卯，先生十四歲。在鹿苑菴從董獻策先生舒傳受春秋左傳，并學作制舉文半篇。董先生常州府學附生，同學十數人，惟與楊布衣毓舒交最密，暇卽唱酬往還。是歲作詩數十篇及斥釋氏文一首。

二十五年庚辰，先生十五歲。在西廟溝謝氏塾，從唐麟臣



先生爲垣受左傳及史記、漢書、雜文。唐先生武進縣學附生，工詩。三月上巳，先生始作制舉文全篇，題爲則以學文一句。文成後，唐先生極賞之。同學爲謝孝廉榕、上舍振祺等四人。孝廉與先生極契。後中乾隆戊申科順天榜舉人。是歲先生有附塾、驅兒諸詩及送表弟定熙至江西官署詩，集中始有存稿。

二十六年辛巳，先生十六歲。從茭蒲里繆映藜先生謙受唐宋雜文及制舉義。繆先生江陰縣學廩生。同學爲陸上舍焜、布衣文在張、布衣先甲兄弟，凡十餘人。三月初應童子試，不售。

二十七年壬午，先生十七歲。在百花樓巷莊氏塾，從金壇

荆廷緯先生汝翼受公羊、穀梁及制舉義。荆先生金壇縣學廩生，先生從表姊子，長於先生八歲，舉業最工，因是始識作文法。荆先生後以是科副榜貢生，中順天癸卯舉人，己酉進士，官華亭教諭卒。是歲同學爲莊上舍述兄弟二人，始學作古文，有祭花神文及園居、南樓、夜宿、初生十五六等詩。初與唐上舍鵬訂交，間有唱和焉。二十八年癸未，先生十八歲，在城北四十里郵村鄒翁元士家塾，仍從唐麟臣先生習制舉義。同學爲鄒福、梅廷梅、金川三人。鄒翁極重先生，欲以女妻之，知有所聘乃止。五月解館歸，卽染時疾，復延及全家，蔣太宜人病瀕危者數次，大母趙安人、大父封旅府君卽於是月相繼

卒。先生承重居廬至匝月後病稍瘳。八月初復赴鄒氏塾。是秋舅氏素園先生罷官、奉龔太孺人旋里、先生解塾、卽從蔣太宜人、仍居外家、與表兄馨、從表兄定安、尤契、倡酬談讌、每徹晨夕。郭北篇中井鄉歌諸詩皆是年作也。

二十九年甲申、先生十九歲、從北後街余芭貽先生豐受唐宋古文及制舉義。余先生常州府學附生、奇賞先生、有異才之目。每課文日、先生常兼作數篇、或一題卽製其二、其三、午餘諸同學方構思未就、輒已交卷、時蒙擊節嘆賞。歲暮解塾、獨爲詩送先生。次卽賞楊生清輪、後楊成乾隆甲辰進士。里中皆謂余先生有知人之鑒焉。



是歲同學爲余先生子明經彤及楊章、秦畢諸生，共十餘人。有雲谿春詞、獨酌謠諸詩，始學爲駢體文。

三十年乙酉，先生二十歲。在外家團瓢書屋，授表弟兆岫

經。素園先生子。

歲得脩脯錢二千八百。暇卽從舅氏曙齋先

生問業。時表兄馨從表兄定安皆授徒於家，三人昕夕往還無間，有春園唱和集。又與里中諸名士結社，訂交始廣。有題阿房宮圖諸詩，填詞四十餘首。

三十一年丙戌，先生二十一歲。仍在外家授徒。從學則表

弟兆岫，從表弟榮。

從舅氏秀君子。

衡章

族舅氏濟川子。

三人歲入脩脯

錢七千。正月二十五日，叔父雲上先生卒。六月，應童子

試，不售。是歲詩社以洗研池賦、檳榔行雲谿竹枝詞命



題先生試列第一。又在楊氏鵬光館會課，凡四十人皆里中名宿。先生年最少，從舅氏榕盒先生閱其文，奇賞之，亦列爲第一。此後先生常詣舍南竹屋問字，至辛卯秋客院江乃已。又賦中秋減字木蘭花詞十首，同輩傳鈔殆徧。劉文學宸贈詩云：才子清眠起夜分，新詞字字鏤香雲。何當共握琉璃管，寫盡羊欣白練裙。是歲詩詞約及百首。

按雲上先生四子：長開吉，字元愷，爲先生從兄。次顯吉，字尙儀。次亘吉，字禹平。次良吉，字元良。皆先生從弟。蔣榕盒先生名和甯，乾隆壬申進士，由翰林院編修改官湖廣道監察御史。

三十二年丁亥先生二十二歲。適汪氏仲姊以先生制義不進。因與蔣太宜人謀。復令先生在張王廟西潘氏塾。從時月圃先生元福受作文法。束脩二十千。皆仲姊獨任之。時先生乾隆壬申舉人。中甲戌明通榜。工帖括。同學則潘上舍尙基。方上舍起莘。青陽陳上舍蔚。江陰陳秀才宏器諸人。尙基之叔振煥亦舊識也。六月。應童子試。不售。七月。諸同學就江甯鄉試。先生又傲鹿苑菴後雲依閣。讀書每夜輒至三鼓。僧徒厭之。託言有賃宅者。遷先生入菴旁土室中。上漏下濕。居之晏然。冬十月。外王母葉太孺人病劇。先生自塾中歸侍疾。衣不解帶者旬日。及卒。慟哭嘔血。七七竟。始奉蔣太宜人歸興隆里。

舊宅。是歲有南樓贈書圖記訪從叔縣尉至昆山紀游哭外王母諸雜體詩。

三十三年戊子、先生二十三歲。在仲姊宅授汪甥楷經。汪氏居天井里、室宇深邃、宅中所延經師則同里段布衣聖烈、李布衣瑞寬、與先生爲三。其羣從皆好賓客、每有文讌、三人者恆首坐焉。九月十六日、蔣宜人來歸先生、贅於外家。凡三日、始同歸興隆里舊宅。宜人蔣太宜人兄寶君先生女也。婚甫五日、卽赴弔邵先生齊燾於常熟。邵先生乾隆壬戌翰林、主常州龍城書院、奇賞先生與黃君景仁。是歲有催粧詞哭邵先生及游虞山詩、又有寓興詩二十首、及東鄰棄婦等詩。寓興詩後卽失去。



三十四年己丑先生二十四歲。仍館汪氏。正月叔姊適同里史君德孚。五月應童子試補陽湖縣學附生。七月與諸同人訪城西徐墅陳刺史明善於亦園與無錫邵秀才辰煥江陰屠進士紳同里劉文學駿中表莊上舍寶書趙上舍懷玉唱和詩極多。是月長女傳簫生未幾殤。有贈趙表弟七言長歌。

按先生少孤午峰府君未及命名初名蓮字華峰。是年以縣試第二府試第三院試第八補縣學生督學則副都御史滿洲景福也。後以壬辰年改名禮吉辛丑年就試禮部以嫌名當有所避復改今名。莊爲先生從母之子後官聊城縣丞。趙爲先生祖母兄兩浙

鹽驛道侗敬之孫。後以庚子召試舉人官內閣

中書、青州府同知。

二十五年庚寅先生二十五歲。仍館汪氏。從學者甥楷及汪生植等三人。七月偕黃君景仁附瓜船至江甯鄉試。九月榜發薦而不售。有游京口三山及江甯雜詩。是秋識錢唐袁大令枚於江甯。大令謂先生詩有奇氣逢人輒誦之。始與里中董太守思駟、左刺史輔訂交。

三十六年辛卯先生二十六歲。仍館汪氏。從學者汪董諸生等四人。五月偕趙表弟懷玉赴江陰。同寓趙孝廉敬業寓齋。科試一等四名。補增廣生。七月十日次女傳綬生。越歲春卽痘殤。偕楊秀才繼曾炳文、劉上舍培基赴



江甯鄉試同寓秦淮河房。九月榜發不售。十一月先生以館穀不足養親買舟至安徽太平府謁朱學使筠。時學使尙未抵任。沈太守業富素重先生留入府署。未匝月適安徽道俞君成欲延書記太守以先生應聘已至蕪湖有留上朱學使書。學使得之甚喜以爲文似漢魏卽專使相延入幕。以臘月八日復抵太平黃君景仁已先在署學使作書徧致同朝謂甫到江南卽得洪黃二生其才如龍泉太阿皆萬人敵云。是年秋在江甯與汪明經中顧進士九苞訂交。及入學使署又與邵進士晉涵高孝廉文熙王孝廉念孫章孝廉學誠吳秀才蘭庭交最密。由是識解益進始從事諸經正義及說文玉篇。



每夕至三鼓方就寢。是年所作詩文逾百篇。三十七年壬辰，先生二十七歲。在安徽學使署，隨慰徽州、甯國、池州、安慶、廬州、鳳陽七府、六安一州，徧游采石、青山、敬亭、黃山、齊雲、齊山諸名勝。六月，以歸省旋里。七月，仍赴太平。十一月，以兩世六棺未舉歸，奉先生祖父母及午峰府君、叔父雲上、君佐兩先生、叔母趙孺人、櫬葬於城北前橋村新塋。是冬，以所負多，訪蔣編修士銓、汪孝廉端光於揚州，編修解橐金助之，乃得歸。已迫除夜矣。是歲作文二十餘篇，詩二百餘首。

三十八年癸巳，先生二十八歲。時四庫館始開，江浙接采遺書，安徽省設局太平，聘先生總司其事。沈太守業富

并延兼管書記。閏三月十六日、長子怡孫生。七月、朱學使以閱卷乏人、復延先生偕試徽甯二府。九月、自徽州偕汪孝廉端光歸里、由新安江徧遊嚴陵、富春及錢唐山水諸勝、唱和幾及百首。十月、先生以不能家食、往謁胡按察季堂於蘇州、因訪趙表弟懷玉於穹窿、同游東西兩洞庭、入林屋洞、探金庭玉柱之勝、宿包山寺二夕、記游詩約十餘首。月杪復歸、時錢文敏公維城居憂在里、見先生詩文、奇之、徒步過訪焉。是冬移居白馬三司徒里賃宅。十二月、聞朱學使離任入都、因附江陰繆君晉階赴廣西便舸、至太平送之。繆君爲先生舅氏、素園先生婿、時選來賓縣界解司趙檢、實不能歸、沈太守業富、袁大令枚皆薄助行。

資於歲除日騎驢抵里有感族人饋薪炭詩作兩晉南
北史樂府二卷。

三十九年甲午先生二十九歲正月赴江陰補壬辰年歲
試先是錢文敏公會語學使彭閣學元瑞謂先生爲昌
黎復生由是閣學亦久知先生十三日補試準附一等
三名後又次蔣編修士銓元韻贈先生七古一篇薦入
常鎮通道袁君鑒署授徒歲修百二十金并令在揚州
安定書院肄業膏火費亦及百金自此將母稍裕七月
偕黃君景仁赴江甯鄉試同寓明徐氏東園舊址是科
闈中得文及五策已定作元房師賈先生景誼乾隆丁丑進士
官蘇州總捕同知以首藝有別解與兩主司力爭因定作副榜



第一焉。座師則翰林院侍讀學士今文華殿大學士董公誥、司經局洗馬今兵部尙書劉公權之也。榜發、座師及學使皆惋嘆不置。十月、復詣揚州、冬杪始歸、偕汪孝廉端光唱和詩極多。是歲始與孫君星衍訂交。同里則孫黃趙諸君外、復偕楊君倫、呂君星垣、徐君書受唱酬無間、里中號爲七子。

四十年乙未、先生三十歲。彭閣學薦入江甯陶太守易署中、修校李錯尙史、匝月事竣。太守亦重先生、因延課其孫兼管書記。四月、以太守俸滿入都、因歸省親。七月、復至江甯。九月、太守擢惠潮嘉兵備道、先生以親老不能遠游、因就句容林大令光照聘、課其壻漳浦鄭秀才聯



華。時孫君星衍尊人孝廉勳官句容教諭，而訓導全椒朱君沛、縣丞錢唐汪君蒼霖皆工詩愛客。縣中紳士王廣文、吉士兄弟、沈公子衣言亦慕與先生交。凡客句容三月，文讌殆無虛日。又徧游茅山、棲霞，紀游詩約數十篇。臘杪始歸里門。十二月十日，次子盼孫生。

四十一年丙申，先生三十一歲。正月，仍至句容縣署。二月歸里，旋至揚州及江甯訪友。三月，復往句容校縣試文。四月，以林大令罷任歸里。時浙江學使王公杰欲延先生校文。七月，往謁學使於紹興，值其扃試，例不當通刺，資斧幾至乏絕。及試畢往謁，學使一見先生如舊相識，遂偕往試台州、處州二府。中途歷天台、雁蕩諸勝，皆有

詩紀事。十月二十六日、蔣太宜人在里猝得中風疾卒、
春秋六十有三。仲弟以先生在千里外、恐得訃後驚悼、
有他變、卽作札言太宜人病狀、屬姊壻史君德孚持至
處州、并促偕歸。到日亦值局試、留書而返。先生於試畢
得書、星夜遄返。十一月十四日晡時、舟至臧墅堰、距常
州三十里、疾步至城、有僕窺園父仇三爲營卒、途遇之、
問家中狀、仇以實告。先生驟聞哀耗、五內昏迷、方度八
字橋、忽失足墮水、兩岸陡削、人不及救、隨流至滕公橋。
有汲者見、鬚鬣水上、攬之得人、試心口尙微溫、始呼衆
集救、問里中識者、其昇至家。救者不知先生疑爲避債、
赴水、及審狀則皆曰孝子孝子。悲嘆而散。天嚴寒、衣履



冰濕鄰人蔣松圓釋先生衣、自解衣衣之。舉家號哭呼救、久之方蘇、搶呼痛哭、幾不欲生、水漿不入口者五日。諸姊以大義責先生、始稍進米飲。七七內僅啜糲粥、席藁枕由、晝夜號哭。終喪不進肉食、不入內室、所服皆白衣冠、不御緇布。自以未及侍蔣太宜人含歛、哀感終身、嗣後每遇忌日、輒終日不食、客中途次不變、三十年如一日。是歲在苦次、撰次蔣太宜人行述。

四十二年丁酉、先生三十二歲。居憂在里、授徒、從學者汪甥楷、劉生登禾、孫生星衡、瑀及張楊諸生、凡七人。長子飴孫時已五歲、亦日課以爾雅十數行。十一月、座師劉公權之視學安徽、遣人相延、先生亦以營葬乏資、遂於

長至前由陸程赴太平，并約孫君星衍偕行。劉公相待有加，以先生衣縞素不肯更易，因約值節日朔望皆聽獨處，專遣人司飲食。在學署一載，率以爲常。又因先生譽孫君學行，因并款留以助衡校。自是先生與孫君助學使校文外，共爲三禮訓詁之學。留太平度歲。

四十三年戊戌，先生三十三歲。在安徽學使署。二月，隨試太平、徽州、甯國、池州四府。五月中始返太平，偕孫君至句容學署度夏。七月，復同詣太平，隨試江北諸州府。十一月，在滁州，因葬事先歸。以十一月廿六日附葬蔣太宜人於午峰府君墓。知友在百里以內者咸來會葬，如高郵金君蘭、無錫楊君芳燦兄弟及同里孫君等，皆館



於白馬三司徒里賃宅旬日方去。先生在家次三日。夜負土成墳始歸。歲暮以負債多。偕孫君至句容。聞座師劉公遭母憂。復親詣太平弔唁。至除夕前仍回句容。

四十四年乙亥。先生三十四歲。仲弟以少孤失學。假仲姊資學爲賈。累歲虧折資本。至無以償。時先生服闋歸里。決計攜弟北上。別謀進取。又以無行資。袁觀察鑒薦入常州黃太守澤定署。閱府試文薄。有所贈。方得成行。過揚州。汪孝廉端光復助以行資。始舍舟從陸道。遇漢軍繆秀才公儼。今名公恩。聯車北行。五月初二日抵都。居黃君景仁寓齋。時四庫館甫開。讎校事繁。座師董公誥爲總裁官。屬總校江甯孫舍人溶延先生至打磨廠寓齋。總

司其事、歲脩二百金。仲弟亦送入方略館効力。先生節
嗇所入、半給仲弟館費、以半寄歸爲衣食之資。迎養叔
母、余孺人、季父希李先生於家、用度益窘。每遇訪友或
假書、十里五里無不步行。八月、應順天鄉試、不售。時翁
學士方綱、蔣編修士銓、程吏部晉芳、周編修厚輅、吳編
修錫麒、張舍人塤共結詩社、首邀先生及黃君入會。每
一篇出、人爭傳之。是以先生遇雖甚困、而友朋之樂以
此二年爲最。九月朔日、女紡孫生。是年得駢體文四十
首、詩詞約二百篇。

四十五年庚子、先生三十五歲。在孫舍人寓校書、仲弟以
思家得咯血疾、新歲愈甚。先生質衣具資遣人送歸。時

甫近上元、以無衣不克出門、託疾斷慶弔絕過從者凡兩月。時方

南巡、諸臣例獻賦頌、先生爲山陰梁尙書國治製頌十八章、首邀

睿賞。于是都下求屬稿者甚衆。先生亦精力絕人、日爲孫舍人校官書八巨冊、類有攷證數十條、夜則製進呈冊頁一通、每至三鼓方休。是年恭遇

萬壽、頌述之文益多。自二月至七月、所製凡五六千篇、得酬金四百兩。時前橋新塋前地一畝、欲爲豪家佔買、先生得家問、卽以所得金之半寄歸、先與立券、豪家遂不能奪。仲弟病痊後、復假貸北來、先生爲盡償宿逋、并取還前



典質之物、類皆賣文錢也。八月、應順天鄉試、出闈卽爲四川查按察禮聘掌書記入蜀、歲修四百金。先生以屢困場屋、不復有進取心。九月朔、遂辭孫舍人、暫寓蓮花寺、待查公同行、適其方擢四川布政使、未卽就道。初七日、揭曉中式第五十七名舉人、孫舍人同獲雋。查公遂力止先生無行。于是復遷寓舍人宅。是科座師爲協辦大學士漳浦蔡文恭公、新刑部左侍郎無錫杜公玉林、內閣學士滿洲嵩貴公、房師爲掌貴州道監察御史清苑李公孔陽。李公閱薦首場卽得疾、二場屬吳江丁郎中雲錦代閱、三場屬嘉定曹中允仁虎代閱。座師以制藝皆散體、已定作副榜第一矣、忽中允得五策、以爲顧



亭林復生、蔡文恭公取閱，亦深賞之，遂移入前列，以五策進。呈揭曉後，未一月，房師卽以疾逝，先生與同門生視含歛，并稱貸而厚賻之。是歲與黃君及欽州馮編修敏昌、順德張解元錦芳唱和，及詩社所作，共得詩百餘篇、雜文數十篇，著三國疆域志二卷。

四十六年辛丑，先生三十六歲。在孫舍人寓校書。

時移寓賈家胡同。

三月，應禮部試，本房山陰王編修增閱卷，呈薦闈中，已定作江南第二本矣。固始吳副憲玉綸爲副總裁，旋以軍機中書汪君學金卷易之。先是，孫君星衍已入關，并札言陝西巡撫畢公沅欽慕之意，先生遂決意游秦。四月十六日，偕崔同年景儀西行。崔方至四川定省。時征逆回。

京兵入陝，道出山西，因迂道由館陶、臨清至河洛，抵開封，而資斧已竭。適舊友楊司務仁基同年管戶部世銘皆在開封，共假資以行。五月望後抵西安，寓開元寺一宿。畢公聞先生來，倒屣以迎，翊日遂延入節署。時幕中爲長洲吳舍人泰來、江甯嚴侍讀長明、嘉定錢州判坵及孫君與先生凡五人。陝西尙有回警，日偕畢公籌兵，盡餉暇卽分韻賦詩，常至丙夜，間游牛頭、香積諸寺，尋曲江及漢唐古跡。又代莊州判所修延安府志，歲杪方竣。是月二十五日，適汪氏仲姊以疾卒，先生聞訃，哭之慟。仲弟以尙未議敘留都，每月揭資寄之。是年道中懷古、紀游及唱和詩共得二百首，雜文數十篇。



四十七年壬寅先生三十七歲。在西安節署。三月偕同人至牛頭寺看桃花。抵終南山麓始返。四月黃君景仁以將赴選謀資入秦。寓開元寺者三月。間旬必偕孫君出訪之。或同游名勝。竟日而還。六月至朝邑訪莊大令。圻回塗過潼關。赴陸司馬維垣之約。時陸署同州知府其子戶部鍾爲先生庚子同年。留二日。卽順道游華山。宿玉泉院。質明坐竹兜行。二十里至青柯坪。久憩。自此以上皆當步行。遂自千尺幢直上。小駐媼神洞飲泉。由仙人窰。日月崖。蒼龍嶺至三天門。塗皆危絕。攀鉄索穿石脇方得上。先生步行若飛。餘人不能及也。從天門東折詣玉女峯。坐洗頭盆側。蒼柏滿崖。夕陽欲下。天風泠泠。渺非人境。復上謁金天宮。宮在落

雁峯下、距峯頂尙五里、道士供果餌畢、因至後山松檜亭、視新月亭址、卽秦昭王與天神博處。時七月哉生魄日也、薄暝仍回金天宮、蔬食後出屋、視星斗皆大於瓜、皎潔異常。倦宿東軒、徹夜有聲不絕、蓋呼吸可通帝坐矣。四鼓招道童秉炬上落雁峯、視日出、峯頂僅十餘步、左爲華池、右則鐵屋一間祀老子。時夜尙昏黑、忽閃電自隔河來、八百里中條山畢見。久之、海日始上、霞光萬千、較黃山仙掌峯所見又不同矣。蹲久下嶺、天尙昏黑、無所見、復秉炬西至蓮花峯、視巨靈擘山處。又南折至環翠巖、望山南諸峯、并訪陳希夷習靜石屋、徑從原路下山。未刻至玉泉院、華陰知縣來訪、足力已竭、幾不能



具禮。兩日後始復舊。以初八日返節署。九月，舊友湯大令大奎以翰餉至甘肅，過陝相訪，并出炙研瑣談屬爲點定。是歲凡得詩百餘首，文二十餘篇，著漢魏音四卷，撰淳化、長武二縣志。

四十八年癸卯，先生三十八歲。在西安節署。三月，莊公子

達吉約游鄜縣。

尊人所方署縣事。

因同由興平抵馬嵬驛夜宿。

各有題壁詩。留鄜縣五日，登太白山，從新開路至上池一勺久憩。別日復上五丈原，望陳倉岐山，回塗過盤屋，徧訪仙游樓觀諸勝。時太倉王上舍開沃主講塾屋，因留宿書院中二日，由鄠縣歸西安。五月，得黃君景仁安邑臨終遺札，以身後事相屬。先生由西安假驛騎四晝

夜馳七百里抵安邑，哭之于蕭寺中，爲措資送其柩歸里。時季父希李先生留滯漢口，約先生同歸，先生遂自蒲州渡河，由襄陽至漢陽，而季父已先行。座師杜公方鞠獄武昌，喜先生至，邀留旬日，陪遊黃鶴樓、西塞山，及隔江大別、梅子諸山。至七月望夜方行。八月朔日抵里門，因爲黃君營塋。先是，畢公知所居賃宅逼隘，因贈資爲購宅，卽今花橋北居第也。以十月初三日移居焉。十二月，偕陸同年壽昌、趙表弟懷玉計偕北上，復迂道至句容，江甯乃克成行。時將

南巡，車馬皆乏，僱小車前行，除夕住拈花集度歲。是歲紀游詩百餘首，澄城縣志二十卷。



四十九年甲辰先生三十九歲。正月十八日抵都門。二月偕江陰繆孝廉汝和寓泡子河觀音寺。時已締兒女姻其第四子先生也。壻三月應禮部會試。試畢偕同人游西山。榜發薦而不售。本房編修祥慶公閱卷最遲。至四月四日方以三場並薦總裁蔡文恭公及紀公昀。奇賞之。紀公尤擊節五策。必欲置第一。時內監試豐潤鄭侍御激以得卷遲疑之。欲移置四十名外。紀公堅執不允。因相與忿詈。不可解。總裁胡公高望調停其事。遂置不錄。紀公於卷末賦惜春詞寄意。出闈。卽先詣寓齋相訪焉。先生以四月出都。由山西赴陝。道中爲田家詩寓意。以資斧告匱。迂道訪沈運使業富于運城。五月半抵潼關。聞畢公祈雨太

白山因至塾屋仙遊寺相見。翊日同游樓觀，半道聞甘肅回警，畢公卽回西安調撥兵餉。先生以病暑留塾屋，縣署旬日方返西安。莊公子達吉繪元都訪古圖，有百韻詩紀事。是月十九日，第三子符孫生。時西安修濟城隍未竟，而西事頗急，畢公屬先生及孫君時假出游爲名，規畫其事。六月程編修晉芳乞假來陝，抵署卽病不起。畢公與先生等日爲營畫醫藥，及沒，皆躬視含歛。是歲著公羊穀梁古義二卷，詩文合百餘首。

五十年乙巳，先生四十歲。在西安節署。正月，畢公入

覲，并摩唐開成石經進。呈擬薦先生、孫君及吳縣江布衣聲。

書



國朝三體石經、卽在西安刻石以進、爲當軸者所阻而止。二月、偕嚴侍讀長明游紫閣、白閣、圭峯草堂寺、由漣水橋巡第五橋諸舊蹟。時畢公調撫河南、趣先生至開封、遂於月杪由陝入汴。至則豫省方積旱、又河工事填委、不復有關中唱酬之樂矣。五月十一日、季父希李先生卒。十一月、自豫南回、枉道至固始、謝大令聘署齋盤桓旬日、方還里門。仲弟以議敘從九品、需次、省先生於開封。先生致書曹州守太谷吳君■署、俾就近養力焉。後以史氏甥女歸其子。上舍昭。回里後歲歉甚、復節嗇衣食、贍諸親友、間亦與錢大令維喬、蔣太守熊昌諸人爲銷寒小集。是歲得紀游詩百首、修固始縣志。

按希李先生二子、長名原吉、字思周、次名炳吉、皆先生從弟。

五十一年丙午、先生四十一歲。在里中。二月偕錢大令維喬等買舟至浙江省、從舅氏榕盒先生、時舅氏曙齋先生父子、楊孝廉夢符、孫振學、吳祖健、蔣承曾、陸繼曾、四上舍並以事至杭、崔浣青、恭人暨公子景侃亦往任所、連舫十數、徧游錫山、虎溪、復至元墓、靈巖、流連篇什、繼以清歌、極琴尊游覽之樂。抵錢塘日、卽居蔣表弟重耀寓齋。榕盒先生子。問日游龍井、天竺、靈隱、淨慈諸名勝。與邵編修晉涵、楊孝廉、蔣上舍、崔公子吟咏、常至徹夜。留月餘、復歸里中。三月、重起開封節署。八月、登封陸大令繼



萼延修縣志、并約爲嵩山之游。以十月由鄭州密縣抵登封、陟太室少室、訪嵩陽書院暨啟母石、手搨三石闕銘。信宿少林寺乃回、甫抵開封、聞榕盒先生之訃、哭之慟。是歲南北紀游詩約百五十首、著東晉十六國疆域志、修登封縣志、爲友人改纂懷慶府志。

五十二年丁未、先生四十二歲。正月偕孫君星衍計偕北上入都、寓繩匠胡同。三月、應禮部會試、榜發不售。以五月初抵里、時競渡方盛、與莊表兄寶書、陳大令賓、陸廣文壽昌日爲泛舟之游。五月、構卷施閣于宅西、稍有樹石及小池、日偃仰其中。畢公屢書促行。十一月、偕莊舍人復旦重赴開封節署。是歲得詩二百首、撰乾隆府廳

州縣圖志。

五十三年戊申、先生四十三歲。在開封節署。賦寒食紀游詩四十首、和者數十人。八月、畢公擢督兩湖、先生偕行、以九月五日抵武昌節署。時楊進士倫亦主講于此、時與出游晴川、黃鶴諸勝、唱和甚多。歲暮、畢公甫自荊州堤工回署、汪明經中、毛州判大瀛、方上舍正澍、章進士學誠亦先後抵署、談燕之雅、不減關中。

五十四年巳酉、先生四十四歲。正月二日、計偕北行。毛州判大瀛餞先生於江北三山徑、梅已半開矣。由漢陽北上、元夕後抵開封、居同年徐大令書受寓齋數日。渡河、至武陟、訪王大令、復不遇。因獨游濟源、謁濟瀆廟。至盤



谷欲往王屋山不果。二月抵都居孫君星衍琉璃廠寓齋。三月應禮部會試。榜發不售。五月八日抵里。七月之杭州訪友。畱旬餘乃歸。八月仲弟選授崇文門副使。時同年李太守廷敬官常州。延修府志。并選唐百家詩。以九月進署。十二月返舍。與錢大令維喬莊公子達吉爲消寒小集。是歲得詩六十餘首。

五十五年庚戌。先生四十五歲。正月元夕。趁山東使船計偕入都。至王家營。以船行甚遲。復由陸取道泰安。登泰山。至高老橋。日已逼暮。欲逕上。同伴不可。乃還。以二月杪抵都。居仲弟海岱門三條胡同寓齋。三月應禮部會試。四月初九日。榜發。獲雋。座師爲東閣大學士王文端。

公杰、吏部侍郎後官體仁閣大學士朱文正公珪、工部侍郎鄒公奕孝、房師爲刑部員外郎後官安襄鄭道王公奉曾也。先是朱文正公雖未識面、然知先生名已久、入闈後欲暗中摸索得先生作第一人、及得李君廣芸卷、有駁策問數條、以爲先生擬第一。復得朱君文翰卷、用古文奇字、又以爲先生、遂置李君卷第六、而以朱君冠多士。及拆號、而先生名在第二十六、乃相與嘆息、以爲名次亦有定數云。殿試先生卷條對詳明、讀卷大臣進呈第一。

欽定第一甲第二名。五月初一日引

見授職翰林院編修。七月、派充國史館纂修官。是秋、先生與



仲弟移寓三里河清化寺街，饒有竹木之勝，查給事瑩舊宅也。歲除，先生以逋負多，避債至城東數日。除夕抵暮乃歸。是歲偕同年張太史問陶唱酬甚多，所得詩文數十首。

五十六年辛亥，先生四十六歲。在京供職。正月十六日，長子飴孫娶婦汪氏，仲姊季女也。四月，蔣宜人率眷屬由水路抵都。十月，石經館開，派克收掌及詳覆官。時至國子監監視刻石，以蔣衡所書十三經字多譌俗，有上石經館總裁書，欲一一更正，不能從也。是歲偕法學士式善、劉檢討錫五、伊刑部秉綬、何工部道生、王孝廉芭孫唱酬甚多。

見蒙

五十七年壬子先生四十七歲在京供職三月考差引

記名。八月克順天鄉試同考官。十四日又在闈中奉視學貴州之

命。向例未散館翰林無爲學政者有之自先生及同年石修撰韞玉始蓋異數也。九月榜發得士董履坦等十三人副榜希齡等二人卽日至海淀

御園謝

恩兼請

聖訓卽蒙

召見

匪詢鄉貫科第甚悉并

命速赴新任。先生退卽束裝。十六日、次子盼孫殤。二十四日、挈家上道。十月半抵樊城、眷屬暨賓友由水程進發、先生馳驛先行。十一月十三日抵貴陽、巡撫嘉興馮公光熊等皆出郭相迓。十五日、接印任事、卽緘題觀風十三府一廳所屬生童、以衙署逼窄、捐貲構署後樓閣、卽今聽事西紅香館、聽雨篷、曉讀書齋、千葉蓮臺等是也。十二月初三日、眷屬抵署、從子繩孫、悼孫、史甥超宗並隨署讀書、延表姪蔣上舍維垣教之。從弟顯吉、原吉、再從姪建禾、蔣表弟曜西、汪甥楷、屠甥景儀、及桂陽李秀才萬坤先後至署、佐理閱文及幕中雜事。是歲得詩七十餘



首。

五十八年癸丑先生四十八歲。在貴州任。二月出巡上游。歲試安順、南籠、大定、遵義四府。五月回署。六月歲試貴陽府。八月出巡下游。歲試平越、思南、石阡、鎮遠、思州、銅仁六府。十一月回署。先生每課士皆終日坐堂皇評臨試卷、積弊悉除。又愿試諸府皆拔其尤者送入貴陽書院肄業。一歲捐廉俸數百金助諸生膏火。又購經史、本及文選、通典諸書俾資誦誦。其在省日每月必自課之。令高等諸生進署講貫詩文。娓娓不倦。款以飲饌。獎之銀兩。由是黔中人士皆知勵學好古。甲寅、乙卯兩科書院諸生中式者至五十餘人。內如胡吏部萬清、花給



諫杰、黃大令鶴、何編修應杰、張工部本枝、邱編修煌、翟編修錦觀、徐進士時英、蘇大令廷棻、焦進士承煒、劉進士煜兄弟、賀進士世清等連翩擢第，餘皆領鄉薦。及登拔萃科以去。五六年間所識拔之士，無仍爲諸生者。是歲具摺奏請以禮記鄭康成注易陳灝奉

旨交部議奏，爲部臣所格不行。凡得紀游詩及雜文共百五十首，著意言二十篇。

五十九年甲寅，先生四十九歲。在貴州任。二月，出巡下游，歲試都勻、黎平二府。都勻試畢，陸行至三腳壘，由都江舟行，古之牂柯江也。至古州，復登陸。時彭提督廷棟兼攝古州總兵，與孫司馬鑑出迓，邀游五榕山，入諸葛洞。

時方仲春，百卉齊放，菜甲花黃，及一二十里。先生嘗云：江南無此春景也。留一日始行。沿路苗寨中皆合隊出迎，男吹蘆笙，衣錦衣，插雉尾；女則衣黑襦袴，以銀圈飾頸。富者至一二十圍。晚至館驛，必東西列亭下唱歌，以荷包及銀犒之方去。黎平以歲科並試，留四十日乃行。中途歷游南泉山、少寨洞、獅子崖諸勝，奇麗皆目所未睹。先生並有游記。三、四、五月科試鎮遠、思州、銅仁、思南、石阡、平越、都勻七府。五月十四日返署，先一日長孫穀曾生。八月，值甲寅。

恩科，錄送士子入闈。九月，科試上游安順、南籠二府。十一月回署。是歲所得詩文百餘篇，著釋歲、釋舟二篇。



六十年乙卯，先生五十歲。在貴州任。正月十九日布政使以下奉邀巡撫馮公及先生至城南甲秀樓張讌放燈酒半，得銅仁苗石柳鄧戡官起事耗，署按察使張公繼辛、貴東道尼堪富什渾公聞信卽行。甫曙，馮公繼往。自此至任滿入都，苗氛未參，數公並在軍營，時有書函往復，頗靖規畫焉。三月，科試大定，遵義二府五月回署。六月，科試貴陽府。八月，值乙卯正科，錄送士子入闈。九月，以將報滿，蔣宜人先率子婦回里。十一月十日，先生自省城啟行，督撫密摺陳奏聲名，以爲清廉愛士數十年所未有。諸生送者自圖雲關至貴定，三日中常不絕。熊生煥章、楊生大奎隨行，皆新中式無力入都者。十五日

抵鎮遠、新任學使談君祖綬亦至、當卽交印、由洪江進發。十二月抵辰州、晤湖督畢公沅、湖南巡撫姜公晟。十九日抵荊州、姻家崔太守龍見以公事出、晤崔浣青恭人、錢上舍伯垌兄弟。廿四日抵襄陽、晤房師安襄鄖道王公奉曾。除夕抵河南南陽府度歲。是年得詩數十首、著貴州水道攷三卷。門下士爲先生校刊附鮎軒卷施閣二集。

嘉慶元年丙辰、先生五十一歲。元日偕南陽鎮總兵袁果南陽府知府完顏岱等至

帷殿行朝賀禮。初二日上道。初七日至滎澤、過河半渡、風大作、舟幾覆、薄暮仍返南岸。因步行、攜從子悼孫及兩門



生至惠濟橋行館草宿。越一日月夜復渡河、夜半忽冰凌大下、衝舟至四十里外方得泊。明蚤復至滎陽驛、索人夫帆纜始成行、午刻抵北岸。十四日抵安陽、晤同年趙大令希璜。元夕宿磁州。廿八日入都、廿九日詣宮門覆

命。時先以任滿日黔省督撫保奏過優蒙

諭見面時題奏、當日軍機處將原摺先遞、旋即

召見

諭問黔中課士情形、黔楚苗匪近狀、民情安擾、官吏賢否甚悉。

又

垂詢祖父兄弟并甲第師生、良久方遣出。是年以

皇上登極

恩詔贈先生父承德郎母安人。復以本身妻室應得

封典、賜贈祖父母如例。二月、僦寓兵馬司前街。四月、散館一等、

奉

旨留館。六月派本衙門撰文。七月、派克 咸安宮官學總裁。八

月、移寓沙土園八角琉璃井官房、有亭池樹石之勝。是

歲得詩約百首。

二年丁巳、先生五十二歲。在京供職。二月廿四日、長孫女

生。三月初三日、奉

旨在上書房行走、侍 皇曾孫奕純讀書、卽日移寓澄懷園近

光樓下。五月、

恩賜葛紗宮扇、香串、藥定有差。蔣宜人率子婦等抵都。八月丁酉朔。

皇上釋奠于太學，奉

旨偕李編修鈞簡、石修撰韞玉、王編修宗誠分獻後殿。是日四子胙孫生，其母侍姬鄭氏人。蔣宜人前以多病，爲先生購得之，命隨入都侍巾櫛焉。十月，仲弟以嗣母余太孺人年邁乞養歸，先生垂淚送之，自此亦有歸志矣。十二月。

恩賜

御書福字、風羊鹿尾諸品有差。是歲得詩文七十餘首，刊東晉蠶城志竣。



儒藏

三年戊午，先生五十三歲。在京供職。元夕後，仍遷入澄懷園直廬。正月十二日，仲弟副使君卒于里門。二月廿七日，大考翰詹諸員於

正大光明殿

欽命題爲井蝕賦、春雨如膏詩、征邪教疏。先生於疏內力陳內外弊政至數千言，情詞剴切，閱卷者皆動色。初擬二等前列，旋置三等二名。三月初二日引

見蒙

高宗純皇帝記名。時甫得仲弟凶訃，痛哭不食者累日，卽於初七日陳情引疾。二十五日，挈家屬從陸路南回。四月二十五日抵里，哭仲弟於厝舍。五月，詣蘇州哭畢，公沉於其



墓。七月望日，送舅氏曙齋先生暨長子飴孫至江甯鄉試。九月榜發，飴孫中式第四十二名舉人。曙齋先生亦以年過八十，循例

欽賜舉人。十月，因長子飴孫至高淳謁房師張君其縉。先生偕至宜興，徧游善卷、龍池之勝，旋即歸里。初十日，叔母余太孺人卒。先生經理喪事，踰月不出戶庭。十一月至杭州，訪阮學使元、秦觀察瀛，寓西湖漱石居半月而歸。十二月，葬余太孺人於前橋先塋，并卜塋仲弟於塋南計家村。是歲得詩文約百首，刻十六國畹域志跋。四年己未，先生五十四歲。在里門。正月爲洞庭包山之游，回舟復至香雪海探梅。月杪返里。二月驚聞

高宗純皇帝升遐以

內廷翰林例應奔赴、隨卽束裝北上。三月初二日抵都、奉

旨在

觀德殿隨班哭臨、因赴本衙門銷假、暫寓同年戴刑部敦元

鐵廠寓齋。四月、派克

寶錄館纂修官、偕總裁諸公首先訂定條例、承纂第一分書、卽

高宗純皇帝初登極時事也。是月以

高宗純皇帝升祔

太廟、

恩詔贈先生父奉直大夫、母宜人。本身妻室並請

封典如例。克巳未科會試磨勘官、

殿試受卷官。五月奉

旨敎習已未科庶吉士、分課湯君金釗、張君惠言、貴君慶等十
四人移寓

西華門南池子關帝廟。八月第一分

實錄告成、先呈

御覽。先生以春初束裝匆遽、在都車馬衣履一切未具、遂于二
十日在本衙門乞假、已准擬於九月初二日叩送

高宗純皇帝梓宮後南行。時川陝餘匪未靖、湖北安徽尙率兵防
堵、時發

諭旨、籌餉調兵。先生目擊時事、晨夕過慮、每聞川陝官吏偶言
軍營情狀、感嘆焦勞、或至中宵不寐、自以曾蒙



恩遇不當知而不言。又以翰林無言事之責，不應違例自動章奏。因反覆極陳時政數千言，於二十四日上書。成親王及座師吏部尚書朱公珪、左都御史劉公權之冀其轉達。

聖聽發書後，始以原稿示長子飴孫，告以當弃官待罪。是日宿宣南坊蓮花寺，與知交相別。同人皆懼叵測。先生議論眠食如常。二十五日，即經成親王等將原書先後進呈奉。

旨傳至軍機處指問。旋有

旨落職，交軍機大臣會同刑部嚴審，定擬具奏。二十六日，大臣等在都虞司訊問，並面傳



諭旨洪亮吉係讀書人不必動刑。先生感激

聖恩伏地痛哭。一如問指陳無隱。當經王大臣等擬以大不敬律斬立決。奉

旨免死發往伊犁。交將軍保甯嚴行管束。二十七日卽行。時事出倉猝。車馬行李俱無所出。姻家崔大令景儼方在都門謁選。偕同年王編修蘇同里莊上舍曾詒等日夜捫揣。滿洲侍郎成格公時官戶部主事。素未識先生。自以屋券質銀三百兩爲助。方得成行。計在刑部三日夜。及自刑部至兵部。暨出彰儀門。慰問者不絕於道。其中多有未經識面者。先生一一謝之。崔莊二君及同里張庶常惠言。陶孝廉登瀛皆送至蘆溝橋。信宿而返。二十八

日至良鄉、遣長子飴孫旋里、支持家事、遂挈二僕一車夫以行。統計自京師至西安二千六百五十里、計程二十六日、自西安至蘭州一千六百九十里、計程十八日、自蘭州至肅州一千四百七十里、計程十八日、自肅州嘉峪關至伊犁萬一千里、計程七十二日。先生行篋蕭然、資斧屢見匱乏、賴故交素識殷勤贈贐、饋食解衣、始得遄行抵戍。在直隸山西則如李大令景梅、蔣刺史榮昌、陳大令日壽、在陝西則如朱太守勳、莊刺史旂、費大令濬、錢州判站、在甘肅則如楊戶部芳燦、布政揆、姜按察開陽、唐大令以增、周二尹能珂、皆先生素交也。十月初八日抵西安、重僱車馬、留三日乃行。十一月初四日



抵蘭州。十二月初一日抵肅州。重僱出關長車。除夕在鎮西府度歲。事皆詳遺戍伊犁雜記。是歲得詩一百四十首。自西行以後。遵

旨不飲酒不賦詩。

五年庚申。先生五十五歲。在伊犁塗次。正月二日。自鎮西府西行。十六日。抵烏魯木齊。二月初十日。抵伊犁惠遠城。自八月二十七日由都起程。至是凡行百六十一日。始抵戍所。先是伊犁將軍保甯妄測

聖意。於未到之先。先遞奏摺。中有該員如蹈故轍。卽一面正法。一面人奏等語。奉

硃批。此等迂腐之人。不必與之計較。保公之意始息。到日派辦

冊房事務并給西城官墅一所。先生自抵伊犁、除謁見將軍外、蹤跡不出戶庭。所居環碧軒高柳百株、亭亭蔽日、軒下谿水四周、暇則靜坐攤書、間或巡欄閒步而已。是年四月、京師亢旱、

皇上虔禱

三壇、祈求雨澤、因

命清理庶獄、分別減等。又

敕刑部及各省詳查永遠監禁人犯、分別省釋、其在新疆年久未經釋回者、俱分別開單、候

旨加恩。先生以到戍未及三年、例不開列。自四月二十四日皇上親禱、社稷壇之後、經旬尙未得雨。閏四月初三日、因奉



上諭從來聽言爲郅治之本，拒諫乃失德之大。朕從不敢自作聰明，飾非文過，採擇羣言，折衷而用，兼聽並觀，惟求一是而已。去年編修洪亮吉既有欲言之事，不自具摺陳奏，轉向成親王及朱珪、劉權之私宅呈送，原屬違例妄爲。經成親王等先後呈進原書，朕詳加披閱，寔無違碍之句，仍有愛君之誠。惟視朝稍宴，小人熒惑等句，未免過激。令王大臣等詢問，擬以重辟，施恩改發伊犁。然此後言事者日見其少，卽有言者，亦論官吏之常事，而於君德民隱休戚相關之實，絕無言者。豈非因洪亮吉獲咎，鉗口不敢復言，以至朕不聞過，下情復壅，爲害甚鉅。洪亮吉所論實足啟沃朕心，故銘諸座右，時常觀覽。若實有悖逆，亦不能壞法沽名，不過違例奔競，取巧營私之咎。况皆屬子虛，何須

置辨而勤政遺佞更足警省朕躬。今特明白宣諭王大臣并洪亮吉原書使內外諸臣知朕非拒諫飾非之主實爲可與言之君。諸臣倖遇可與言之君而不與言大失致君之道負朕求治之苦心矣。王大臣看此諭先行迴奏仍各殫心竭思隨時密奏軍機大臣卽傳諭伊犁將軍保甯將洪亮吉釋放回籍等因。欽此。是日午刻。

皇上硃筆親書

諭旨交軍機頒發中外。下午以後同雲密布卽得甘霖。御製得雨敬述詩紀事。

御製詩注有納言克己乃爲民請命之大端本日親書諭旨將去年違例上書發往新疆之編修洪亮吉立于釋回。宣諭中外。



并將其原書裝潢成卷，常置座右，以作良規。正在頒發，是夜子時甘霖大沛，連宵達晝。旋據報，近郊入土三寸有餘，保定一帶亦皆深透。

天鑒中誠，捷於呼吸，可感益可畏也等語。是月二十七日，先生在

伊犁欽奉

諭旨於將軍署庭，涕泣叩首，恭謝

聖恩。訖，卽呈明將軍，以五月初一日東還。統計居伊犁僅及百

日。同人言，自開新疆以來，漢員

賜環之速，未有如先生者。有紀

恩詩四首記事。同人皆贈詩送別。二十日抵烏魯木齊。六月初六日抵哈密。二十一日，抵肅州，換車而行。七月十三日

抵蘭州。十六日，次孫宛曾生。是月杪抵西安。八月十六日，抵開封。九月初七日抵里，親故話舊幾如隔世。因自號更生居士。十二月小除夕，女紡孫適江陰繆氏，繆壻梓入贅於家。是歲得詩九十五首，補作伊犁紀事等詩九十七首，雜文十四篇，著天山客話一卷，紀程一卷，外家紀聞一卷。

六年辛酉，先生五十六歲。在里門。自二月以後，偕里中耆宿爲壺牒之會，每逢花辰令節，與趙觀察翼、莊宮允通敏、徵君宇達、蔣通守驥昌、吳封君端彝、陳大令賓、蔣表兄廷耀等，往還唱酬無間，每歲皆然。其於莊大令述祖、臧明經鏞堂，則時時相與商榷經義，屢有辨證焉。五月



十三日、孫宛曾殤。六月、避暑焦山定慧寺、詩僧慧超、巨超皆從論詩。同年會都轉煥邀遊揚州平山堂數日、仍返焦山。七月、孫總戎廷璧邀游太湖東西二山、遂至消夏灣觀荷。十月、松太道李觀察廷敬邀游吳淞江、鎮洋汪庶子學金邀游趣園、遂自蘇州徧游婁東諸勝而返。是歲得詩二百十九首、文三十一篇。

七年壬戌、先生五十七歲。在里門。旌德譚君子文居下洋鎮、自建洋川書院、延課諸郡生童、聘先生主講席、遂以二月攜第三子符孫、壻繆梓至洋川。與諸生講經談藝、每至宵分、遠近聞風、從游者日衆。四月旋里。八月、青陽陳明經蔚邀游九華、歷天臺、東巖諸勝、復游黃山、浴朱

砂泉重至洋川書院。十月旋里。十九日、蔣宜人卒、有悼
亾八首記事、作蔣宜人行狀。十二月、吳江徐待詔達源
邀遊黎里、旬餘而返。先生自塞外歸、尤喜導揚後進、每
遇世交子弟、才藻過人者、輒向名公鉅卿稱道不置。同
里如劉編修嗣綰、莊上舍曾詒、黃孝廉載華、丁明經履
恆、陸孝廉繼輅、秀才耀適、黃上舍乙生、莊秀才綬甲、周
孝廉儀暉、陸上舍鏞、高秀才星紫、瞿孝廉溶等、皆得獎
勵之益。其專心古學者如劉孝廉逢祿、董上舍士錫諸
人、則以漢魏諸儒勗之。其在蘇州、松江、鎮江、徽州、甯國、
池州、及浙江東西諸郡、簪屐所至、從游最多、每有異才、
必加獎許。其尤邀心賞者、至折輩行相交、請質文字、鼎



鼎常盈几案。至有數千里轉輾介紹以求詩文題字者。如雲南師大令範、袁明經揆、四川郭主簿蘭芬等，不可勝計。至如羽士緇流素工吟咏者，亦欲得一言以爲幸。偶歸里中及所過之地，戶履恆滿，樽酒過從，論文考古，動輒移晷，先生不憚其煩也。是歲得詩百七十七首，文三十五篇，著左傳詁二十卷。

八年癸亥，先生五十八歲。在里門。正月，同年會都轉煥過訪，因偕同里趙觀察翼、劉宮贊種之，莊宮允通敏、舅氏曙齋先生、莊庶常詵男、謝庶常幹爲詞館之會，留懃數日始行。二月，鹺政額勒布公聘主揚州梅花書院，因游京口諸山，遂至平山堂看梅。四月，以揚州講席酬應較

繁辭之而歸。仍赴洋川書院。是月廿八日。次孫女生。五月旋里。六月。至焦山定慧寺避暑。旬餘而返。八月。仍赴洋川書院。十一月。自洋川由水程沿江至蕪湖。張太守祥雲、陳孝廉懿本留游後湖。蠓磯諸勝。遂訪孫觀察星衍於江甯。月杪旋里。偕同里諸公爲消寒雅集。杯酒往還。更迭置譙。十二月。復游上海。偕李觀察廷敬及幕中諸客爲消寒會。旬日返里。十二日。塋蔣宜人于前橋先塋昭穴。復遷塋仲弟副使君於穆穴。先生自營生墳。戒子孫毋得更葬。爲詩以記之。葬事旣畢。因至句容茅山。徧游青元館、華陽岡、乾元觀。與舊友王司馬周南談燕。竟日而返。是歲。於宅西西園小築泉石。創瞻華臺。更生

齋得詩二百九十九首、文三十二篇。刊竣乾隆府廳州縣圖志五十卷、著比雅十二卷。

九年甲子、先生五十九歲。在里門。正月、率長子飴孫弔平學使恕於江陰。同年邢大令澍邀游長興龍華寺、遂泛湖至長興。自長興訪王少冠昶於青浦。李觀察廷敬復邀游上海、徧訪南園、吾園及葉氏也是園。三月、重赴洋川書院。四月、自洋川至歙縣洪源謁先祠、展大同府君之墓。五月旋里。初七日、第五子齡孫生。六月、送書院諸生至江甯鄉試、畱居報恩寺精舍匝月。八月、重游上海。李觀察邀同先生及吳祭酒錫麒、祝編修莖、趙表弟懷玉諸人、以中秋夜泛月至吳淞江、飲宴達旦、各有詩紀。



事。十月，如臯汪觀察爲霖邀游北園，遂偕登狼山絕頂，望海、訪水繪園故址。回塗溯江，復至焦山小憩。十二月，至蘇州，游天平支硎諸山，久住吾與菴，遂往鄧尉香雪海探梅而返。是歲得詩二百五十九首，文二十一篇。

十年乙丑，先生六十歲。在里門。正月，自苕興渡太湖，至長興，偕詩僧巨超游卞山，遂自湖州至天台，徧游天台石梁、赤城瓊臺諸勝，宿桐栢宮國清寺，數日而返。三月，涇縣李大令德淦聘修縣志，設志局於蕭公祠。先生日與縣人趙舍人良霖、廣文紹祖、左明經煊、朱廣文煥等訂定志例，酬酢往還無間。五月，旋里。六月，重至涇縣志館。八月，旋里，復爲太湖包山之游，徧訪石公山、林屋洞，緣



楊灣諸處。九月三日，爲先生周甲初度。長子飴孫等於里第，授經堂稱觴二日。初十日，第三子符孫娶婦崔氏。乾隆辛巳進士分巡湖北荊宜施道永濟崔君龍見之。孫，乾隆壬子科副榜貢生甘肅兩當知縣景儼之女也。十月，由京口溯江至星子縣，登匡廬絕頂，自香爐峰厓石門澗、天池、佛手巖、黃龍澗、秀峰寺諸勝，回塗重至涇縣。是月七日，次孫女殤。十二月旋里。是歲得詩三百四十三首，文二十二篇。

十一年丙寅，先生六十一歲。在里門。正月至杭州，以元夕泛舟西湖，遂至餘杭縣，徧游徑山、大滌山諸勝，宿洞霄宮。回舟復至鄧尉看梅。二月，甯國魯大守銓聘修甯國

府志設志局于城北戚氏故居。先生以涇縣志事將成，命長子飴孫先往編校，自留甯國訂定條例，閒訪敬亭、南湖之勝。四月，自甯國至涇縣，由水程旋里。五月，復至甯國。七月，自甯國至涇縣，遂由旌德、太平往游黃山，浴朱砂泉，宿紫雲菴。復自黟縣祁門溪行至崇安縣，游武夷山，徧歷九曲溪及天樞、玉女諸峯，入桃源紫雲洞。自上饒玉山舟行旋里。是月四日，孫凱曾生。第三子，符二十三日，第三子婦崔氏卒。八月二十三日，孫彪曾生。長子飴孫。十月，重赴涇縣。十一月，以涇縣志告成，自涇縣至甯國，堦繆梓補江陰縣學生。十二月，由甯國旋里。是歲得詩三百十七首，文二十二篇，著六書轉注錄八卷，編

纂涇縣志三十二卷

十二年丁卯、先生六十二歲。在里門。正月、往游金焦二山、小憩定慧寺。二月、舟行至於潛縣、游東西天目山、宿禪源寺、數日而返。重赴甯國志局、第三子符孫侍行。五月、旋里、避暑焦山定慧寺。六月、重至甯國。是月二十日、次女生。二十二日、側室鄭氏卒。七月、自甯國至江甯。八月、嘉興李太守唐芸邀游煙雨樓、遂游常熟、虞山、至嘉興、復渡浙江至紹興、登北榦山、訪快閣、天池之勝。十月、重至甯國。十一月、以府志告成、自甯國旋里。是歲常州大旱、秋霧復傷稼、禾苗不成、飢民皇皇、城邑尤甚。先生首請于蔣太守榮昌及武進、陽湖兩明府、設局營田、廟捐



資施賑。先生總理局事，自捐三百金爲倡，餘按城鄉各商賈殷戶酌資勸捐。每日卯刻入局，漏下一二十刻始返，風雨無間。又慮賑需賑米有疾疫及狼藉粒米之虞，於是改賑以錢。自十二月至戊辰四月，每月放賑一次，計在局四閱月，凡捐銀一萬七千九百餘兩，錢十萬六千四百餘千，所賑飢口二十萬四千九百六十餘，其鄉歸鄉辦者不在此數。閭閻稍蘇而災厲不作，鄉人感之。是歲得詩二百九十二首，文二十四篇，編纂甯國府志五十卷。

十三年戊辰，先生六十三歲，在里門。二月六日，偕陽湖畢明府開煜在武廟放第二次賑。三月十六日，偕陽湖馬



明府紹援在西廟放第三次賑。是月自江陰渡江，至通州、遊雲台山及狼山，登支雲塔觀海。四月十八日，偕馬明府在武廟放第四次賑。是月至杭州，小住湖上，游雲棲、理安諸寺，回舟復觀吳門競渡而返。六月，避暑焦山定慧寺。是月二十日，適芮氏伯姊卒，先生哭之慟，浹旬不出戶庭。八月，率第三子符孫至江甯鄉試，回塗復至揚州訪友，重憇焦山，以中秋月夕徧游月波臺、巨公崖，與詩僧巨超等談游竟夕。十月，江行至漢陽，訪洪山、南湖、晴川、黃鶴之勝，月杪旋里。十二月，游荆溪南山，入張公洞里許而還。初五日，孫序曾生。第三子符孫妻戈氏所生。是歲靖江朱方伯勳居憂寓郡中，先生偕方伯及其客陳司馬

玉鄰唱酬往來最數得詩二百七十一首、文二十篇。
十四年己巳、先生六十四歲。在里門。正月至蘇州鄧尉看
梅、久憩吾與菴。三月、重游焦山、小憩定慧寺及海門菴。
四月廿二日、先生偶患脇疾、服醫家消導之劑、月杪漸
愈。五月初五日、脇痛復劇、飲食漸減、猶日坐歲寒堂、未
嘗偃臥、有問疾者皆自謝之。初九日、服醫家降伐之劑、
脇痛未減、時有喘逆。十二日、氣息漸微、家人環問、頻云
無所苦。彌留之際、老姪抱幼孫彪曾侍側、呼先生、猶徐
應之。未刻先生卒。越一日、殯于北江草堂。子飴孫等以
是年十二月二十四日申時葬先生于武進縣德澤鄉
前橋祖塋昭穴。

曾孫用勲校字重刊

常州府志人物傳

洪亮吉初名禮吉，字稚存，陽湖人。其先出於唐監察御史宏察，避孝敬太子諱，更氏洪。亮吉六歲孤，母蔣賢明督課嚴，風雪夜受經至雞鳴。亮吉純孝，既壯爲嬰兒戲娛母，貧出遊歸，聞母凶耗，慟絕墮水，得救免。三年徹酒肉，不入中門，其性摯如此。亮吉少工文辭，從安徽學使朱筠遊，時同幕府餘姚邵晉涵、揚州王念孫、汪中同縣，孫星衍並敦向古學，亮吉因治經，熟精三史，學益宏博。乾隆五十五年成進士，殿試一甲二名，授編修，充國史館纂修官。五十七年充順天鄉試同考官，拜貴州學政。貴州僻遠，寡聞見，亮吉購經史古籍給學官教授，奏禮記陳澍注孤陋，易鄭氏



格不行。嘉慶元年充 咸安宮總裁、上書房行走。三年正月大考翰林、時白蓮賊起川陝不卽平、亮吉爲征邪教疏、斥時政、寘下等。會弟亡引疾歸。四年正月、

高宗純皇帝崩、亮吉奔喪入都、與修 實錄、務依古史裁、簡約核事、與掌院議不合、欲歸、目擊時事、胸中欲吐者全、涌而翰林無言責、不得達、乃上書 成親王、極言時政萬餘言。王得書不敢祕、與大學士朱珪、劉權之白奏、上見視朝太晏、小人熒惑等語、以爲論及宮禁、震怒、革職。方對簿、

詔亮吉讀書人體弱、毋許用刑。亮吉感動伏地。問何爲上書、從容應曰、庶人傳語、況翰林乎。王大臣等當亮吉大不

敬律斬立決、

特恩免死、遣戍伊犁。九月二十四日上書、二十七日卽行。自詔獄出彰儀門、臚問者不絕於道、或爲之泣、亮吉意氣自如。出塞抵萬松岡、慨然指語左右曰、此吾童年所夢見也、今至此、非前定耶。明年閏四月、京師旱、上詣壇祈禱、減軍流罪、不雨。朱珪奏安南黎氏二臣忠而久繫、

上立出之。又不雨、

詔赦直言獲罪洪亮吉歸。是日大雨。是時亮吉抵伊犁三月矣。

詔曰、聽言致治之本、拒諫失德之大。自洪亮吉獲咎、言者



儒藏

洪北江先生年譜 傳

日少卽言皆官吏之常、不涉於君德民隱、使朕不聞過、下情壅閉。其以亮吉書示內外諸臣、使知朕非飾非拒諫之主、而爲可與言之君。速令伊犁將軍大學士保甯放歸亮吉。初、和珅誅、中外窺承

上旨、亮吉遣在途、保甯奏當以他事坐之死。

上敕不許、及

詔至、亮吉奉

詔涕泣、竟得還、而亮吉遂歸、署其室曰更生、表不殺恩。里居十年、天下欽望、以識面爲幸。嘉慶十四年五月卒、年六十有四。亮吉性剛急、好古人偏奇之行、喜游、登黃山、天都、峯絕頂、入茅山石洞、持燭行數里、放舟上洞庭、縹渺峯、大

風浪吟嘯自得、皆人所難。而氣質沈厚、可任大事。亮吉既歿、朝廷

詔旨猶時及之、有直言陳大計者、稱美謂有洪亮吉風。舉朝唯阿則激勵之、今何無洪亮吉其人。其名在朝廷如此。著書二百六十餘卷。子飴孫、字孟慈、嘉慶三年舉人、知湖北東湖縣。沈敏嗜學、能繼父業、多撰述、卒於官。



皇清奉直大夫翰林院編修洪稚存先生行狀

通議大夫、日講官、起居注、左春坊左庶子、充皇清文穎館總纂修官、蒙古法式善撰

曾祖璟、山西大同府知府。曾祖妣徐氏、封恭人。

祖公案、太學生。妣贈承德郎。祖妣趙氏、妣贈安人。

父翹、太學生。贈奉直大夫。妣蔣氏、贈宜人。

先生姓洪氏、初名蓮、改名禮吉、後又改名亮吉、字君直、一字稚存、號北江。晚自伊江歸、乃自號更生。然人皆稱爲稚存先生云。先世居歙、祖遷於常州、乃居常、爲陽湖人。先生生四歲、伯姊教之識字。五歲能背誦大學、中庸。六歲孤、母蔣太宜人攜居外家、自課之。先生所以繪機聲、燈影圖也。太宜人嘗舉宜其室家、命之屬對、遽應聲曰、飽乎仁義。太



宜人頗奇之。十三學作詩，詩以排異勝，蓋少年時卽能爲盤空硬語焉。二十四補縣學生，與同縣趙懷玉、黃景仁爲友。至江甯，袁大令以爲逸才。朱竹君筠督安徽學，賞其文，似漢魏與黃景仁俱延入幕，嘗稱二子之才，致書京朝官，謂如龍泉太阿，皆萬人敵。先生旣居學幕，交江都汪中、餘姚邵晉涵、武康高文照、高郵王念孫、會稽章學誠、興化顧九苞、歸安吳蘭庭，學日進。會朝廷開四庫館，命江浙搜采遺書，而安徽省設局，則先生總其事。錢侍郎維城、彭學使元瑞、蔣編修士銓爭稱之。乾隆甲午科，中江南副榜第一。里中人以先生與孫星衍、黃景仁、趙懷玉、楊倫、呂星垣、徐書受爲七子。四十一年，佐浙江學幕，聞太宜人病馳歸。

距常州三十里、徒步入城、途遇僕以太宜人卒告、先生方度橋、遂墮水、隨流下數里、汲人救之出、久乃蘇。歸家、水漿不入口者五日。終喪不肉食、不入內寢。自以未及視含歛、哀戚終身。遇諱日輒不食。雖客中途次不變。中四十五年順天鄉試、會試報罷。與孫君星衍遊秦、居畢制府沅幕、爲校刻諸古書、而日遊秦中名勝、詩文益勝。庚戌科成進士、以廷試一甲第二名入翰林爲編修。王子充順天鄉試同考官、闈中奉命視學貴州。翰林未散館而爲學使者、前則韓城王文端、近則吳縣石君韞玉及先生三人而已。秩滿還朝、入直上書房。嘉慶三年翰詹廷試、欽命題有征邪教疏、先生下筆數千言、觀者皆動色。旋以

弟喪歸里。平生於兄弟朋友之喪，皆力行古道，當黃君景仁客死秦中，先生實經紀之，徒步送至其家云。
今上親政，朱文正薦之，既入京，自以蒙
忠圖報，而翰林無言事責，乃以己意論時事，上王大臣乞轉奏。

天子鑒其愚慙，僅謫戍伊犁，不一年赦歸，而所上王大臣書、

天子特置之座側而嘉許焉。先生深知感激

聖恩，既返里，閉杜門著書。由是四方求詩文者益眾，而先生所自著考證書亦益精。以嘉慶十四年五月十二日卒于家，年六十有四。娶蔣氏先卒。子四，^①飴孫戊午舉人，國



儒藏

史館膳錄官、議敘知縣。符孫、太學生。胙孫、爵孫。女二人、孫四人、孫女一人。生平撰述、刊者有卷施閣詩文集三十二卷、附鮎軒詩集八卷、更生齋詩文集二十八卷、三國疆域志四卷、東晉十六國疆域志二十卷、乾隆府廳州縣圖志五十卷。當先生臚唱日、余方侍班、一見卽與定交。飴孫居喪次、不能爲文、以余久故、知先生深、乃寓年譜、乞余爲行狀、以待他日有道能文之士爲銘幽文者之采擇。謹狀。

翰林院編修洪君傳

通議大夫山東等處督糧道兼管德常臨清倉事加三級同里孫星衍撰
洪亮吉字稚存常州陽湖人。先世徽州祖公宋爲趙氏贅
壻。因居常州。趙氏守太原。坐法籍沒家產。洪保其孤。以義
聞。父翹蚤卒。君六歲而孤。母氏蔣撫教有法。幼聰慧。以貧
故無常師。能自力學。孝事寡母。一弟三姊。怡怡如也。旣人
縣庠。有時譽。常仿尤侗爲樂府。述兩晉南北史事。音節連
峭。先達見而稱之。時大興朱學士筠督學皖江。延攬名士。
君與同里黃秀才景仁。揚州汪上舍端光。皆爲幕下士。從
學。使登涉名勝。各爲詩歌相矜尚。黃似李白。君學杜甫。一
時稱洪黃。時幕府有戴君震。邵君晉涵。王君念孫。皆好古



學君亦窮究經籍、尤精熟三史。乾隆二十九年、中甲午科副榜。君詩古文愈進、當道多延之修古書、校文者、遊道日廣。四十一年丁母艱、自浙中奔喪歸、哀毀有過禮、三年不肉食、不入於內、不與里中祭弔。時古禮久不能行、或反謂其迂僞。四十五年庚子科、中北榜舉人、旋至關中、依畢撫部沅、與纂宋元資治通鑑、始爲地理之學、撰補三國、十六國疆域志等書。五十五年庚戌科成進士、以一甲二名賜及第、授編修。又二年充壬子科鄉試同考官。是年奉命督學貴州、奏禮記宜用鄭氏古注、今功令試士從元陳澧注、舛漏不足闡發經義、未奉部議施行。復命後久之假歸。

今上親政修

高宗純皇帝實錄、朱文正珪保薦君起復赴都、君修史依古法、務簡質、與諸鉅公議多不合。又以

上大開言路、翰林無專達之責、每在師友座扼腕論事、勸諸大僚激揚人物清濁、人多以爲狂。將假歸、乃致書親王大臣、累數千言、列某封疆誤國不恤民、某使臣婪索虧帑藏、某號稱正士、託迹權門、某官列清班、乞憐貴要。又言部使出按章、輒瞻徇完結、不能伸理冤獄。凡指斥內外臣四十餘人。

上得其書、交刑部訊結、依大不敬律擬斬決、奏上、上以君無違礙之句、有愛君之誠、免死、改發伊犁。未三月、^②



奉

旨釋回。

上又因君獲罪後言事者少、卽有言者、無君德民隱休戚相關之實、特製導言納諫論、置原書座右、宣示諸臣、并有亮吉所論實足啓沃朕心、及知朕爲可與言之君之論。先是伊犁將軍某妄測

聖意、密奏俟君到戍所、引事置之重辟。有

旨申飭不行、君卒以保全歸里。後杜門撰述。卒於嘉慶十四年五月十二日。春秋六十有四。君一生勤學、不以所遇榮枯釋卷帙、抗爽有志節、自稱性褊急、不能容物、好古人偏奇之行、每惡胡廣中庸、不悅孔光張禹之爲人。遊山窮

極勝境、登黃山天都峯絕頂、入茅山石洞、然燭行數里、皆人所不能到。放舟登洞庭、縹緲峯、值大風浪、嘯歌如故。晚年詩愈刻峭、爲六朝駢體文、筆力遒邁。自刻成文集若干卷、注左傳若干卷、他著作復數百卷、詳於家傳、不具述云。妻蔣氏先卒。子節孫、符孫、胙孫、齠孫、節孫亦能讀父書、爲古學。

舊史氏曰、吾於洪君之遇而知

聖世容人納諫之政度、越千古也。唐宋不殺言官、恕其一死、或探上意斃之道路、或不見省錄、終於戍所、何可勝道。君以違例言事、蒙

恩免死、不斃於邊帥陰謀之手、於是知



聖明之獨斷遠矣。

洪稚存先生傳

文林郎、翰林院編修、充國史館纂修官、宜黃謝階樹撰
洪稚存先生亮吉、江蘇陽湖人也。其先居歙之洪坑、本宏
氏。唐時有經綸者爲宣歙觀察使、避孝敬諱、改爲洪氏。三
十六世至先生高祖德健。德健生璟、拔貢生、累官山西大
同府知府、有政績、入祀名宦祠。璟生公案、贅於常州、遂占
籍焉。公案生翹、翹生先生。先生生六歲而孤、家貧、隨母僑
外家蔣氏。少慧、童時能爲詩古文辭。及壯、伉爽有志節。有
司聞其名、辟掌書記、鬻文得金、卽以將母。後數歲、母病中
風卒。先生在處州、聞疾馳歸。比至里、得實、大哭昏絕。方度
橋、墮水流里許。有汲者見其髮、持之、則闖然人也。呼取共



昇之、識爲先生。旣甦而哭不絕聲、觀者皆垂淚、歎息曰、眞孝子。時天寒、卒無所得衣履、里人蔣松圓解已衣衣之。終喪如禮、以不得視母殮、遇忌日輒不食。又以聞母疾時方聽樂、遂終身不近絲竹。其天性如此。又數歲、遊陝之西安、黃景仁其友也、亦客安邑、將死、託以身後事。先生得書、四晝夜馳七百餘里至安邑、扶其柩旋里、且營葬焉。其風義皆此類也。乾隆庚戌舉禮部試、^③廷試第二人、除授翰林院編修、充國史館纂修官。明年、充順天鄉試同考官、旋命爲貴州學政。故事、翰林未散館無爲學政者、有之自先生及修撰石韞玉始。三歲滿任、

今上元年四月散館、留編修、旋充咸安宮總裁官。明年、命



上書房行走。又明年、大考翰詹官、

上命諸臣擬征邪教疏。是時川楚陝餘氛未靖、先生指陳規畫、慷慨數千言、無所爲忌諱、閱卷官嘆其切直、抑置三等。是月病免家居。又明年、

高宗純皇帝上賓、先生以供奉內廷奔京哭臨。四月、充實錄館纂修官、會試磨勘官、殿試受卷官。五月、教習庶吉士。於是

上方親政、詔求直言極諫之士。先生念身自微賤、受知兩朝、居侍從之列、厯試諸職、欲終不言、則非人臣匪躬之義、言之又慮其不可以徑達也。自聞詔後、不知寢食者累月、一日奮曰、吾終不可以立仗馬辜

聖天子恩。乃反覆極陳時事。手書爲三函。乞成親王及故大學士文正公朱珪。今兵部尙書劉權之代表。明日成親王等以先生書奏聞。有旨。褫職逮問。王大臣當以大不敬律斬立決。入奏。當時中外惶惑。以爲先生禍且不測。內閣中書趙懷玉。先生同里友也。訣之以酒。懷玉一滴不能下嚥。而先生大嚼。以爲先生之未知之也。目之欲語而止者再。先生察其色異。卒問曰。君似有所言者。何囁嚅也。懷玉未有以應。已而哽咽出聲曰。有旨。先生遽曰。有旨。斬立決耳。吾乃今日知死耶。君少安。顏色不亂。飲啗如平常。當是時。監視者伺於門。行刑者屬於道。而不知上之聖明。實無意死之也。於是朱珪入見。免冠頓首曰。亮

吉小臣妄發罪死不赦然亦愚忠人也。陛下幸無督過之。

上意愈解得旨遣戍伊犁。是日出獄將行度道里之費不貲滿洲今禮部侍郎成格時官戶部主事甚貧雅未識先生以屋券質銀三百兩盡餽之乃就道先生之行也居民聞其至園觀而拜於馬前將宿或薦酒饌已寢則置牖上以首叩戶闥而去。又明年二月先生至伊犁四月京師旱。

上禱雨心切命清理庶獄故事戍伊犁者滿三年則伊犁將軍入奏未及期不得上請閏四月三日尙未得雨特旨釋洪亮吉回籍詔午下而夕大雨先生居伊犁厯百日



漢臣 賜歸之速、末有如先生者。先生歸、自號更生居士。後十年、以疾卒於家、年六十有四。先生雅好遊覽、自吳越楚黔秦晉齊豫山水、屢迹幾徧焉。遊輒有詩文。故生平著述甚富、有附鮎軒、卷施閣二集、及它詩文志乘若干卷、行於世。

史官謝階樹曰、先生上書時、豈復知有生死哉、忠義憤發於中、有不能自己者焉。

天子既已薄其罪矣、又以其書宣示王大臣、蓋堯舜之主、從諫如此也。然先生之後卒、未有聞焉、何也、豈猶有所希歟。嗚呼、余讀漢書至薛廣德、張猛共諫御樓船之事、於是元帝善猛曰、曉人不當如是耶。先生之志、余又爽然

皇清奉直大夫翰林院編修洪君墓志銘

奉政大夫、山東青州府海防同知、武進趙懷玉撰

君姓洪氏、諱亮吉、字君直、一字稚存。曾祖璟、山西大同知府。祖公案、考授直隸州州同、贈承德郎。祖妣趙氏、懷王之主姑也。考翹、國子監生、贈奉直大夫。妣蔣氏。先世居歙縣、承德贅於趙、始爲陽湖人。君生六歲而孤、家貧、就外家塾讀書、聰穎出諸同學上。年二十四補縣學生、朱學士筠視安徽學、往從之遊、所交多知名士。始君擅詞章、至是乃兼治經。以乾隆甲午副榜貢生、舉庚子順天鄉試、庚戌成進士、殿試一甲第二人、授翰林院編修。明年爲石經收掌及詳覆官、以舊書十三經多訛俗、白總裁欲更正之、未能



從也。旋充壬子順天鄉試同考官。督學貴州。奏請以禮記鄭康成注易陳澧爲部議所格。敎士敦勵實學。購經史足本及文選、通典等書。俾諸生誦習。所識拔者多。擢科第。去黔人爭知好古。還朝。充咸安宮官學總裁。入直上書房。侍皇曾孫奕純讀書。弟靄吉卒於家。君以古人有期功去官之義。乃引疾歸。及

高宗純皇帝升遐。赴都哭臨。充實錄館纂修官。敎習庶吉士。時川陝賊未靖。

上宵旰焦勞。君目擊情狀。欲有獻替。顧翰林例不奏事。於是上書於成親王及座主朱尙書珪。劉左都權之。冀其轉奏。大指謂聖躬宜勤政。遠佞。臣工多奔競營私。語過



激有旨交軍機大臣與刑部會鞫、讞上、當君大不敬擬斬立決、特恩免死、發往伊犁、交將軍保甯管束、當會鞫時、予省之都虞司、次日省之刑部獄、第三日追送廣甯門外、雖勉以正誼、而生死未卜、泣不能忍、君則辭意慷慨、無可憐之色、未抵戍所、將軍奏該員如蹈故轍、當以事置之法、有旨申飭以免、庚申四月、京師旱、

上親書諭旨釋令回籍、旋得甘雨。

御製得雨敬述詩、紀事有將原書裝潢成卷、常置座右以作良規之注、計居伊犁甫及百日、新疆漢員賜環之速、末有如君者、自此遨遊山水、枕藉墳籍者十年、卒得考終家衡。

上之成就而安全之者、可謂至矣。君既歸、自號更生居士。丁卯、吾鄉歲祲、首請當事設局賑濟、而自捐金爲倡、主其事、頗力。鄉人賴以就蘇。君厚於天稟、情性過人、然明好惡、別是非、無所迴護。議論激昂、忼爽、有古直者之風。詩文涉筆、有奇氣、舉世稱之。生平所著書、凡二百六十餘卷、訓詁地里尤所顯、門云。嘉慶十四年五月十二日卒。春秋六十有四。配蔣氏。前卒。子五人。飴孫、嘉慶戊午舉人、議敘知縣。盼孫、殤。符孫、國子監生。肸孫、崎孫、女二人。孫四人。^④以是年十二月己酉葬武進縣德澤鄉前橋之原。飴孫等來乞銘。予既與君中表、又數十年麗澤之雅、周知始終、無以辭也。銘曰、君之制行、惟孝友、愛及宗婣、如身與手。君之致身在

忠讜、

主聖臣直、令終高朗。君之力學經爲基、六書指掌、九域列
眉。君之行文古是則、瓌瑋連犴、焱馳電激。嗟乎洪君家邦
之華、年甫協乎卦氣、遽託體乎山阿。謂予言爲可信、庶識
石而弗磨。



儒藏

洪北江先生年譜 墓志銘

清故奉直大夫翰林院編修洪君墓碑

朝議大夫、國子監祭酒、錢塘吳錫麒撰

夫忠孝爲庸行之常，而不磨者至性。文章乃千古之事，而難得者通才。是以郭李著美於人倫，顏謝騰聲於藝苑。若欲並推準的，咸麗名實，求之古昔，往往難之。乃今見之於吾友洪君矣。君諱亮吉，字君直，一字稚存，號北江，晚號更生。常州陽湖人也。先世居歙縣洪坑。至君祖公榮，贅於常州趙氏，遂遷居焉。父翹，國子監生，累贈奉直大夫。母蔣太宜人。君生有奇姿，羣稱英物。六歲遭贈君之喪，無所依倚，隨母寄居外家。外王母龔太孺人極愛憐之，枕石漱流之語，決其將興。凱風寒泉之思，策之自勵。其時君方處困，蔣



亦居貧、太宜人晨遣從師、夕而考業。寒月一杼、秋螢一囊、讀甫畢而雞號、寢未甯而漏絕。此後之機聲、燈影、圓所爲志也。學既博通、才唯伉爽、師則青藍相代、友乃韋弦交贊。養志之歡、或慰之窺客。負米之悴、恒輔以傭書。每當沿溯江湖、旁陟郡縣、所遇中朝碩望、海內名流、如朱文正公珪、袁大令枚、邵編修齊燾、沈都轉業富、蔣先生士銓、莫不誇董綬以儒臬、目房喬爲國器。甲午中副榜、是年始與孫君星衍訂交。合黃君景仁、趙君懷玉、楊君倫、呂君星垣、徐君書受、互相唱酬、謂之毘陵七子。入林之約、把臂非遲。過關之圖、衝寒如見。一時之盛、梓里稱之。丙申蔣太宜人卒、時王文端公督學浙江、方延校文、家人僅以病告。君星夜遄

歸半途得耗昏迷墮水幾至不救歸而辟踊無節柴毀易狀趙和死且無恨哀感路人劉超衰不離身常如喪次人尤重其孝云。庚子舉京兆試又十年庚戌始捷南宮廷試以第二人授翰林院編修。壬子充順天鄉試分校官闈中卽奉視學貴州之

命。故事未散館無任學政者有之自君始。寒毡甫謝使節行握撤省門之棘論早無譁集泮林之桑音皆改聽蓋君至黔敦厲古學崇獎儒修購經史善本及文選諸書以資諷誦請以禮記鄭康成注易陳澧集說文章爾雅選學於是權輿經術昌明鄭志由之津逮至今黔人能務讀書者君之教也。丙辰任滿還京補行散館以一等畱館供職。丁

已奉

旨在上書房行走。戊午大考題有征邪教疏君力陳內外積弊至數千言。裴顧感時孫洙論事揭流民之狀而圖之目前發流涕之言而聲之紙上固知其矢愚忠而欲效懷朴慙而思陳者久矣。迨己未值

皇上親政之年正川陝用兵之日君忡忡葵抱慊慊芻私引素食以爲羞伏青蒲而未敢遂乃上書三府冀達九重致冒昧於語言幾莫全乎要領幸賴

如天之度加之不殺之

恩俾得荷戈荷殳遠戍絕漠經天山之口已分魂歸度玉門之關敢期生入乃磨盾之墨猶濕而



儒藏

洪北江先生年譜

墓志銘

賜環之詔已行。時因京師久旱，奉

命清釐庶獄，且查在新疆年久者，將行寬典。君到戍，纔及

百日，特荷

恩旨釋回。

膏雨同飛，

仁風曲被，并

示求言之渴，用開進諫之誠。謂狂直若朱雲，詞原過激。念

忠愛如蘇軾，心本無他。發函俾警乎臣工，留牘早銘於座

右。謙哉

帝德大矣

王言。人盡三呼。

天真再造而

主之誼厚矣。而臣之遇榮矣。於是重望衡茅。言歸桑梓。遂得棲魂隴畝。偶影妻孥。激流植援。聊供小憩。經邱尋壑。時賦近遊。每過徐君之墓。黃公之壚。樹已苔封。草多烟積。逝者不作。餘生倖存。則諮父老以桑麻。課子孫以誦讀。藉答高厚。以畢此身。亦復奚慕。乃己巳四月。遊焦山歸。衣袖所畱。猶是雲氣。江風忽過。竟散詩聲。蓋到家病不旬日。怡然就化。嗚呼哀哉。君生於乾隆十一年九月初三日。歿於嘉慶十四年五月十二日。年六十有四。娶蔣宜人。先君七年卒。子五人。長飴孫。戊午舉人。次盼孫。次符孫。次胙孫。次齮孫。孫五人。穀曾。宛曾。凱曾。彪曾。序曾。君之大節章矣。至其



友于兄弟、惠及朋友、尤復卹然於急難之故、灌焉於死喪之戚。嘗以仲弟歿、引疾去位、歸里持喪。又其友黃君景仁旅死安邑、君自西安假驛騎、四晝夜行七百里、哭之於蕭寺中、送其柩歸。二秋徂歿、延之之服有逾千里、結言、元伯之車、俄及他如義敦、戚黨、誼篤師門、指困折券之風、樂善好賢之雅、卽云餘行人孰能之。生平嗜好山水、窮極險異、足蹟所到、名勝殆周。故自發軔江淮之始、以逮從軍磧鹵而西、中間關隴、馳輪巴黔、弭節州有九、而陟其八、嶽有五、而登其三。竹柏相聞、卽通之屐齒。薜蘿在眼、無阻於樵步。所歷阨塞之地、華離之區、究興廢於古今、證異同於枕藉。雖興託登眺、而義資攷訂。卽至域逾萬里、身濱九死、而疏



勒之辨、昆侖之釋、論者爲法顯之志、西域道元之注水經、不能過也。昔龍門作史、乃在涉江而還、長卿著書、已是倦遊之後。君則早通學海、畢貫經神、受寫定於禮堂、務折衷於浚長。所著有左傳詁二十卷、公羊穀梁古義二卷、漢魏音四卷、六書轉注錄八卷、比雅十二卷、史記等四史謬誤十二卷、三國疆域志二卷、東晉疆域志四卷、十六國疆域志十六卷、西夏國志十六卷、乾隆府廳州縣志五十卷、貴州水道志三卷、天山客話二卷、紀程二卷、外家紀聞二卷、附鮑軒詩八卷、卷施閣文甲集八卷、乙集八卷、詩集十六卷、詞二卷、更生齋文甲集八卷、乙集四卷、詩集十六卷、而郡縣志與應奉文字、幕府箋奏不與焉。夥矣哉。其採纂前

聞牢籠萬有、久已聚將成庫、積可等身矣。若夫雷霆發榮、雲霞煥采、振轡於搏桑之表、迴瀾於積石之源、元神翕張、精氣回乾、又何大哉、又何盛哉。今其孤飭孫等將以某月日卜葬君於武進德澤鄉前橋之原、而乞余表其墓道。余與君生既同歲、舉亦齊年、契合性真、脫略繩檢。顏公乞米之帖、互易楮毫。燕市捉酒之場、共數晨夕。篇什具在、日月可推、事變相尋、蹤跡偶闊。然君既生還於西域、余亦乞養於南陔、幸得合并、復尋歡會。見君齒髮如故、步履益強、方謂

聖問屢勤、

天寵行賁。乃龍蛇之厄、哲人其亡、而風木之悲、我辰安在。



儒藏

洪北江先生年譜 墓志銘

衣蜉蝣其如雪、蓴螻蟻而奚辭。若君者本末無渝、德行斯諒。他日史官之筆、書不朽者三。今茲有道之碑、能無愧者一而已。

清故奉直大夫翰林院編修加三級洪君墓碑銘

通議大夫山東等處督糧道兼管德常臨清倉事加三級同里孫星衍撰
洪編修與星衍生同里客同方先後同入詞館交凡三十年嘗言吾兩人誰後死作志銘者又戲言恐相狎相謗也今年夏得君子符孫書知君竟死矣痛之深因爲作傳其年十月孤飭孫等仍請爲文表隧不可辭君姓洪氏諱亮吉字稚存先世出于唐監察御史宏察避孝敬諱改洪氏生起居舍人子興子興生宣欵觀察使經綸傳三十六世至封中憲大夫德健生山西大同府璟爲君曾祖祀名宦璟生贈承德郎考授直隸州同知公案爲君祖贅于趙氏始居常州生贈奉直大夫翹爲君父配贈太宜人蔣



氏君六歲而孤。母矢志守節。三姊一弟。寄居外家。勤女紅以自給。母督課。君讀書甚嚴。君少穎慧。能爲詩古文。邵編修齊燕主講毘陵。君偕黃秀才景仁從之遊。有時譽。稱洪黃。十八歲。大母趙安人及祖父相繼下世。君承重居廬。杖而後起。廿四歲。入學爲附生。謁安徽朱學使筠。延之校文。時幕下士多通儒。邵君晉涵。王君念孫。汪君中俱以古經義小學相切磋。所學日以進。乾隆三十九年甲午科。舉本省鄉試副榜。時當道知君名。多延校書授讀者。遊道益廣。四十一年十月。母猝病卒。君在浙江學使王文端杰幕。得母病耗。馳歸。將至里而。有以母死告者。昏迷痛不得視。含歛。因落水。爲汲者救得甦。觀者稱爲孝子。旣哭。痛不欲生。

不食者累日。或喻以毀不滅性、始進粥粒。居喪務行古禮，不入內，不食肉飲酒，三年如一日。四十五年庚子科，中北榜舉人。五十五年庚戌科，成進士，殿試一甲二名，授編修，充國史館纂修官。五十七年壬子科，充順天鄉試同考官，卽拜貴州學政之

命。君以古學教士，黔省僻遠無書籍，爲購經史、通典、文選等，散置各府書院。不數年，所拔高才生多擢高第。官臺閣者，因奏陳灝注禮記孤陋，宜以鄭康成注易之以試士，格于部議。嘉慶元年，充咸安宮總裁，在上書房行走。三年正月，大考翰林，君爲征邪教疏，指陳時弊，閱卷者抑置三等。會得仲弟凶耗，引疾歸。四年，以保薦入都，與修

高宗純皇帝實錄、教習庶吉士。君在館撰著、議依古史、裁務簡約、足明事體、與同館諸公意不合。既擬假歸、又感激今

上大開言路、翰林無奏事之責、因陳時政數千言、指斥故福郡王所過繁費、致州縣虛帑藏以供億。故相和珅擅權、時有違官清選、或執贛門下、或屈節求擢官出使者。凡羅列中外官罔上負國者四十餘人、爲書分上成親王及朱文正珪、劉相國權之、進呈

御覽。有

旨、革職審擬。君詞色不撓、直陳無隱、或詰以官無言責、君曰、庶人傳語、況翰林乎。王大臣等擬以大不敬律置重辟、



奉

旨改發伊犁。當是時滿漢大小官無知與不知，皆慕君敢直言，送行者接軫都門外。將至戍所，某將軍妄測聖意，奏請俟君至，斃以法，先發後聞。有

旨申飭不行。五年四月，京師亢旱，

上祈求雨澤，因命減釋軍流，不得雨。問朱相國珪，奏稱安南黎氏二臣忠而久繫，旱儻在是，釋之又不得雨。

上乃念君以直言獲罪，立于釋回。是日甘霖大沛。

上信感應之速，

御製得雨詩以記其事。

導言納諫論言亮吉原書無違碍之句，有愛君之誠，實足



啓沃朕心。并將其書裝潢成卷、常置座右、以作良規、以勸言事者。毋因亮吉獲咎、鉗口不敢復言。君以六年歸至里門、雖蒙編管、江左名士過君講學、問字者無虛日。或有延君主講者、盡心教士、其學大行。十二年、常州旱荒、饑民皇皇、有司勘不成災、不能入告、君請于當道、倡率士夫等捐資賑濟、得銀十餘萬兩、所活饑民數十萬、他邑所無也。卒于十四年五月十二日、春秋六十有四。君性伉直、好善疾惡、自稱不能容物、慕古人節義事、不喜胡廣中庸。生平好學、嘗引荀子言爲人戒。有暇日、經史丹黃手不停批、凡注釋經史小學詩文雜著之類二百六十餘卷。海內知名之士皆以識君爲幸。登臨名勝、窮極幽渺、足跡幾徧岳瀆。遊

幕所主皆一時名德、不輕就人。文有六朝體格、詩似大謝及杜工部、深嫉浮屠教、文中未嘗用釋藏語。年六十、體氣壯盛、同人望君起官、有所建白、以報前席之遇、搜疾遽不起、嗚呼哀哉。妻蔣宜人、廿三歲歸君、親操作以事寡姑、進以甘旨、自啖糠粃、不恥惡衣食。歸甯與三姊居、姊所嫁皆素封、金珠耀首、視之泊如也。佐君之官、善經理家政、自奉儉約、周恤戚黨、無倦色。方君遠戍、子輩匿不以告、將歸乃言之、宜人驚悸成疾、久之始安。以嘉慶七年十月十九日先君卒、得年五十有七。先是、君爲生壙、先墓旁葬其妻、其孤飴孫等乃以其年十二月廿四日窆君于武進縣德澤鄉前橋之塋。弟靄吉官崇文門副使。子飴孫嘉慶三年舉

人。國史館膳錄官。盼孫殤。符孫國子監生。俱嫡生。胙孫
齡。孫母鄭氏。女二。長適江陰縣學生繆梓。次字錢塘項光
亨。孫穀會、凱會、彪會、序會。銘曰
堯鼓舜木。聖所資。危言不死。遇已奇。惟陽感天。澍雨施。求
忠移孝。兩不虧。著書萬卷。放厥詞。研經補史。理地維。登涉
岳瀆。窮西陲。玉樓亟召。騎箕歸。我交于君。曠世知。大書無
愧。有道碑。



儒藏

前翰林院編修洪君遺事述

同里 惲敬

君諱亮吉、字君直、一字穉存。唐宣歙觀察使宏經綸、改姓洪氏、子孫世爲歙人。君曾祖璟、大同知府。祖公案、候選直隸州州同、贅於武進趙氏。武進後分陽湖、君爲陽湖左廂花橋里人。父翹、國子監生。母蔣氏。君生六年而孤、家貧、苦身力學、由縣學生充副榜貢生。常橐筆游公卿間、節所入以養母。母卒、君時客處州、弟靄吉不敢訃、爲書言母疾甚、促君歸。君亟行、距家二十里、舍舟而徒、方度橋、遇賃僕之父仇三、問得家狀、君號踊、失足落水中、流數里、汲者見髮、颺水上、攬之得人、有識君者、共舁至家、久之方甦。君以不

及親舍歿，後遇忌日輒不食。年三十五，順天鄉試中式。更十年爲乾隆五十五年，會試中式，賜第二人及第，授編修，充文穎館纂修官，順天同考官，督貴州學政。貴州之士向經史之學，爲歌詩有格法，君有力焉。

皇上嘉慶元年，充

咸安宮官學總裁官，旋奉

旨上書房行走。君初第時，大臣掌翰林院者網羅人才，以傾動聲譽，君知其無成，欲早自異，遂於

御試征邪教疏內力陳中外弊政，發其所忌。隨引弟霽吉之喪，乞病假歸。後

高宗純皇帝升遐，座主朱文正公珪有書起之，復入都供



儒藏

洪北江先生年譜

遺事述

職。君長身火色、性超邁、歌呼飲酒怡怡然。每興至、凡朋儕所爲皆掣亂之爲笑樂、而論當世大事、則目直視、頸皆發赤、以氣加人、人不能堪。會有與君先後起官者、文正公並譽之、君大怒、以爲輕己、遂怏怏不樂。君於是復乞病假、行有日矣、畱書上 成親王并當事大僚言時事。 成親王以聞、有

旨、軍機大臣召問、卽日覆奏落職、交軍機大臣會同刑部治罪。君就逮。

西華門外都虞司、羣議洶洶、謂且以大不敬伏法。君之友中書趙君懷玉見君縲紲藉橐坐、大哭、投於地不能言。君

笑、字謂趙君曰、味辛、今日見稚存死耶、何悲也。頃之承審大臣至、有

旨毋用刑、君聞宣感動大哭、自引罪。奏上、免死戍伊犁。明年

京師旱、

皇上下手詔赦君、在戍所不及百日。自君獲罪至戍還、文正公常調護之。君與文正各盡其道蓋如此。十四年、君以疾終於家、年六十四。君娶於母黨。一子飴孫、舉人、候選知縣。次符孫、次胙孫、次齡孫。君學無所不窺、詩文有逸氣、所著左傳詁十卷、比雅十二卷、六書轉注錄八卷、漢魏音四卷、乾隆府廳州縣圖志五十卷、二國疆域志二卷、東晉十



儒藏

洪北江先生年譜 遺事述

六國疆域志六卷詩文集若干卷行於時。

論曰敬與君同州君多遊四方未得見後敬居京師廢招提中君日脯攜大奴叩戶入曰聞子居在此攜斗酒隻雞來飲食之不愈於他日酌墓地乎。是年君官侍從數往來及出官貴州敬作縣江表至竟未一相遇然君於敬不可謂非深知異待也。君之智力足以顛倒英豪激揚權勢獨於名義所在壹心專氣以必赴之此非經生文士之所能企逮而惜乎所見止於如此然君不遇聖主受殊恩非伏鎖棄街則襲棺絕域矣。吾州多異才敬於君尤爲惋歎焉。

原任翰林院編修洪君墓表

榮祿大夫、兵部右侍郎、無錫秦瀛撰
嘉慶四年、陽湖洪君稚存方官翰林、上書王大臣言事、乞
轉奏。奏上、

上命軍機大臣鞠問、下於理、擬重辟。

上貰其死罪、遣戍伊犁。閱一年、京師旱、

特頒詔旨赦之還。君歸又九年、以疾卒于家、年六十有四。
君諱亮吉、初諱蓮、又諱禮吉、字君直、一字稚存、號北江、晚
號更生、而稚存之名特著。其先歙人、遷常州武進、今析治
爲陽湖人。曾祖璟、拔貢生、山西大同府知府、崇祠名宦。祖
公案、國子生、馳贈承德郎、贅常州趙氏、遂遷於常。父翹、國



子生累贈奉直大夫。娶蔣氏，贈宜人。是爲君妣。君生六歲而孤，母蔣宜人僑居外家，就塾讀書，甚穎慧。每夜蔣宜人親課之，爲訓解字義，於制舉文字外，并好爲詩歌，輒驚其老輩。年二十四，補縣學附生，旋中本省鄉試副榜。年三十五，始中順天鄉試舉人。又閱十年，爲乾隆庚戌恩科，成一甲第二名進士，授編修。壬子，充順天鄉試同考官，遽奉視學貴州之命。

未散館而爲學政，蓋前此所希有也。君感激知遇，期以文章報國，悉心課士，俾知學。旣事還

朝，適楚黔有苗民之變，尋教匪煽亂，蔓延秦蜀。會方大考翰詹等官，試題爲征邪教疏，君力陳內外弊政數千言，慮

紙竟、雙行書之。

高宗純皇帝方欲用君、而君仲弟霽吉之訃至、君亟陳情移疾歸。無何、

先帝登遐、君以奔

國喪詣京師。時軍事孔棘、

上焦勞特甚、君遂有上書王大臣之事。方君書上、禍不測、旁觀皆危之、而

聖主鑒其惓忱、卒用保全。其出都門、送者爭致饋遺爲泣下、而君恬然遠行。蓋亦知

上求言求治、不久棄君於荒外、而君之慙直得見宥於聖明、實爲千古不易得之遭逢也。君生平於學無不窺、著述



儒藏

洪北江先生年譜 墓表

甚多其刊行者有卷施閣集三十二卷更生齋集二十四卷三國東晉十六國疆域志二十三卷乾隆府廳州縣圖志五十卷喜遊覽所志名山水多見於其詩又天性過人事母蔣宜人至孝母歿君方在處州家人先以病告歸過郡城之八字橋得凶問失足墮河幾死篤愛其弟存歿無間娶蔣氏封宜人有婦行先卒子飴孫舉人符孫胙孫齠孫女二嫁娶皆士族孫穀會宛會凱會彪會序會孫女一君以嘉慶十四年五月十二日卒以是年十二月二十四日葬於武進縣德澤鄉前橋祖塋之昭其同年友無錫秦瀛爲之表其墓。

曾孫用勲校刊

校記

①子四：按，洪亮吉實有五子，其一子早夭，故諸家載記各有異同：《年譜》嘉慶九年條，趙懷玉撰《墓誌銘》、吳錫麒撰《墓碑》，均云有子五人；而法式善撰《行狀》、孫星衍撰《洪君傳》、惲敬撰《遺事述》則云有子四人。

②未三月：按，洪亮吉於嘉慶五年二月初十日抵伊犁，閏四月二十七日得旨放還，時已逾三月。《年譜》及謝階樹撰《洪先生傳》均云「僅百日」，當從。

③明年：按《年譜》，洪亮吉於乾隆五十五年及第，除翰林院編修、國史館纂修官；乾隆五十七年充順天鄉試同考官，就改貴州學政。作「明年」誤。

④孫四人：吳錫麒撰《洪君墓碑》作「孫五人」。蓋洪亮吉有孫五人，其一孫早夭，故兩家記載有異。

⑤二十里：《年譜》乾隆四十一年條記作「三十里」。

⑥馳：當作「馳」。



儒藏

洪北江先生年譜 墓表

劉端臨先生年譜

劉文興 編撰

刁忠民 一審

蔣宗許 二審

據《國學季刊》第三卷重排

《劉端臨先生年譜》，劉文興編撰。原載一九三二年六月《國學季刊》第三卷第二期。


劉台拱（一七五一—一八〇五），字端臨，一字江嶺，江蘇寶應人，清代經學家、訓詁學家。乾隆三十六年中試舉人，試禮部不第，留京師，授生徒，與朱筠、戴震等為昆弟交。五十年，任丹徒縣訓導。生平惟好聚書及金石文字，與王念孫、段玉裁、汪中、阮元等交厚。以病卒，年五十五。其學篤實有據，無臆測之病，自天文律呂至音韻文字之學，皆深造自得。於群經尤精研三《禮》，對漢宋諸儒之言，不主一家，無偏傍門戶之見。著有《論語駢枝》、《經傳小記》、《國語補校》、《荀子補注》、《淮南子補校》、《方言補校》、《漢學拾遺》、《端臨文集》等共八卷，廣雅書局刊為《劉氏遺書》。

台拱年譜，傳世者惟此一譜，乃其姪玄孫文興所撰，成於民國二十一年。據其自序，其伯祖恭冕輯有年譜舊稿，而未成書，懼其失傳，「爰取舊譜，合以新材，取行狀、墓表、家傳、崇祀鄉賢名宦事實冊諸篇，以及同時各家文集，鉤稽年月，悉心釐定，藁凡三易，粗得大概」，故今譜中凡標「原譜」者，當即恭冕所撰者。譜前有弁言、世系，譜後有後裔、著作、附錄諸項，載錄劉氏世系、生平、學術活動及交友等，頗為詳悉，譜例亦較完備。



儒藏

劉端臨先生年譜
遺像



劉端臨先生年譜

劉文興

弁言

先伯高祖端臨先生、當乾嘉世、與江都汪容甫_中、高郵王石臞_{念孫}諸先生、以經學爲江淮倡、一時經師輩出、從風而靡、史乘昭垂、無俟表襮。惟是孟子有言、頌其詩、讀其書、不知其人可乎。是以後世承學之士、於先賢事蹟、銳意考徵、而於進德之年、尤勤稽討、年譜之作、蓋尤重焉。容甫年譜、其子孟慈即撰成之。石臞年譜、友人劉君盼遂近亦輯錄行世。惟端臨年譜、闕然無聞。昔先伯祖叔類先生_{恭冕}、嘗屬藁而未成書、所錄不多、又無副本、既作復輟、毋亦以書闕有間與。文興生晚、聞見不逮、故籍散落、疇咨未易、妄欲賡續前編、追述舊德、事倍功半、明知其難、然懼譜藁易佚、而家學之不克負荷也。竭來京華、負笈求學、幸得追隨諸先生之後、獲聞緒論、輒發秘籍、俾得寓目、所見乾嘉經師與端臨先生函札、殆逾數十通、隨筆甄錄、不敢或遺、歷時既久、裒然成冊。爰取舊譜、合以新材、取行狀、墓表、家傳、崇祀鄉賢名宦事實冊諸篇、以及同時各家文集、鉤稽年月、悉心釐定、藁凡三易、粗得大概、不敢自秘、就正有道。至於罅漏百出、蕪雜叢生、禱昧如興、誠知不免、竊冀海內宏達、有以教之。

二十一年五月、姪玄孫文興謹識。

世系

先生系劉氏、名台拱、字端臨、號子階、一字江嶺、學者稱端臨先生。

先生自撰蓼野府君行述云、劉氏上世蘇州人、明宣德正統間、始遷寶應、世有隱德。

文興謹案、家練江先生永澄族譜藁云、劉氏世居吳中國、初兵變、徙安宜村中居焉、編戶王野鄉。

逮逸溪公貴、改順義鄉、始廬於郭、然逸溪公背真隱公北海早、又值世亂、譜牒散佚、故其詳不可

攷矣。先大父佛卿公家譜緒言曰、先世二公壽之由蘇遷邑、不詳何年、邑中朱氏、亦由蘇遷、至今

二十世、是以小松兄霍疑中有闕佚、據此、知洪武初遷居、而世次不無斂誤、端臨先生蓋亦疑之、

故作蓼野行述時、遂渾言其年爲宣德正統間耳。

始祖壽、字二公、始自蘇州遷寶應、編戶王野鄉。

二世祖北海、字真隱。

三世祖貴、字廷富、號逸溪、始廬於郭。

喬可聘撰劉氏譜序云、劉氏之先、皆隱君子。至逸溪惠和敦厚、篤倫理、能容物、家四壁立、觴詠酣

適、族黨稱高士。

四世祖憲、字仲威、號德齋、逸溪次子。

文震孟撰行狀云、公力貧養親、潛居修行、年高德劭、型表鄉閭、施德若忘、受侮不校、固波流之砥

柱、月旦之萬規。



儒藏

五世祖繼善字元卿號春宇德齋長子歲貢生鎮江府訓導著掩關集。

明華允謀奉勅擬修兩朝實錄稿儒行傳云繼善孝事繼母三舉優行以歲貢授鎮江訓導砥礪士行力任名教督學楊庭筠將薦於朝繼善棄官歸閉門掃迹日手一編時貴過江淮踵門求見者謝曰漫勞車馬實無短長終守踰垣之節。

六世祖永澄字靜之號練江春宇長子明萬歷二十九年進士官至兵部職方司主事劉宗周私諡貞修先生著練江集離騷經纂註祀鄉賢祠無錫道南祠。

萬斯同撰明史藁本傳云永澄八歲讀文信國正氣歌衣帶贊卽爲位朝夕拜之舉萬歷二十九年進士選順天教授勉諸生以聖賢嚴課程飭行檢束修之餽不及於門學者稱爲淮南夫子遷國子學正雷震郊壇李廷機爲禮部具修省事宜不及求言永澄上書曰災異求直言自漢唐迄本朝未之有改也往萬安劉吉惡聞人言災異詔中不及朝政鄒汝愚疏論之炳烈千古然則塞諤諤之門務容容之福者可謂朝廷有人乎故爲公報主計無如開言路爲永澄報公計亦無如請公開言路廷機永澄座主也得書默然楚宗妖書京察諸事起永澄將具疏有所糾彈適其父至京師焚其草而止滿三載當遷官永澄喟然曰陽城爲國子師斥諸生三年不省親者況身爲國子師乎遂引疾歸家徒四壁立絕不干謁有司李三才雅敬永澄而憚其方介每見輒屏去服御疏布相對同年生爲揚州推官念其貧吏人有所求者令以金進永澄峻却之曰所求當得何以金爲所求不當得又何以金爲君真所爲不知故人者也居恒寡交遊惟與顧憲成高攀龍劉宗周文

震孟善以風節相期。四十年起兵部職方司主事，病不能赴，卒於家。年三十七。

七世祖心學，字近思，號兼山，練江子。廩生，著四朝大政錄。

陸嘉淑撰墓志云：先生構堂城東隅，與同志講學。高忠憲顏其堂曰興讓，且爲碑記。極人構忠憲死，邑有借先生媚當事者，錄其文獻之。先生泰然曰：「以此獲罪，可以見先君子於地下，且得從忠憲遊。」事幸得寢。甲申後，諸生久次當貢太學，棄去不顧。將逝，語子曰：「吾終身放廢，老死牖下，不願留姓名人間，墓中之石勿干貴仕。」

高祖以任字重甫，號宏菴，兼山次子，附生。

王懋竑撰家傳云：君事親無疾言遽色，處昆弟退讓，戚黨亦然。慷慨好施，扶服急難。晚年以家政付諸子，遨遊湖山，卜壽藏東郊，寒食上冢，時率子姓讌飲其中，以爲常。臨卒，謂其子曰：「吾生平無益於世，幸無罪悔，以鄉善士題吾墓可矣。」

曾祖中從，字自益，號竹峯，宏菴次子。康熙四十七年舉人，內閣額外中書，改石埭縣儒學教諭，辭不就。著所好軒集。

祖家昇，字曙齋，竹峯次子。中康熙甲午科鄉試副榜。

蓼野行述云：曙齋公有淳德美行過人之才，而年位不副，論者以爲恨惜。晚年就江寧鄉試，卒於途。父世蕃，字仿魏，號蓼野，曙齋四子。廩貢生，官靖江訓導，祀鄉賢祠。

揚州府志云：世蕃，永澄五世孫，弱冠補府學生，具牒督學，請祀永澄於無錫道南祠。道南祠者，顧



憲成高攀龍立以祀楊龜山。所謂東林書院也。先配享止羅仲素以下七人。其後顧高次第合食。惟永澄未與。至是督學如所請。檄行。後選靖江訓導。值海水逆上。學田盡沒。捐俸給諸生膏火。歲饑。勘荊溪戶口。所餐惟糗糒。或饋二雞子。亦不食。旋乞歸。生平學問以朱子爲宗。嘉慶元年。舉孝廉方正。辭不就。

案端臨先生撰有蓼野行述。文繁不錄。

崇祀鄉賢事實冊云。訓導檢身進德。以敬爲本。日三復板之卒章。抑之七章。曰。此吾几杖盤鑑銘也。又書敬以修身。儉以養德。言不崇華。交不遺舊。四語於座右。以自警。江都汪中不輕許人。嘗歎曰。劉君真不愧此四語。

母朱安人。寶應縣學生朱澤代女。

府君行述云。安人孝慈恭儉。淵靜而聰明。在父母家。未嘗有幾微過差。不適於父母。歸夫家。未嘗有幾微抵牾。不適於夫家。終日溫溫。無燕惰之容。忿悁之色。而智識過人。有所品題。裁決簡而當。久而益可思。善病。足不踰房闥。而家政井然。僕嫗皆畏服。莫敢欺。

嘗讀書。能操筆爲文。而不自矜炫。人亦卒莫知也。生三子一女。長履憐蚤殤。次台拱。次台鼎。女亦殤。

繼母鍾安人。泰州州判宛平鍾曙之孫。

自撰鍾安人附志云。安人姓鍾氏。宛平人。瑞州府通判諱元調之曾孫。泰州州判諱曙之孫。太學生



諱光燕女也。年二十四歸靖江府君。府君固純學而安人生宦家。習禮法。歲時享祀。酒醴薦羞。蒞視唯謹。雖不及事先姑。而常常夢見之。府君元配朱安人。遺二子。台拱。台鼎。拊愛之如己出。性嗜文墨。終日手一編。如學究。閨房之內。圖史筆牘。位置整潔。如書齋。其評論古人言語行事。間有所指摘。往往與先儒意暗合。府君捐館歲餘。安人遭疾。子婦進湯藥。喟然曰。未亡人死其所也。何藥爲。平日言襲斂之禮。取足以掩形而已。鄉俗多爲布絞周於身。而縫人執其事。婦人不死於男子之手。此豈禮意乎。吾甚不取。至是勅家人語如初。安人生於雍正十二年九月二十三日亥時。卒於嘉慶七年十月三日申時。年六十有九。子男三。台斗。台垣。台奎。女一。以台拱官。貤封孺人。又以台斗官。晉封安人。卒之明年十月五日。祔葬松園莊。

謹案此志文集未載。今從劉氏清芬集。遙人。

年譜

清乾隆十六年辛未、公曆一七五一閏五月初二日辰時、先生生於寶應儒家巷之里第。

十七年壬申、二歲。

十八年癸酉、三歲。

十九年甲戌、四歲。

六月二十五日、弟台鼎生、朱安人出。

家譜、台鼎、字保臨、號和仲、以嗣子源巘官、贈靖江縣學教諭。

二十年乙亥、五歲。

二十一年丙子、六歲。

阮文達元撰墓表、人家塾、終日端坐、未嘗離几席、獨處一室、亦必以正。

原譜、塾師爲同族大父行、甚樸訥、公事之甚恭。

五月、朱安人歿、先生哀毀如成人。

二十二年丁丑、七歲。

原譜、是年繼母鍾安人來歸、拊愛先生兄弟如己出。

二十三年戊寅、八歲。

二十四年己卯、九歲。

原譜始學爲制藝不煩繩削。

朱武曹彬撰行狀九歲作顏子贊父兄長老皆憚驚。

八月二十九日弟台斗生鍾安人出。

家楚楨先生寶楠纂劉氏清芬集云台斗字建臨號星槎蓼野三子嘉慶四年進士官至瑞州銅鼓營同知著下河水利集說星槎游草。

寶應縣志本傳云建臨台拱弟學有師承中嘉慶四年進士授工部營繕司主事丁艱家居服闋大吏奏留南河協塞王營減壩工竣議敘以同知用旋署江西吳城同知多善政補瑞州府銅鼓營同知以病乞歸尋卒台斗性孝友意氣慷慨遇事不退縮里居日如建書院修節烈祠浚宋涇河築劉家潭隄皆身先之在官平歛商兄弟之訟表前明士人葉景恩死難之烈至今人猶稱道弗衰瀕行吳城民持鏡一水盂一拜舟前曰象公明且清相泣別去其清操感人如此。

二十五年庚辰十歲。

原譜作文始成篇塾師往往不增改一字。

墓表十歲心慕理學嘗於其居設宋五子位朝夕禮之出入里閭目不旁睵時有小朱子之目。

文興謹案先練江先生以程朱之學爲邑人倡喬聖任先生繼之兼取陸王之說有讀書劄記四卷曲江泓江二先生承練江先生訓篤守程朱兼山先生亦然先柳橋先生與兼山先生爲再從兄弟同以明諸生不仕遺訓生順治後者乃應試見於先曾祖靜岳公元浩劉氏世德錄其後朱



儒藏

劉端臨先生年譜

止泉

澤溪

王子中

懋竑

兩先生出辨正陽明朱子晚年定論以維程朱之學。朱著朱子聖學考略。王

著朱子年譜皆主默守。夢野先生世承家學。又當朱王昌明朱子之後。故其言醇而不雜。吾家藏讀書劄記。即夢野先生讀本。其中去取率以紫陽爲宗。端臨先生蓋素奉庭訓。而能克肖者。十歲時即已卓爾有所立也。

二十六年辛巳十一歲。

二十七年壬午十二歲。

原譜文益進。幼年所誦先正小題。蓋已得其指趣。嘗和白香山何處生春早十首。舅父朱雁橋先生極賞之。

原譜同里喬仙圃先生

大椿

深器公。嘗手批文後云。明德之後。必有達人。其在斯人歟。

九月十七日。弟台垣生。鍾安人出。

家譜台垣字宿臨。號貽安。監生。

二十八年癸未十三歲。

二十九年甲申十四歲。

行狀年十三四。從同里王雒師先生學爲文。先生老於文律。猶及方望溪。儲中子之門。諸生多否而少可。獨奇君文。以爲可追古作者。

文興謹案。王雒師名箴傳。王子中子。生十歲能爲文。康熙乙卯領鄉薦。授國子監典簿。後以里居。

課徒讀書終老、夢野先生亦曾師之。
案墓表載此節在十五歲、與行狀異。

三十年乙酉十五歲。

行狀年十五見王予中懋竑、朱止泉澤澣兩先生之書、欣然有得、始研宋程朱之學、以聖賢之道自繩、而於文章弗屑也。

文興謹案、先生少習程朱及長治漢學、絕無依傍門戶之見、平居以禮自持、略無疾言遽色。邵晉涵稱之曰、予遊京師、交友中淵通靜遠、造次必儒者、端臨一人而已。語出行狀汪中稱之曰、吾心折劉君者、劉君欲吾養德性而無騁乎血氣、此吾所以服也。語出汪函其學問行誼、見重於時人如此。

三十一年丙戌十六歲。

原譜是年歲試以第二名補邑庠生、時學使爲曹公秀先題爲旣廩稱事。

段懋堂玉裁撰家傳、年十六補縣學生員、院試前夕、漏數刻不寐、家人疑其溫習經義、就視之、朱子語類也。

三十二年丁亥十七歲。

三十三年戊子十八歲。

八月二十九日、弟台奎生、鍾安人出。

家譜、台奎字緯臨、以姪孫驤雲官、貤贈徵仕郎。



儒藏

劉端臨先生年譜

三十四年己丑十九歲。

是年有代世父牧堂先生作祭妹文一通。文集未載。今從清芬集補入。文云。

年月日。兄某某。某某致祭於喬氏妹曰。吾妹孝友賢明。於人紀可云無愧。而所得於命者。顧僅止於斯耶。妹自幼天性過人。吾母之歿也。妹年十一。哀戚如成人。又八年。吾父赴省試。道卒。妹驚慟不欲生。遂病惑易。踰年始瘳。夫家議迎取妹。以未終喪。非禮也。涕泣不食者累日。乃止。以是大父世父篤愛之。既歸。事姑委曲承志。姑病劇。日夜侍側。所生止一女。痘危險。不及省。姑歿。而於其黨敬禮有加。妹識大體。凡所以佐夫子者。皆當於義。而於親情尤協。妹之病也。夫之二姑愛護之如所生。見余兄弟輒流涕。夫之姊若從妹。更宿於家。視湯藥。所撫族之孤女。晝夜扶將。孝謹如己女。則妹之所以自致於夫家者。可知矣。嗚呼。自妹之歸於今三十四年。吾未見妹有旬日之自適者。早歲夫連不得志於有司。屢半產生。或不育。居常悒悒。四十後。妹夫試獲售。以妾得子。稍稱意。乃夫衰子弱。女又善病。用此若焦若熬。積軫鬱。癰發於乳。余嘗謂妹不自憂。而乃憂人。今皆無恙。妹安在耶。嗚呼。吾父母俱以倉猝棄諸孤。終天抱恨。猶幸同產五人。相依無故。共慰此孤露之餘。蓋自先公之亡。三十七年於此矣。每歸遇父母忌日。妹終日欷歔。意色慘沮。自今以往。雖欲與吾妹相對涕泣。豈可得耶。妹之病。醫者多謂難治。去歲七月。疽忽潰。自是呻吟床第者十閱月。至今年三月。飲食不進。而遂至於斯。余兄弟日來視汝。轉側痛苦。丁寧身後事。盡然傷心。欲爲慰藉不得。嗚呼。天之於吾妹亦酷矣。今日兄弟子姓咸。奠酌於靈前。皆妹平生所愛念不置者也。而遂長從此訣。痛

何如耶。死而有知，或更念生者之不相接而愈痛耶。嗚呼，哀哉尚饗。

案此曙齋先生女牧堂先生之妹，先生之姑也。適喬其棠，是歲卒。文當在是年。

三十五年庚寅二十歲。

原譜是歲娶曹孺人，山陽人。宣城縣訓導鈞女，蓼野先生舊交也。

原譜歲試於學使者，得一等題爲子之從於子敖來一節。時學使爲侍郎景福。

三十六年辛卯二十一歲。

原譜是年舉江南鄉試第八十九名，與伯父餘齋先生世謙同舉。時主試者爲翰林院侍讀學士南昌

彭文勤元瑞，副者爲吏部員外郎福建陳和軒變。房師爲東臺縣知縣貴州王玉成。時詩以一字之疵

並三場用朱子語爲疑，房師與對房興化令汪玉林爭之甚力，始獲選。

謹案昔年收得先生鄉試硃卷，載劉台拱字端臨行五。辛未年閏五月初二日生，江南揚州府寶

應縣附生，民籍，習書經。此蓋當時程式也。試題三一爲子所雅言，詩書執禮二爲言前定則不

貽三爲上農夫食九人，上次食八人，中食七人，是科餘齋先生中四十二名。

冬赴京師。

三十七年壬辰二十二歲。

原譜應禮部試不第，歸。

行狀會試赴京師，鄉先達招優人以觴進，同坐皆避席。先生弗爲動，一坐大譁，後乃愧服。



儒藏

劉端臨先生年譜

王石臞念孫撰端臨遺書序歲在壬辰予人都應禮部試始得交於端臨接其言貌晏晏如也。

罷第歸至泰州。

汪孟慈喜孫撰汪中年譜是年先君至泰州寓幻竹庵叔外祖寶應朱野村先生同武曹舅氏應試適與先君同寓爲言劉先生端臨學行之美劉先生爲野村先生之甥也試畢來泰州先君先造訪焉因定交與劉先生第一書當在是年。

謹案汪容甫先生初娶於孫好詩歸老母氏之黨繼娶吾邑朱氏止泉澤溪之孫小泉毓賢之妹

野村宗贊從姪武曹彬之從妹亦端臨先生中表也汪譜爲孟慈作故稱野村爲叔外祖武曹爲

舅氏。

汪容甫先生書云、

曩者中與次卿爲深友。次卿歿而中之交不出境。慮死亡離散之際不能自必於一見。適以負疚於朋友。故不如其已也。雖然。中自里閭生長。以逮四方宦學之日。所與朝夕游處者何限。而心許者無過三數人。至於抗心希古。尚友其人。如即其時而與之進退揖讓。又何必於吾身親見之而後愜哉。故中與端臨。聞名而思。既見而恨其晚。相聚數日而遽別。離羣之感。日爲惘然。然而念他山攻錯之義。誠使德行學業。表著於後世。而人得知其相觀而善之美。則今日之遇。乃非偶然。百年易盡。而天地無窮。視此一日之離合。又不足道也。中歸見觀魯道。足下涵養寧靜之言。相對咨嗟累日。以爲深中吾病。觀魯曰。君往者不受人言。而今心折劉君者。有說歟。中曰。往者人之立言。其始則催我。

以求勝其卒歸乎毀方以媚於世此適足以發吾之激昂耳。劉君欲吾養其德性而無騁乎血氣使吾反之見其所不足而茫然失其所恃此吾所以服也。足下天資清粹穆然有道之人學問之事吾何間然。惟是居官蒞事必求其實用毋使文法俗吏得以妄訾儒者。至於犯顏敢諫仗節死義則必常持斯志以成吾浩然之氣。此小心慎密者恒足以有爲毋若中之虛僞也。荀子收訖職方公集。按卽家練江公集。匆匆尚未展讀。比者小人相搆不已賴當事者聰明仁恕得察其非然後無事。即日往杭州念憂患之來非人所料自當慎以避之也。自惟生平風義不當爲市俗可悅之言遂爾快意纍纍又朋友相字禮也故欲與端臨及武曹行之。天寒伏惟眠食自愛以慰遠人。臨書愴怳中再拜。

案是書卽孟慈先生所指第一書原墨現藏江安傅氏雙鑑樓與述學所載微有異同今從原墨
遯人。

大興朱竹君先生過寶應先生暨朱武曹先生見於舟次。

案朱武曹遊道堂集平家莊石闕記云歲壬辰大興朱學士筠罷安徽學政歸過寶應遣人投刺端臨暨余偕往謁於舟次。

三十八年癸巳二十三歲。

汪容甫先生致書云

去年以十月杪抵杭州歲暮歸里。沈禮部本年有福建之行中不能偕之去是以蟄居無事幸竹君



儒藏

朱筠先生過愛爲中任家食之費使得奉老母而畢心力於學因此無生計之累前以二月二十五日由高郵將赴寶應訪足下及武曹爲數日之聚行李已發問之同人之相送者則告以一日不能達必宿於界首另附淮舟北上中慮其紛擾改道南歸及上船後兀坐不發目擊南風如舞去帆飽張舟人言今日至寶應不過晡時然後悔其失計而信行止非人所能爲也高郵王懷祖篤好經術尤精於小學爲中去歲所得之友與足下而爲七人又桐城方覺家天民亦讀書好古之士且不信佛老之學可謂卓絕足下宜知其人也中嘗究心於經世之學近日讀書漸多每有心得然未嘗自箸一書江寧蔡芷山嘗論中曰語及君臣際經書滿腹中中之學也悠悠委薄俗鬱鬱迴剛腸中之境也數語頗爲知我中已絕言帖括之學科考不復與誠恐小人又藉以爲口實而置之危機少詹事處按即錢大昕有可爲左右者幸求其少遼緩之中讀唐書至褚遂良讒殺劉洎事河南以文字忠直之臣一旦甘爲讒賊固不足言劉洎力引馬周爲左證而周不能直其冤豈不有愧夙昔之自負哉若足下師弟之間勢分闊絕而此事爲人所難言則中亦不敢過望也府攷時如至府城可先期寄一札致觀魯中即來相侍或中有暇即附船至寶應但求一置榻之地以期安睡而日傳食於諸家便已足願中自處頗嚴無所爲干請也

又書云

前疑足下已過劍潭及抵府城問之乃杳無消息豈有所羈而未至耶藉錢一千比還銀一兩俟再補上中行期詳於武曹札中中有妹未議婚已屬小泉如得其人須足下詳定即致書老母行之

以小泉雖謹飭不如君見事之明也。此中切膚之事，足下當以爲己事而善謀之。儀禮校本尚存尊處寧可久假勿爲人所浮沉，爲望。公羊傳已將何注刪出，復審時將來止有可去，更無可留，大約十之三四耳。南北朝諸儒緒論見於正義及此書者甚多，自宋以下惟劉原父、洪容齋、王深寧、寥寥數公而已。俟序例就藁後寫一本與足下商之，匆匆不盡。

案二書原墨，現藏杞縣侯氏，年月據汪譜。

三十九年甲午二十四歲。

是年與汪容甫、朱武曹同校大戴禮第四卷。

文興謹案：汪中年譜載大戴禮卷四後題云：「闕逢敦牂客寶應，劉台拱、朱彬同校。」故列是年。

四十年乙未二十五歲。

原譜會試不第歸。

汪容甫先生致書云：

別來眠食何似？中依朱公，而朱公回京，依馮公，而馮公遠迹海外，時命如此，何以得食？開歲以來，裁五閱月，老母等疾七十日，朋舊間已爲後事計，幸而得愈。中之妹氏及小泉之妹，以病瀕危者，人各一二次。中之生涯心緒可知矣。前以五月中歸里，將爲松江之行，俟夏秋間方能起程。河水方生，未敢來寶應作良晤也。江都選拔爲俞大溪，其居心如胡翹元，立品如祝德齡，世途大率如此。致語武曹，當求根柢有用之學，無誘於利祿可矣。足下不入京，今歲未知有館否？家計何以支持？小泉



儒藏

來書云去歲曾囑吾兄作書致中爲儀徵閱卷計。此書係何人寄來中並未收得。中亦以去歲十一月二十日出門不在家度歲者二年。方公署中有秀才六人。其三人本領皆什百倍於小泉。亦足以縣考事矣。至小泉家事之窘。中若有一日不置於心。即非人類。然外間所遇一二處俱與其材分不相宜。此時方爲謀一地。其中尚多轉折。如成時則秋初定有佳音。即其昆弟二人皆可小補。惟望此願得遂。斯如天之福也。李顥傳心錄一冊奉上。顥師心不學。邪說誣民。當日翰音登天。至於見禮萬乘。今觀其所言。則亦糞土之餘。不待廓清摧陷矣。蒿芑五斤。儀徵土產。老母命致諸伯母左右。天暑伏維自愛。

按原墨藏傅氏。

四十一年丙申二十六歲。

館丁溪某氏。

汪容甫先生致書云。

去年閏月一書想已達耶。田君至得手教甚慰。中江寧之行爲見謝公耳。書院未可得也。歲暮至松江見韓錫胙。韓乃清狂不慧之人。語及讀書考古之學。便裂眦怒詈。如不共戴天之仇。而士林翕然以爲通人。恐亦吠聲之論耳。於中旣不能留。亦無所贈。竟至乞食而歸。亦奇事也。聞足下館於丁溪。其地主中知其人。將來定不能相得。去就之義足下自能權之。爲謀養計。或可略其小節耳。中至江以南。所見材俊之士以常州爲最。此時秀出者約四五人。惟是以作詩爲性命。而以袁枚爲宗。

師毀譽從違、惟其所向、可不謂秦無人乎。揚州一府、若足下、若懷祖、若中、雖所造不同、然皆通經術、立名節、有憂民之心、於勢分聲名絕無依附、亦可謂豪傑之士矣。風雪中得懷祖書、甚推重足下。又中前造嘉定與錢先生語、彌日、其人博學無方、而衷於至當、其高出戴君不止十等。誠一代之儒宗也。中於韻學多扣槃、然告之錢先生、無不合者。又中近校尚書正義、決然知僞孔傳出於王肅、亦得數確證、欲爲尚書考異一書、未得也。晤足下時、當共證之。足下言逸禮、東漢世已不存、可著一論見示。說經之文、以明切爲貴、可不必蹈文士常蹊。又儀禮注校出者、望明以告我。武曹近來讀書、若何、乞爲我問之。縣考後、當同令表妹來寶應、恐其時足下不得家食也。悵悵。堂上二老、乞爲起居、諸維自愛、不一。

按書言端臨先生館於丁溪、不詳何氏。原墨現藏新會陳氏。

又書云、

四月杪自江寧歸、所寄三書皆見之。五月朔、老母以肝脾舊疾舉發、久之、雜以風濕外感、至月盡而浸劇。此則小泉所見、能爲閣下言之者也。小泉去之次日、老母漸有起色、舍妹忽遭時疫、迄今二十餘日始回。中間凡七經大險、諸證怪怪奇奇、令人心駭欲死。老母反早夜經理湯藥、所謂一夕十起者、其常也。而舍妹病中昏驚、尤覺改常、是以不勝其苦。今舍妹度可得生、而老母之病、中於身者、又未知何以治之。以中當此、豈復有生人之樂乎。中在府城時、尚與成裕聚處四五日、其心折於足下者甚至。至於學術同異、則誠不可以口舌爭也。然所謂他日之合者、或足下可合於成裕、與中而



成裕與中則不能合於足下也決矣。書契之始有聲音而後有語言、有語言而後有文字、故小學必自聲音始、而形體訓詁次之。爾雅釋言所釋皆以同聲爲義、而郭氏諸注屢有語轉之說、其說至精、至四聲之學興、而其義亡矣。顧氏發明四聲一貫、可謂千古卓識。然顧氏長於考古而短於審音、故於語轉絕不置議。夫四聲者一音之轉也、語轉者一聲之轉也、此皆聲音緩急清濁開合之異也。左傳垂隴公羊作垂歛、左傳伯宗公羊作伯尊、公羊口學也。隴歛宗尊則同聲也。淫之訓遊也、而淫之與遊同聲也。懋之訓勉也、而懋之與勉同聲也。顓之從禺也、顓之與禺則同聲也。鼃之從單也、鼃之與單則同聲也。其他一字而二音、三音、四音者、非四聲則同音之轉、同聲之轉而已。自去秋別後、與錢辛楣學士及錢獻之、王懷祖論此甚詳、因足下之說有當於心、故略舉一二以告。其他如此者、指不勝屈、心事如麻、不復記憶也。然用此求之古人之文、往往有左右逢原之樂、嘗欲摭拾以成一書、而輒復中止、實見此學至簡至易、正無事矜張爲獨得也。土鹿中翻旌以獲注下二十一字、檢儀禮圖亦有之、但少古文無以獲五字耳、當爲楊氏刪去無疑也。荀子今藉得宋本校過、所補正甚多、而劉向一序則張天如百三名家已未收入、此尤可寶也。自餘仰取俯拾、所得甚多、思與兄論之、科考有九月及明年三月之說、恐相見之期尚遠也。八月間擬來寶應一行、未知此志得遂否。喬勉伯先生曾許爲作墓碑、可令其世兄寄一狀來、務期詳冗爲妙。附問堂上萬安。天暑、伏希自愛。

按原墨藏傳氏。

四十二年丁酉二十七歲。

四十三年戊戌二十八歲。

原譜應禮部試不第。

行狀戊戌今大學士朱公筠時爲翰林學士分校禮闈得君卷經義獨用古注意爲積學亟呈薦已中式矣以次藝一字之疵被放朱公薦二十八卷落者二人先生其一也。

留京師。

行狀蓼野先生苦家累婚嫁廬至先生乃留館京師時朝廷開四庫館方聞綴學之士畢集大興朱學士筠歛程編修晉芳以友天下之士爲己任休寧戴庶常震餘姚邵學士晉涵適被徵海內知名之士待召公車歛則程君瑤田嘉定錢君塘爲之最同郡官京師者則王觀察念孫任侍御大椿並與先生爲昆弟交相約稽經考古旦夕講論務求底於至是而後卽安先生齒最少每發一義諸老生莫不折服以爲好學深思心知其義者莫先生若也。

按四庫開館在三十八年東原先生卽被徵而以四十二年歿先生與東原先生相見當在乙丙間行狀蓋合前後交遊之士言之非是年留館京師事也。

四十四年己亥二十九歲。

原譜館彭太史元琬家鄉試座主文勤公弟也。

原譜九月蓼野先生選授江蘇常州府靖江縣學訓導。

汪容甫先生致書云。



儒藏

去歲十月中得四月見寄一書知留京教學以待決科於足下謀生之計甚得即會試不可必或上館得一教職亦足爲養親地貧不可長忍也正歲再得書知有是正文字數條惜未及指示一二中於經文亦有是正數處幸足下教之

堯典光被四表僞孔傳訓光爲充戴君云光當作橫本與下句爲對舉中按鄭君本治古文尚書詩噫嘻箋云噫嘻乎能成周公之功其德已著至矣謂光被四表格於上下也周頌詩譜引此亦作光字噫嘻正義引注云言堯德光耀及四海之外此鄭注也其非橫字明矣漢書宣帝紀甘露二年陛下聖德充塞天地光被四表然則光又不可以充訓也古音橫黃同聲黃從芙古光字則又何必易光字爲橫也

多方云天惟五年須暇之子孫於義不了周頌武正義引書云天惟五年須暇湯之子孫有一湯字其義方是文苑英華七百五十二卷朱敬則北齊文宣論則云須夏湯之子孫又以暇爲夏義亦得通此異文不可不知也

執金吾武榮碑亦世載德楊震碑亦世繼民綏民校尉熊君碑亦世載德李翕西狹頌今在成縣亦

世賴福中常侍樊安碑亦世載德樊毅修華嶽廟碑亦世克昌先生郭輔碑休矣奕世並見隸釋亦

世即奕世也然則大雅之不顯亦世乃丕顯奕世耳顧處士已釋不爲丕其奕世則中所得也

月令注有娠釋文音身又音震然則詩太任有身載震載夙左氏傳方震太叔身震並與娠同也禮記壹戎衣康誥及左傳宣六年所引皆云殪戎殷殷衣鄭注已言之壹即殪之誤也



凡此諸條甚多，惜不得一一爲足下言之。去年交歛，程舉人瑤田、洪中書榜二君與金殿撰於戴君之學，皆可云具體。又長夏客江寧，與錢少詹事相處，日夕談論甚契，惜不能爲足下詳說之。程君今在豐潤，時來都中，客歛縣會館，其人有體有用，不可不納交之。

李成裕客彭侍郎幕中，王懷祖竟無出山之志，二人俱衰病侵尋，日多鬱抑。李君相見時，每以足下篤信宋人之說爲恨。君子之學如蛻然、幡然遷之，未審比來進德修業，亦嘗發寤於心否？示知爲望。中因馮按察南來，正當急難之際，挺身營護，竟克有濟。久宿鍾山書院，得受寒濕，八月中歸而瘡作。醫者誤以爲虛損，過投大補大寒之劑，遂致絕命者二。及乎病後，則體反加壯，中之宿疾本因脾有濕疾，不能運動，失其生化之原，致成虛弱，而醫者乃以地黃當歸治之，是爲以水劑水。自去冬服苓朮數十七，痰去而身健。然家計旣重，性復疏野，所謂仕宦者此生無此志也。病後諸責皆集，苦不可支。有唐碑二種，成裕謀之彭侍郎，得銀五百兩，涸轍之魚，遂縱大壑。二人高誼，俱不可及也。近日聲名頗勝於昔，然憂心如擣，無時或休，諒足下同此懷抱。所諭鳩集文字，中亦素有此志。然中之志，乃在述學一書，文藝又其末也。苦不得人鈔寫，悶悶。王白水書並銀四兩，俱收到，銀已奉之於丈母。中憾白水之心未釋，不能作書，足下權辭答之可也。道遠會稀，相思何已。諸維珍玉，不盡拳拳。汪中頓首。

案是書述學載至發寤于心否止，此後未載，而傅氏所藏原墨有之。蓋端臨先生校訂述學時刪去。四十五年庚子三十歲。

館京師彭氏。

原譜弟台斗以歲試第二名補諸生、題爲力時學使爲劉文清壩。

原譜五月、夢野先生至靖江入署。

汪容甫先生致書云、

去歲馮百史來、得書並星圖、甚慰。中於九月間、已將唐石經全帙由寶應寄都中、計此日想已久達、如有考訂、幸爲示我也。成裕發解、今已北上、相見時其樂可想。程易田瑤田先生字、料必赴南宮、不可失此人也。外此如湖州丁君之倫、能讀書好古者、亦望以名氏見告。中比年以來、於學問之道、最爲荒落。古所謂家貧親老、妻子軟弱者、中正其人也。中年以後、務蓄聚以娛老、則可耳。箸書以傳後、果可必乎、即可必矣。又於我何益乎、即如顧亭林者、其音學五書、求之江浙之市、已不可得、而其板之漫漶也、已甚。足下度有人能覆刻以傳後乎、況其他又非意所及乎。不寧惟是、世本至唐猶存、戰國策至宋幾亡、而尚書十六篇、逸禮三十九篇、其出於孔壁淹中者、亦同歸於盡。經典且然、況在後人之箸作乎。中固悲其不足恃也。然館刻有馬總意林、翁學士許爲我致一本、今以累之足下。又九章算術亦乞一本。此所謂悲之而不鑒之者也。中近狀問之成裕、自能詳之。陽湖有洪禮吉者、妄人也、倘得交於足下、幸勿爲其所欺可耳。老伯得選靖江、此時署常州、爲馮康齋若屬、其加禮甚易、惜馮之不久於其任耳。羣疑滿腹、無從就正、念念何已。

按李成裕、名惇、字孝臣、高郵人、己亥舉人、是年成進士、故知此書必在今年。

四十六年辛丑三十一歲。

原譜會試報罷大挑二等以教職用。

九月自京師歸翁覃溪方綱先生作序贈之。

翁覃溪復初齋集送劉端臨歸寶應序云

寶應劉生學廣而氣醇吾嘗謂今世後進之士考訂禮經者必於生屬焉故於其歸而發之曰吾所謂攷訂禮經者非謂禮有所未安有待於釐次之也昔者朱子嘗作通解矣曰家禮曰鄉禮曰學禮曰邦國禮曰王朝禮而後來戴山劉氏亦嘗首夏小正而附月令矣次丹書而附王制矣稽之於禮合乎曰是有辨也楊信齋固言之矣曰近世儒生知有唐開元以後之禮而不知有儀禮此蓋所值之時不同而其所救之弊亦異也今之爲儒者不審朱子之用心而動援古自飾曰朱子亦嘗云爾此所謂舛也且焉有儒生而議王朝邦國之禮者哉吾所屬望於生者則欲考其篇目章句而已然而又有所不可者如管荀賈子之書皆禮文所散見者因而掇拾移補則不可也又以某之錯簡當置某篇某句當屬某篇則僭忒之心生焉又大不可也經禮典禮有秩然可分者少儀內則之類是也有不可分者玉藻大傳之類是也如必以一人之意類次而輯定之則亦不可也去此諸不可者而因訓詁纂錄以討求其先後類記之所以然因以得先聖制作之精意則庶乎得禮之宜矣凡今之士先務在於平心不爲苟得而已故書以爲生贈。

案端臨先生研精三禮於儀禮尤爲致力當世通儒羣相推服盧抱經刻儀禮詳校其序例深以



藏

劉端臨先生年譜

不獲就正爲憾。餘可知矣。又翁氏送顧文子歸興化序亦云。今之精研三禮者。吾最許寶應劉端臨。端臨之於三禮也。視文子之用力似分軌而實合轍。蓋端臨之意在於證經。文子之意在於翼注。皆學人之所難能者。略又答韋靜山孝廉詩。劉向二戴目孰獲衷之折。寶應有劉生鏗鏗事論列。自注云。近代治儀禮者可謂勤且博矣。愚所以拈出勉齋信齋者有二義焉。一曰篇目宜綜理。一曰名物宜詳覈也。名物之學。邇日歛程勉之與昭陽任幼植各有用力處。其書亦漸有端緒矣。惟篇目之學最難。寶應劉端臨意見頗正。而搜採未全。今端臨已南歸。於其行也。諄切相勗。未知何日成之。翁氏詩文蓋皆同時所作。其推重如此。

段懋堂撰陳芳林墓志銘。乾隆辛丑。余自巫山引疾歸。得盧召弓、金輔之、劉端臨爲友。

原譜十月省親於靖江學署。

四十七年壬寅三十二歲。

四十八年癸卯三十三歲。

原譜十二月自靖江入都。

四十九年甲辰三十四歲。

原譜會試不第。仍赴靖江。

五十年乙巳三十五歲。

春銓授丹徒縣學訓導。



案原譜云先生以是年二月二十五日選三月見報八月由靖江赴任以嘉慶六年去職前後凡十七年故崇祀名宦錄曰十有七年奉職勤謹今文集載先生重修鎮江府學記云經始於乾隆五十八年三月十六日余以其年十月到官與行狀不合攷楚楨先生寶楠編清芬集載此篇注代作然則文集偶敝代作二字耳當據清芬集增

又案清芬集載蓼野先生戒先生居官手諭云

各處帳目甚多不可不立帳簿因逐一分清一寄丹徒一留我處

在署與人交涉亦宜立一清楚帳目收還漸多放借漸少張文端公家訓藥言也抵典難治買亦難不知治生爲急自己恐不足以養廉恥一言求利便近皇皇有許多不適意處一兩年間略治薄產少可吃飯須一切擺脫專一讀書立品奉親教子豈不是第一等事業哉

又云朱方無學田不能無資於贄禮吾兒知貧富有數想必聽其自然居官居家唯有節衣縮食以身帥之而已

行狀境內饑大吏以賑事委先生先生慨然曰校官無事可自效於國此我職也乃親歷窮巷俾胥吏無侵刻一邑感之

崇祀名宦錄邑中大饑有事賑恤故宦甫莅任即贊襄長吏勸勉士紳踴躍捐輸至十七萬餘金續奉委稽查戶口資給錢穀實心實力杜絕侵漁又請於明倫堂設立麥廠給散貧儒舊族全活無算

案蓼野先生暨端臨先生同時辦靖江丹徒賑勞勩甚著

端臨先生述蓼野行狀云

靖江大饑。府君被檄勘荆溪戶口。案版籍料丁中覈貲產。程甲乙。務使吏不侵欺。民無觖望。哀矜惻怛。溢於色辭。戒里長毋得歛錢供具。或煮二雞子以進。亦不食。朝夕餐惟糗糒而已。

又蓼野先生示子書云

屢得來書。具悉一切。撫憲咨文到部。勅文到鎮。留奉署中。錄文一寄寶應稟伯父。照家禮告祭。焚黃改題。並開祝文儀節。一寄靖江。我於十月廿九日。奉署府札赴荆溪分查飢口。十一月初六日。查起二十二告竣。所見民食艱難。比戶爭取山花蘿蔔榆皮。苧根葛雞根。金剛鑽。稻艸根。和米麥屑作糊度日。此外又聞掘河中黑泥。更不堪下咽。予年六十。不知民食之難如此。因此不敢不仰體皇仁。盡心謹辦。早起作飯。黃昏再食。逐戶挨查。足日不停。一蔬一米。未嘗貽累保書。富戶生監。拜亦不答。跟隨張鵬俞英。分文不要。遂得裁汰浮冒。實惠在民。所憾該縣移札日來極貧。以十之一二爲囑。且有恐有未便等語相嚇。其實家無擔石。比戶皆然。所給極貧。十之六七。雖頗得浮譽。而中夜以思。猶內歉於心。輾轉不寐也。計荆溪災戶。照四十年報部。比對已節省五百八十餘兩。不知此項得歸公家否。汝旣辦丹徒。又辦丹陽。良亦勞苦。然勞苦不足道。但爲國爲民。必有所處。方不徒勞。不然。則所省者。不及於下。不歸於上。乃所切齒痛心。至死不忘者也。我於十二月初二日。旋署精神照常。署中一切。尚未清楚。行止一定。再來報汝。家裏嫁女後。不知作何部署。稻餘幾何。丹徒我豈能常住。歸守窮廬。甚不容易。攷案外家極盛。可喜之至。尚未得作書賀也。

此書原墨今藏侯氏。

五十一年丙午三十六歲。

在丹徒任。

弟台斗舉江南鄉試與儀徵阮文達元同榜。

五十二年丁未三十七歲。

在丹徒任。

行狀丁未以弟行舉復赴禮部又失意至是遂絕意進取。

是年蓼野先生乞休歸。

府君行狀府君六十有二移牒乞休。令曰先生方以學行爲諸生表儀而齒猶未衰也何遽言歸。還其牒。府君復爲牒移之。如此數四。令知不可留乃爲之請。於是官靖江六年矣。

家楚楨先生輯寶應詩事家餘齋先生世謙蓼野先生兄弟最友愛。蓼野官靖江餘齋寄詩云老去愈知兄弟好歸來方信別離難。淮南今夜明明月倚徧高樓十二闌。蓼野遂棄官歸。

謹案原譜云蓼野先生授官在四十四年到任在四十五年。至是時凡六年。崇祀鄉賢錄云四十二年由廩貢生選授靖江縣學訓導。距五十二年凡十年與事實不符當以行狀爲據。

五十三年戊申三十八歲。

在丹徒任。



藏

劉端臨先生年譜

校廣雅。

外孫阮恩海撰遺書後跋曰

吾母既以遺書付剞闕。且曰。吾在母家。嘗見先君校定明皇甫錄廣雅刊本。有段若膺先生書後云。劉端臨以此本見假。凡與吳琯及他本異者。以朱圈之。卷三擊次也。本禮器注。別本皆譌擊矣。其餘佳處尚多。戊申十一月廿一日。若膺氏五十三字。先君歿後。高郵王氏疏證已行。此書校語不復編錄。然案王氏本。卷一下。貳福遼倅憤盈也。疏證云。說文貳副益也。周官小宰鄭衆注。貳副戎僕。鄭注倅副也。道僕。鄭注貳亦副也。張衡西京賦。薛綜注。遼副也。副與福同。貳福遼倅。皆取充備之義。故皆訓爲盈。又卷三下。剝脫皴皴微膚朴皮乖違畔渙陶遺離也。疏證云。內則鄭注。皴謂皮肉之上魄莫也。廣韻。皴皮寬也。玉篇。皴皮脫也。釋言云。皮膚剝也。說文。剝取獸革者謂之皮。韓策云。因自皮而抉眼。鄭注。內則膚切肉也。是皮膚皆離之義。朴與皮膚皆一聲之轉。說文。朴。木皮也。案王氏博引經傳於盈離二義。卒難牽合。先君校此本於倅下皮下各增也字。王氏所引證其義益明。先君與石臞先生交最深。而疏證所列諸本無先君此校本。蓋石臞先生所未見也。

王石臞先生致書云

新正接奉手書。具領一切。念孫前歲差旋過鎮。滿擬入城一晤。並訪若膺先生。同作竟夕之譚。詎因水淺。改由焦山。闌口渡江。遂不獲如願。悵何如之。先生談經水署。借清俸以怡顏。暢敘天倫。其樂何極。人世浮名。誠不足爲先生道耳。念孫自改諫曹。幸謝部務之擾。去年夏秋間。欲作方言疏證。



儒藏

劉端臨先生年譜

補已而中止。念孫己亥年曾有方言校本。庚子攜入都。皆爲丁君小正錄去。內有數十條不甚愜意者。往往見於盧紹弓先生新刻方言中。其愜意數條。則紹弓先生所不錄。容當錄出就正。然計先生及若膺先生所校。必有暗合者矣。自去年八月始作廣雅疏證一書。是書雖不及方言爾雅之精。然周秦漢人之訓詁。皆在焉。若不爲校注。恐將來遂失其傳。念孫將以十年之功爲之。自八月至今始完半卷。而正譌補闕已至一百五十餘條。是書積誤較他書爲甚。倘先生平日有攷訂之處。務祈錄示。以便登載。令弟現館內城一月之內。時獲晤談。甚爲相得。良覲正遙。諸維珍重。不宣。

案書見王氏遺書。原墨藏陳氏年月。據王譜。

又案據書暢敘天倫略云云。是蓼野先生是年就養丹徒。

又據蓼野府君行述云。丹徒學舍在壽邱山下。草樹茂密。有園林之趣。府君愛之。每以夏秋就養。景物會心。輒欣然有喜。蓋亦每歲夏秋一至而已。

五十四年己酉三十九歲。

在丹徒任。

是年代金壇縣某作顧龍山興造記。載文集。

案公平生著述。無年可稽。今據文之署年月者。系於某年之下。其不知者缺之。

程易疇瑤田先生致書云。

八月底。兒子從金陵歸。得讀手書。兼悉近候安吉。藉慰遠懷。前有人從京口來者。言先生閉戶著

書彼都人士仰之如泰山北斗聞之令人欽慕。瑤田至此未久加以善病精力較之往年日就衰頹不能振作拙著尚有數冊都不暇整比擬遲一二年乃作歸計耳。應禮闈北上先生歲內就道否此吾儒分內事南宮領袖蓋日望之。瑤田興趣大減又三年中連傷斷雁其不作隨行逐隊想者固非以退飛爲高致也。汪容甫不知歲內果歸否。少年後起者有儀徵阮梁伯今年新庶常心力堅銳可畏近撰車制圖解二卷刻成見寄其中輪人轉人鄭氏誤解及後人說之未當者再三推論斷以己見閱之令人豁目悅心。顧瑤田去秋自都南下車中觸目暗忖於二職亦微有所見今檢其書不能悉合異日人都當與梁伯及懷祖共商之二雲先生爾雅正義奇書也惟釋草中言黍稷與前人相反其誤顯然春間作一書奉寄反復辨論未蒙裁答或者以妄言妄聽置之乎。

案阮梁伯乃文達字文達中己酉進士選庶常故知書在是年 原墨藏侯氏

五十五年庚戌四十歲

在丹徒任

王石臞先生致書云

接讀來札備悉近狀平善爲慰。念孫素好岑寂人事擾擾殊非所堪近患脾泄日甚一日衰病之軀勢難久居京邸決意於冬底告病明春二三月命棹南歸但舍間俗冗叢脞家難紛起不可一日居擬於鎮江覓一養病之所以度餘年間冷禪院可以棲息者先生幸爲我留意焉。廣雅積誤已久有明本之誤有宋元本之誤以集韻所引知之有隋唐本之誤以曹憲音知之又漢儒箋註讖緯及小學

諸書今多亡失。訓詁無徵。疏通證明。大非易事。自前歲仲秋至今。甫完兩卷。衰病如此。懼不能成也。先生湛深經術。卓識精思。萬非時輩所能企及。幸卽筆之於書。勿過爲矜慎也。蒙示方言注辨誤二條。精確不可移易。耻顏一條。正與鄙見相合。其噎憂一條。則念孫所未及。前札云。愜意數條者。恐忤亦居其一。餘俟南歸後面質之。若膺先生在都時快談一切。竊恨相見之晚。其所著尚書攷異。發前人所未發。有功經學甚鉅。與說文解字讀六書音均表皆不朽之業也。聞容甫先生近狀較佳。其著作想益宏富。此人才學識三者皆能過人。在我輩中。且當首誦一指也。南歸之後。可與諸君子常相見。差足自慰耳。令弟九哥人學兼優。人都二年以來。與念孫相得其歡。小兒姻事。諸煩部署。感激難以言狀。朱三姻兄質美而好學。芝蘭玉樹。良可重也。小兒頗有志於學。近作周秦名字解。故二卷於古義間有發明。南歸後當令錄出呈覽。幸先生之教之也。茲因九哥南旋之便。率候近安。餘容面晤。不一。

案原墨藏陳氏年月據王譜。

又案周秦名字解。故二卷初刻未修本。今藏吾邑鮑氏。後重刻易名爲春秋名字解詁。附經義述聞後。與未修本頗有異同。

家楚楨先生輯劉氏清芬外集藁載段懋堂

玉裁

先生致書云。

承示校禮記方言二條。精絕快絕。列子力命。穆忤情露。殷氏釋文引阮孝緒云。恐忤。伏態兒。此篇韻所本。戴先生既引上文墨尿。而不引此。所謂弩下逃箭。穆忤與情露正相反。故阮以伏態訓之。張



儒藏

劉端臨先生年譜

湛注所謂兩兩相背也。弟夏間精神意緒總不佳，遲滯至今始將繕寫尚書草藁，從無逸篇起而苦煩碎。秋涼後，即擬遠出。王懷祖先生書來，言欲作廣雅疏證，索弟所考訂，俟徐復之。讀詩記內有一條載董氏說，能不我惱。與說文合，祈抄示之。此條正義內，當是能不我惱。今本作不我能惱，轉寫多誤。詹生已到尊處，未其人頗好，而景況可憐，諒相賞於驪黃外也。足下會粹所得，略如困學紀聞、日知錄之體，名之曰校書錄，其可乎。

案王段二書皆論先生撰方言注辨誤，後建臨先生輯遺書時改名方言補校。

又案清芬外集藁載段氏致先生書，凡二十八通，間有數通原墨藏陳氏，嗣又於陳氏侯氏別得二通，都三十通。友人劉君盼遂方作段譜，爲正年月先後，今悉依之。惟外集多有刪削，不盡原藁耳。又書云：

來書推許太過，弟以注此書爲讀鄭之階級，讀此注而知許鄭之異，亦知許鄭之同，而知天下之字無不同。其要在以經注許，以鄭注許，而尤要在以許注許。此書賴足下促成之功，莫大焉。弟亦懇儀禮補疏速成，勿孤日月也。

案段氏畢生精力萃於說文解字注。玩此書意，蓋在初屬稿時。然以段氏解字注後自序考之，當在丙申後。今姑以王氏書中云及解字讀語連類系此。解字讀者，解字註之初名也。

五十六年辛亥四十一歲。

在丹徒任。

臧在東撰刻詩經小學錄序

段君自金壇過常州、攜尚書撰異來、屬爲校讐、因爲參補若干條。劉端臨見之、謂段君曰、錢少詹簽駁多非此書之旨、不若臧君箋記持論正合也。時乾隆辛亥孟秋。

清芬外集載阮文達致書云

憶在京師、暫晤道顏、足慰渴慕。嗣因文旌遽返江南、未得備聆雅教、至今歉然。吾鄉言學者尚多、求其精確而公明者、惟先生與懷祖先生足爲師法也。元膚才末學、過蒙聖恩超用、私心輒爲惶恐。近又奉勅校勘石經、以元之孤陋庸愚、曷克勝任。今已分得儀禮一經、此經唐石經經文謬誤、似尚不少。如士相見禮言忠信慈祥、以大戴盧注校之多忠信二字、喪服傳冠繩纓條屬右縫、以釋文校之多右縫二字、此外似尚不少。元識鈍學淺、不能有所校正、且係官事、具有程限、亦未能緩緩研求。素諗先生於禮經之學尤爲深邃、其於經文譌誤訂正必多、字畫偏旁不少更正。務祈賜一詳札備言之。將來此札可存大集中、使後世知某經某字由用某人說而正訂之也。再元校勘此經、亦有底藁、如用某人說皆自注於下、不敢掠美、斯亦博訪通人之義也。今特遣小价渡江、候取賜書。想必備示無隱、無辜元數千里就問有道之意也。至段若膺先生、金輔之先生、元亦各具書問之。如若膺先生現在鎮江、卽同此致問、卽示覆音。此次石經之事、聖意極爲鄭重、其碑制、工程、刻法、一切元等酌定、尚可施行。但此係官事、終不比吾等自爲校書者可比。未免人各有見。今邵侍講晉涵分校三傳、汪司成廷珍分校周禮、論語、孝經、其餘經皆金少宰士松、沈少宰初、瑚司成圖禮、那侍



講彥成分校。其體未知若何。元惟盡其在己。悉心校理本經而已。元在後學之列。因與令弟同譜。故稱謂妄附。尚希宥之以見相親之至意。

案。掣經室第一集儀禮石經校勘記序。經始於辛亥十一月。告成於壬子六月。陳氏所藏此書原墨下有十二月十八日六字。故知當在今年。

五十七年壬子四十二歲。

在丹徒任。

是年代鎮江府知府某作見山堂記載文集。

王石臞先生致書云。

去冬得奉手書。備諗近履。令弟九哥聞於安徽有所圖。尚得意否。容甫先生書內云。於春秋用功甚深。全經萬八千言。更無不了之義。晤范大親家之長孫云。先生亦從事於此書。惜未得相從受教也。邇來新得必多。尚望寄示。及有關於廣雅者。亦望示及也。念孫前以歸家多所患苦。故且留京邸。詎意衰病日甚。夏不能冒暑。冬不能御寒。自去春至今一歲之內。因官差而病臥者數矣。長安道上。應酬終不能絕。廣雅僅成四卷。又以體例中更重加改訂。至今尚未完畢。似此遷延。恐終不能成書。計典已過。今秋必將告歸。但求一避囂之所。而終不可得。爲可悲耳。

案。此書見王氏遺書。原墨藏陳氏。

段懋堂先生致書云。

王四回具劄查公及吾兄關切之雅。宋公於初七起程。初八到府。頃又聞金壇有命案。急請歸相驗。初十當回縣矣。但太尊之說與未說。允與未允。皆未能知。仍請吾大兄一稟。見道及鄙人受寒遷葬之急。與家君高年在壇守候之苦。道臺之說曾否面諭。宋令曾否面允。叩其實在。如太尊未說。則婉辭請札致。此弟之仰賴於吾兄者也。宋令處弟託主簿公先致意。宋公云。遞一呈。請喚伊家長及伊二子來尋究下落。業於初五遞呈。尚未批出。宋公意未嘗不可也。本犯親叔父有三人。有母六十歲。有二子。一十八歲。一十六歲。本犯遠揚。未始不可辦。略以家君九十風燭可危。動太尊之意可乎。謹候近安。以此誣諉。固非恃愛不敢也。

按段氏說文。注載父世續。嘉慶八年。年九十四。終於蘇。又自云。四十六。以父年已七十一。遂引疾歸養。五十五。避橫逆。奉父遷居蘇。是段年五十五時。父實年八十。此書云九十。或籍注失實耶。今從劉君盼遂段譜。置之壬子。是時父年八十三。

又按說文。注五十五。避橫逆。以段生雍正乙卯計之。當乾隆五十四年。歲次己酉。然其序明道本國語云。辛丑。乃自蜀歸金壇。又遇橫逆。侵擾不能讀書。壬子。乃避居於蘇。壬子。段年五十八。與說文注相差三年。或始焉往還無定。久乃奠厥居耶。此書本依說文。注列之己酉。今據劉君段譜。改置壬子。俟更考之。原墨藏陳氏。

又案劉君段譜成後。仍易置此書於己酉。

清芬外集載汪玉粲

廷珍

先生致書云



儒藏

劉端臨先生年譜

廷珍膚受末學、經術時務、兩無所底。丁未入都、猥以鄉里後進、得奉音塵、夙願載申、實深榮幸。通籍以後、燕吳迢遞、思託疏麻、以舒結轡、所慙學識蒙劣、不足廁於大賢之門、翹首南雲、徒殷鄉往。豈期德音下逮、反辱先施、獎借殷勤、惟恐不及、自問何修、祇有愧荷而已。先生通儒碩學、當代經師、近聞撰述淹中、古義未諗、何時卒業、先睹爲快、欣跂奚如。孔生受經戴席、走安能爲之師、辱承誨誘、又不敢辭。觀其人甚謹愿、且有志上進、但長安緇塵易染、非克自樹立者、鮮不因循暇日、仍乞移書督之。廷珍身世如常、惟是舍己芸人、舊業竟無寸進。石經鉅典、敢不勉竭固陋、然而國有大事、而以大臣承乏其間、祇能陳其所見、以俟抉擇、從違之間、不獲贅一辭也。

案阮文達致公論石經校勘函中有汪司成廷珍分校周禮語、據此知在是年。

五十八年癸丑四十三歲。

在丹徒任。

五月長子源岷巨源生、側室夏氏出。

謹案夏孺人來歸家譜未載何年。

王昶春融堂集四士說云、

昔汪子茗文作師說、亭林先生爲廣師繼之、各指其學業所至、以著生平之愛慕、世服其精識朗鑒。予交天下士大夫、凡五十年、不翅百十人、近過廣陵、復見汪君中、通經邃史、篤於學、志於古、爲余所弗如。蓋予於淮海之交、有四士焉、訓導實應、劉台拱、有曾閔之孝、給事中王念孫及其子國子監



儒藏

劉端臨先生年譜

生引之有蒼雅之學。暨君有揚馬之文。時謂之四士三美。宜矣。唐僖宗幸蜀。品藻朝倫。以散騎常侍李潼比曾閔。以前進士司空圖比巢由。以郎中孫樵比楊馬。孫氏遂以序於集首。考李潼孝行。不著於國史。圖後起爲中書侍郎。亦非與巢由爲伍者。蛻文雖見文苑英華。及唐文粹諸書。較之揚馬實多遜焉。今舉是三美。儷於前哲。將駕而過之。世有汪顧諸先生。必謂余言不妄也。

案蘭泉年譜載是年遊淮揚。故系於此。

段懋堂先生致公書云

陳四來具悉一切。書院愍置之。固其所也。弟身子初好。尚不能讀書。大兄強仕之年。舉丈夫子。家君及弟得此信。皆喜而不寐也。弟自上年至今。心緒勞如兼之外感。故心脈甚虛。少用心則夜間不能安宿。又左臂疼痛。不可耐。未知是外症抑內症。恐讀書之事。從此欲廢。如何如何。大兄已快了一件心事。正當乘此中年。速圖箸述。近日與王光祿論鄭康成年四十遭黨錮。又十四年而黨錮乃解。此十四年中。注禮故三禮爲最精。黨錮既解之後。乃注古文尚書。毛詩論語。至其卒之年。乃在元城。注周易。爲時有限。玉裁謂鄭當中年。注禮最美。而傳之最久。以後所箸書。論語周易不傳。蓋與毛詩俱遜三禮也。足下以其年則可矣。以後精力當稍衰也。馮孝廉昨日方到此。而尊札猶未帶來。孝廉固鎮江一府之讀書種子也。況得大兄爲之啓發。何可限量。

案此書載清芬外集。原墨藏侯氏。

又書云

馮孝廉來云明日即走故即作札奉達。又二日孝廉乃以尊札送到五月二十三書也。彼非有意沉閣而弟頗受累書中語皆關注至情感激無既。陳四於本月初十日家君壽日也。突云要隨馮老爺船回去。弟勸以且將物件寄與馮處爲妥不必定歸而彼必欲走。弟以王四已往金壇寓中無人頗不喜恐彼捏造語言故具以聞。弟數年來心事沉鬱故今夏病雖不重而精力大改兼之臂痛未識醫能治之否。私懼說文等書不能成日前奉勸及時著述者蓋有謂也。鎮郡之攷在八月乎抑十月乎。有的信來詹公已起身。

目下乃略理舊業成漢讀攷三四葉擬秋間完功此書爲善。查道臺如有一信即飛寄一信。弟壇邑事縻爛不可言。蘇州買屋略佳者須四五千金量力而行甚難合式。再日用之物翔貴居此大不易也。所有留於尊處之物弟意有力者不任其擔則極耽心。年內可全取回擲還。弟於九月娶孫媳之後將爲二子析箸矣。祈大兄留神爲禱。

案此書原墨今藏侯氏。

又書云

陳四回曾有札奉上想已收閱。弟近日看屋遷居總不合意甚矣其難。心緒勞如亦復校正儀禮頗有剋見。如傳文以小功之縷也。元作縷。傳文乃經文女子子爲父母婦爲舅姑笄有首以髻無惡字。

有此二條至確。周禮漢讀考亦已到秋官太半。假我數年讀書其有進乎。查道臺是否有信已有乞飛示之說。詹生說往江北勾當或別有所志吾兄可勸其遄歸也。陳四如無所往乞命其來。今年校

得儀禮周禮公羊穀梁二傳亦何義門惠松厓舊本將來攜以呈政臂痛或以爲血虛或以爲風症鎮江有專門能醫者否。

又書云

黃薨圃孝廉所購宋本好書極多而慳不肯借殊爲可憾弟意欲將三禮經注校爲定本刊之垂後亦不朽盛業也。凡正義中所言定本者係顏師古所定唐太宗以頒行天下者見太宗紀顏籀傳貞觀政要封氏見聞記盧刻不載諸書此亦考古之所當知也。唐定本多紕繆故賈孔多不從有從之而甚繆者如毛傳云以衣涉水爲厲謂由帶以上也疏云今定本如是愚謂定本如是則他本不如是他本必依爾雅原文爾雅不出一手兼羅衆說故有一字數解以衣涉水爲厲此一說也其水淺由帶以上爲厲此又一說也其水深如定本合爲一說不可通矣質之大雅以爲何如。

案以上二書載清芬外集。

五十九年甲寅四十四歲。

在丹徒任。

蓼野先生寄書云

行年七十制具送老晨夕背誦小學一字不遺。陸清獻云欲爲聖賢必讀小學欲保身家必讀小學人而不爲小學其猶正牆面而立歟。近來愈覺此書之有味也。舊有吳註高註近見陳縱本義註甚佳可覓一本細閱。他時將吳高二註寄汝爲作一註留示孫曾輩以當世寶。老人亦借以爲夜行燭也。



藏

又云前寄到陸桴亭先生思辨錄前輩於理學有心得處講經濟有致用處可深味也。陳榕門中堂所集遺規各種皆居身居家居官之格言可知今古賢士大夫必自日用切近處作起二書俱不可不讀。翁老矣夜行秉燭所照幾何願汝勉之。

正月汪容甫至京口訪先生未果。

汪容甫致書云

去年臥病時自度此生不復能至寄奴山下。正月二十九日同當事來金山午後渡江奉訪坐超岸寺對門盡未申酉三時其日江寧陳布政往蘇州肩輿咸從之往丹徒中不能得也。次日同當事者恩恩北歸而孫容將持足下手書見示惆悵無已始知寄奴山雖可至而不易至譬夫蓬萊方丈風忽引之去也。

汪喜孫後案云劉先生官丹徒訓導先君嘗來署中上下議論留連信宿而去至是年訪先生不果後遂不復至丹徒錄先君書以誌死生契闊之感。汪中年譜。

四月伯父餘齋世謙先生卒。

秋先生介武進臧在東見阮文達。

臧在東撰遺書後跋。

甲寅秋庸將往武昌先生曰畢制府已巡撫山東矣子行或先後不相值詹事府學使阮公吾鄉人且學友也子其謁之庸之辱知於芸臺先生自先生之書介紹始。

十一月汪容甫先生卒於杭州。

汪喜孫撰遺書後跋

劉先生端臨與先君爲文章道義之交。先君見背。先生爲校錄遺集。哀然成書。喜孫有過匡戒之。有善獎諭之。有急難保護安全之。喜孫賴以成立。今先生墓木已拱。讀此一過。不知涕淚之何從也。

謹案先生哀輯汪氏遺著。垂成而歿。未及梓行。汪氏學行記載先生與其子汪喜孫甥畢成之諸書論纂輯事甚詳。今彙錄以備參攷。

與汪喜孫書云。前月王蘭泉先生過此。欲爲尊大人刊刻文集。現在抄寫清本。一兩月可畢。其底稿當送還尊處。刻貲可不須自出也。又書云。尊大人遺稿。近日始得料理。現覓人抄一底本。即付刻工繕寫。鄙意擬名文集。篇次前後與舊刻不同。此意亦曾商之錢少詹事及段若膺。皆以爲然。未審尊意以爲何如。初獲交於尊大人時。所見詩甚多。後來不復作。少時所作亦不復存。遺稿數十首。此間亦錄出。然在尊大人爲緒餘。不可刻也。

又書云。頃爲尊大人刊刻遺文。擬用集名。昨武進趙味辛名懷玉司馬見過。道及足下之意。欲仍名述學內外篇。此亦足見孝子三年無改之至意。已告彭萬程。令其挖改。

又書云。來書欲並刻遺詩。足見孝子之心。不忍於先人。而必欲傳之。無所不用其極也。此時先錄一底本。以待能知先生之詩者。稍爲抉擇而付之梓。亦不必與文集合爲一書。先輩中如顧亭林詩文。即係分刻。是其例也。



又書云前年之冬足下寄示畢尚書太夫人祠堂碑銘此文向所未見擬錄入前月作浙江書極道足下文行之美又與懷祖觀察言及足下相與咨嗟歎息喜故人之有後也第四卷底稿因有添入之文尚未就緒台拱擬到揚奉晤不遠一切可面究也

又書云郁甫歸盛稱足下文行之美此雖僕所諗知而驗於所聞欣慰彌至先集校讐之役僕必須卒業以報命與尊大人交誼不比尋常重以足下之愛厚又何煩瑣瀆耶

與畢成之

貴生

書云尊舅氏之文就遺稿內蒐羅捃拾於已刻三十餘篇外復得二十篇編爲四

卷已刻之文譌誤甚多並據底本校讐逐一改正亦有一文數稿字句不同據文義審定從其長者皆再四斟酌未敢率爾每葉二十行每行二十一字題格式略仿唐文粹宋文鑑之例舊刻多用古字既非隸書正體又不盡一今則參酌古今不怪不別亦亭林之遺意也凡刻書第一要板好次要寫手好次校對好次刻本好校對一事而有數節一校底本二校寫本三校呈樣四校挖改本最後再覆校一過台拱雖苦公私繁冗然於此書要須逐節過眼方可印行原稿一箱並寄上希爲查檢轉交令表弟尊舅氏在日有得意文字間手錄以見示今取出校對並置之箱內付令表弟藏之故人有賢子能讀父書知寶其先人手澤亦私心之所慰藉也

又先生撰汪中遺詩序云

容甫博聞強記通知古今才學識三者皆有以過人爲文鈎貫經史鎔鑄漢唐閱麗淵雅卓然自成一家早歲喜爲詩三十以後絕不復作舊稿多散失今錄其僅存者若干首

案此序見汪氏學行記不載文集

王石臞先生致書云

去秋接奉手書得悉弄璋之喜歡慰者久之。嬾病相因致疏箋候幸勿爲過。獻歲以來想侍奉萬安起居佳勝。大箸儀禮補疏已成者幾卷其中卓見必多便中望寄一二。念孫自客歲九月備給事員十日之中進科者凡有五六日一月之中看書者不過八九日已與素懷相左。至十一月初忽派巡城一差終日碌碌刻無寧晷黎明即往飯廠日晡始能歸家多病之身不勝其苦計自巡城以來三月有餘嘔吐之病已四五作其泄瀉則無日無之從此至滿差時尚有十月將如之何哉。來札云若膺居蘇州甚安適可以肆力於古甚爲欣慰其所箸尚書撰異王青浦攜來京邸其中精確者至多惜今世無賞識者曲高和寡自古歎之矣。易田有書來精神漸衰然家居一切自如則勝念孫多矣。令弟九哥今歲設帳何所近況奚似。來歲公車望足下及令弟俱早束裝北上以慰離懷也。

案巨源先生生於癸丑故知書在今年原文載清芬外集

又書云

八月初旬率具一函奉復並復容甫札封家信中寄回高郵交奴子高錫純轉寄揚州。後接舍間家信知其患病物故。昨又接家信知前書爲伊病中失落矣。念孫次子才質甚鈍遠遜其兄而得先生爲之蹇修且不爲容甫所棄何幸如之。夏初有同譜者寄書議姻家約俟女家來京面致聘訂迄



藏

今尚未來違之。又滋物議。容再奉聞。前月晤范隣兄。伊云來歲先生與九哥同來京都。後又云來京之說尚未確。未知近日已決意北上否。區區一第之榮。固不足以動君子。而數年離索之思。一旦慰之。此則念孫之大幸矣。盼望之至。容甫曾來鎮江。近況奚似。舊恙不復作否。若膺尚在蘇州否。有考訂周禮讀一書。已就鑄否。念孫城差報滿後。甫得數日之間。而倉差又至。辛苦更甚於巡城。此後直當束書不觀耳。前札未經寄到。復泐數行候安。兼訂來春北上之約。餘不書。

按此書時在初冬。汪容甫先生尚未故。是以書中屢稱及之。原墨藏侯氏。

段懋堂先生致書云

正月內得手書。深荷關切。弟懶於寫信。歡甚。二三月以來。稍有讀書之趣。蘇州古書絡繹而出。近有得儀禮單行疏者。得北宋本漢書者。得宋板左傳釋文。禮記釋文者。得宋板羣經音辯。可校正張刻者。得明道二年國語影抄者。弟借汲古閣抄集韻。校正曹刻。亦是快事。但苦少暇。亦少精神耳。弟瑩事。意主於攔。惟府房向短他些微。另信寄李霖翁了。給之。見時乞更爲道達。周禮漢讀考。已繕成書。目下儀禮已動手。多發前人所未發。將來治禮經不可少此。且字於儀禮。禮記。公羊三註。共得十處。儀禮鄉飲篇某子受酬。註某姓也。姓同則以伯仲別之。又同則以且字別之。嘉靖間本不誤。士虞禮註某甫。且字也。今本皆改爲皇祖字也。以大兄之精心卓識。而不能肆力成書。以弟之好古。而不能入山面壁。皆屬無可奈何之事。惟當偷閒爲之。不至棄天。以此相勉而已。

案原文載清芬外集

六十年乙卯四十五歲。

在丹徒任。

秋至江寧與桐城姚姬傳鼎交。

姚姬傳惜抱軒集劉念臺淮南賦跋尾乙卯秋練江先生之六世孫台拱攜來江寧出以示鼎。

是年代蓼野先生作伯父餘齋先生行狀文集未載文曰

先兄諱世讜字步辛號餘齋姓劉氏先世自蘇州遷寶應至我曾祖八世矣曾祖諱以任縣學生祖諱中從康熙戊子科舉人候補內閣中書改選石埭縣儒學教諭石埭府君二子長我伯父諱家晟歲貢生次我先君子諱家昇康熙甲午科副榜貢生贈修職郎靖江縣儒學訓導先君子與先妣喬孺人皆不幸蚤世生四子一女兄其三子也劉氏世以孝弟稱鄉里及伯父與先君子友愛尤篤伯母成孺人卒無子伯父曰兄弟之子猶子也以仲與叔爲吾子伯與季爲弟之子吾何少焉故仲兄琨石與兄皆嗣伯父諸子蚤失怙朝夕依倚伯父如所生及居喪孺慕悲號弔者歛歔太息以爲吾伯父真有子矣兄少警敏總角操紙筆爲文鋒穎特出石埭府君所交遊皆一時名人咸嗟異之比長博涉師友徧探古作者波瀾意度所得益精粹其爲舉子業醇雅質厚不求異人而人自不能及居庠序中每校試必注高等見儕輩若子弟所試文預處其得失及次第高下往往皆中人以是服其藝之精喜爲後進論爲文法度從之遊者不問敏鈍隨其材器皆有所就立乾隆三十六年今大司空彭公故川東觀察閩縣陳公主江南鄉試號爲得人所舉多耆年宿學老於



儒藏

塲屋者兄其一也。兄先以諸生久次貢太學及舉秋式逾五十矣。彭公呼爲老門生。接待尤洽。始以文藝受知。久而習其質行。加親厚焉。兄勇於爲義。人以緩急相誣諉。爲盡心力。不避風雨寒暑。里人王希伊耕伯。篤行君子也。倡同善會於鄉。特引兄爲助。性抗直。議論侃侃。不視人意旨爲嚮背。離理害教之事。賴以匡正者爲多。遇人無疏戚。一取胸臆相與。無所矯飾。至於天倫骨肉之際。藹如也。伯兄病。值鄉試之期。晨夕視湯藥。不就試。世蕃官靖江六年。兄念之甚。嘗寄以詩曰。老去愈知兄弟好。窺其意。蓋望世蕃之早歸而不欲明言也。蓋自伯父之歿。十餘年而姊氏云亡。伯仲繼隕。同產五人。惟兄與不肖存耳。衰顏暮齒。相依爲命者。又三十餘年。而今已矣。雖欲孝。誰爲孝。雖欲弟。誰爲弟。天乎痛哉。兄生於康熙五十八年五月十七日。卒於乾隆五十九年四月十八日。享年七十有五。以乾隆四十五年。揀選知縣。待次於吏部。初娶楊氏。賢明恭儉。仁而不壽。姻黨哀之。生於康熙五十八年十月十五日。卒於乾隆十四年七月十八日。享年三十。再娶喬氏。子男三。台耆。台輔。皆縣學生。次台弼。女五。長適廩貢生朱彬。次適縣學生喬玉蟾。皆卒。次適潘成。次又適喬氏。次許聘高郵附貢生夏裕堂。孫男四。□筏。篆。篙。孫女一。適彬子縣學生士彥。台耆等卜以乾隆六十年十月十八日。葬吾兄城北邵家橋故楊孺人塋。八月望日。劉世蕃謹述。

是年蓼野先生有家諭云、

源岷識字百餘、並能辨別偏旁之同異、看來天分甚好、將來可以讀書、更教之立品儉用、便是祖遺家法、若家計之多寡、固不可不打算、亦不必過於打算、張文端說知命一段、最爲親切、王畊翁訃音

到舊治白水紳衿爲位祭以少牢滿漢席王公生日則祭以特羊二週三週另爲打算祭奠去思碑當公在時功令當一概除毀百姓爲仆而護之茲則重爲豎立供以石桌以便拜奠何如光景想其平生菲衣惡食奉身調度人所難堪是又何如淡泊要之其不可及處只此便是根柢也

案原文載清芬集

王石臞先生致書云

自春徂夏兩奉手書恍同面晤正月底卽聞容甫凶耗悲不能已二十年性情學術之交遂成永訣痛哉孝臣歿已十年去歲幾遭火化而容甫又客死西湖自顧衰病日加欲歸不得未知何時得圖良覲也容甫在日鹽政學全公待之頗厚近聞兩淮辦書一事仍令其子接辦身後薄有留貽目下自可無慮惟文章一事須急爲收拾念孫京邸僅存文十篇

講學釋義左氏春秋釋疑居喪釋服解義石

鼓文證請祀故樂儀書院山長沈公議廣陵對秦伯廟銘黃鶴樓銘高郵賈君銘李君銘其釋三九二篇遍檢無存此外

念孫所未見者必多又聞其述學一書業經付梓遠客燕邸不獲爲之整頓得先生身任其事俾不朽之文縣諸日月實生死所共慰也編錄既畢祈將附帙見寄以便參酌付梓幸甚幸甚儀禮補疏所成已及半否念孫常患學者成書之易今則又患成書之難蓋精力日就衰頹撰述不可不早就也自四月派巡南城忽忽靡暇廣雅七卷後竟不能成一字奈何武曹兄曩曾一晤於清江再晤於寶應今爲三聚首矣省試前方爲舉子業故未及縱談而約略數語已知其博聞強識而有卓見他日吾見蔑之面今吾見其心矣令弟屢不得志於禮闈深爲扼腕然近況亦頗順適數月以



來不時與念孫朝夕相聚、清冷中趣味亦足樂也。

段懋堂先生致書云、

爾雅坎律銓也、當爲吹聿銓也、此語記得大兄曾說過、尊說耶、抑別有聞耶、祈示之、儀禮漢讀考膳出土冠禮一卷、便中當請教、抱經儀禮詳校一書、凡二百數十頁、已刻成、尚無印本、聞抱經云、此書成、急須送端臨一部、弟亦未見也、徐購得奉上、

又書云、

頃授孫儀禮、又知記惡筭有首以髻、惡是衍字、觀傳文分別兩筭字、語意可知、但作疏時已誤矣、次兒駮初意不欲其秋試、近日始拘於俗見、令其觀場、但恐科舉甚艱、惟大兄進而教之、二舍弟之子鼎同錄遺、鼎讀春秋胡傳甚熟、駮遠不及之也、弟近日於說文知屬辭簡鍊之難、考核於素者、則固不誤者多也、凋字下、小徐引詩是禡、是凋、大徐乃人之許君正文、爾雅及杜子春引詩皆作旣、伯旣禱也、劉春浦之鬪縷、乃徒多事耳、故知讀書最難得是善本也、卟字下、引書卟疑、祭字下、引記零祭、其誤正同、大約示部旣成、義例便可定矣、詹君已來、月底梓人將到、尚書之刻、不能已也、東原師集已刻成、惠而不費、俟刷印後再奉送、海內同志、於十七部不熟者、其小學必不到家、求諸形者、難爲功也、新刊釋文、繙閱有不愜之處、恨不得暇全校之、大兄於三長中、識居其最、箸書正當及鋒矣、晤姚姬傳六兄、乞爲轉致、股字、弟有舊說、頗勝新說也、

又書云、



九月間次兒歸後得手書勸諭諄諄勿以衰病墮其志氣失同人之仰望感極感極良友箴規固宜敬縷心版弟之腳萬無愈理只求不痛而瘡至近日尚未全愈一俟全愈即當勉成未竟之書惟是心力頓衰自覺難以探頤索隱及鑪捶煩雜耳大兄年力正當有餘斷不可忽此時候再過數年便近於衰足下亦當以鄙人之言爲念也毛傳三十卷略加注語皆愜心貴當是否已令人繕寫一部宜速爲之並將寫出清本付弟再校補數事則大妙矣獻歲以後務將原本擲還爲囑孟子字義疏證所言實能發明孔孟之旨非宋人所能見到足下以爲然否弟目今藏府間有病蘇之良醫王順生自上年至今總云肝內鬱熱不可用補劑故近日服羚羊竹瀝等物家事多不如意惟小婿龔麗正中浙省第五名冀其早成進士壹意學問春初公車過潤令叩謁有道是固浙中之學者也王少寇雲南虧項已完結明年入京錢少詹近日乃到紫陽尚未晤也蘇人有李銳者其步算之學竹汀自以爲不及也

案以上三書皆載清芬外集。

汪玉粲先生致公書云

塵務勞勞疏麻罕接遙諗先生齋居汲古益詣淵微未知何時得一侍臬比竊聞緒論勝與古人對也名山箸述有可示讀者否廷珍留滯京華近狀亦都平善惟是精神漸退學業無成古人有言乏天才勿強操筆廷珍性不能文而官以文爲職勉強從事終亦不工逝日如流坐令七尺之軀朽同草木深可悼恨屢計乞身鍵戶復理故業無如託命斗石心境相違且爲奈何孔生故醇謹

長安三載素服未緇亦年少所難第承命代斲垂橐而歸深漸無以爲之益者耳茲以省親南返
附便起居不備

案五十七年汪書有孔生往京受學之事此書又言已三載則書在五十九年冬六十年春可知
故次於此原書載清芬外集

朱武曹先生致書云

弟於六月六日抵京本意遄歸而芷江苦留遂援例貢赴京兆試非其志也逮三弟忽然告歸更悔
此舉之爲多事矣聞今歲仍送考到省與吾諸弟相見而弟獨羈滯二千里外得無有耿耿不釋者
乎王給事相得甚歡邵侍讀往來皆相左方今留心學問者甚多而真知灼見亦鮮近與伯申上下
其議論令人懷抱都盡精鑿處殊不減乃翁懷祖有此子向歆不足多也恐東原復起亦將畏此後
生況吾輩耶弟到此自喜得此益友又幸江淮之人可以執經而問字也懷祖勸兄箸書以時之不
可久待也弟百凡粗遣賓主甚歡然久留亦復無味聞源岷體氣甚充不知天資何似將來能讀父
書亦一快也

又書云

到京後未得息耗昨得手書所以望弟者甚殷慰弟者甚摯彌用憮然近來踪跡具見與兒子書
姑尊稟中亦詳及之可索觀也明歲無意北來自爲計則得矣其奈此離索何懷祖父子惓惓不能
忘也都中從事於學者甚夥大約有二其一謂可立致科名一則藉以通聲氣而皆以高自位置嫚



儒藏

劉端臨先生年譜

罵一切爲主語以讀書考古槩乎未有聞也。弟每與懷祖給事歎息痛恨之。有陳御史昌齋不肯著書於學無不通給事謂粵東自開闢以來未有斯人咄咄怪事而都中未有道其名字者可慨也。弟近移寓憫忠寺甚僻靜三分日力一分考古二分從時。但房飯甚昂貴久住非寒素所堪耳。

案武曹先生以例貢入京舉京兆試九十六名合諸王懷祖書當在是年王朱諸書皆試前作也。原書載清芬外集。

臧在東先生致書云

憶自癸臘赴楚甲夏歸試往還四千里榜後赴山左今正自山左至武昌又共五千里幸皆取道京口數領訓言爲我三致友人書多方照拂銘感一切有登州諸生畢以珣究心小學極欽佩閣下述尊說尚書六宗乃天宗篆文之誤。孝經昔者周公郊祀后稷以配天宗句祀文王於明堂以配上帝可證。按禮記月令天子乃祈來年於天宗盧子幹注云天宗六宗之神是漢儒亦有知六宗爲天宗者可與尊說相參證也。拙輯鄭注論語采御覽甚確今附上稿本有與唐人義疏釋文類書等明稱爲鄭注相印合者朱筆標出可覆按向以爲輯書難於箸書箸書可以自主輯書須從古人諸書互引互異孰所適從義疏證引與己言混同無別又有實非某書而誤云某書者有實是某書而不云某書者能不爲前人所欺最難。譌文錯簡又餘事矣。拙輯漢儒說經書十種采書皆以唐爲斷知古書盡亡於唐末或言北宋初有古書不足信御覽本脩文殿及唐類書李昉等何嘗目見古書庸堂自度纂輯之學在王伯厚之上而今之集書者皆不及王氏若高明如段氏汪氏等又視此類

爲抄胥事矣。論語注最蒙珍賞，故不遠二千里呈上稿本，懇賜一序，諒蒙金諾。鄭注孝經一冊手錄，獻正與陳本迥殊。先生近作何業，箸撰早成，嘉惠來學，深所切禱。

附繫辭下易窮則變，變則通通則久。釋文云：一本作易窮則變，通則久。按當從一本窮通相對，變則通三字。後人妄增猶檀弓慍斯戚之上，增舞斯慍三字。又舟楫之利，以濟不通，致遠以利天下。釋文云：致遠以利天下，一本無此句。又服牛乘馬，引重致遠，以利天下。釋文云：一本無以利天下。一句。按以濟不通句，辭意已備，致遠以利天下爲複。此六字因下文而誤衍也。或見誤衍於此爲複，而反刪下文大誤。馬下爲韻，說卦兌爲妾爲羊。釋文云：羊，虞作羔。今李鼎祚本及虞仲翔注皆作羔。按虞云兌爲羊，已見上，此爲再出，非孔子意也。若作羔爲小羊，亦無殊異。考虞注爲妾云：三少女位賤，故爲妾。又注爲羔云：羔當作養。女使皆取位賤，故爲羔。當作養。又鄭康成本作爲陽，注云：此陽謂養無家女，行賃炊爨，今時有之，賤於妾也。見鼂氏、朱氏所引。然則羔當作廝養之養。陸李書作羔，脫去下半耳。作羊作陽，則皆養字聲近之誤也。未識然否，統幸教之。

案據本書云：癸獵赴楚，甲夏歸試，榜後赴山左。今正自山左至武昌語考之，知書在是年。原書載外集。

丁小正先生致書云：

頃於金拓田先生處讀大箸論語說二條，精核絕倫，令人拍案叫絕。如此解四書，潛邱之釋地不足數矣。色斯舉矣，節似有脫誤。時哉一嘆，指飲啄說，則山梁當依鄭注作山梁。如仍作橋梁之梁，則時



字指嫗伏言、覺雌字非空設。質之高明、以爲何如。段若膺先生時相晤否。此時曾到白下否。前云刻東原遺集、辦得如何。汪敝徒硃卷一本呈政、知不足以供彈駁。前小札欲求尊府所刻周易本義元本、必欲得兩部。又前寄江先生四聲切韻表、欲求大序一篇。再泐佈瀆、不宣。

案東原遺集據本年段書云已刻成、故知書在是年。原書載外集。

姚姬傳先生致書云

在省接待恩恩、以不獲多領教益爲恨。想歸後清適、著作能早付雕、則所以副士林之望也。段公已移家至京口、未弟有一書寄之、如其未至、便煩爲寄丹陽也。八月內極苦應酬之煩、今聚者盡散而岑寂太甚、安得如先生數人、無事共晨夕乎。致意令弟及趙偉堂、寒近惟保重千萬、餘不具。

案本年秋先生曾至江寧與姚先生晤、故書中有在省接待恩恩之語。原墨藏陳氏。

李塋生

保泰

先生致書云

尺素鮮通、音塵不隔、展誦來書、此情蓋彼此同之也。想先生研經精詣、卓然成一家言、非保泰浮遊流宕者所能仰窺一二。彌用深愧。貴宗羣從之在郡學者、不意摧折爾爾。尤惜迪九先生之薄命、不獲利賴其後人、爲善者將何以勸乎。率更九歌、千文刻石、係錦珊翁令壻之物、攜揚求售。保泰向有一本、頃少林丈爲轉致查觀察、剝蝕已甚、非良搨工不辦。將來當於觀察處求之。前日燕見時、深傾倒於先生之碩學也。

案李塋生名保泰、寶山人、揚州府學教授。迪九先生名履恂、乃楚楨先生父、故於本年四月、故

知書在是年。原書載清芬外集。

嘉慶元年丙辰四十六歲。

在丹徒任。

是年蓼野先生舉孝廉方正。辭不就。有書諭先生書云。

孝廉方正。非我所敢當也。學中久爲此說。汝乃惑於易田之舉。妄動此念。作札寄平樂。我得此報。踵其家力辭。夫實與名副爲福。四字孝爲首稱。終天抱恨。以孝爲名。可乎。不可乎。汝字未來。汝三弟欲俟我到鎮。在家舉辦。汝兄弟識趣略同。朱子云。凡遇名利。退一步便安穩。只管向前。便危險。事勢定是如此。高忠憲云。貴莫貴於無求。賤莫賤於多欲。安莫安於知足。危莫危於多言。味二公語。則老翁之不就薦舉。所見頗遠。

又書云。

源岷雅頌讀畢。須溫習背誦。小學是作人樣子。亦令帶讀。朱止泉先生云。先讀外篇。小兒易曉。先生即爲講解。如今看得子弟聰明。可以讀書。更要早日教他立品好義。徒能文取科第。不是上乘。恐非先貞修公之望於子孫者。貞修所以爲吾鄉第一人。只是義利之界限認得真。守得定耳。

案二書俱載清芬集。

段懋堂先生致書云。

弟到今瘡不全愈。客冬至今。勉治說文解字。成第二篇之上卷。胸中充積既多。觸處逢原。無所窒。



礙言簡而明。此書計三年可成，足以羽翼漢注，足以副同志之望。看來有必成之勢矣。毛詩傳隨時欲添補，不知何時妥寄之。噎憂以尊說爲極，是前書內未載者。因鄭風傳亦云：憂不能息，故疑而未決。今則曉然知二處憂字皆當作歎，作嘖。又鄭風褰裳釋文曰：本或作褰。說文褰袴也。此正論作褰之非。而今本釋文淺人亂之。又如九經字樣云：𠂔，說文卯，隸變。此正唐時說文尚作𠂔字之證。張參云：𠂔，說文以爲古卯字，參以隸不作𠂔，故謂之古卯字耳。說文一書經後人妄改篆體者，不可勝言。如謚改爲諡，𠂔改爲𠂔，折互皆隸字也。而人之艸竹二部一時難以枚舉。近者阮侍郎亦以總角𠂔，今一條下問。阮說甚非。弟初見以爲𠂔是卯之古文，卯是卯之小篆，故不信唐語。今乃知唐不誤也。年來新知所得，可以入拙書者，盍抄寄數則付之。弟腳尚痛而可耐，瘡未愈而將痊，書未成而志在必成。弟意隨時修改，不必汲汲於刊板也。𠂔字下曰：五行之數，𠂔分爲一辰。此語有他證否？可得其解否？杭州梁伯子史記質疑，古今人表考一書甚詳，可謂博極矣。臧在東書來，近狀好。抱經先生徑歸道山，終於常州寓館，亦可傷也。其身後惟有書耳，不知書籍作何等歸宿。令郎想甚好。庸夫子讀書何如？丙辰正月十七日。

案原墨藏陳氏

又書云

自顧氏倅來，得手書，艸艸奉復。後以事多不適，讀書稍懈。旋又因俗冗到句曲一行，荒廢三四句。說文第二篇艸藁尚未畢。尊箸近者所成若干儀禮如繭絲牛毛，想亦難於入頭而易於有間也。辭

曰非禮也。敢此如管仲辭上卿之禮。對曰非禮也。敢此如甯俞對行人私問。左傳可證者極多。辭與對絕然二事。敢下着不得一字。張淳最精。阮氏從敢辭之本。乃大誤也。思亭近日讀何書。尊處易覓真藕粉。乞寄數斤奉價。初白固當年從我遊者也。今冰心相待。所謂交態乃見。有一件要事奉懇者。弟女孫年十八。尚未許字。蘇州所說。或過富或過貧。皆有不便之處。而蘇風太侈。故弟尤慮之。鎮江倘有能做時藝不甚窘者。祈大兄爲擇一人。近年弟辦嫁。尚可不致甚薄也。女孫德性安重。讀書識字。弟甚愛之。祈留意焉。羽便祈將書數種。毛詩算策。孟子字義疏證等。均付來。爲囑。抱經先生之繕寫者。今延在弟處。所以此刻要上緊箸書。乃妙。春光竟去。痛惜情真。乃甚於少年英妙也。又書云。

別來已七旬矣。歸時頗自整頓。欲有成書。而腳痛之外。加之瘡爛疥煩。展轉兩月。全廢書本。可歎。可歎。方信能一日讀書。皆是一日清福。弟之福氣。不識尚能讀書否。來翰欲其兼治說文儀禮。目下但能坐臥竟日。俟瘡疥轉機。再圖之前。書中道及卯字。弟意古本說文小篆作卯。小篆後當有𠂔。古文卯字。張參云。𠂔說文以爲古卯字。當云古文卯不誤。若唐玄度云。𠂔說文卯。隸變則其語誤矣。卯爲五百四十之一。何得云說文無卯字。隸變乃有之哉。卯古音關。故內則卯醬。讀爲鯤。注云。卯或作攔。毛傳。𠂔幼穉也。周禮注。𠂔之言礦也。皆取骨胎之義。後有淺人。乃於卯部刪𠂔字。於石部礦下增𠂔字。痕迹顯然。此等考訂。非懷祖及足下。安能知我也。奉上原善一本。孟子字義疏證一本。石經攷異一本。又毛詩故訓傳四本。此書凡朱筆注處。皆弟恆心貴當之言。最堪探討。惟令人抄寫。則



儒藏

劉端臨先生年譜

其人不得其文理。仍須主人口講指畫耳。集韻俟再奉上。詹公近日作何生理。念念思亭索書二種。已寄與矣。蘇州顧廣圻字千里。其人尚未進學。而學在在東之上。校書最好。小兒錄遺。惟祈隨事教之。獨慮其無科舉耳。李霖若兄所辦。五月內乃有。五月十二日類催到壇。近日又奉府移關到蘇。使我勞勞。霖兄所開發十九兩有零。不知何謂。希吾兄叩之。另信亦望即付之。囑其見復爲感。

又書云

自拜惠藕粉復書以來。又若干日矣。弟自立秋後頗健。每日得書一葉。說文第三篇已畢。中秋已後。則又懈怠。看來五年內能成此書爲幸。不能急也。採得百花成蜜後。不知辛苦爲誰甜。每誦此語。爲之悵然。邵二雲已作古人。又弱一個。行自念也。毛詩略點定幾處。尚未暇校補。少遼緩之可耳。足下儀禮疏義得幾許。畢竟足下精力遠勝於弟。不可容易過去也。於說文有妙契獨解處。祈札示之以備采入。策算一本。是否在尊處。祈示之。腳已壞。而瘡不絕。終日所苦者。惟查書之苦耳。阮公近日考嘉湖已畢。招我薄遊。恐不能往。思亭近狀何似。乞致候。說文一書。賴吾兄促成之。然已注者十之三耳。故成之不易也。然處處如有神助。何時面質乎。自喜可以就正有道也。承許爲孫女擇婿。殷勤鄭重。已得之否。此最所拜望者也。

案以上四書。或論說文卅字。或懇爲孫女作伐。審其前後。必同在一年所書。第一通旣爲丙辰。以阮芸台考嘉湖之年稽之。亦合。第二三四通。載清芬外集。

又書云

訓詁之學都門無有好於王伯申者。陳仲魚新刊論語古訓已成。弟之說文已寫刻本二卷。囑江艮庭篆書。剗刷之工大約動於明冬。顧抱冲刻宋本列女傳。黃薨圃刻宋明道二年國語未成。明道本影抄在黃處。與鄉時臨本不同。臨本失之簡略也。翠栢黃梅歲寒清景儀禮已得若干。不可不嚴立課程也。

案翌年段書有爲顧千里呈政新刊列女傳事。此云未成。當在是年。

阮文達致書云

曩接賜函。過蒙獎飾。私心愧歎。何可勝言。近維履候。勝常著作。日富京江秋夜。真當有貫月長虹。以應經神也。弟近況托庇如常。現在校士嘉湖二郡。前曾有徵刻淮海英靈集之啓。今晤程中之兄。知寶應文獻兄處已收羅迨遍。詩稿皆在高齋。不勝欣慰之至。他日書成。日當特著大名。以誌盛心。將來或京口有人來浙。或弟處有人過京口。可將各集付下爲望。再者容夫述學已刻。又其詩及文。弟處皆無片紙隻字。近有人向其家索取者。靳惜異常。此事非兄不可。再彼有知新錄草稿。其中皆同時人詩及其自作。兄曾見之否。又秋史詩竟一首不得。于九太守詩亦不可得。兄處如有乞盡以付下爲囑。外附呈近刻文數篇。伏乞指謬。

案雷塘弟子記載徵刻淮海英靈集事。在元年正月。故次此。原文載清芬外集。

焦里堂循先生致書云

先生之學久聞。汪君容甫言之。己酉之春。曾乞容甫札。求謁左右。後未果渡江。至今殊歉歉也。邇



因阮學使之約客遊於越適程君中之自丹徒來道先生知鄙人名且索拙作宮室圖謹以一冊呈上幸進而教之循謂經學之道亦因乎時漢初值秦廢書儒者各持其師之學守之既久必會而通故鄭氏注經多違舊說有明三百年來率以八股爲業漢儒舊說束諸高閣國初經學萌芽以漸而大備近時數十年來江南千餘里中雖幼學鄙儒無不知有許鄭者所患習爲虛聲不得深造而有得蓋古學未興道在存其學古學大興道在求其通前之弊患乎不學後之弊患乎不學證之實而運之於虛庶幾學經之道也乃近來爲學之士忽設一攷據之名目循去年在山東時曾作札與孫淵如觀察反覆辨此名目之非蓋儒束髮學經長而游於膠庠以至登鄉薦入詞館無不由於經者既業於經自不得不深其學於經或精或否皆謂之學經何考據之云然先生當世大儒後學之所宗仰出一言以正其名俾共知儒者之學有淺深無同異則不致以虛聲漫附亦不致視爲艱途以阻其功力也先生經學最精微言奧旨不識能見示一二否循愚而多惑惑則必求其決往往錄之成帙宮室圖乃庚戌年授徒城南門人輩請爲是書因而刻之又有毛詩鳥獸草木蟲魚釋三十卷乘方釋例六卷釋弧三卷釋輪二卷皆已成書又有禮記索隱論語問答記詩地理釋三書稿本尚未改定又有鄭學述一書以鄭氏諸經注鳩而各分爲類而爲之疏證以明心之所向慕者在是也因無楷本未便寄上謹以散文數篇錄呈請教撰述之暇幸賜覽閱有不是處祈明示其誤。

案據焦氏雕菰樓集致孫淵如論考據書在乙卯以本書考之當在今歲惟清芳外集所載較焦

集多下半截蓋外集據原墨集據刪本也。

吳哲甫先生蔚光致書云

去冬得見顏色殊出意外然惓惓數語如管中闚豹見一斑到胥江後夜即解維不及奉謁闕然至今伏想先生含經味道日進無疆名山著作定又增尺許厚憾不來遊金焦攜至江天曠蕩處一快讀也承詢所業欲就正而不敢自戊子年始至於乙卯曾令兒子門生繕成詩四十五卷詞十卷說經古文雜體四十五卷而覆瓿之物雖多奚爲有外生爲刻詞先奉一冊爲大雅一笑香簌詩亦其所刻更是遊戲先生如王方平不喜作此狡獪抑或反許之謂尚不失風雅意否海內人文極盛而經學古文究可指屈先生其一也弟嘗與西莊縱談向來樸學詞章分道揚鑣茲則又添考據一家前輩頗譴之以爲未發然弟私意猶謂樸學兼經史而言也若穿鑿武斷沿襲傳會而不切於義理非真樸學也詞章兼詩文而言也若支離駁雜混入仙釋而不切於義理非真詞章也至於考據則可以助樸學詞章之用若細小名物無關輕重亦殫精竭力而專務焉豈不聞道形而上器形而下乎馮二仲廉其古文始卓然有成忽爲外道所惑致與前藁如出兩手而生亦隨之殞使人痛心欲取其文送待刪定付梓而繼嗣僻處海濱經年不入城亦不應試行過高也然終當勸成之雅堂吏部於文定師西苑直廬一晤迄於今日假歸後不出山否作近遊否外詞一份乞先生轉致至夢樓前輩常到蘇州與舍親汪心農交好可面奉教耳張虞樵兄亡姪從之游爲人質重同事必相得以其便通候不宣

案此書原未知年以書中云繕詩至於乙卯計之當在丙辰之後始系於此。

二年丁巳四十七歲。

在丹徒任。

家譜十一月十六日次子源蟠夢白生。

是年代鎮江知府某作重修鎮江府學記又代葉世倬作其父邳州州判葉君墓志銘暨其母范宜人傳俱載文集。

程易疇瑤田先生致書云。

不見叔度於今十六年矣。中間惟在嘉定時彼此一通尺素。中心藏之何日忘之。當兩地皆然也。頃至吳門得晤嚮城諸生汪覲揚言先生著書樂道優游自得而身世遭逢吉祥止止王不與存之樂乃今見之。段君若膺數十年寤寐相思不意其僑居於此幸得覲面登其堂促席論難。恩遽之間雖未能罄其底蘊然偶舉一端必令人心開目明實事求是誠今時不數數覲者。惟述傳聞一事言胡公督學江蘇時與瑤田大相齟齬且言先生所聞亦復如是真乃子虛烏有。然其說亦非無因。胡公歲試首臨蘇太到日蘇屬十學先登舟稟見即問新增補廩一條諸公不能對便逢其怒。進衙後兩屬教官同見坐定復問舟中所問者查過學政全書否。諸公仍以超增補廩答之遂大加申飭怒不可解。瑤田適於此條曾經披覽能言其詳一一對之其怒始息不知何以外間傳聞異詞乃借其言而反之殊不可解。瑤田在嘉定時有讓堂亦政錄一卷今行笈中只不全者二三十葉。



儒藏

劉端臨先生年譜

附上覽之。可以知胡公之於瑤田獨垂青眼。非如外間之所言者。拙刻通藝錄雖未刻全。然已開雕者約有八百葉。此番從杭來蘇。行笈中未經攜帶。只近刻考工車制二十篇。述性等九篇。訂正爾雅牝牡字一篇。圖四轂論二轂二篇。考定牛鼎字一篇。與阮督學論戈戟一篇。補桃氏數葉。附呈請教。以資笑柄。任子田汪容甫諸君皆相繼去人間世。而王懷祖亦已假歸。其廣雅前年得書言已成五卷。今聞其已經告成。然皆天各一方。不能合並。而瑤田之辭官。此官亦館耳。蓋不欲處館也。乃官尚未辭而已。於二年前先訂處館。老友方晞原忽以一病登鬼錄。金輔之爲死友之子計。必要瑤田館於其家。於誼難辭。而實非初願。如棄官而不館。尚可作游方僧。時得與三數良朋益友作萍踪之合。此番至杭。爲欲晤敝世兄汪育民。問訊湖北情形。順舟來吳。然家中尚未開館。學徒企望。故不能不速反棹曰歸也。身世不能自由。憶昔庚子歲都門南下。語人曰。吾茲大歸也。乃到家即爲吾座師今湖北撫軍呼去。爲世兄句讀師。南北奔馳者五六年。在京即不得不應試。遇大挑亦不得不赴挑。既赴挑又不能不得官而赴任。業已掉頭不顧。決意不館矣。而反爲館羈縛者於茲六年。不知何日能脫此樊中。以遂其任飛之志也。

案據王石臞年譜謂廣雅疏證成於乙卯秋冬。度易疇先生知其成書。當在丙丁間。又陳氏藏墨下有二月望日四字。故系之丁巳。

段懋堂先生致書云

春光大好。花事穠麗。禮經之疏義。更定幾許。抱經儀禮詳校一書。是否已見。其序中言急欲就正左

右茲其孤孫寄弟處行銷者輒寄五部於尊處希代爲貨之價以四百爲率折成銀更妥外有顧千里抱冲昆仲呈政新刊列女傳希收明作札寄弟處酬之弟於正月內病二十日邇日精神尚好拙藁已到五篇下食部昔人詩云開門常勝得千金今則閉門常勝得千金也竹汀於今年人日壽登七十知否午月是否一定到蘇把晤匪遙矣盧氏之書價並鄙項並望攜來爲感蘇藩東浦先生老而好學禮賢下士之至可喜也至汪生尚是讀書人但使其家尚可度日且不計較粧奩則以孫女字之可也懇大兄與貴同寮試言之或彼所願則無妨□爰也

案錢竹汀生於雍正六年至嘉慶二年正七十故知書在今歲

三年戊午四十八歲

在丹徒任

是年作張君竹隣傳載文集

四年己未四十九歲

在丹徒任

家譜三弟台斗成進士官工部營繕司主事

段懋堂先生致書云

客冬弟以事到潤衰病畏旅店之苦乃敢逕詣尊署重蒙雅義纏綿感甚愧甚別時未及面叩到壇至歲杪乃回蘇感冒寒病近日稍甦又將束裝新正初晤張涵虛欲作書而未能動筆今日乃能



藏

劉端臨先生年譜

作字衰年心血已枯、心中不快特甚。復價貴不可言。蓋說文全書、恐有難成者矣。近日又隨家嚴至壇、了祖瑩公事不得已也。此時弟惟一無所事、空山靜養、心病或可治、自愧精力遠遜、抱經竹汀西莊諸君子、迄無所成、貽笑後人耳。戴集俟刷印後別寄。全白田集能爲致之否。陳藩臺又逝、此間少一知己。浙中聞孫公刻文選、攷異文選、注補兩書。

又書云、

弟於前月二十七日發一信、不知已收到否。弟正月大病初起、不得已復到金壇、事之無可如何者也。弟於學問深有所見、若一切纏繞不盡所長、蓋福命之薄耳。周禮漢讀考已刻印、成可奉送。洲上杜家一信、祈求貴門、斗託使人致之。苟無使人、則爲出力錢三百送往是囑。弟既抱病而多事、內人主持柴米之務者也、亦復病廢不能理事。一家三十口、心之憂矣。云如之何。上有大年老人在堂、故近來宿食不寧、兩目昏花、心源枯槁、深惜說文之難成、敬羨吾兄精神有餘、爲可賀也。蕘圃宋本漢書已校出、弟不暇讀。儀禮疏已校出、何由足下得見也。丁小疋書來、必欲索還小孔公韻書。此公經硜、竟還之爲囑、封寄吳門、尚爲便耳。意欲延一後生能讀書者、相助完說文稿子、而不可得。在東已赴廣東、而芸台撰經籍纂詁、千里亦無暇助我。歸後再圖之。聘禮竹簠方、釋文是簠字、正義是簠字、以單行疏內簠字四見、今本皆作簠也。吾輩數人死後、將來雖有刻十三經者、恐不能精矣。如何如何。

又書云、

弟近來微理舊業。然今年所成者。二十葉耳。周禮漢讀考刻成。頃方刷印。馳上四部。足下可留其三。其一轉致思亭。此書成於潤州雨花庵。繙閱之功少。後來亦未大改。祈指摘訓誨之。偶自得二繆。一則據春秋正義的知東鄉爲人。卽左傳之向爲人。一則知外不廉。外謂火內謂火所燄處。旁謂火所不燄處。火不絕而燄處不槁。不燄處不暴也。元明人集此間甚少。曾記喬府書內。虞揭黃柳及明初諸公集皆備。今歸於庋閣之家。執事何不仍圖采之。弟頗有志於此也。竹汀集刻者尚有兩種。當徐圖購贈。五研樓詩速成之作。札寄與又凱。囑其購竹汀答問一種。傳一種。前者題跋一種。亦又凱所賜也。白田先生集及已刻之書。能爲致之否。竹汀箸有白田傳一篇。懷祖何日南來。其廣正發價甚昂。近者補刻表序。而拙序竟不刻。不得其解。便中試爲訊之。舍下祖塋事。果於七月內起遷矣。竹汀仍主紫陽。孫淵如明年主太倉書院。

案以上三書皆載清芬外集。年月據段譜。

五年庚申五十歲。

在丹徒任。

段懋堂先生致書云。

店內一信。今春乃得之。弟自冬入春。了無佳趣。由春多心病。不能讀書。則一切不適意。既不能讀書。亦無可如何之症耳。廿二史攷異。書坊內時有時無。昨命索諸竹汀之僕。而紙亦平常。徐日寄上五研樓之作。不拘散體駢體。及詩句都好。望一爲之。芸臺官聲好。竹汀多老態。弟則早衰。如何。



儒藏

劉端臨先生年譜

如何。日月如流。如有新知。乞示一二。

又書云

弟自四月以後。乃覺心疾霍然。成書七十餘葉。才到第八篇人部匕部竣事耳。日西方莫。恐其不成。可惜。圖迎臧在東相助。而未知其宜來否。以許注許一經拈出。無人不稱快。如但。裼也。故裼。但也。裸也。程但也。今衣部皆誤作袒也。寘室也。寘寘也。寘寘也。寘寘也。今宀部皆誤作塞也。不知塞隔也。隔塞也。此今之邊塞字耳。巾部飾。叔也。又部。叔飾也。叔得淨。便是文飾。說文所以無拭字。今又部作叔。拭也。五經文字所引不誤。如此等。必須注完。乃能更正。弟近擬爲儀禮漢讀考。庶使讀儀禮所得。不付子虛。在東在越中。以弟詩經小學節錄本付梓。曾見否。經籍叢詁一書甚善。乃學者之鄧林也。但如一屋散錢。未上串。拙箸說文注成。正此書之錢串也。廣雅疏證收訖。程易田書來。極贊其書。弟亦以爲不朽之作也。馬君索周禮漢讀考。適無印本。二小兒帶得二十本赴試。其歸舟。倘叩謁可索。否則。弟俟印成。馳上也。

案上二書載外集。

又書云

前者復書。想入台覽。茲小兒已歸。尚有漢讀考印本。因緘寄。乞察收。前書云塞隔也。隔塞也。此依西

京賦注所引。今本作隔。障也。俗人所改。

凡若此類。遽數難終。如人部。亘立也。立部。立亘也。今本又改亘也。爲

住也。住字說文所無。人部。傳遽也。走部。遽傳也。僵偃也。小徐爾雅音義同。僵僵也。今本作僵。債也。非是。

一部說文譌字須注完乃改得八九分耳。

案原墨藏陳氏。

又書云

吳莘田來知吾兄於北固山讀書授徒。想以江山發其箸述。所就日富也。弟自度歲至今。未曾讀書。於說文曾未落筆。摠覺不能用心。蓋蒲柳之質。柔脆使然。此書殆恐不能成。故仍願執事欲有所爲。尚宜彼彼。辛楣亦覺老態。蘭泉苦耳聾。易田上年書來。欲遊蘇揚。看來此公精力最好。聞五月初旬爲五旬初度壽辰。無以奉祝。輒具書墨二件寄呈。幸勿以爲菲薄也。

又書云

兒子金沙試歸。得手書。具悉一切。入冬來。賤體大好。今年說文稿成百四十頁。第九篇已發韌矣。無處不有。剝獲。前書所言之例。如心部悟覺也。見部覺悟也。今本悟改寤。又如領頸也。今本頸作項。飲食

並氣不得息曰。即詩亦孔之僂之僂字。僂從愛。愛從悉。悉從先。先即也。數千年來。乃不知僂有正字。僂訓仿佛兒。假借字也。有經術吏治之王紹蘭。官閩中。已陞知州。許爲刻說文。當先刻數本。孫淵如已領咨赴都矣。尊諭急成說文之語。極是在東。彼固未請。千里尚虛心。中丞曾面囑。亦不能不帶看經本也。但使春天無病。弟便可自在。五代同堂事。已由吳縣通詳。所以娛老人也。足下近讀何書。應酬稍減否。明春聞人都會試。固知龍頭當屬老成也。

案上二書載外集。



儒藏

劉端臨先生年譜

阮文達致書云

令弟來浙展誦瑤槭備承綺飾浣薇三復銘載實深丹徒人文素盛得先生春風化雨涵育薰陶俾一
黷之俊彬彬可觀詩人所謂譽髦斯士者先生之謂矣承示大作吉月朝服解辨注之誤抉經之心簡
明的當曷勝心洽先生著述甚富尚望早爲付梓以惠學者經籍纂詁一書雖已刻成尚有錯誤脫略
之處今奉上藁本一部勿示外人現在已延臧在東兄另爲補遺若干卷再爲續梓山左金石志容俟
刷印報命耳

案雷塘弟子記經籍纂詁謂成於四年十二月則此書當在今年

又案入祀鄉賢錄載先生候選知縣崇祀名宦錄亦有載取知縣說此蓋六年俸滿大計卓異時所
得特兩錄皆不言其年

六年辛酉五十一歲

行狀靖江君疾先生辭官歸

崇祀名宦錄一故宦在官嘗同教諭顧塋設立洒掃公局率諸生敬謹汜埽宮牆蠲潔嗣復勸捐督修
又稽式禮圖整飭祭器遵照樂書修明佾舞每朔望行香春秋丁祭恪恭祇慎度越常儀雖職分當然
要皆平日立誠之所著也

入祀鄉賢錄官丹徒月課諸生嚴覈甲乙日與諸生講貫學業言坊行矩率以身教取儀禮十七篇除
喪服不用其餘諸禮繪爲圖與諸生習禮容爲發明先王制作之精意士子之善良者掖之使自進其

無藉者反復勸勉務令愧悔自改乃已。故十餘年未嘗黜革。一生嘗謂教官不常接見士子。術業無由聞知。故諸生以時進見。以廉恥氣節相敦勉。貧者給以膏火。俾得壹志於學。人士多所成就。前寧國府學教授何佳玫、山東海陽縣知縣鮑文達、舉人左增譽、錢之鼎、張學仁、貢生應讓、顧鶴慶等皆以學行知名。實故官玉成之也。

崇祀名宦錄。故宦律已最嚴。生平廉介。束修外未嘗絲毫苟取。地方餽獻辭不受。疊爲上官所引重。而邑中紳士無或敢干以私者。其訓飭生徒尤不許干預外事。以故徒邑士風廉靜。數十年來無攬訟包漕之習。實當日以身爲範。感化最深也。

又云。徒邑縣志經久失修。重議纂輯。故宦偕教諭顧堃里人。臨安府知府王文治、內閣中書蔣宗海創定規模。搜羅文獻。頗著勤績。後以丁艱去職。未觀厥成。而飲水知源。士林至今銜感。

劉文淇青溪舊屋文集直隸州州判劉君墓表

君姓劉氏。諱鞏。字又曾。幼穎悟。八歲能屬文。稍長益致力於學。家極貧。叔祖端臨先生官丹徒訓導。召至學舍。授以經義。學益進。汪容甫先生每奇君才。謂端臨先生曰。此君之高弟子也。

案以上皆丹徒任內事。不能實指其年。故彙志於去任時。

家譜二月初一日靖江先生卒

墓表。靖江君卒。先生水漿不入口。出就外寢。蔬食五年之久。

顧思亭堃先生唁函云



前遣孫元祭奠方愧疏懶性成兼之俗塵累人諸務叢集是以未克躬詣老伯座前哭陳微悃乃大兄不加督責伏讀來書至誠惻怛肺腑欲語反以爲可與言者能不爲之怦怦心動耶顏德到鎮已與孫元不值弟即飭其分送各訃遠處亦即加封郵遞矣茲孫元回謝柬俱送畢承諭聯額辭章可速寄到連日並無託及想此邦本不重此並或有布鼓雷門之恨耳誠得大君子爲銘幽之作自足垂諸不朽其餘可勿問也有左生字一函並奠分數封陸續存在敝齋先爲馳寄前檄回京信俱即分頭寄還惟姚公先已回籍無從轉達茲附呈上兄可覓便寄京也鎮城風景日加頽廢任表率者意興闌珊同事又多委瑣回憶往時真有毫釐千里之別如吾兄者彌令人深去後思也

案原墨藏陳氏

府君行述十二月從窀穸之事府君志也。

是年作府君行述載文集。

案先生曾代蓼野先生作祭六姪女文文集未載年月無徵姑次於蓼野先生即世時文云昔爾父之棄捐汝閱歲兮纔九賴母氏之劬勞啖齋鹽以相守屬家運之凌夷羌無祥而有咎曩兄姊之五人今大半兮彫朽曩兩地兮相依今一存而一否母愛子兮傷情用不登乎下壽歎存者之幾人亦三星兮在留惟汝歸兮名門幸初心之不負有威姑之慈愛鎮相隣兮如母有夫壻之溫恭鎮相敬兮如友矧膝下之多男曰承歡乎左右繫冢子兮逡巡已克家而納婦割甘旨以娛孫亦何憂而何瘠粵六月之下旬告余病兮噦嘔謂暘暑之鬱蒸亦天行之時有詎藥物之難施竟諸醫之束手履

坦坦之夷庚。歛摧轅而折輶。哀汝質兮孔良。思汝情兮孔厚。歸夫子兮廿年。綜家人兮百口。繩賢媛以同聲。靡片言之可瘡。原婦職之難勝。洵舉惆而若輶。聞我老之到門。謬逢迎兮恐後。匪膳飲之從遊。每羅甘而設滫。納纓繫於吾孫。惟小男之是耦。須日月之幾何。將往供乎箕箒。脩盤饋於夙興。空宵衣而見舅。奠笄菜於皇姑。乃吞聲而闔牖。福何爲兮難全。命何爲兮不久。入汝門兮曷覲。有悲風兮颼颼。登汝堂兮曷聞。有哭聲之噉嘍。冀英靈兮歸來。鑒平生之食酒。嗚呼哀哉。尚饗。

案文載清芬集

段懋堂先生致書云

龔壻來得手書。備承雅愛。又徐大兄爾雅古注存弟處。未能有所發明。近日乃爲之序。欲述其官事。與其後人皆不甚悉。意大兄可以爲其墓志。詳悉書之。能使同志刊刻爾雅爲善。詩經毛傳。弟年來有所增益。可以成書。詹公寫本。徐當寄上。弟所爲釋拜。煞費研摩。足下當舉其何處最合。何處非是。寄示爲感。易田先生喪服文足徵記最精。足下曾否讀過。易田箸述之最大者。不可不讀之書也。如未見。可急索之。

又書云

接奉老伯大人行述。披讀之下。老成典刑。猶在羹牆。而吾兄仁孝顯揚之思。溢於楮墨。傳世行後之作。無過於此。弟賤體春病如故。栗栗危懼。望有以教之。說文注恐難成。意欲請王伯申終其事。未識能允許否。吉拜。凶弔。弟說固恐未安。春浦事實。弟不記識。吾兄應爲作小傳。附刻爾雅後。何時大駕涉江。泊



吳門罄談。弟衰朽。恐難北上相晤矣。

案上二書載外集。

七年壬戌五十二歲。

居憂。

家譜十月初三日。繼母鍾安人卒。

行狀先生事繼母鍾安人。與因母同。待諸弟歡然一體。無毫髮間隔。

案因母卽前母。出白虎通。

入祀鄉賢錄。

事鍾氏極孝。年十餘。溫清定省。惟謹。弱冠後。屏當家事。米鹽匱乏。不使親知。而甘旨不缺。後官丹徒。迎兩親於學署。雍雍色養。年雖五十。有孺子之慕。鍾氏或返寶應。有家信至。輒目瞤。

臧在東撰遺書後跋。

先生事繼母極孝。嘗客他所。忽心痛驟歸。而母病危甚。迺悉心奉湯藥。病旋愈。其誠感無間。所生如是。段懋堂先生致書云。

前兩札未盡欲言。所索易田書。已囑阮公便致。前奉託檢出竹汀書內。有弟手記劉熙履歷。近日哀痛稍暇。可能一檢。補注荀卿子甚佳。然弟所望於足下者。終在禮經也。謝氏所刻荀子。其中校語出於弟者。別紙錄呈。其餘不能申送。弟衰邁之至。說文尚缺十卷。去年春病甚。作書請王伯申踵完。伯申杳無

回書。今年一年說文僅成三頁。故雖阮公盛意而辭不敷文。初心欲看完注疏攷證。自顧精力萬萬不能。近日亦薦顧千里徐心田養源兩君而辭之。蓋春夏秋三季多不適。而春病尤甚。有不得不然者也。目下閱喪服篇。偶有所見。易田不無誤處。今呈一篇。又說說文者一篇。均祈賜教。

又書云

前者吳莘田兄令嗣往。曾有一函布候。並懇推轂。四舍弟經館。如其地尚虛左。鼎力爲曲成之。授讀而訓誥之。舍弟尚優爲也。惟多寫小字。有所不能耳。弟今年諸事繁冗。近日尤甚。恐拙箸不能成。孤負天下屬望。爲慮。姬傳九經說。曾讀過否。金輔之說。總衰十五升。去其半。無事其縷。向以爲精絕。姬傳則云。十五升。去其半者。朝服十五升。合二縷爲一縷。桐城所謂圓紗。實在千二百縷。總布則是單縷。不合而爲一。桐城所謂單紗。實在六百縷。而一密一稀。遠相去矣。聞金五以其說爲然。而謂己說爲非。按鄭亦云。六百縷而疏。足下試品評二說。畢竟誰是。

又書云

二十八日燈下接讀來書。如相晤面言。舍弟館事。蒙關切如是。可感之甚。詩經暇當料理。前云作劉亡友爾雅序。此事亦在心。而筆下未答。說總衰注疏。是世人之疑。只謂大功八升。總麻轉七升半。粗於大功矣。不知總用十五升布之縷一半。經之立文。不但云十五升。而必曰去其半者。但云十五升。則是朝服之布也。不云七升半者。云七升半。則是真粗於大功之八升也。布闊二尺二寸。總縷極細而甚稀。朝服千二百縷。則甚密。執事以爲何如。



儒藏

劉端臨先生年譜

案以上三書載清芬外集年月據段譜惟下二書疑在六年金輔之未歿之先未知是否。

八年癸亥五十三歲。

居憂。

是年作史母陳太宜人墓志銘載文集。

是年有與王石臞手蹟云。

行旌已臨袁浦不過一二日之留而適屆冬至有先人孟菽之祭必須躬親若待節後恐不相及執事使事有程勢難久駐而台拱以百里之近不獲晤言甚悵然也黃河由大清河入海乃其就下之性因勢利導是爲上策聞乾隆初年孫文定公執此議甚堅但不知究於運道如何執事履勘詳明必有定見坐言起行實在今日草莽中可得與聞一二否他所欲就正甚多恩恩不及覩縷雪後益寒途中惟珍重是禱。

案原蹟載昭代經師手簡。

九年甲子五十四歲。

居憂。

臧在東撰遺書後跋。

甲子三月庸應順天鄉試舟過寶應先生居繼母鍾太安人憂謂曰糧舩催趲上流堵截至濟寧舟益難行貽書河道王懷祖先生爲子謀車馬甫可達因餽以贐偕弟建臨虞部步送河干距先生家五里

許意若甚惜此行者再拜而後分袂。

行狀卒之前歲子女皆疾疫呻吟床簀間。問醫視藥累月經旬不得休息。病日篤猶綜理家政。祥禫之節躬自灑掃展敬生哀不以躬之羸而或懈也。

是年作敬節會例題辭亦文集所未載文云。

昔者衛共姜之蚤寡作栢舟之詩以誓於父母。孔子刪詩列諸鄘風之首。巴寡婦清用財自衛不見侵犯。秦始皇以爲貞婦而客之。爲築女懷清臺。夫共姜世子之妃。大國之女。服禮教而敦信義。固其宜也。巴寡婦擅丹穴之利。富擬王侯。葆貞全節。亦非人情所難。然猶褒大於聖人。顯貴於天子。興起於百世之下。不啻若前日事。至如今世委巷之癯嫠。窮簷窶婦。飢寒逼迫。困阨流離。茹荼飲蘖。迄於老死而不改其操。方之於古人。孰難孰易。不待較量而後知。而姓名不錄於搢紳。節行不稱於月旦。槁項黃馘。卒泯滅於無聞。豈不悲哉。江南蘇常潤三州舊皆有敬節會。立法詳明。用意深厚。邑人喬君擴齋與吾族祖淨軒翁等發潛闡幽。夙有同志。相與取三州之法。倣而行之。凡婦人三十以下。爲夫守志。歷三十年。例得旌表。而子姓單寒。不能以自達者。爲之訪求事實。以告於所司。所司加察詳焉。而以請於朝。天子下禮部議。覆施行。自是烏頭綽楔。焜耀於窮簷蔀屋之間。而日月之明。容光必照矣。夫文王發政施仁。必先於鰥寡無告。關雎后妃之德。被於漢廣汝墳之女子。然後王道成而麟趾應。是舉也。上以章聖朝之化。下以揚仁里之風。庶幾詩人之意乎。於是謹書其條例於左。而俾余引其首。

按文載清芬集。



儒藏

劉端臨先生年譜

是年有唁王石臞喪妻書云

月前聞執事有安仁之戚竊不勝驚怛之至。執事仕宦三十年家事毛髮絲粟以上無不由恭人經理不但繕完無缺而且饒裕有加。郎官俸薄長安米貴千里輕齎應時而至。此可比蕭何之完治關中不絕饋運爲漢家功臣第一。今以中年一旦化去執事能無失左右手之歎。況曼卿昆仲孝思純篤摧痛之餘復相感動此不能不爲執事懸切者也。顧恭人一生遭際爲人生所願望而不可必得者閨閣中如此獲福之全非獨今世所稀抑且古人所僅言念及此執事亦可以稍釋其悲懷乎。至於曼卿昆仲望時時諭以節衰順變之旨尤所切禱。台拱連年憂患頻仍衰老之態日增月益。今秋兒女輩皆病暑熱而大小兒染患最深醫家之貽誤亦最甚。幸天意垂憐得有更生之慶而台拱已衰之精力經此震悸更不可支形容之憔悴見者駭爲非人脈息之細微診者驚其欲脫。此時藥裏之外槩不驚心。然如此虛羸不知費幾許調攝然後得爲康強無恙人也。愛我如執事能不爲之怛怛已乎。聚五兄弟歸里略悉近狀。今因候補章君之便肅此奉慰並問起居伏維珍重。臨書馳系不定。

案據王譜吳恭人歿於九年故知書在是歲文載昭代經師手簡。

又案此書謂大小兒染病最深指巨源先生巨源卒於嘉慶己巳九月後先生歿四年又五年甲戌正月而建臨先生亦歿。故阮恩海跋有建臨先生巨源舅氏先後下世之說。阮恩海跋乃楚楨先生代作故所言經訓最精確文載遺書後。

臧在東先生致書云

前在濟寧託王二兄寄函候謝諒久登記室。鏞堂於四月二十八日到京即寓王伯申侍講所一月。明日就館內城豐盛胡同桂香東芳侍讀家課其令弟陳恭甫壽祺編修所薦也。先生前日面許撰賜論語鄭注序乞即撰成寄京爲感。孫鳳卿觀察馮翼頗好古喜刊傳漢儒之書或得大序而能付梓大妙。伊所刻拙輯爾雅注奉獻一本惜係未定本且譌謬特多聊備檢查而已。尊處所有呂音周易及韓詩鏞堂皆無此書。如有副本見寄幸甚幸甚。又前在令弟主政齋中見浙江圖攷特多鏞堂亦無此書。伊時心欲轉求一部倉卒登舟反忘之。希爲叱名請安並致意鏞堂本無所知去年又廢業一載今奔馳道途學殖將落深可憫惜。先生將何以鞭策之大箸何日可成。謂論語駢枝希早付梓流布以慰海內學者渴望之心。讀禮之餘想已有定本深恐過此精力漸衰也。言不盡意。五月廿二日椿樹頭條胡同王寓叩。

案本年三月臧先生曾至寶應此書乃到京後所寄。

十年乙丑

公曆一八〇五

五十五歲。

原譜五月二十二日午時卒於家。葬寶應城北之童溝卞家莊。朱彬作行狀。阮元作墓表。

人祀鄉賢錄道光十一年人祀寶應鄉賢祠。

崇祀名宦錄光緒五年人祀鎮江府丹徒縣二學名宦祠。

江藩撰漢學師承記略君六世祖永澄爲學以躬行實踐爲主子孫世傳其學。至君又習聞王予中朱止泉緒論深研程朱之行以聖賢自繩然與人游未嘗一字及道學。略君勤於讀書嬾於著述不似近人鹵



儒藏

劉端臨先生年譜

莽成書動輒盈尺。

江蘇詩徵端臨治漢儒之學爲世所宗秉鐸丹徒二十餘年鼓舞文教振興士習而持己嚴峻人不敢以私干至今有去後思。

荻汀錄世目錢竹汀盧抱經邵二雲王懷祖劉端臨爲海內五君子。

阮文達擘經室集與郝蘭皋論爾雅書略予姻家劉端臨之言曰子所雅言詩書執禮言者誦詩讀書從周之正言不爲魯之方言也執禮者詔相禮儀亦以周音說禮儀也小雅大雅皆周詩之正言也劉氏此說足發千古之蒙矣。

段玉裁經韻樓集致阮芸臺書略玉裁昔年深究古文辭之旨惟端臨知我耳。

盧文弨儀禮詳校凡例略江都汪容甫曾示余儀禮之但有鄭注而無疏者其間有朱筆校訂於注之先後頗有移易因經文初見處鄭或不加訓釋而於再見三見始出之校者因爲之移後以置前相傳以爲宋本而於賈疏殊不相合後質之高郵劉端臨以爲所校者實非宋本乃依元人敖繼公集解本也劉於此經用功最深惜未見其成書今爲鎮江學官亦不能往就正焉書成當先寄之或有增訂當錄附於書後。

案抱經先生以先生爲高郵人蓋以壤地相錯致誤。

案以上六則年月無徵姑次於此。

後裔

配曹氏無出。

行狀曹氏山陽人宣城縣訓導鈞女。

家譜曹孺人生乾隆乙亥年四月十三日卒嘉慶丙寅年正月十一日。

妾夏氏生子二女四。

家譜夏孺人生乾隆乙未年五月二十四日卒道光戊申年六月二十九日題旌節孝。

按家譜載夏氏生女四行狀誤載三今從家譜。

長子源岷字巨源號雪棧善詩箸有七略齋詩鈔並載江蘇詩徵及淮海英靈續集。

寶應耆舊傳巨源四歲入塾讀毛詩數過成誦九歲作桂花賦豫讓論稍長肆力詩古文辭灑灑千言悉空依傍讀書具隻眼箋註譌誤輒辨駁以明其意暇則考訂鐘鼎彝器以爲博古之助卒年十有七清芬外集載喬德謙撰劉生源岷墓志銘略源岷端臨先生長子略端臨先生以憂歸延余課其子不效尋常八股門逕使仿論記體往復條暢頗能自達其意如所作豫讓論游壽邱山記升車考斐然可觀既而範以制義繩尺落落有勁氣略其詩吐屬秀拔私念此子必以詩名不料其遽殞也。

清芬集載十二歲所作平陽安陽金皆漢物辨云予酷愛古泉偶得一枚必徧檢諸書詳其爲何代物而後快而尤留心於金幣甲子夏閱程香溪太史布泉歌以平陽安陽金爲漢時物且引漢安陽侯桀爲證予辨之曰上古刀幣並行自太公主九府圖法民咸便之繇是用泉而廢刀幣由周歷秦以及於



儒藏

漢千有餘年皆用泉而未或變也。安陽侯劉桀以漢武帝元朔三年封。而武帝時皆行三銖半兩及五銖錢。蓋金幣之廢久矣。元狩五年有司言三錢輕易姦詐。乃更請郡國鑄五銖錢。不聞請郡國鑄金幣也。且平陽安陽諸金制度鈎畫皆極古奧。其非漢時物。見者皆能辨之。古金待問錄以爲高陽金者近是。抑又聞之太昊氏高陽氏謂之泉。商人齊人謂之布。則平陽安陽當謂之金。謂之布泉則並其名而失之矣。

次子桂榮原名源蟠字樹東號夢白又號篁溪廩貢生歷署邳州海州通州贛榆安東銅山儒學訓導旌表孝子入祀忠孝祠先正祠崇祀銅山名宦祠。

女四長適阮常生。

家譜長適直隸清河道儀徵阮常生。

揚州畫苑錄劉繁榮字澗芳阮文達公媳觀察小雲之配寶應端臨先生女也。工詩善畫嘗摘取擘經室詩句分寫十六幀清疏濃厚各極其能細沈粗文分稱其句非淺見所能測其涯涘也。曾於文選樓親見之。

次許字史氏。

行狀次許字溧陽史氏十歲而殤。

三許字朱仕祿。

行狀幼許字增貢生朱聯奎之子仕祿殤。

四許字朱士琨。

家譜四許字亳州義門分司朱士琨殤。

孫三長書雲。

家譜書雲字縵卿號研舫夢白公子咸豐辛亥恩科舉人丙辰科進士內閣中書。

次登雲。

家譜登雲原名金簡字禹山號純卿巨源公嗣子夢白公子旌表孝子入祀忠孝祠。

三驤雲。

家譜驤雲原名湘雲字天衢號銘行夢白公子光緒乙亥制科薦舉孝廉方正辛卯科舉人歷任豐縣

江甯六合縣儒學教諭。

孫女二長適阮恩海。

家譜長適阮常生子道光甲辰科舉人特用主事四品銜河南直隸州知州恩海。

次適王凱泰。

家譜次適道光庚戌翰林福建巡撫贈太子太保諡文勤王凱泰。

曾元以下具載家譜茲不錄。



儒藏

劉端臨先生年譜 後裔

著作

遺書八種。曰、論語駢枝。

王念孫撰遺書序、略其有功於周孔之書者、如說如切如磋、如琢如磨、則據爾雅之文。有事弟子服其勞、有酒食先生饌、則據內則之文。子貢欲去告朔之餼羊、則據周官大戴記穀梁傳之文。關雎樂而不淫、哀而不傷、則據鐘鼓樂之、維以不永傷之文。入公門以下、則據聘禮記之文。吉月必朝服而朝。孔子時其亡也而往拜之、則據玉藻之文。皆聖經之達詁、而傳注之所未及。

經傳小記。

王念孫撰遺書序、略其疏釋儀禮經文、豪髮不爽、經所未言、皆能默會其意、既補鄭賈之缺、兼斥敖氏之妄。如屬官屬吏之分、卿大夫鄉大夫之辨、以及橫弓之爲南、踣弓、張侯設乏之在前、一曰、饌於東方之在東堂下、下飲之非在西階下、朝祖之奠之非用脯醢醴酒、條理之密、於斯爲極。

案、公初欲爲儀禮補疏、名屢見於王石臞段懋堂兩先生致書中、其後建臨公等哀集遺書、並入經傳小記、此序蓋仍舊名。

阮常生撰遺書後跋、略小記中、如詩噫嘻之十千、不同甫田之十千、周禮司儀三揖三辭之當作三讓、儀禮士冠禮之鄉大夫之本作卿大夫、禮王制古今尺里與畝之不同法、皆疏解確鑿、亦可見說經之大槩矣。

國語補校、荀子補注、方言補注、淮南子補校、漢學拾遺、文集。

阮常生撰遺書後跋。先生邃於經，不屑以古文見，故所作輒棄，存者止十有六篇。然如周公居東論、辨居東之非、苟避蓋避則有以釋朝廷之疑、避而居東則有以控天下之勢、而制殷遺之命，不獨二千年來儒者避辟之聚訟，朱子董書蔡帖之異同，可以釋然，而大聖人心跡之純、馭變之略，始並行而不悖。洵千古定論，猶得以文人之言目先生哉。

案文集所載先生文僅十六篇，今從清芬集逖入五篇，凡二十有一。凡八卷都名曰劉端臨先生遺書。

初刊於阮氏

阮恩海撰遺書後跋。外祖寶應鄉賢劉公，以嘉慶十年卒於家。先大夫吾祖命往奔喪，並取其遺書、論語駢枝、荀子補注、漢學拾遺，凡三卷。公之弟建臨先生編錄，吾祖審定付刊。世所行端臨先生遺書也。十二年，建臨先生與巨源舅氏錄經傳中考證語，爲小記三卷。文集一卷，先大夫復奉吾祖命校刊。世所行端臨先生遺書續刊也。公校書不下千卷，旁行斜上，朱墨爛然，不別錄藁。故歿後遺書甚少，其軼乃時時見於他說。未幾，建臨先生巨源舅氏先後下世，公之書遂無補葺者。道光初，次源舅氏興案，即夢復錄得國語、淮南子、方言補校，凡三卷。經傳小記、荀子補注，各續得若干則。小記舊有國語一白公初字則，方言十餘則。先大夫取小記中國語、方言諸條刪去，並小記三卷爲一卷，續錄附後。荀子續補亦然。於是編定全書，爲論語駢枝、經傳小記、國語補校、荀子補注、方言補校、淮南子補校、漢學拾遺、文集，凡八卷。較舊刻僅增一卷，而簡策加半，繕寫待刊，中道而殞，傷哉，傷哉。今年夏，小祥後，吾母始發先大夫



儒藏

劉端臨先生年譜 著作

書篋得所定公之遺書、泣授恩海、命付剞劂。

繼刊於廣雅書局。

案光緒丁亥先大父入粵、適張文襄開廣雅書局、王公雪澄秉恩主其事、徵刻先世書藁、先大父畀之此書在焉。

而阮氏之皇清經解有論語駢枝、王先謙之續皇清經解有經傳小記、國語補校。

附錄

段玉裁撰劉端臨家傳

君姓劉氏、諱台拱、字端臨、別字江嶺、寶應人。

六世祖諱永澄、明神宗時進士、官兵部主事、以清節冠東林、先璫禍卒、友人劉忠端公私諡貞修先生。貞修公以下五傳、皆有純德。至君父奉政公、諱世蕃、修身勵行、不欺衾影、鄉人皆矜式焉。官靖江縣訓導、諸生熏其德、咸愛敬之。封承德郎、贈奉政大夫。

君生有至性。六歲、母朱宜人卒、哀毀如成人。人家塾、終日端坐、未嘗離几席、終其身如是。

少穎悟。九歲作顏子讚、長老無所點定。

十餘歲、潛心理學、於其室設宋五子位、朝夕祀之。人里巷、目不旁視。時人有小朱子之目。年十六、補縣學生員。院試前夕、漏數刻不寐、家人疑其溫習經義、就視之、朱子語類也。

年二十一、與世父世讜、同舉於鄉。計偕入都、鄉人燕集、優伶雜進。君凝然湛定、終席不少移。比遊京師、年最少、鴻生鉅公、皆折節爲忘年交、稱端臨先生、而不名。朱竹君學士嘗語人曰、劉君大賢也、豈獨學問過人哉。然閉門卻掃、未嘗一至貴顯之門。七上公車不第。有時屏棄、出於朋好、其人慚恨終身。然終不爲詭遇、或欲羅致之、君辭曰、行時稟命老父、亦養志之私心也。

謁選、授丹徒縣訓導、學使者及諸長官雅重君、待以殊禮。諸生信從日衆、多執經受業爲弟子。凡所誘進者、至今宗之。



備藏

事父奉政公暨後母鍾宜人孝謹備至。烝烝色養。有孺子之慕。官丹徒時。兩親就養學舍。母時或家居。信至。母輒目瞶。先覺。如是以爲常。一夕。君忽心動。請急歸。母果病。君歸。母疾少差。卒無恙。母疾時。君侍湯藥。勞瘁日瘠。母憐之。語人曰。如吾子。不過所生哉。執兩親喪。居廬。不御酒肉。卒以毀致疾。

遇諸弟有恩。無毫髮間。然嚴憚之如父。與人無疾言遽色。然瞻其容儀。雖頑夫驕子。亦抑然自斂。尤不可干以私。然人亦信之。不以私干焉。

於天文律呂六書九數聲韻之學。莫不該洽。窮治諸經。於三禮尤粹。研精考證。不爲虛詞臆說。凡所發明。旁引曲證。與經文上下語氣。胥合。無少穿鑿。精思卓識。堅確不移。闡先儒未發之秘。當世通儒。僉謂懸諸日月而不刊。故盧紹弓、戴東原、邵二雲、王懷祖諸君。箸書多採擇焉。

已刻論語駢枝、荀子補注、漢學拾遺、經傳小記及文集若干卷。儀禮義疏、淮南子定本、未卒業。君說經少有疑義。或已經人道者。輒棄去。故存者或寡。然牛毛麟角。識者必能辨之。在潤州時。與予及汪容甫講論。尤稱莫逆。或至丙夜不倦。

平生無他嗜好。惟聚書數萬卷。及金石文字。藏於家。嘗謂碑版以資考證。爲經史之助。書畫好事者所收耳。卒年五十五。臨終神明不亂。

子二人。長子源岷。有神童之目。卒後數年殤。詩文存者。附君集以行。聞者惜之。

案此文段氏經韻樓集失載。今從清芬外集錄入。

孫淵如先生年譜

清·張紹南編撰

清·王德福續編

李文澤校點

刁忠民一審

蔣宗許二審

清海虞顧氏鈔本

《孫淵如先生年譜》二卷，清張紹南編撰，王福德續編。清海虞顧氏鈔本。

孫星衍（一七五三—一八一八），字伯淵，號淵如，清江蘇常州人。乾隆五十二年進士及第，授翰林院編修、三通館校理。散館，補刑部主事，陞員外郎。外放山東兗沂曹濟兼管黃河兵備道，署臬事。以母喪解官歸。嘗主講常州安定書院、紹興蕺山書院。起爲原官，補山東督糧道。後引疾辭官，歸金陵，主鍾山書院。嘉慶二十三年正月卒，年六十六。著述甚豐，有《問字堂文集》、《五松園文稿》、《平津館文稿》、《澄清堂文稿》、《尚書古今文義疏》、《古今體詩》。又工文獻校讎之學，嘗輯漢鄭馬注《古文尚書》，校刊《神農本草經》、《孫子十家注》、《周易集解》、《周易口訣義》、《夏小正》、《續古文苑》、《管子》、《抱朴子》、《孔子集語》等多種。

本譜爲張紹南編，王福德續編。張紹南爲常州人，自稱譜主「同里」。其所撰自譜主出生至嘉慶十六年止。王德福爲金陵人，其所撰自嘉慶十七年至譜主之卒。此譜記事詳於譜主仕履、著述，能確切反映譜主生平，文字平易暢達，堪稱上乘之作。

孫洲如先生年譜卷上

同里張紹南撰

乾隆十八年癸酉君一歲九月初二日辰時生於常州府城觀子巷今為劉氏宅也。生前夕大母許大夫人夢星墮于懷舉以授金夫人比旦生君因以命名。及長父書屏先生取郊祀志太一贊德星昭衍及淵曜光明之語名星衍字洲如。是年三月君父入都君娘纔四月。

乾隆十九年甲戌君二歲居常州。

乾隆二十年乙亥君三歲居常州。

乾隆二十一年丙子君四歲居常州。秋父書屏先生中式順天榜第十三名舉人。

乾隆二十二年丁丑君五歲居常州。始從從叔父晚霞先生受



儒藏

業與從兄履謙同學。兄先名玉，後以戊戌科成進士。

乾隆二十三年戊寅，君六歲居常州，讀書家塾。每夕，君自塾歸，大母許太夫人篝燈令誦日所習書。母金夫人紡績在側，夜深始就寢。君為同舍生戲，傷額，恐大人憐之，師責同舍生，乃入門故作失足致傷狀，識者知君天性仁恕矣。是歲，父游天津，授經楊氏宅。同里乾隆丁巳進士直隸雞澤令王公光燮客津門，相遇從。王公故精于平術，適見君年命，推之以為不凡，歸里後遂倩戚黨以第四女許字之。君年命為癸酉年辛酉月甲寅日戊辰時，術者或云坐酉向卯，龍虎拱門，或云辰酉為龍鳳呈祥，皆合格。

乾隆二十四年己卯，君七歲居常州，讀書家塾。

乾隆二十五年庚辰君八歲居常州讀書家塾。

乾隆二十六年辛巳君九歲居常州讀書家塾。君幼多疾或坐臥室中神遊出舍言所見牆屋外過路人事有微驗。許太夫人恐其非壽徵常以為憂。是歲出痘花幾危。許太夫人金夫人抱持不眠者兩旬始愈。其秋父自都歸君始識父焉。

乾隆二十七年壬午君十歲居常州就外傳讀書。閏五月二十二日仲弟星衡生與父生同日因以同壽為小名。

乾隆二十八年癸未君十一歲居常州就外傳讀書。

乾隆二十九年甲申君十二歲居常州就外傳讀書。

乾隆三十年乙酉君十三歲居常州就外傳讀書時

高宗純皇帝御蹕南巡同舍生有引君出東門觀



行慳者其日人多擁擠、或閉城門、致出入者愈積壓、踐踏至死者甚多。君年幼、在衆中悶絕、鼻血不止、倚人門、門倒殞地、自以必死、忽有翼之起者、乃得生。送君東門外小巷中、君問此人姓名、卒不告、至今不知何人也。

乾隆三十一年丙戌、君十四歲、居常州。父在都挑選二等、以教職用、回籍候選、家居課子、授以昭明文選、君能背誦全部無誤。乾隆三十二年丁亥、君十五歲、居常州。父署丹陽縣教諭。

乾隆三十三年戊子、君十六歲、居常州、侍父讀書。冬、父選授句容縣教諭。

乾隆三十四年己丑、君十七歲。二月、父奉許太夫人挈眷之句容教諭任、君隨侍學舍讀書。是年九月初三日、季弟星衡生。

乾隆三十五年庚寅君十八歲居句容學舍讀書。

乾隆三十六年辛卯君十九歲居句容學舍讀書。夏歸常州應院試未獲雋即返句容。十二月就婚王氏宅。

乾隆三十七年壬辰君二十歲居常州外舅王氏宅與內弟王兵部育琮孝廉寶雲吳大令兆新兄弟同筆硯肄業龍城書院。每課輒列高等。時郡守為今費相國淳府試拔置前茅。六月受知於故相國學使彭文勤公元瑞入陽湖縣學第九名附學生員。七月至句容省視大母二親逾月歸常州。同里蔣侍御和亭知君才索詩觀之大加賞異。從姊夫楊西禾倫負詩名迭相唱和呼為畏友。

乾隆三十八年癸巳君二十一歲居常州外舅王氏宅肄業龍



城書院。夏遊廣陵，訪楊西木於維揚客館。與黃秀才景仁同舟對咏，黃有贈君七古詩，載集中。君時亦號薇隱。

乾隆三十九年甲午，君二十二歲。二月，長女生。至句容省視大母二親，肄業鍾山書院。君通說文，主講盧學士文，昭常與考証古學。洪君亮吉、楊君芳燦俱館於金陵，時相遇從。袁簡齋太史枚居隨園，主持風雅，君懷詩往謁，倒屣而迎。閱君詩，跋其卷曰：「天下清才多，奇才少，讀足下之詩，天下之奇才也。恨相見之晚，亟薦之當道，相與為忘年之交。」金陵詩人陳毅、何士顥、方正澍諸君皆隨園門下士，爭以詩投贈，就正焉。錢少詹大昕主講鍾山，嘗與君講論經術小學，甚相契。因同遊茅山，玉晨觀鬱岡，搜討碑碣，手錄華陽洞口宋人題名甚多，皆志來未載。是科試下

第九月歸常州居外舅王氏宅與同里洪君亮吉黃君景仁趙君懷玉楊君倫呂君星垣文誥無虛日。

乾隆四十年乙未君二十三歲二月挈眷至句容王夫人故閨秀儀容淑令好學工詩博覽史傳君每讀史記兩漢晉書或以義相質或賦詩相和若益友焉又約習篆書七月次女生是年洪君應林大令光照授經之聘于時訓導全椒朱沛少府錢塘汪蒼霖林公子嗣基皆能詩常相酬唱句容士夫王司馬周南斗南吉士兄弟駱秀才存友朱秀才鏞沈上舍紹祖同為勝遊雅集冬偕林公子洪稚存遊茅山入華陽洞燃燭行數里乃返作五言古詩四首紀之。

乾隆四十一年丙申君二十四歲居句容學舍春外舅王公至



儒藏

句容邀往和州校試卷逾月乃返。時王夫人得嗽疾七月歸寧。君偕回常州訪醫診治病日劇。十月二十三日王夫人卒於母氏所。君哭之慟。以為佳偶難得。誓不再娶。錄其遺詩。十一月。權葬於常州東郊之橫塘鄉。歲暮始返句容。其後孔太史廣森為王夫人作駢體詩序。

乾隆四十二年丁酉。君二十五歲。正月歸常州。訪楊君倫。趙君懷玉。呂君星垣於澄江。君以悼亡未久。不與科考而返。至句容學舍。七月至金陵。以王夫人行狀並遺詩乞袁簡齋太史作墓誌。太史隨園詩話述其事。是科試不第。至泰州謁林刺史光煦。歸途留滯維揚。與汪明經中及汪孝廉端光。汪上舍文錦。方秀才本及其從子又輝。萬秀才應馨。余秀才鵬年。金秀才蘭諸名

士爲詩會、揚州傳誦君詩句、寓居文選樓。至今以爲嘉話。十二月返句容。

乾隆四十三年戊戌君二十六歲居句容學舍。二月、二女皆以痘殤。三月、謁安徽劉學使權之、與洪君亮吉校文幕中。登白紵山、采石磯、太白樓、泛舟過天門山、遊黃山、白嶽、登天都峰、窮極其勝。十二月返句容。

乾隆四十四年己亥君二十七歲居句容學舍。時汪君中客江寧、章太守攀桂延君入幕。秋、

恩科鄉試、爲劉相國塘錄科見遺、君灑然竟歸、吟嘯自若。

乾隆四十五年庚子君二十八歲。二月、

高宗純皇帝御蹕南巡、君至金陵與



儒藏

召試報罷。與方君正澍、顧君敏恒、儲君潤書讀書金陵城西古瓦官寺。君翻閱釋藏全部，得一切經音義、華嚴經音義，多引倉頡三倉，因輯而刊行，始傳於世。後至西安，屬莊大令所刊一切經音義，夏返句容。十月，歸常州，遊吳門，以王光祿鳴盛江布衣聲，撰注尚書，造門訪謁，與談鄭學。陝西撫部畢公沅時以母憂家居，聞君名，延之里第，與錢明經站同修關中勝蹟圖志。時蔣侍御和寧、錢少詹大昕、趙觀察翼來吳門，畢公邀遊靈巖山館，君與錢君皆在坐。其冬，畢公奉命復撫陝，欲邀偕往，君以遠遊必告，乃返句容。至歲除，行抵西安節署。

乾隆四十六年辛丑，君二十九歲，在西安節署。與嚴侍讀長明



錢明經站校訂古書始為山海經注。時吳舍人泰來、莊大令所皆在節署。洪君亮吉亦自都入關。朱學士筠素知君名。撰句云：小學劉臻吾輩定，麗詞庾信早年成。書楹帖寄贈。

乾隆四十七年壬寅，君三十歲，客西安節署。纂修邠州醴泉等方志。是時節署多詩人，約分題賦詩，各體擬古共數十首。同人詩成，君未就，與同人賭以半夕成之。但給抄胥一人，約演劇為潤筆。既而閉戶，有頃抄胥手不給寫，至三更出詩數十首，有東坡生日詩在內，即文不屬稿之作也。中丞嘆為逸才，亟為演劇。乾隆四十八年癸卯，君三十一歲，在西安節署。時姚觀察頤督糧陝西，招君及幕中諸君，劉中書召揚、蔣孝廉知讓、燕集論文，為畢撫部校刻宋敏求長安志及刊山海經跋事，以賢為貢生。

入都應京兆試，乃自蒲州至運城，謁沈觀察業富，觀鹽池。什弟
星衡亦自句容應科舉至京。八月試罷，乃挈仲弟西行，陟井陘，
至晉省，迂道河津，觀龍門，渡河之韓城，訪傅大令之邵陽，觀曹
全碑，入關。

乾隆四十九年甲辰，君三十二歲，客西安節署。時王少冠龍為
臬使，幕中多才俊，纂金石萃編，因留下榻旬日。

乾隆五十年乙巳，君三十三歲。二月，自關中至句容省視大母
二親。三月上巳，偕朱秀才鏞遊西郊，得吳萬府君碑及梁天監
井闌文，為前金石家所未見。四月，至大梁節署。

乾隆五十一年丙午，君三十四歲，客大梁節署。二月，由偃師之
洛陽，觀伊闕。至西安，客咸宜莊大令忻署，纂修長安咸宜縣志。



四月、仍返大梁、捐納布政經歷職銜。七月、返句容、就本省鄉試。是科主試為朱文正公珪、四書首題過位一節、君二場經文引經博瞻、三場對策通古學、朱公搜落卷得之、曰、此必汪中作也。朱公先在都與彭公元瑞約、吾此行至江南、必得汪孫二人、故以君文為汪作、遂中式第八十七名舉人。朱文正嘗謂君時藝雖不佳、吾閱之字裏行間皆通人氣息也。是年汪不就試、公曰、吾無遺珠也。時副主試為江西戴編修心亨、今大學士衡亨之兄。同榜中式者如阮撫部元、汪閣學廷珍、後皆以經術受知、餘亦多通人俊士。海內以江南丙午科為名榜。九月、至金壇、謁房師胡大令志熊、因訪季子廟于九里鎮、手拓十字碑以歸。十一月至大梁。

乾隆五十二年丁未，君三十五歲。正月，客大梁節署。二月，偕洪稚存、唐栢、田仁埴入都會試。主試為王文端公杰，副主試為瑞閣學保、姜少旼。中式二十三名進士，對策進

呈

御覽。四月，

殿試讀卷官為阿文成公桂、嵇文康公璜、彭文勤公元瑞、紀文達公昀諸人。公擬以君卷入十本進

呈，或指卷中用貳臣傳一語，以為非宜。紀公曰：「此卷博核，不入十本，吾當引故事單奏。」彭公曰：「果爾，吾欲聯銜。」阿公取視之，曰：「此卷吾亦賞之。」為置第二進

呈。

上已改第一、閱卷中誤書耕九餘三為耕三餘九、仍以一甲二名。

賜進士及第、授翰林院編脩。

上稱今科鼎甲得讀書人、寓居青廠、今為武陽會館。六月、父以舉班截取知縣、奉大母許太夫人、母金夫人、自句容歸常州。父入都赴選。

乾隆五十三年戊申、君三十六歲、移居琉璃廠、官翰林院編修、充三通館校理。君在庶常館試詩賦、援筆立就、阿文成公桂王、文端公杰皆賞異之、每課必拔以冠同館。四月、仲弟星衡自常州至都。六月、父選山西河曲縣知縣。八月之官、仲弟星衡隨侍。乾隆五十四年己酉、君三十七歲、居琉璃廠、官翰林院編修、校



刊晏子春秋。君以父官河曲遂隄，山路崎嶇，不能迎養。二月，遣使迎大母許太夫人、母金夫人於常州。四月，散館。君試屬志賦，用史記卿卿如畏，和相國坤不識，疑為別字，問之紀文達公，則紀不言，乃置君賦二等。引見奉

旨以部員用。故事，一甲進士改部，或奏請留館。時和相國知君名，欲君屈節一見君卒，不往，曰：吾盍得上所改官，不受要人留館之惠也。遂就部郎。又編修改官可得

員外，前此吳文煥有成案。或謂君一見和相即得之。君曰：主事終擢員外，何汲汲求人為？自是編修改主事遂為成例。後有董編修教增，亦如君改補。五月，大母許太夫人、母金夫人暨兩弟

眷屬至京邸。季弟星衡往河曲侍父。九月，題補刑部直隸司主事。君與同年馬君履泰同改部主事，缺出，散館名次馬在前，阿文成公以君榜名在馬前，欲先補君，君與馬互相讓。適又有缺，乃同日補官，部中同官兩賢之。阿文成公嘗重君，不入和門，每擢官必曰：「此和相不能致之人也。」

乾隆五十五年庚戌，君三十八歲，居琉璃廠官刑部直隸司主事，總辦秋審。五月，

御賜摺扇荷包。君所居埽室焚香，為諸名士燕集之所。畢督部入

覲，招名公卿雅集於此。阮公元時以孝廉館內城，與君尤密。又有同部魏君成憲、方君體伊、君東綬、楊君夢符、王侍御念孫、徐



民部大榕、張太史問陶諸君相過從，海內能文講學之士皆樂登君之堂。高麗使臣朴齊家入都，由書肆見君所校古書，介所知投刺訪謁，君以唐刻石經持贈，因為君書問字堂三字，並賦詩以謝。是年八月，恭遇

高宗純皇帝八旬萬壽，以六品得與賜宴。

覃恩，晉贈大父奉直大夫、刑部直隸司主事。

晉封大母太宜人。父以現任例不受

封，母宜人。

乾隆五十六年辛亥，君三十九歲，居琉璃廠官刑部直隸司主事，總辦秋審。五月，題陞刑部江蘇司員外郎，以避本省調辦直



轉司事。君在部寬仁，務求平法，雖枷杖輕刑，未肯加重，平反核
讞，全活甚多。甲有竊主財逾貫，詣其友乙，匿其數以告，分金而
逸。事發，乙得知情，藏匿罪人，減等罪，應流。君以為律稱知情則
坐，乙不知滿貫也，應以所知數坐減問徒。上之司寇，詰以乙所
言無實証，如獲甲言實告以逾貫，奈何。君言：此名例所謂通計
前罪以充後數也。乙卒得從流減徒。君又言：律文稱囚者在繫
之名稱罪人者，犯事在官之名。今或未到官，名之罪人，或藏匿
罪人，問擬縱囚，非正名之義。大司寇胡莊歟？公李堂常聽其言。
每疑難獄，輒令君依古義平議，行十八司存，以為規格。湖廣有
子護嫁母傷人至死獄，
勅下法司議，或以嫁母期服減於母，則護嫁母不得與母同科。

胡大司寇屬君議。君以古者父在為母亦期，屈於所尊，嫁母服期，因宗子主祭，非謂情當殺也。引宋王博文請封嫁母，又為行服，謂子無絕母禮。又引唐八座議，宋史禮志凡父卒母嫁，有心喪三年之制，子無絕道故也。護嫁母出，母俱當與母同議減鬪殺罪。大寇是之。甲有馳車犯乙死者，已當過失殺罪，甲恐以無故馳驟車馬獲重譴，介所知以兼金求免。君曰：吾不受暮夜金，君罪止過失殺，無為人所誑也。甲慙謝去。有孝子為父報仇，殺縣役生死，其父姊控部，弟實為縣役逼斃，請檢尸傷。當道某屬託君。君曰：吾豈能枉法殺孝子哉！其他持正類此。

乾隆五十七年壬子，君四十歲，居琉璃廠。官刑部直隸司員外郎，總辦秋審。三月，扈

蹕西巡。過大茂山。出龍泉關。上長城嶺。入晉境。至五臺。君父以河曲令治道臺懷。因省謁焉。時大雪如掌。山巖紅桃徧放。歸。屬羅處士聘為五臺省謁圖。四月。回京。君自王夫人亡後十七年。不娶。大母以君四十無嗣。冬。命置側室潘氏。

乾隆五十八年癸丑。君四十一歲。居琉璃廠。官刑部直隸司員外郎。總辦秋審。春。扈

蹕巡幸天津。大風阻

御舟。

上改乘肩輿至

行宮宿。君約同僚步行卅里。馳赴

行在。



儒藏

孫淵如先生年譜 卷上

上察各部之無曠班者予錫賚。

特賜緞疋。是冬移居孫公園。宅故多變怪。扃戶數年。無人敢居者。君與主人約減租改宅。君以天罡塞鬼戶。時杜寅方後戶。宅遂安寧。有枯松復生。同人繪圖為詩紀其事。八月。父署大同府渾源州事。十一月。署沁州直隸州事。至明年夏回任。

乾隆五十九年甲寅。君四十二歲。居孫公園。官刑部直隸司員外郎。四月。恭預摺扇荷包之

賜。五月。題陞廣東司郎中。皆在總辦秋審處。退食之暇。補集鄭馬注古文尚書。撰問字堂文集。冬。京察。相國阿文成公。大司寇胡莊敏公保薦一等。

乾隆六十年乙卯。君四十三歲。居孫公園。官刑部廣東司郎中。

總辨秋審春引

見記名以道府用。閏二月、燕同館吳君錫麒、張君問陶及王孝廉、芭孫諸人于櫻桃傳舍、各為詩、見王君淵雅堂集中。五月、奉旨簡放山東兗沂曹濟兼管黃河兵備道。先十日墜車折足、醫者言百日可愈。七月至熱河、奉旨不必請

訓、即行赴任。八月、奉大母許太夫人、母金夫人暨兩弟眷屬、由水程往山東。至德州、足始能行。先至歷下、時巡撫王德公為比部舉主、甚喜君至。學使阮公元先有詩寄君云、萬朵荷花五名士、一時齊望使君來。馬君履泰主講灤源書院。武進士億桂進士履及諸名士之在阮幕者、常相燕集於大明湖。阮公刻石紀



之。九月，至兗州道任。十一月，父河曲公引疾去官，仲弟星衡自山右隨侍至兗州官舍。奉檄簿錄伍督部拉納貲財，至兗束一帶截留箱笈數十，金玉幣帛累數萬。君一夕簿記報大府，不任吏役抵冒，撫部甚稱之。君與伍舊識，有詩云：昔年曾此遊金谷，今日深愁過盜泉。十月，至厯下，奉檄往泰安費縣交界斷爭煤窑獄。道中奉河督檄署運河道。回兗州，仍至濟寧，勘工曹南與豫撫景公安以匿名書一案，連繫數百人入告。君馳往，與開歸馬觀察慧裕會鞠。方冬，囚荷琅璫鐵鎗，衣不蔽體。君曰：藉其家無證驗，是誣也，宜盡釋之。會部使者東來，供億繁費，蒿一乘，輿夫每日索費三百緡，大吏愛之。君曰：案早結，則省費，吾試任其事。自夕達旦，親定爰書，釋數十人，推被誣者。



生平嫌怨得匿名書者伏罪結案。部使者如君案牘報

聞三日出境去。後星使管民部世銘作詩寄君。有得情成獻勞
詔我之句。注云。時鞠匿名飛書案。爰書悉本初牘。魚臺有控官
案。奉檄往鞠平之。其後令以君母壽饋多金。會君公出。弟星衡
却之。君曰。吾弟知我。濟盜州有僕傷主陰致死者。君鞠其僕。得
拒姦踢傷狀。斷以名分已絕。如平人誤傷活其僕。

嘉慶元年丙辰。君四十四歲。官充沂曹濟道。恭逢

今上登極

覃恩。

晉贈大父中憲大夫充沂曹濟兵備道。

晉封大母恭人。

封父中憲大夫兗沂曹濟兵備道、

晉封母恭人。正月、奉檄至曹南

諭祭劉督部葬禮畢、同黃司馬易游嘉祥紫雲山、觀武梁祠畫
象、歸、為吳孝廉鼎與族妹成婚于署齋。族妹貧、隨叔父流轉入
都、幾為王府蓮室、君以為不可、留育之如親妹。以吳才士、許嫁
焉、至是合卺。有南樓却扇圖、各為詩。吳後入翰林、游擢學士。朱
文正公常以為嘉話。三月、赴曹單防汛。兗州城西有泗流、通濟
水、名府河、又名魯王運糧河。日久淤墊、夏秋有水時、又以橋梁
低壓、不便運載。君議浚河築堤、高其橋梁、則兗濟通運、便民、府
城市集不至寥落。李河督奉翰以為然、君請捐廩舉事、後以去
任、無成其事者。君以濟陰湯陵書傳所傳即在曹南、其山西榮



河湯陵雖列祀典，實宋已來傳訛之迹。因備考諸書，據漢崔駰、魏皇覽、晉伏滔皆云湯陵在濟陰之說，移咨晉藩謝方伯、啟昆、並考榮河之陵出後魏小說家言，張恩破陵得銘，附會殷湯，未為典要，急宜釐正，申上大府。後君再官東省，曹縣孫令立方卒為修整湯陵廟屋，撥地畝奉香火，立碑紀事。兗州城外有古墓，明人題為柳下惠墓，君考柳墓在泰安，有元時展氏先塋碑，乃題柳下季壠，立石識之。四月回兗，採集括地志，刊刻成書。五月，湖北教匪擾及河南郡縣，曹豫接壤，一河之隔，君奉檄赴曹南，駐兵戒嚴。康廉使基田奉

命兼治河。七月，曹南水浸灘，潰決單汎，君偕康廉使築堤搶禦。時新料未刈，舊料運載不濟急，君鳩工集夫，五日夜從上游築

堤遏禦大溜中斷、河歸中泓、不致橫決。河帥未為列上其事、君亦恥以此見功云。為詩有黃金與土真同價、滄海為田止片時。又有比戶視民仍按堵、省山容我又支頤之句。其後十餘年、原公過君楊村舟次、猶云吾治河數十年、未見已決口能即時堵閉者、惟曹南之役、吾與君成之、省

國家數百萬帑金也。時撫部王德公調任浙江、上以山東新任臬使張長庚在軍營、不能來東、

命新撫伊江阿會同舊撫舉道員中能勝臬事者以聞、兩撫以君名入奏、奉

旨署臬事。七月到省。八月、命兩弟眷屬隨侍大母二親至濟南臬署。君下車、日以整肅吏治為己任、親定爰書、不延幕友、矜慎



庶獄多所平反。甲與乙有姻，共飲，乙醉墜火炕，吐燒酒，引火，燄灼燭至死。甲醉臥不知。鞠獄者坐甲以奪壺斟酒，有爭鬪形，擬鬪殺罪。君曰：甲主乙溺，奪乙壺勸之飲，名奪實讓也。改甲坐過失殺，出其罪。有婦因姦謀命獄，其婦某家妾，夫遠出，主母惡之，會僕婦死，誣以謀毒，問官又實以姦夫言婦淫，主婦令僕婦守之，惡而行毒，已具獄。君鞠婦以某日歸室，僕婦後二日以子殤與夫爭，忿自盡，出冤婦於獄。因有共毆人至死，過堂呼冤者，自言本緯夫，見所過有衆共毆人，勸止之，不從而去。越數月，邑令始拘訊之，酷刑，証服下手毆人。君詰以衆中有相識者否，答以舅氏某為縣役，在旁知狀。密拘縣役詰之，乃因姦殺人，縣令回護，聽其屬甥認罪。始以鬪殺傷輕，緩其死。上司駁詰，改擬傷重。

入實、囚知死乃不承。君告縣官乃以失察處分枉人命、吾為子救正陰禍也。有稱錘傷人者擬成、君言例有沿江濱海執持亢器秤錘傷人擬遣之條、是亢器秤錘非尋常稱錘也。且平人不得謂之匪徒、按律改其罪。有索負不償者、褫其衣、負債人因病猝死、科以屏去人服食至死成獄。君檢其時三月杪、不得以寒致死、改議威逼條生罪。有詬詈婦女致死獄、君以事在一月前、不得謂之忿激、鞠得婦自與夫毆詈自經狀、出生罪。凡權臬七越月、平法數十百條、活死罪証服者十餘獄、亦不以之罪縣官、云縣官實不盡明刑律、皆幕僚誤之也。先是臬司問囚、謂之過堂、有呼寃者、令首府縣加考掠以伏罪、故無平反獄。君親問囚、自為爰書、由是囚得盡其詞、而承審官始不能屬託以成寃獄。

山左風氣為之一變。君敦勸古學，嘗以策題試十府士，以觀風尚。識拔高才生，士林向慕。時舉孝廉方正，採訪務得實行之士。舉文登畢秀才，以田濟孟王秀才宗敬等皆知名士。畢中丁卯科舉人，王亦發科引。

見記名，以知縣用。是冬行計典，與康方伯務察廉吏，舉列薦章，以杜奔競。如蘭山縣崔應辰，招遠縣李如珩，後皆以清名受知。膺不次之擢。崔官至濟東道，李官濟孟直隸州。十二月，移咨康方伯，請開濟上牛頭河。濟水故瀆，經荷澤鉅野鄆城嘉祥濟孟魚臺之境，又名安興墓河，又名小黃河，合古濰水及濬、臺首宿諸河，入舊運河。前撫部明興奏浚，未及深通，年久又加淤墊。一遇雨潦，沖充一帶水無宣洩，淹及田禾。君請濬深谷河故道，



水潦既有所歸、匯入微山湖、又資濟運之用。居民之佔種河道者、皆非之、久之不能行。其後十二年、河帥撫部等卒、以初議入告、開牛頭河、沖上水潦、得以宣洩、保護民田甚多、君發端也。

孫淵如先生年譜卷上

孫淵如先生年譜卷下

同里張紹南撰

嘉慶二年丁巳，君四十五歲，權臬事。正月人日，為君大母許太夫人九十壽，稱觴柏府。大吏僚屬登堂拜祝，各屬有以金幣為壽者，奉大母命悉却之。荆撫邵道乾時為登萊青道，嘗稱君為真清吏，生平所未見也。維縣有武弁犯法，挾厚力求脫，令不可干，因賄通和門致書開說。君訪捕鞠之，械和門來者於衙，得書者大驚阻，亟掣君出省。回任防汎，奏言知府護理道任，呼應不靈。

上以河堤任重，即著君回充沂曹濟道任。出省時，各屬感君廉正，却陋規，相率斂費贈君，君不納。道過泰安，大雪盈尺，君去年禱雪泰山，至是如有神應。為詩云：半壓黃塵半遮樹，却嫌絮白。



太分明。黃司馬易寫為圖，吳祭酒錫麒有詩。五月，赴工防汛。秋，江南豐工及東省曹工同時漫溢，君以無工處所得疏防咎加之，嚴議當罷任。

上以兼管官特予留任，君外補。時有勸加級以防降調者，君曰：「食祿有方，吾終安命。至是留任道員，嚴議無特。」

旨予留者，蓋異數云。曹工分治引河三道，君與濟東道署登萊道谷治二十里。君所治中段廣深中程，君察弊嚴，又不煩擾禁婪索。工竣，視上下段省費每里數萬兩，廿里引河共省三十餘萬兩。官民比他處得蘇息。是冬臘盡，駐工次未歸。凡堵築決口，須合龍後開放引河，則水疾下而無停淤。時隄未塞，而大吏欲放引河，君具情力止之，不聽。既放水，河盡填淤，于是又設法抽

溝而曹工遂不能堵合矣。

嘉慶三年戊午，君四十六歲。正月，駐曹工築隄。二月，大府奏稱君熟習刑名，操守廉潔，辦理地方事務均屬裕如，惟河務非其所長，因以河工同知署任，請以君留補地方道。奉

旨允準。始，君以知刑名署臬司，又以防河回任，卒又撤河道任留補地方。中朝疑之，謂是代任者覬覦其缺，于是奏駁署任同知不得越次游擢，奉

旨如議。先是，河工分賠之員，或得羨餘，謂之扣費，君不取，悉以給引河工費，仍取領結存庫。而其時曹工尚未堵合，河帥撫部臣奏合龍換君任，尋又奏稱合而復開，則分賠兩次堵工銀九萬兩，丰屬後任。其後司事者并以歸君，君亦任之，曰：吾無寸椽



尺土然既兼河務不能不為人受過也。三月自工次回署納副
室晁氏。旋奉檄至曹州府權試司事。人士悅服。逾月試畢回充
撰述南開文稿。與畢君以田校刊孫子十家注周易集解周易
口訣義夏小正元和郡志。君考伏羲陵當在魚臺今所列祀典
陳州之陵實非古迹。親至兗山訪得宋元碑碣以伏羲陵果在
是呈請大府奏更祀典。未見施行。五月因旱禱雨。君為文遣弁
馬雲從往兗山請水。至之日。亢東甘霖大沛。馬弁後數年汴河
落水死。有

旨贈恤塑象曹工張桓侯廟。馬故為君前驛導從者。時開創承
辦運河工程。君弟星衡捐縣丞。弟星衢捐布經。投効河工。君所
屬有請代君出貲者。固却之。後弟星衢分發河北。五月二十二



日為君父七十壽辰，舉觴稱慶。時母金夫人已得腹脹疾，君雖候補，卒不至省。惟日侍母疾，閱醫書，愛惶無措，親禱尼山，不效。六月二十七日，金夫人卒於兗州官舍。君素食苦次杖而後起。以古人速葬禮，急欲奉柩南歸。九月，君乃奉大母許太夫人及父自兗登舟。兗郡感君德政，送喪者亘數十里。啟行之日，惟載萬卷書笈，士民咸歎其清節。是時黃水泛溢，河湖無際，舟過滕縣微山湖，大風頓作，舟幾覆。舟人請換舟以渡，君守柩不動。風少息，柩舟得泊，而前舟沈沒，涇書畫甚多。其後君整理，葬藏祠屋曰：吾書歷劫，或可久也。十月，抵京口。先是，君秉父命，為從祖前明功臣忠愍公諱興祖建祠金陵，因忠愍故明時肖象，難籠山功臣廟。今廢為曹王彬廟，是以立祠安神。乃奉大母許太夫

人僑居金陵祠屋。及許太夫人謁祠象，乃驚曰：吾歸孫氏，聞上世有祖象遺存表工家數年。表工疾甚，夢古衣冠者告之云：吾子孫有為鼎甲者，當送我歸享香火。醒，檢故篋，得象，送孫氏述其事，不知何世祖。殆即公象也。君扶櫬歸常州，寄寓天寧寺中。十一月，葬金夫人於郡城西郊夾港口之祖塋，並遷前母管氏夫人同穴，乃歸金陵守制。

嘉慶四年己未，君四十七歲，居金陵祠屋。其屋故有古松五株，名為五松園。君加修葺，置石為假山，畜兩白鶴，植四時卉木，為大母遊娛之所。作五松居士傳。後又添建西樓及壁立亭，乞梁侍講同書書額。二月，歸常州省墓，遂至浙中晤謝方伯、啟昆、秦觀察、瀛夏、蘆正、神農、本草、經三卷，付孫方伯公子馮翼刊之。秋



君丁未同年張鞠園祥雲出守廬州。約君至署。與荆撫部道乾
晤于廬州公廨。十月。歸常州省墓。遂至吳門。訪吳縣唐令仲冕。
鎮洋田令鈞。邀君至其署。田故泮宮校官。為君舉薦者。十二月
返金陵。

嘉慶五年庚申。君四十八歲。居金陵祠屋。二月。歸常州省墓。時
曾運使煥署鹽政。聘延君主講安定書院。君同年阮公元梅浙
招君佐理幕務。至浙。拉延主紹興蕺山書院。渡江至紹興。遂游
會稽。觀禹廟。旁窆石。識為孫皓刻石。又遊吼山。歸浙省。時撫部
又設詁經精舍於西湖之濱。招致督學時所拔知名士于其中。
與君及王少冠昶迭為主講。命題課業。問以經史疑義。旁及小
學。天部地理算法詞章。各聽搜討。書傳條對。以觀其識。湖干建

伏鄭祠堂。君親書聯額。又起第一樓。多邀高才生燕集。秦少冠
瀛時官臬使。嘗約吳祭酒錫麒及浙中諸名士為詩會。諸生執
經問字者盈門。未及十年。而詰經精舍士登巍科入館閣及撰
述成一家言者。不可勝數。其後撫部屬君為題名記。八月。延金
陵省親。屬長興邢大令澍刻寰宇訪碑錄。秦淮分支入城。合青
溪西流注江。城中河道日久淤墊。西有石閘過水。亦廢不修。經
冬水涸。君以寓公創議。濬河設閘。呈請當道。籌貲辦理。卒得施
行。後二年。康方伯基田至。親為督濬。至今秦淮冬夏不竭。居民
得運載之便。嘗經臺城故址。得古磚有錢文為大泉五百四字。
考為吳後苑城磚。九月。除母喪。歸常州省墓。至吳門。主吳縣唐
令仲冕署。十一月。諸名士餞別于虎邱一榭園。坐中蔣文業晉。



段君玉裁、鈕君樹玉、袁君廷樞、黃孝廉玉烈、顧君蕊、顧君廣珩、何君元錫、李君銳、瞿君中溶、夏君文素、陶君梁、沈君培、徐明經、顧唐公子鑑、李君福、戴生廷祚，各自題名于冊。吳君履寧、山塘話別圖。後十餘年，顧君蕊及徐陶唐三子俱入翰林，沈亦舉于鄉。君與吳學士鼎、次唐大令贈別詩題冊。時吳郡任太守，許以一樹園為孫子祠，後卒成之。君方領咨赴補，蘇撫岳起已給君咨文，經胥以君有賠項未繳，索費多金，不予稟請，扣留君。撫部為所惑，君曰：吾故不欲出仕，乃擲還其檄。十一月，返金陵。仲弟星衡以縣丞赴部，掣籤分發河南省候補。

嘉慶六年辛酉，君四十九歲。二月，仍至杭州。四月，旋里埽墓。過吳門，吳縣唐明府以晦日邀段君玉裁、萬君承紀及諸名士餞。

君於石湖看競渡。萬君為圖紀事。五月、返金陵。君以金陵六朝所都、近代郡志為、咸先率意更改、名迹無據、因求景定建康志、適江南制府署中有康熙間

敕賜宋刻本、費相國淳總制兩江、因以書付君、醵貲仿刻之。費相國嘉君之志、分俸錢以襄其事、為作重刻景定建康志序。十二月、奉檄追繳賠項、經督撫查明本籍並無家產、現在寄居金陵祠屋、無力完繳、請俟補官日完交咨部。君以大母時年九十有三、道府無親老告近例、恐

簡放遠省、不能迎養、有不欲出山之意、以是遲留不畱赴補。

嘉慶七年壬戌、君五十歲、居金陵祠屋。三月、歸常州省墓、訪友吳門。四月、返金陵、刊近作為五松園文稿。七月、廬州張太守祥



雲延君纂修郡志。時設局延修志者十餘人。閱兩年。衆議紛雜。迄無成例。君到。出所錄古書廬州故迹示之。並招書院生童十餘人。錄史傳人物及地方事迹。乞抄胥十餘人。手定條例。隨纂隨書。閱月書成。左大令輔為君舊交。時宰合肥。服君才敏。其後為壽序以寄君。九月。今修撰及門洪君瑩自維揚來金陵。以珍裘為君壽。君却其儀。屬刻元和姓纂。十月。至揚州。寓曾運使煥署齋。與署太守張古愚數仁影刊宋本爾雅圖。十一月。返金陵。嘉慶八年癸亥。君五十一歲。居金陵祠屋。君家居數年。藉脩脯以供菽水。或有持兼金乞君志墓及為壽序者。故不至貧乏。至是因賄項追呼。君父欲君赴補。時費制軍署蘇撫。亦促君起官。寄與咨文。四月。返金陵。五月。挈季弟星衢北上。道由東省。撫部

鐵公保素重君清名，遂至省城作晤。君單騎往見，時同幕友蔡大令湘為首縣所舉，孫大令良炳官滋陽，君恐東省舊僚有饋贐之事，先札告以舟車之費，並無缺乏，有投贈悉却之。六月抵京。七月引

見，吏部奏請仍發山東，以道員用，即奉

俞旨。請

訓後，乞脩墓假回籍。季弟以布經籤掣直隸省河工，候補。其月出都，乘舟南下，舟中校荀悅漢紀。九月抵金陵，十月歸常州省墓，遂至吳門。其月返金陵，擬以春融奉大母及父治裝赴東。會山東撫部以水患河工賑務需員經理，謂君才識練達，辦事廉正，馳札常州，催君上道。君因東上。十二月，抵濟南度歲。明年正

月、撫部即檄前往兗沂曹濟一帶補賑灾民、多加撫恤。兗沂魏觀察成憲贈君詩、張太史問陶寫為圖。

嘉慶九年甲子、君五十二歲。正月、察賑曹南、鐵、撫部奏署登萊青道事。二月、奉

旨補授山東督糧道、回至平原道中接印赴任、越三日督運北行。四月、歸至德州。山東糧道歲例支養廉四千兩、君以前任兗沂道時分賠曹工帑項、申請撫部、奏以應得養廉全數扣繳、奉旨賞給一半、以為督運之費、內有扣三成、公費實銀一千四百兩。五月至省、聞大母及父已抵濟上、迎謁于舟次、乃從陸路先之安德道署。七月、奉檄至省、兗鄉關提調官與鐵撫部及周大令雋唱和七律詩。九月、回署。是月、季弟星衢自保定乞省親假



儒藏

來途遇於衛河舟次。是月至省，隨同

欽使鞠獄歸。十月至東昌濟寧催漕。十一月回德。

嘉慶十年乙丑，君五十三歲。官山東督糧道。正月八日，為君大母壽辰，時年九十有八。宮保鐵撫部以許襄錫太夫人節行素著，年近百齡，欲奏請

褒錫，君請俟滿百乃上。

聞撫部猶偕河帥督學，率藩臬道府等撰壽文作屏幃，遣使致安德，為許太夫人稱祝。第星衡卸署洛陽典史任來德。二月，督運北上。四月回署，得北魏高貞墓碑于衛河第三七，畢致德州學宮。是年奉

命運採買漕糧二十餘萬，內有商捐大米變壞，君與撫部暨策



儒藏

孫淵如先生年譜 卷下

方伯丹籌議津貼不敷，乃申請并省幫并丁伍，比較豫省節約浮費無算，官丁不致賠累。五月，大母許太夫人疾，飲疾作，君隨父侍湯藥，夜不安寢。六月，許太夫人疾甚，乃馳書季弟星衡乞假來侍病。是月十九日，許太夫人卒於安德官舍。君哀慟過禮，請乞假三月，委知州代行公事。大吏慰喻君，然猶不肯視事。乞朱文正公、姚太史、蔣太史稚存作志墓之文。阮中丞屬君作其封君墓志，亦為君作大父母合葬墓表。八月，命仲弟隨父奉大母許太夫人柩登舟歸里，合葬于夾港口。大父贈公之塋時，君適有至兗濟催漕之役，親送大母柩之臺莊。九月，返至濟寧，隨同。

欽使鹽政額勒布鞠事汴上。十一月，回德州。

嘉慶十一年丙寅，君五十四歲。官山東督糧道。請開恩縣四女寺支河，東省衛河自豫省合清濁漳入境，經臨清閘，夏秋水漲，高于閘內汶河，即須閉閘，謂之閘口，糧艘阻滯。德州哨馬營及恩縣四女寺舊有兩支河，合流入老黃河，即鉤盤高津故道，經樂陵及直隸吳橋等縣至海豐入海，可以宣洩衛水異漲，即明永樂時宋尚書禮請開德州城西北河道，泄水入舊黃河，至海豐大沽河入海者也。

國朝方直督觀成曾請修浚，自前糧道葛正華廢歲修工程，河道淤塞。君請大府奏濬，以洩衛河夏秋之漲。臨清既免閘口之虞，直省一帶隄岸不致決溢，淹及民田。大府不以為然。及連歲閘口，撫部長齡公始據君言奏請挑濬，撫部吉綸公又請籌款。

歲修支河，以是舉行不廢。凡東省水利皆君發端也。二月，督運北上，謁朱文正珪于都門，留午餐，文正面贈五古詩。至四月歸。五月，弟星衡自直省奉委至江浙募募津門大差民船，直省候補府李守符清同行，過安德，贈君七古詩。弟星衡至吳門，與江浙族人置田與僧鐵舟易一樹園為孫子祠，肖孫子及孫將臚象。

國初設立德州滿營，駐防官兵五百口，一口為一戶，迄今增至二千七百餘口，而額餉無可加。每年應需俸餉，動支道倉米七千八百七十餘石，內有折色米三千餘石，每一石支銀一兩。近年糧價昂貴，折色不敷半石之數，官兵日增苦累。君查道倉支剩餘米，歷年運交通倉，官丁運費共需米銀二千餘兩，議以存



給官兵本色、不獨體恤滿兵、又省運費、乃移會邱方伯庭濬、詳請長撫部齡入

告。旋奉部駁、以留存此項解通餘米、京倉短額、又稱遇災年分、以何項支給滿兵等語。君手自具稿覆議、餘米解通、原無定額、如遇災緩無餘之年、則不起運、是本與正供有間、至兵精支撥不敷、東省有各年積存薊糧、可以動撥等因、始奉

俞旨施行。計官兵一戶多得米數石、滿兵歡忭、為君送額曰、體國恤軍、懸之二堂。十月、至東昌濟並催漕。是月返德。初、君權泉時、以先儒伏生承秦蔑學之後、壁藏尚書、唐虞三代載道之文、得以不絕。鄭司農康成箋註易詩書禮論語孝經、可比七十子、身通六藝、兩賢傳經之功、迥在唐宋諸儒之上、明人無識、不為



漢儒置立五經博士、急宜興廢繼絕。以嘉慶二年召呈曹學使城請會同撫部奏請立鄭伏博士。並檄鄒平令李璣林訪求伏氏嫡裔六十五世孫敬祖、年甫八齡、家貧失學、遂屬縣令為之延師教讀、俾通文義、以膺承襲。嘉慶七年、吳方伯俊始以君原議申上和撫部、會同劉學使鳳誥入奏。
勅下部議、奉有

俞旨、其後劉學使又以邱氏為左邱明後、並請與鄭康成一體增置博士、致奉部駁。君復具稿、移會邱方伯庭濬、張觀察彤、頂覆部議、仍請為鄭氏設立博士、且以鄭氏嫡裔既可準為奉祀生、即可立為博士、擬專摺具奏云。十一月、同俞君正燮撰古天文說成、刊元本唐律及宋本小字說文、撰平津館文稿。君以現

任糧道督運全完加三級以貲晉從二品銜。

贈大父通奉大夫、大母夫人、

封父通奉大夫、

贈母夫人、本身

授通奉大夫、妻

贈夫人。

嘉慶十二年丁卯、君五十五歲、官山東督糧道。二月、督運北上、舟中著尚書古今文義疏、成畢、陶謨及同洪君頤煊撰今文泰誓兩篇。仲弟星衡旋里省墓。四月、君自通州回署、與洪君頤煊校刊唐王無功集、琴操、輯漢官舊儀、漢官儀、屬王君保訓集、京房易傳。六月、長撫部檄調君之濟寧鞠事。是月、長撫部陞任陝



甘制府署藩石果使蘊玉被議降級。君權藩。至省。居北察院行臺。值部使廣少寇興等在省按章。供張煩擾。君慎守帑項。不肯通融支發。廣興事竣北上。獨無餽贈。廣亦知君廉名。僅索書扇而去。其後以賄敗。豫東兩省牽連獲咎者衆。君不與焉。行聖公府有前明勅賜祀田。俱係獨山等湖地。日久為民占種。缺額至數千頃。地方官聽任書役從中漁利。不肯秉公審斷。君在宛沂道任。曾委員查勘。去任後十餘年。懸案不結。至是。君據民人自行呈首占地願歸還公府者。因為斷歸若干頃。其後戶部奏請以湖地撥還公府。缺額田有

旨催辦。當道卒為弊吏阻抑。事竟不行。七月。遣使迎父至濟南。重遊龍洞佛峪。九月。吉撫部綸至省。君交藩篆。回糧道任。十月。

至東昌濟寧催漕。十一月，回德，校選史傳，別集未載之文為續古文苑，將以付刊。仲弟星衡至自金陵。十二月，納金氏為側室。嘉慶十三年戊辰，君五十六歲。官山東督糧道。君父四歲而孤，大母許太夫人茹苦守節，撫孤成立。及君父舉于鄉，在部未歸，君年幼，乾隆二十四年請旌，合例族子申請，有司上

聞。至是，君馳書當道，檢舊案不得，或已遺失，或未施行。君父仍為許太夫人請旌。四月得

旨，賜建坊銀，入節孝祠。是年五月二十二日，為君父八十壽辰，君父欲南歸省視祠墓，乃以二月中旬稱慶。吳學士肅、臬部門相國卿貳之與君素好，及有年世誼者，製屏以祝。父即于是月歸常州，奉

贈通奉公神主入大宗祠。又奉許太夫人主入郡城節孝祠。始至金陵祠屋。三月。君督運北上。以前後任秩滿及五運全完例。隨漕入。

觀。五月十五日引。

見越二日請

訓。

上知君甲第及詢在部在東年分畢。面奏以老父在籍。乞假三月省親迎養。即邀。

俞允出京。至固安工次。視弟星衢。因晤永定陳觀察鳳翔。至張家灣登舟。閏五月回署。六月。赴省與署任汪守為霖交替。七月。至金陵省父。納潘氏為側室。八月。至常州謁祠展墓。時靖江朱。



儒藏

方伯勲居常州。及劉學使種之。趙司馬懷玉、洪太史亮吉與君歡讌三日。並至吳門。修葺孫子祠。又擇祠西鐵佛菴廢屋故址。為許太夫人建旌節專祠。肖像以祀焉。訪友常熟。仍回金陵。立烈愍祠于王府巷。烈愍公諱泰明。建文朝為北平都指揮使。禦燕師死事。贈廣威侯。明季謚勇愍。贈象山伯。乾隆四十一年。贈通謚烈愍。

勅修表忠祠。立石主。君奉父命。與族人等仍建專祠。請官為致祭。九月登程。再至常州。視新建西行里大宗祠。又至吳門。旋里展墓。妣就道。時袁江挑濬直瀆。由陸行渡河。自邳城取道費縣。訪李桓子得贖羊井。銘于縣署。因屬郭令志青訪曾點南城葬處。並濬臺子羽墓。立碣李桓子井上。十月到省。接篆回任。十一

月至東昌催漕。是月返德。父亦自南中抵署。

嘉慶十四年己巳。君五十七歲。官山東督糧道。二月。督運北上。與弟星衡相見於河西務舟次。四月。君側室晁氏以瘵疾暴亡。晁氏金陵人。從君十三年。識字能書。生女前一年殤。因哀感成疾。君遣其柩南歸。權殯於揚州之秋雨菴。是月君自通回署。六月。吳學士肅自晉省來安德。泛舟衛河。始有談燕之樂。越月南去。先是。與嚴孝廉可均校集所藏周秦漢晉六朝唐宋碑文為金石萃編。又採鍾鼎文字為說文翼。至是手為校定。又据嚴孝廉說文校議。條錄書傳所引說文異同。以附刊宋本小字說文之後。撰孫氏語記。輯澄清堂文稿。君官兗沂道暨權果時。嘗考太平寰宇記。先賢閔子墓在范縣東。知今所傳在歷城者為後



世流傳之誤。曾檄縣令訪求遺墓。迨嘉慶癸亥冬再至東省。以察賑按行范縣。知墓所在。為河溢不能詣謁。及官糧道。忽夢浚井。出古丈夫布衣泥塗狀。自稱閔子。覺而異之。因出貲屬縣令譚文謨訪視廢墓。申禁採樵。嗣以縣令屢更。事未施行。華亭唐歲宰是縣。始損廉以修祠堂門垣。栽種柏樹。申報乞君為文紀事。並訪義士左伯桃。羊角哀墓於縣之義城寺東。乞君考其事以存志乘。是年恭遇

萬壽章恩君以少時受業同祖兄。因請以應得四品封貤封兄。并並嫂薛氏。是冬無雪。十一月。君催兄至東昌。自省城至濟寧而返。初五日。過長清崗山驛。約縣令王華封詣五峯山祈雪。後二日過泰安。復至岱廟祈求。越三日。自任城至安德。俱得雪二

三寸刻石記其事于岱廟碑側。

嘉慶十五年庚午，君五十八歲。官山東督糧道。四月，督運北上。總漕五侍郎宣，戴侍郎均元，招同洪殿撰瑩，譙集尚書館，成七律二首。殿撰向學於君，翼日來謁，招同陶戶部漢悅、陸孝廉堯春飲舟中。旋聞兩侍郎以東省米色純潔入奏，有潞河舟次即事七夕十首。君弟呈衡於是年正月擢任永定河三角淀通判。舟還，留通判署。五月，為弟納妻李氏。五月望前回署，適同里臧文學庸應順天試過安德，謁君，下榻踰月，與君及洪君同校管子。此書多古文古義，世鮮通者，特刊以傳之。君以向所撰皋陶謨義疏授臧君，跋其後云：此篇以史記參定，古今文詮，變曰為變，於是及引說文，刑即頌頌之類，說極精，宜早成全書，以惠來



儒藏

學。又屬臧君復勘天官考証。此書本君手自撰輯。前歲臧君續成之。君又偕管君同采輯周秦兩漢舊義為尚書義疏稿。畢君以田造自東昌來祝君父壽。見臧君管君極相契。為平津館一時佳話。

嘉慶十六年辛未。君五十九歲。正月。弟星衡調任北運河楊邨通判。三月。督運北行。奉父至弟署。時君病氣痛。時發時止。交糧既畢。即從陸路馳歸楊邨。四月上旬。與弟泛舟侍父並親串眷屬等由白河至禹壩。風日晴好。嚴尉鈺為作白河聯舫圖。五月。回至德州。七月。引病。十三日酉時生一男。十八日交卸。廿六日登舟南歸。重九前一日先抵金陵。眷屬等十一日亦至。寓五松祠。十月。移居治城東麓烈愍祠。十一月。偕弟星衡歸里祭掃。直



儒藏

孫淵如先生年譜 卷下

至吳門。回自丹徒登焦山、遇雪信宿、過臘八日始歸。邀顧君廣圻至寓校訂古籍。已上張紹南撰、已下江寧王德福續撰。

嘉慶十七年壬申、君六十歲。在金陵值方督部維甸家居、姚比部肅、石殿撰蘊玉皆主講省城書院、多文藝之事。四月侍父旋里、直至吳門、歸刊成績古文苑、平津館書二集。十一月復至吳門、遂往揚州、至臘月歸。

嘉慶十八年癸酉、君六十一歲。四月自金陵至吳門、遂往雲間修松江府志、同朱太守漾泛舟三泖湖。五月在吳門。六月歸金陵。十月旋里、至吳門、因病即返。是年與方督部維甸、繼觀察昌校刊抱朴子內篇。

嘉慶十九年甲戌、君六十二歲。三月旋里、至吳門。四月歸金陵。

七月、至揚州、鹽政阿公聘校刊全唐文。十月旋里、至吳門。十一月、歸金陵。先是、君為尚書古今文義疏、初稿屢年、至是成書。君先又與從子壻龔慶族、弟星海輯錄孔子集語、至是屬嚴孝廉可均重加蒐補、編次成書。嚴孝廉為之序、君自擬進呈表草。

嘉慶二十年乙亥、君六十三歲。三月旋里、至吳門、遂至揚州。五月歸金陵。九月至揚州。十一月旋里、至吳門、尋歸金陵。十二月十九日、集金陵詩人于五畝園、為東坡生日、懸畫象致祭。君為詩以紀其事、即用東坡登蔣山韻。與會者二十一人、皆有詩。是年、孔子集語、尚書古今文義疏刊成。

嘉慶二十一年丙子、君六十四歲。主講鍾山書院。二月、與嚴孝

廉及弟星衡撰輯全上古三代秦漢三國六朝文。父再逢鄉舉
盛典。經前安徽胡撫部克家奏奉

恩旨。重赴鹿鳴宴。吳學士肅自揚州來。與君陪侍賓筵。從子壻
龔慶中式順天榜第二十八名舉人。集同譜百人。各賦詩以紀
其事。十月旋里。至吳門。十一月歸金陵。

嘉慶二十二年丁丑。君六十五歲。主講鍾山書院。命題課士。兼
策問詩賦。以敦勸古學。諸生執經問字者。日盈于庭。與在浙時
同。繼方伯昌重來金陵。同年方觀察體適調鹽巡道。相聚甚歡。
余太守霈元博雅好古。摹刻吳天發神識碑。囑君為記。同里瞿
觀察曾輯自蜀解組。亦僑寓白門。時相過從。多文誦之樂。五月
為父預祝九十壽。吳學士肅來金陵。撰文作屏幃。舉觴稱慶。七



儒藏

月、編輯近作古今體詩刊成。九月、與弟星衡、子錢、廬等侍父旋里、至吳門。十月歸金陵、又至揚州。十一月、復與弟星衡旋里、掃墓、至吳門。歸途大寒、行風雪中、兩足腫。先是、辛未歲、君病肝氣痛、作止不常、積七年、每發輒數日不飲食、至乃是乃尤劇、自知不起。

嘉慶二十三年戊寅、君六十六歲、病亟、遺令薄飲、言不及私、惟以父年九十、未能終盡孝養、悲不自勝。正月十二日卯時卒。二月、嚴孝廉輯君雜文之未刊者、為治城山館遺稿。

孫淵如先生年譜卷下

校記

①致：當作「至」。

②「府」上當有「知」字。



儒藏

孫淵如先生年譜 卷下

凌次仲先生年譜

清·張其錦 編撰

李文澤 校點

刁忠民 一審

蔣宗許 二審

清道光六年刊本

《凌次仲先生年譜》四卷，卷首一卷，清張其錦編撰。清道光六年宣城刊本《校禮堂詩文集》附錄。

凌廷堪（一七五七—一八〇九），字次仲，又字仲子，清安徽歙縣人。少孤貧，就塾學，粗識姓名，嘗學賈，年二十餘始復讀書。乾隆五十四年，應江南鄉試中式，明年成進士，爲寧國府學教授。嘉慶十年以母喪歸，歷主宣州敬亭、歙州紫陽書院講席。嘉慶十四年六月卒，年五十三。凌廷堪工詩文詞戲曲，學博儒經，尤精研三《禮》，撰有《燕樂考原》六卷、《充渠新書》二卷、《元遺山年譜》二卷、《札記》六卷、《梅邊吹笛譜》一卷、《校禮堂集》三十六卷、《詩集》十四卷、《禮經釋例》十三卷等，其中《禮經釋例》凡五易其稿，歷時二十載始成，最爲學人稱許。

凌氏年譜有二種：一即本譜，一爲今人陳萬鼎所編《凌廷堪年譜》，載於一九七三年《中山學術文化集刊》第十二期。張其錦，字醪伯，宣城人。嘗從凌氏受業多年，凌氏歿，整理鈔錄其師遺文著述，付梓刊印，並編撰年譜，隨集刊行。此譜正文記載凌廷堪生平頗周至，如詳記同年進士姓名次第、友人名號事蹟、弟子姓氏，又畢錄其課試諸生卷語，雖然略嫌繁複，然於考究凌氏學術源流、師門授受，皆有裨益。年譜卷首附錄朱錦琮《年譜序》、阮元撰《別傳》、江藩撰《師承記》、戴大昌撰《事略狀》，譜後有張其錦跋語，亦可與年譜正文互爲校正。據張其錦年譜跋語稱，年譜始撰於嘉慶十九年（甲戌），後於道光六年（丙戌）整飾而成，附刊於《校禮堂詩文集》後。

凌次仲先生年譜序

琮旣序校禮堂詩集、其弟子其錦復爲之作年譜、蓋追按事迹、分年編之、其例視行狀加詳、其體則始自唐宋閒。昔先生輯元遺山年譜、與翁洗馬本閒有異同、蓋年遠而考核難也。若其錦遊於先生之門者垂十年、固見而知之者也。雖然、有難焉者。夫數典而忘子孫、且然、況他人乎。師弟之道、今不古若、弟之從師、所問者名、所慕者科、有爲聖賢授受之說、且反驚爲迂怪、其心性本不相屬、雖當執經侍坐、已不知師之年幾何者、況他事乎。弟子過矣、夫亦由師道之不立也。先生七年而就傳、十



三而學賈、十五能詩詞、二十能古文、二十七遊京師、始習時文、三十三舉於鄉、三十四登進士第。其於天文律呂各有著述、而獨致全力於禮、以爲生人踐履之實、蓋以人之異於禽獸者在禮、儒之異於佛老者在禮、本深造自得之學、而因之以教人。故禮經釋例一書、歷二十二寒暑而卒業。當時諸公貴人一見傾心。交游半天下、而相處最久、無若儀徵阮尚書。五十三而卒、無子。尚書既以禮經釋例刊行於世、其收輯遺文、則皆出於其錦之手。在先生早知其錦爲有心人、故與言兼及生平、而其錦爲先生入室弟子、故序事能賅本末。從先生者五

十有五人其錦則先生爲寧國府學官之弟子也姓張氏歲貢生。

道光六年歲在丙戌季夏月海鹽朱錦琮序。



儒藏

凌次仲先生年譜 序

次仲凌君別傳

儀徵阮宮保元揆

凌君諱廷堪，字次仲，安徽歙縣人。遠祖安，唐顯慶中任歙州州判，遂家於歙。父文煊，業賈於海州。君生海州，六歲而孤，困苦窮巷中。母王氏，鬻簪珥就塾師，麤記姓名而已。去學賈不成，年二十餘始復讀書，嚮學能屬文，懼時過難成也。著辨志賦以見志。乾隆四十六年，遊揚州，慕其鄉江慎修、戴東原兩先生之學。四十八年至京師，始多交游。大興翁覃溪先生見君所撰述，大嗟異，始導之爲四書文。應順天鄉試，不第。明年，復遊揚州，見元，以學問相益。君乃擬李白大鵬見希有鳥賦以見意。五十



一年復入都應試不第。明年從翁先生於江西。又明年客河南。秋三應順天鄉試。始中副榜南歸。五十四年應江南鄉試中式。明年成進士。出朱文正王文端二公之門。蓋與洪君亮吉等皆以宏博見拔者也。殿試三甲。例授知縣。君投牒吏部。自改教授。曰。必如此。吾乃可養母治經。文端曰。吾不强子改冷官。子願之甚善。文正題其校禮圖曰。君才富江戴。又曰。遠利就冷官。蓋甚重之。旣選寧國府學教授。乃奉母暨兄嫂之官。孝弟安貧。謹身節用。畢力著述。君之學博覽強記。識力精卓。貫通羣經。而尤深於禮經。不輟寒暑。二十餘年。著禮經釋例十三

卷。君謂禮儀委曲繁重，不得其經緯塗徑，雖上哲亦苦其難，苟得之，中材可勉赴焉。經緯塗徑之謂何，例而已矣。不會通其例，一以貫之，祇厭其膠葛重複而已耳。烏覩所謂經緯塗徑者哉？於是區爲八類：曰通例，上下二卷；曰飲食之例，上中下三卷；曰賓客之例，一卷；曰射例，一卷；曰變例，一卷；曰祭例，上下二卷；曰器服之例，上下二卷；雜例一卷，共爲卷十三。至於第十一篇，自漢以來說者雖多，由不明尊尊之旨，故罕得經意，乃爲封建尊尊服制考一篇，附於變例之後。不別立宮室之例者，宋李氏如圭等已詳故也。君又著魏書音義、燕樂考原、崇



儒藏

凌次仲先生年譜 別傳

實新書。元遺山年譜、校禮堂集。君雄於文，九慰、七戒、兩晉辨亡論、十六國名臣序贊諸篇，上擬騷選、鄉射五物考、九拜解、九祭解、釋牲、詩楚茨考、旅酬下爲上解諸篇，皆說經之文，發古人所未發。其尤卓然可傳者，則有復禮三篇。唐宋以來，儒者所未有也。嘉慶十一年，君以母喪去官。兄嫂相繼歿，哀且病。十三年，元復任浙江巡撫，君免喪來游杭州，出所著各書相示。元命子常生從君學。明年歸歛，病卒，年五十有三。

國朝漢學師承記

甘泉江上舍藩撰

凌廷堪字次仲，一字仲子，歙人也。父文煊，字燦然，自歙遷於海州之板浦場，遂家焉。君十二歲卽棄書學，賈偶在友人家，見詞綜、唐詩別裁集，攜歸就燈下讀，遂能詩及長短句。浙人張賓鶴見其詩詞，大奇之，告之板浦場大使湯某，某敬禮之，邀君至楊州。是時嵯使置詞曲館，檢校詞曲中之字句違礙者，從事讎校，得修脯以自給。君之精於南北曲，而能分別宮調者，基於此也。久客邗江，爲華氏贊堦、與黃明經文暘交，明經勉君爲舉子業，始學作八服文^③，讀五經。是時年已二十五矣。後游京師，



受業於翁覃谿學士、乃究心經史之學。乾隆戊申順天副榜貢生、已酉中式本省舉人。庚戌成進士、銓授寧國府教授、迎生母王至學署、先意承志、得親歡心。母偶不懌、必長跪以請、俟母笑乃起。母沒、哀毀骨立、青一日而妻亦相繼殂謝、孑然一身、居恒不樂。至徽州、依程君麗仲、麗仲以師禮事之。阮侍郎芸臺服闋、復爲浙江巡撫、延之課子、得末疾終於歛。君病時、麗仲贈以紫團、手煎湯藥、其死也經紀其喪、擬之古人、其范巨卿之流歟。君無子、應繼兄子嘉錦、嘉錦先君卒。嘉錦兄嘉錫在海州聞訃、以次子名德後嘉錦、爲君之承重孫。君讀書破萬

卷、肆經遠於士禮、披文摘句、尋例析辭、聞者冰釋。至於聲音訓詁、九章八綏、皆造其極而抉其奧。於史則無史不習、大事本末、名臣行業、談論時若瓶瀉水、纖悉不誤。地理沿革、官制變置、元史姓氏、有詰之者、從容應答、如數家珍焉。近時講學者喜講六書、孜孜於一字一音、苟問以三代制度、五禮大端、則茫然矣。至於潛心讀史之人、更不能多得也。先進之中、惟錢竹汀、邵二澐兩先生、友朋中則李君孝臣、汪君容甫及君三人而已。其於詩也、不分唐宋門戶、專論聲韻之協、對偶之工。詩餘亦不主一家、而嚴於律。今人之詞有一字不合者、必指摘之。



雅善屬文、尤工駢體、得漢魏之醇粹、有六朝之流美、在胡穉威、孔奭軒之上、而世人不知也。弟子中最著者、儀徵阮君常生、字壽昌、一字小芸、從君受士禮、校刊禮經釋例十三卷。小芸好學深思、不以才地矜物、恂恂君子也。宣城張君其錦、字裴伯、廩膳生、精研章句、不墮師承。聞君沒、徒步至歙、訪君遺書、無所得、又北走海州、於敗簾中、擲拾殘稿、假居僧寺、輯錄以歸。得燕樂考原六卷、元遺山年譜二卷、充渠新書二卷、校禮堂文集三十六卷、詩集十四卷、梅邊吹笛譜二卷、將謀剞劂、可謂不負師門矣。嗟乎、君冷宦無家、白頭乏嗣、雖死故鄉、實同旅

殞亦生人之極哀也已。然而懷方之禮付於戚生、昌黎之文、編煩李漢、斯又不幸中之幸也。君久客揚州，如劉君端臨、汪君容甫諸君子以及宋君守端、秦君敦夫、焦君理堂、阮君伯元、楊君貞吉、黃君春谷皆君之友也。援寓公之例，記於郡人之末云。

校禮堂集紀略

儀徵阮雲臺侍郎

元

定香亭筆談云、歛凌次仲與子以

學訂交二十年。次仲於學無所不窺、尤經三史、過目成誦。尤精三禮、辨晰古今得失、識解超妙。爲文沈博絕麗。會榜受知于朱石君師、官寧國教授。奉母修潔白之養。石君師用昌黎薦士詩韻題其校禮圖、圖寄至浙、予亦用韓韻題之。次仲復用此韻見荅、比于韓門籍湜焉。

儀徵阮梅叔上舍

亨

瀛舟筆談云、凌次仲學博、家兄畏

友也、讀書過目不忘、尤精于三禮之學、有校禮圖。朱石君相國用昌黎薦士詩韻題其上、學博及家兄皆有和



作。學博有禮經釋例一書，自詫爲生平辛苦有得之學。先以序目寄家兄，今錄其序于後。次仲于音樂亦自謂獨得秘奧，錢漑亭尚未通解，其一書專論此事，今并錄以俟解者。

揚州李艾塘詩人，斗畫舫錄云：凌廷堪字仲子，又字次仲，歙縣監生，僑居海州之板浦場，以修改詞曲來揚州。繼入京師，遊于豫章、雒陽。中戊申科副榜，己酉科舉人，庚戌科進士，官安徽寧國府教授。始不爲時文之學，旣與黃文暘交，文暘最精於制藝，仲子乃盡閱有明之文，得其指歸，洞徹其底蘊。每語人曰：人之刺刺言時文法

者、終于此道未深。時文如詞曲無一定資格也。善屬文、工于選體、通諸經、于三禮尤深。好天文律算之學、與江都焦循竝稱。焦循字里堂、稱以歙縣凌仲子、吳縣李銳、尚之。歙縣汪萊、孝嬰爲論天三友。



凌次仲先生事略狀

先生姓凌氏諱廷堪字仲子又字次仲。先世自唐顯慶間有爲歙州判者始家於歙世居歙之雙溪祖諱易筠國學生祖妣許氏父諱文煊國學生以治生僑居海州之板浦場。因元配戴氏無出復娶王氏生子二長廷堯次卽先生。生有異稟觀書十行俱下。幼孤貧賴兄營家計。太夫人教之讀稍長工詩古文及宋元人詞曲。年二十三遊揚州金棕亭博士。光燕目爲奇人。慙慙入都。翁覃溪閣學。方綱見其著述大異之勸習制藝令受業于其門。時乾隆癸卯先生年二十有七矣。遂以國子生應



京兆試覃溪先生適爲主考官、不報。歸省、客揚州、時儀徵阮芸臺大中丞元尚因童子試中相見、遂訂交焉。華翁光祖以女妻先生、蓋相攸得之也。旋復遊京、天津牛次元部曹坤與先生相友善、卽寓之學齋、日相切劘。再應丙午京兆試、又不報。愈發憤攻苦、遂中戊申京兆副車。己酉本省鄉舉、庚戌聯捷成進士。癸丑補殿試歸班選用。先生以太夫人將躋八旬、改就教職、尋選寧國府教授、於乾隆六十年赴任。嘉慶元年、逢國慶典、得貤贈祖父母、勅贈父母、而生母王太夫人勅封太孺人云。先生之學無所不窺、其於六書、厯算以迄古

今疆域之沿革、職官之異同、史傳之參錯、外屬之源流、靡不井然條貫。卽累朝名人文章詩歌銘贊類皆隨舉、琅琅成誦、盡當代未數數觀也。自就官陵陽、尤專功於禮學。其教人必以禮、謂古聖使人復性者學也、所學卽禮也。孔子言、勇而無禮則亂、直而無禮則絞。又曰、好直不好學其蔽也絞、好勇不好學其蔽也亂。孟子曰、上無禮下無學。故知所學者卽禮也。顏淵問仁、孔子告之者惟禮焉爾。顏子歎道之高堅前後、追博文約禮、然後如有所立、卽立於禮之立也。子思言天命之謂性、率性之謂道、修道之謂教、所教者因人所當行而品節之、卽禮



也。盡乎禮斯可以復性、故所謂格物者物卽禮也、所謂
慎獨者亦卽禮也。禮有節文度數、非空言理者可託也。
此皆發前人未發之覆也。先生謂儀禮一經、悉體天命
民彝之極、信非大聖人不能作。以江氏慎修儀禮釋例
僅有釋服一類、復取向所自著禮經釋名一書、改名釋
例、區爲八類、曰通例、飲食之例、賓客之例、射例、變例、祭
例、器服之例、雜例、以明同中之異、異中之同。矻矻十餘
年、橐凡數易而後成焉。禮經而外、復潛心於樂、謂今世
俗樂與古雅樂中隔唐人燕樂一關、蔡季通、鄭世于輩
俱未之知、因著燕樂考原一書。據隋書音樂志、言燕樂

出于龜茲蘇祇婆之琵琶然當日鄭譯猶演爲八十四調而附會於十二管惟遼史樂志直云燕樂不用黍律以琵琶弭叶之蓋以琵琶四弦第一絃最大爲宮聲二絃爲商三弦爲角四弦最細爲羽而無徵聲故燕樂亦止四均一均七調故止二十八調而二十八調實止十四調以七羽合于七宮以七角合于七商也燕樂以夾鐘爲律本而琵琶第一弦宮聲又燕樂之律本也以今樂準之如上字配宮聲尺字配商聲工字配角聲凡字配變徵六字配徵聲五字配羽聲乙字配變宮合字配下徵四字配下羽則今之用字譜而成調卽古樂之用



五聲二變而成音。先生自謂孤學獨鳴、無師無友、爲宋以來講樂家所未悟者也。近世通人多精於書數之學、若言禮樂而得其精者、先生一人而已。先生名播海宇、識與不識、靡不重其學行。自座主德定、國尚書王文端公、朱文正公外、如錢辛楣、官詹王懷祖、給事程魚門、編修謝蘊山、中丞孫淵如、觀察汪容甫、明經諸公、不可悉數、而得覃溪先生爲師、芸臺先生爲友、尤知己之最者。余自乾隆丁未入都、卽耳先生名、後獲覲面、隨各南旋。嘉慶二年丁巳、余在省垣投効、值石君夫子再撫皖、先生自寧郡來謁、得其數晨夕者半月。六年、余補授宣城。

學幸與先生共事一方時相過從聆益良多。逾年長子揚輝出都來署卽命受業其門。先生嘗語余曰我於時文半路出家。余笑謂半路出家今竟作開山祖師矣。蓋先生中副車不曰如之何一節題文自後仿效其體者輒多獲捷故也。先生論古文則以騷選爲正軌。詩則不分唐宋但論正變以元遺山爲宋後一大宗。又國朝排擊宋儒者毛西河爲最戴東原次之而先生則謂二君之論宋儒猶未能搜其根而擣其穴云。乙丑歲王太夫人年九十卒先生奉柩回歛時寧郡魯子山太守銓爲先生同年來歲敦請主講敬亭書院獨來蕭齋鬱悶



儒藏

凌次仲先生年譜 事略狀

無聊、與余往來無少間、卽除日猶相對至舉燭方散。外人頗謂先生盛氣不可犯、以非禮、余聚首六載、見其肫肫事慈闈、以孝待朋友、以直接後進、以誠、真能以禮律身者、夫豈阿其所好哉。丁卯春、當道又延爲徽郡紫陽書院山長。初、先生回欸、程也園吏部振甲以別墅館之、命其次子洪溥字麗仲從學。戊辰歲、芸臺先生延至杭州、節署、誨其少君、故先生著作多載受業儀徵阮常生、婺源戴揚輝、同邑程洪溥等全校云。嘉慶十四年四月、先生自杭州回欸、倏於六月初一日晚膳席間、偶一傾跌、扶起遂不能語、四更後痰湧而卒、距生于乾隆二十

二年丁丑八月二十日、享年五十有三。先是、術者謂先生運行在甲不吉、然乙丑春先生之兄卒於學署、夏又丁太夫人憂、而淑配華孺人於九月隨逝、卽一僕亦死、僅存側室張氏、可謂劇矣。乃迄今五年、天復奪之算、豈不悼哉。昔漢鄭康成夢孔子謂曰、起起、今年歲在辰、明年歲在巳。旣寤、知命當終、其年六月果卒。先生一生服膺後鄭、今歿亦以巳巳六月、豈真所謂歲在龍蛇、賢人災者耶。先生歿于歛之旅寓、襄喪事者程易田先生、舉君子廉、程君麗仲暨郡學博夏君朗齋璽。以先生無子、胞兄有子二人、長嘉錫、字晉昭、次嘉錦、早卒、因卽以嘉



錦爲先生嗣、又卽以嘉錫之次子名德繼嘉錦爲先生承重孫。其弟子宣城張廩生其錦、字娶伯、從先生遊最久、績學砥行、克守師說、聞訃卽徒步往歛。余亦命次子揚廷訃弔。是時晉昭已率名德自海州來奔喪。今年夏葬先生於歛之梅山。晉昭比來余署、聞其欲還居海州、因泫然告之曰、立後者所以爲祭掃計也、矧君家自父以上墳墓皆在歛、今海州離此幾二千里、每歲掃荆榛而供麥飯、寧不疎且曠乎。余又寓書于歛之親友、使勸止之。而晉昭泣曰、是固然矣。但貧無立錫、難以驟遷、惟每歲展墓、亦如先君先叔在時可乎。乃攜名德與先生

側室張氏并藏書數千卷、去之海州。裴伯懼先生著作散佚、將往海州校輯、余極嘉之、遂于初冬啓行、檢理遺稿以歸。編成校禮堂文集三十六卷、詩集十四卷、梅邊吹笛譜二卷、充渠新書二卷、元遺山年譜二卷、燕樂考原六卷、劄記若干卷。其禮經釋例十三卷、芸臺先生業已刊播。燕樂考原、裴伯現在付梓。予將抄其文集、令揚輝校刊焉。嗚呼、今距先生之歿已年餘矣、余竊於冷壇、揚輝亦以一官匏繫山右、故歿不能撫其喪、寔未及臨其穴、眷念宿草、奚啻腹痛。余固不足表揚先生、但有難已于懷者、爰略撫其始末、以備他日史官之採擇云爾。

昔嘉慶十有五年庚午季冬門愚弟婺源戴大昌謹狀。



儒藏

凌次仲先生年譜 事略狀

次仲先生校禮圖





儒藏

凌次仲先生年譜 像贊

聖道燦著。六經從同。以禮
實之。乃悉貫通。舍禮說理。
流弊無窮。七百餘年。異學
相蒙。襲漢或雜。沿宋則空。
我師於道。樞得環中。昔侍
禮堂。坐儼春風。今展遺象。
筆類化工。

受業張其錦故摹寫并題
宣城後學詹允鼎故書。



校記

- ①崇實新書：江藩撰《國朝漢學師承記》、戴大昌《凌次仲先生事略狀》均作「充渠新書」。
- ②嘉慶十一年：當作「嘉慶十年」，見後《年譜》正文條。
- ③八服文：當作「八股文」。

凌次仲先生年譜卷一

受業宣城張其錦編輯

先生姓凌氏諱廷堪字次仲一字仲子江南徽州府歙縣九都七畝人。凌氏出自周官凌人之後。先生嘗自謂受氏之由當據通志以官爲氏而字則當據廣韻從水作凌以廣韻於水旁凌字下注明引吳將凌統爲證也。凌氏之見史傳者始於吳志偏將軍父子而歛之凌則始於安生於餘杭唐顯慶二年任歛州判卒於官遂家於歛之雙溪爲遷歛始祖再傳而有東支西支之分其後裔散處或富春或休寧或宣城或



儒藏

饒州、或歛南、總以雙溪爲大宗。傳三十三世子任，字肩吾，明萬曆壬午科舉人，歷任上海縣教諭、江西龍泉縣知縣、山東濟南府通判、直隸順德府通判、廣西平樂府永安州知州。著有白雪樓藁四卷、政拙編二卷、永安州志六卷、族譜十卷。子任生坤元，字寧一，邑庠生，著有長松室穩香舍二稿。先生之高祖也。曾祖濟生，字方平，祖易筠，字松友，國學生。昔先生嘗語其錦曰：先大父少任俠讀書，好奇計，騎射馬稍皆絕倫。恒往來江淮間，遂寧張文端公總制南河，甚重之，數爲陳河工利弊。文端欲延之幕下，辭不就，但過從談



說而已。後遊塞上、客寧遠大將軍岳威信公所、嘗以禦準噶爾策千岳公、岳公猶豫未即用、遂辭歸、終老於家、不復出。父諱文煊、字燦然、國學生。自高祖以下、皆隱德不仕。燦然公以謀食至海州之板浦、依外祖許君世貞、遂家焉。厥配戴孺人無子、復娶王孺人、生子二、長廷堯、字致堂、一字華峰、爲人孝友和睦、有古人風。次卽先生也。

又先生從叔曾祖諱潤生、以布衣從族叔河南巡按諱駟、有殉難歸德事。謹案、御批通鑑輯覽於順治二年三月、特書我大清兵定河南、進取歸德、巡按

御史凌駟及其從子潤生死之。華亭王氏明史葉福王傳載之甚詳。甲申春三月，京師失守。五月，福王監國於南京。辛丑，兵部主事凌駟起兵東昌討賊。九月丙申，以王之綱充總兵官，掛盪寇將軍印，鎮守河南。凌駟聯絡河南北直。順治二年春正月乙酉朔，福王居南京。癸巳，命河南巡撫趙其杰巡按凌駟防守虎牢。三月丁未，我大清兵取歸德。巡按御史凌駟及其從子潤生死之。此卽顧亭林氏哭楊主事詩所謂我慕凌御史，倉卒當絕吭也。汪堯峰氏江天一傳亦曰：方勝國之末，新安士大夫死忠者有汪公偉、凌公



駒與金僉事公三人。而顧詩汪文皆舉駒不及潤生者。蓋卑統於尊也。其錦於嘉慶己巳秋往歛之雙溪。見凌氏宗祠之外別有六忠祠。所奉祀者宋待制公唐佐、明太常公子儉、尚書公義渠、侍郎公駒、御史公潤生、刑部公世韶。并有六君子傳。詳其忠節始末。而他以科目文辭著者不得入焉。其族風尚大抵以忠孝爲本。子孫之風尚如此。而祖宗之遺澤從可知矣。先生生我朝文治極盛之際。其學之博大精純。世盡知之。求聖人之道而實之以禮。尤千餘年未發之覆。昔揚州江鄭堂先生序先生文集曰。君學貫天人。

博綜邱索、繼本朝大儒顧胡之後、集惠戴之成、豈阿好哉。

乾隆二十二年丁丑八月二十日巳時、先生生於海州之板浦場寓宅。

先生二十生日作歌七首、序云、日躔壽星、月離觜觿、吾降值焉。

二十三年戊寅、先生二歲。

二十四年己卯、先生三歲。

二十五年庚辰、先生四歲。

二十六年辛巳、先生五歲。



太公燦然先生示以堂匾聯對之類先生卽應聲對曰某某試以鄰居戚友所常往來之家者亦然蓋見人讀而從旁默識之故也見者皆驚其有宿慧云。

二十七年壬午先生六歲冬丁燦然公艱。

燦然公生於康熙丙戌七

月十五日未時卒於是年十二月二十八日午時。

二十八年癸未先生七歲始就塾讀書。

儀徵阮雲臺宮保撰次仲凌君別傳云君生海州六歲而孤困苦窮巷中母王氏鬻簪珥就塾師。是年次姪嘉錦生大姪嘉錫長先生一歲。

二十九年甲申先生八歲。

三十年乙酉、先生九歲。

三十一年丙戌、先生十歲。

三十二年丁亥、先生十一歲。

三十三年戊子、先生十二歲。

海州程時齋太學校庚午冬與其錦書有云、乾隆戊

子余年二十、聞鄭氏書塾中有同鄉凌氏子、年十二、
慧甚、日讀百行。

三十四年己丑、先生十三歲、學賈。

先生昔嘗曰、某六齡而孤、貧無立錐、賴兄致堂營生
養母、次年始就塾師讀書、十三歲卽以家貧棄書學



賈、六經未之全讀也。阮公撰別傳云、就塾師、麤記姓名而已、去學賈。江鄭堂先生 國朝漢學師承記云、君年十三、卽棄書學賈。皆紀實也。夏、丁嫡母戴太孺人憂。戴太孺人生於康熙己丑正月初七日子時、卒於於是年四月二十五日未時、葬濟生公墓側。

三十五年庚寅、先生十四歲。

三十六年辛卯、先生十五歲、能詩及詞。

國朝漢學師承記云、偶在友人家見詞綜、唐詩別裁集、攜歸、就燈下讀之、卽能詩及長短句。先生乙巳年學古詩有云、十五學吟詩。

三十七年壬辰、先生十六歲。

錢塘張堯峰先生

賓鶴

至海州板浦、寓楊鍊星

鍊含

滄書屋、見先生詩詞、大奇之、示以詩法。丁酉寄懷張雲汀先生詩云、憶君在海上、授我爲聲詩。謂我下筆古、有若屈宋辭。

三十八年癸巳、先生十七歲。

三十九年甲午、先生十八歲。

先生詩集始於是年、存靜女吟以下四首。

四十年乙未、先生十九歲。

吳郁洲先生

恒宣

修雲臺山志、聘先生襄其事。吳公

嘗作雙仙記、義貞記傳奇。先生謂詞曲雖小道、亦音

律中之一端。於是兼留心於南北曲之學。是年詩存和酌亭彈琴見憶以下七首。

四十一年丙申。先生二十歲。能曲及古文。

先生一斛珠傳奇序云。余友程君時齋取曹鄴梅妃傳譜作傳奇。取少陵事附之。名曰一斛珠。歲在丙申。始屬草焉。時余在海上。時時過相商定。未二年各以事他去。又長安春望圖序自注。丙申二月。故於是年以能曲及古文著之。詩存牛墩河以下十四首。

四十二年丁酉。先生二十一歲。

先生招海客辭序云。僕本歙人。生於海上。二十有一



年矣。思歸不可得，乃擬楚人作招海客辭以自慰。李問原秋郊小獵圖序、秋日西莊小集序亦作於是年。詩存題羣仙渡海圖以下六首。

四十三年戊戌，先生二十二歲。

先生論古文，以騷選爲正宗，於是作祀古辭人九歌。遊鴈山，尋秦東門遺址，作秦東門銘。賣癡獸文亦在是年。所日與往還者程時齋、序堂、琴仙、春生、松秋、蘊光、李問原、章酌亭、吳牖雲、松屏、黃小松、沈德秀、方方山、李鉏景、張秋崖、德園、松泉、許石園、香溪、書谷、羅守溪、詹香崑、周蘭坡諸君。詩存送許香谷歸里以下十

五首。

四十四年己亥、先生二十三歲。始志於學、出遊、客儀徵。二月初一日始出遊、以中表許崧陽明府執中時爲儀徵稅課司大使聘也。先生辨志賦序云、某春秋二十有三、托跡溟海、抱影窮巷、爲賈則苦貧、爲工則乏巧、心煩意亂、靡所適從。用是慨然有向學之志焉、乃爲辨志賦以自廣、求聖道於六經。雲臺先生撰王太孺人壽詩序云、太孺人曰、汝爲賈而恥與人爭利、恐難成、宜從事於學。然學非蘄爲博士弟子之謂也、必通經立行、爲古之儒焉。且獨學無友、則孤陋而寡聞。



吾有汝兄侍養。汝其遊四方就師友以成之。於是次仲乃挾書出遊。是年作擬連珠詰叢桂辭。吳志伊十國春秋跋。擬西楚霸王廟碑。詩存別家以下五十四首。

四十五年庚子。先生二十四歲。客儀徵。

冬十月。自儀徵回板浦。同兄廷堯。姪嘉錫。扶燦然公

柩歸歛。十二月。與祖父松友公柩。祖母許太孺人柩

合葬於梅山汪家地。祖父生於康熙庚戌九月初一日未時。卒於乾隆四年己未十

月二十五日子時。祖母生於康熙己酉九月十一日卯時。卒於乾隆六年辛酉六月初十日申時。是

年作魏文帝賦詩臺賦。鄔覺庵詩序。書唐詩殘卷後。

十六國名臣序贊。詩存送方竹樓之潤州以下二十八首。阻風青山以下皆歸歎途中作。

四十六年辛丑。先生二十五歲。春。自歙由杭回板浦。客揚州。撰元遺山先生年譜初稿。

正月十六日。自歙由杭州回板浦。二月初一日。應離使伊公之聘。客揚州。先生手鈔諸經跋云。乾隆庚子冬。兩淮巡鹽御史長白伊公齡阿奉旨刪改古今雜劇傳奇之違碍者。次年屬余襄其事。客揚州者歲餘。吳人孝廉李勉伯先生繩贈余詩。有莫將掾似筆。顧曲誤垂名之句。於是感其言。取諸經就枕上觀覽。



同人或阻之、乃自課以手鈔代讀。案曩日館中同事

者、總校甘泉黃秋平文賜、江寧李理齋經、分校先生

及海州程時齋枚、丹陽荆玉樵汝爲、委員淮北分司

漢陽張瑤村輔、板浦湯大使長洲湯亮齋惟鏡、經歷

查公廷佩、他如揚州朱二亭質、羅兩峰聘、李艾塘斗

張登封宗泰、仇載南依、張筱軒海觀、朱崔巢煥、柳東

犁夢薦、周光羽鴻、葉英多永福、林鐵簫李、汪損之錫

維閔、蓮峰華、儀徵方竹樓元鹿、趙雪篷參、汪繡谷文

錦、陶鏡堂鑑、石野堂椿、李小梁澔、高郵金晚芳蘭、泰

州宮霜橋國苞、黃竹亭廷垣、通州陳小山模、如皋管



蓋曰廣文清丹徒唐西美王法辛侶嘉燕丹陽荆葯

田青溧陽史朗亭應武進岳澹園肇基陽湖褚容

船邦慶金匱王春明灝華杏村光祖筱塘熙宜興萬

華亭應吳縣惠雅南承緒長洲宋椒園使君道南

江寧李桐宇廣文紅翁桐軒廷儀山陽金午橋孝廉

培朱實齋棟程緱山崔年潘桃溪源淪川渭胡肇先

裕末沐陽吳南畝中翰白華桐城劉學海濤歙縣吳

暮橋魯汪劍潭學正端光謝未堂侍郎溶生葉詠亭

天賜洪麟書瑞方鑑亭世陞汪鯤颺煥汪古香桂休

寧金翼庵別駕忠沂黔縣汪石蘭廣文燾涇縣朱立

堂森桂全椒金棕亭博士兆燕退谷璉篠村臺駘盱

貽江灝西使君沆天長林廋泉道源奉天鄔覺庵佛

保郎鉏月兆夢長白年汝鄰王臣天津張桂崑賜寧

錢塘孫熙堂咸程對山升元黃小松主簿易詹倫表

帷英錢袖海東嘉興王蔗鄉馨張恭初惟敬陳東暘

天遴石門陳桐嶼治蒞江夢桂烏程沈少約國棟周

方旭夢旦沈文若錦春歸安嚴雪舟文彝山陰童二

樹鉦會稽王裕民光祖王梅墅忠抒王敬輿嘉年沈

參軍錦林漢陽張秋堂主簿永清大定劉白沙使君

文清奉新徐九長孝廉日吉及尺五樓林歲成鄒文



奎、詹石琴、楊集古、吳歲荄、張竹軒、汪贊庵、史倬齋、解
荻洲、孫詩廷、江虞川、陳樟亭、周允中諸君皆已亥至
壬寅四年中竹西同遊者。是時阮宮保纔應童子試、
與先生稱莫逆交、故撰王太孺人壽詩序云、乾隆辛
丑、與元訂交於揚州、問學相長、各期束身修行、少有
所表見於世、以無忝所生。是年作擬王琳討陳檄文、
金衍慶宮功臣贊、族曾祖蒼舒先生手札跋、書宋史
史浩傳後、黃氏通史發凡後、復章酌亭書。詩存深渡
以下十四首、深渡至過杭州、自歛往杭塗中作、過平
望以下、由杭回海州塗中作。

四十七年壬寅先生二十六歲。春夏客揚州、季秋始入京都。

初、金棕亭先生與先生相見於揚州小玲瓏山館、目爲曠代奇才。是年秋、圖直指

明阿

撤去詞館、因慫恿

入都。湯亮齋明府適值轉餉、先生遂受其聘偕行。九

月二十八日到京、同縣程戢園編修

晉芳

極器重之、

大興翁覃溪洗馬

方編

見所作詩古文辭及他撰述、

歎曰、此不朽之業也。戢園先生擬薦之。汪編修

如藻

校修一統志、而覃溪先生因其門生桐城章君

維垣

新派四庫館總校、又薦之爲其校書。戢園先生亦勸



就焉。是年作謝金棕亭博士惠鱖魚蒸餅啟、謝翁覃溪師贈戴氏遺書啟。詩存錢塘廉吏行以下四十首。四十八年癸卯，先生二十七歲。客京都，始習時藝。夏，援例入成均。秋初，應京兆試，不第。冬，回板浦省親。

春二月十八日，覃溪先生令受業習時藝。覃溪先生於鄉會兩榜外無門生，蓋特奇異之也。夏四月三十日，援例入成均。秋初，應順天鄉試，不第。是科主試者卽覃溪先生也。而先生下第，真有命存焉。先生學勤齋時文自序云：癸卯客京師，洗馬大興翁覃溪先生見某所作詩古文及他撰述，大嗟異，問笑不應試。某

以幼未嘗學時文、且不知理法爲對。先生蹶然曰：子蓋爲村夫子之言所誤矣。夫古今文一而已，豈有二理二法哉。乃取案上文數篇示某曰：此時文也，寧有異於子所云乎。乃勗之學。於是遂受業於先生之門，援例入成均應試。是年主京兆試者卽先生也，而某以文不合格下第。○二月二十一日後，館於滿洲慶敬齋主事。格家受業者繼誠、吉昌、毓秀。自壬寅入都以後，名公鉅卿通儒雅士時在都中者如餘姚邵二雲編修。晉涵興化任子田禮部。大楨高郵王石臞工部。念孫歷城周書倉編修。永年錢塘吳穀人編修。錫



應滿洲吉竹坪祭酒善閩縣葉毅庵學士觀國湖口

周駕堂編修厚轅丹徒鮑雅堂中書之鑣欽州馮魚

山編修教昌祁陽陳瑤次比部山琨泰州錢秋浦孝

廉蓉興化李蕙圃孝廉晉堦無錫顧容莊孝廉鉅顧

鯉門孝廉訓學鳳陽孫飲香孝廉是蘭解州宋芝山

上舍葆淳長洲胡眉峰上舍童廣德吳景季拔萃嘉

植富陽羅艾堂上舍俊丹徒張平伯秀才秉鈞桐城

張浣亭上舍裕驥滿洲吉穀少福及綏之履之又趙

貢夫九鼎任田農大楷吳涇陽授忠孫淵如星衍張

廈銅項時亦在都國子監司業鄒公炳泰崇志堂學

錄常公循暨同鄉刑部陝西司主事余公德澤程魚

門編修晉芳洪素人比部朴洪桐生中翰梧朱滄湄

中翰文瀚鄭黼峰御史曦江漪堂中翰連程蘭翹編

修昌期吳桐初晉程彝齋敦程觀瀾光勳洪石農範

胡樹思梧實諸君悉愛重納交而先生亦遂因之互

相資益焉。居京數月名噪一時都中莫不知有先生

矣。後官吾郡其錦從讀四庫提要并簡明目錄等

書因請問紀曉嵐先生時在都否。先生曰在都惜曩

日未嘗請見也。後先生嘗自厯舉多見海內學者亦

以未見紀文達公爲憾云。九月二十二日出都回板

浦省親。是年詩存題吳上舍讀易圖以下七首。

四十九年甲辰、先生二十八歲。春、客揚州、娶華孺人。秋、回板浦、冬、再入京都。

揚州汪容甫先生中其論學最惡宋儒、漢唐以後所

服膺者、崑山顧寧人氏、德清胡朏明氏、宣城梅定九氏、太原閻百詩氏、元和惠定宇氏、休寧戴東原氏、以爲國朝六大儒、於時流恒多否而少可。及與先生相見、辨論古今、深爲折服、手書一十六人姓名示之。嘉定詹事府少詹事錢曉徵大昕江寧府學教授錢學淵塘陝西候補直隸州州判錢獻之珩廩生金其



章日追附生李生甫廣芸長洲布衣江艮庭聲江國

屏藩江浦副貢生韓紹真廷秀陽湖進士莊保琛述

祖歆舉人程易田瑞田修撰金輔之棧寶應舉人劉

端臨台拱高郵進士李孝臣悌餘姚編修邵與桐晉

涵曲阜檢討孔搗約廣森仁和翰林院侍讀學士盧

召弓文弼曰此皆海內通人也與吾夙相交契者今

得君合十有七矣遂介交江國屏上舍并示孔檢討

所撰林編修誄及元武宗論二篇春三月華君光祖

以長女妻先生秋先生以華孺人歸板浦嫂氏汪孺

人卒先生謂伯兄曰嫂氏在世艱苦備嘗身後事不



可草草。

嫂氏生於雍正乙卯九月初七日亥時卒於
是年四月十四日未時葬海州板浦鎮西。

冬、張堯峰先生往山東巡撫明公署、先生與之偕行
入都。是年專志禮經、作七戒。再晤阮公於揚州、作後
大鵬遇希有鳥賦及周易述補序、蜀岡餞別詩序、上
洗馬翁覃溪師書。詩存甲辰二月至揚州金棕亭先
生招飲以下五首。

五十年乙巳、先生二十九歲。客京都。

寓天津牛次原先生學齋。次原名坤、戶部師竹先生
子也。識先生於貧困、待之如同胞兄弟。在其學齋習
時藝、每月四課、文成必呈覃溪先生改正。是年考取

一等入監肄業。本堂老師常公循、山陽人。戊子舉人。司業運時帆先生、本名運昌、奉旨改名法式善。二月初七日、皇上臨雍講學、隨班接駕聽講。恭紀二十韻進呈。二十一日、領賞綠紬一疋。三月十五日、領欽賜銀一兩。是年作學齋二箴。詩存恭紀以下二十三首。

五十一年丙午、先生三十歲。客京都。再應京兆試、不第。冬、回板浦省親。

乙巳、丙午客京都、同在學齋習時藝者、次原先生及同縣胡樹思梧實、皆於丙午科中式、而先生獨下第。



覃溪先生曰、子之文可中而不中、蓋天之所以厚子
 也、子必勉之。兩年間、曲阜孔龔軒先生廣森、偃師武
 虛谷先生億、時亦在都、相與訂交、講學論文、氣味最
 洽。自甲辰以來、知交日衆。在揚州時、又有鍾菽崖懷、
 何春林孫錦、江定甫安、秦敦夫思復、汪晉蕃光燧、焦
 里堂循、李濱石鍾泗、史望之致儼、歸安陳君文煜、在
 都有檀公萃、王斛元有年、牛揮雲、劉古三、鄭秋浦、李
 載園、呂星垣、方藕堂、陸以寧、龔石春、趙渭川、張鄂樓、
 方道坤、黃左軍、章實齋、朱少白、周采巖、葛菱溪、唐柘
 田、談階平、林嘯雲、喬莘農、葉曲臺、褚希之、趙石泉、江

六瑤、羅斯翁、翁玉階、翁宜泉、胡敬仲、戴祖啟、俞金門、

漆瑄諸君、詩酒往來、極一時友朋之樂。詩存送李載

園明府之官保定以下六首。

五十二年丁未、先生三十一歲。春客揚州、夏客南昌、秋往河南。是年撰禮經釋例初稿。

覃溪先生督學江西、以書招佐衡文、遂於三月初自板浦起身。時南康謝蘊山先生啟昆爲揚州太守、覃

溪先生房首也、一見遂定交焉。五月、同舟至南昌、客

學使署、佐閱南昌府屬生童卷畢、移寓謝公所。時鉛

山熊蔚亭太守枚、臨川李進士宗猷、東鄉吳秀才嵩

系武進蔣修隅

知廉

修竹

知節

桐城胡洛君

虔

諸君

咸在南昌。八月初、由漢口往河南、客畢秋帆中丞節署。是年作九慰、答牛次原孝廉書、與阮伯元孝廉書、孔檢討誄。詩存小孤山以下三首。

凌次仲先生年譜卷一



儒藏

凌次仲先生年譜 卷一

凌次仲先生年譜卷二

受業宣城張其錦編輯

五十三年戊申、先生三十二歲。春客河南、秋入京都。三應京兆試、中副車。冬、回板浦省親。

畢秋帆先生每歲十二月十九日置酒高會、爲東坡作生日。丁未冬、以病不果、於戊申正月補爲之。時在座者先生及吳竹嶼舍人、張吾山廣文、唐拓田進士、方子雲布衣、洪稚存博士、徐朗齋孝廉、朱秋巖明經、沈春林上舍、王石華、藕夫二茂才也。漢軍李香林如蘭、長洲朱念莪上舍淳時亦在河南。是年預行正科。



鄉試。秋由河南入京都。三應順天鄉試。中式副榜第十名。正主考禮部尚書德保、字定圃、姓索綽羅氏、滿洲正白旗人。丙辰舉人。丁巳進士。副主考禮部右侍郎鄒奕孝、字念橋、江蘇金匱人。癸酉舉人。丁丑探花。工部右侍郎管幹珍、字松厓、江蘇陽湖人。丙子副榜。己卯舉人。丙戌進士。第四房同考官內閣中書張虎拜、字錫山、號嘯厓、直隸天津人。己丑進士。同房中式者第六名潘本郊、字序伯、江蘇無錫人。十九名汪滋畹、字薰庭、江南休寧人。二十五名王宗誠、字中孚、江蘇青陽人。三十七名宮秉鑑、字寶唐、江南人。五十九名姚杰、字邁人、浙江會稽人。七十六名段達和、

字蓉泉江人一百十七名趙蕙芬字樹百浙江秀水人一百二十

七名朱鳴鳳字桐雨浙江海鹽人一百五十名蔣光祖字竹史江南常

熟人一百六十六名呂彩字江華江南儀徵人一百八十一名諸

葛謏字顧之浙江蘭溪人一百九十一名吳芬字香林江蘇宜興人二百

六名詹應甲字巽甫江蘇副榜第十名先生副榜第十

九名蔡世榛字爾捷湖北監利人頭場四書首題子曰不曰如

之何一章次題小德川流二句三題堯舜之知三句

詩題賦得六藝道德本得行字先生首藝主陸賈新

語慎微篇以春秋時事點綴成篇文最博麗曾西井

明府謂爲時文家別開門徑是也後先生歸欽主紫



陽講席、索觀者衆、遂重爲付梓、自記曰、此文爲房師張嘯厓先生所薦、座主德定圃先生甚賞之、已登前列。尋有言其跼弛者、久之始改副車。庚戌、歸安張蘭渚同年師誠以吏部郎左遷中書、循例請會試、在哲昆鄂樓形書齋、見余此文而愛焉、謂爲前此所未有。未幾入場、遇君命召、不俟駕行矣、題竟效爲之。榜發、遂以第七名獲雋、而余亦於是科成進士。去余中副車時僅一年許也。乃戲作二詩柬之、文章毀譽信悠悠、嗜好從來豈易投。同是人間不龜手、一泔泔統一封侯。流俗紛紛愛抑揚、大慙大好亦何妨。寄聲鄉曲

拘虛子、拭眼重看古戰場。又京官六品以上例不準鄉會試、而蘭渚官吏部者數年、因降調、復舉禮闈入翰林、亦爲前此所未有也。并記於此、以備他日掌故云。冬、回板浦省親。應板浦場李使君汝璜之聘、與海寧張集堂光湜、吳興沈吉甫謙日逐唱酬。是年作登鄴城賦、大梁與牛次原書、倉頡廟碑。詩存杏花以下三十首。

五十四年己酉、先生三十三歲。舉本省鄉試。

春、里居不戒於火、太夫人陷於室內、先生冒火入、背太夫人出、母子毫髮無損。見之者悉歎曰、非孝感不



如此。三月、自胸浦往湖北、復客儀徵。秋、應 萬壽恩

科江南鄉試、中式第一百四名舉人。正主考內閣學

士胡高望、字希呂、浙江仁和人。癸酉舉人、辛巳榜眼。

副主考吏部考功司主事賀賢志、字虛齋、直隸遷安

人。庚子舉人。第十三房同考試官潁州府蒙城縣知

縣劉士煌、字鍊齋、廣東饒平人。己亥舉人。同房中式

者第五名施廷柱、

字贊清、江蘇通州人。

第五十四名張煥、

字敬軒、江

蘇江陰人。

第六十名吳眉、

字登如、安徽桐城人。

第九十一名劉時、

字偕、江蘇山陽人。

第一百四名先生。副榜第四名樊卓、

字崇、江蘇崇

明。副榜第十五名汪桐、

字蘇、太倉人。

江。頭場四書首題務

民之義二句、次題書同文、三題夫義路也、至小人所視。詩題賦得重與細論文、得和字。試前見安徽學使秦端厓先生。潮秦公謂戊申分校北闈、見先生文、與莊公通敏、其相激賞、深以南人不閱南卷爲惜。是年、兄孫兆淵生。詩存牛揮雲太守宣石假山以下五首。五十五年庚戌、先生三十四歲、成進士。

春二月初二日、自板浦起身、由陸路進京、寓次原先生學齋。應萬壽恩科會試、中式第四名。大總裁東閣大學士王杰、字偉人、癸酉拔貢、己卯副榜、庚辰舉人、辛巳狀元。副總裁工部右侍郎鄭奕孝、字里、科吏第見前。



部右侍郎朱珪、字石君、順天大興人、丁卯舉人、戊辰

進士、第十房同考試官、國子監助教沈維坤、字義溪、

浙江德清人、已亥舉人、甲辰進士、同榜中式者第一

名朱文翰、字屏茲、號蒼二名陳登泰、字江仁和人、浙三名

幸從益、字謙受、號筠谷、四名先生、五名陳預、字立凡、

順天宛六名李廣芸、字生甫、號蘇齋、七名張師誠、字

友、號蘭渚、浙八名方體、字道坤、號茶山、九名陳之綱、

字惇三、號旭峯、十名許作屏、字福建侯官人、十一名

黃洙、字依宜、號澹人、十二名趙睿榮、字守能、號荳哇、

十三名德文、字蔚之、號粹圃、十四名石韞玉、字執如、

江蘇吳縣人。十五名齊嘉緒、字衣聞、號雲橋、十六名劉敬

熙、字號、江西南康人。十七名霍來宗、字瑞堂、號輯五、十

八名邢澍、字雨民、號自軒、十九名韓廷秀、字紹真、號

江浦人。二十名戴敦元、字士旋、號金溪、二十一、名黃鉞、

字左君、號章齋、二十二名錢福胙、字錫嘉、號訥堂、二

十三名陳希祖、字敦一、號玉璫、二十四名趙未彤、字

滋、號序堂、山東萊陽人。二十五名葉繼雯、字桐峰、號雲素、二十

六名洪亮吉、字君直、號穉存、二十七名盧元偉、字特

西津、江西南康人。二十八名王治模、字範之、號梓堂、二十九

名王謨、字恒甫、號晴庵、三十名龐士冠、字正南、號鹿



人三十一名白守廉字河南河內人三十二名陳鴻賓

字漸遠號雲門廣東南陽人三十三名錢學彬字采南號質夫雲南昆明人三

十四名羅廷彥字孟淳號湘州湖南衡山人三十五名桂馥字冬

未谷山東三十六名張桓字子善號八愚浙江桐鄉人三十七名

曲阜人張時霖字子肅號石樓江蘇清河人三十八名鄭大謨字孝顯號

侯官三十九名胡先聲字駿夫號希齋安徽涇縣人四十名王定

柱字直隸正定人四十一名保麟字子良號九真江蘇通州人四

十二名葉大觀字巨賓號蓮山福建羅源人四十三名端木煜字

坦號敬齋江蘇江寧人四十四名邵葆醇字睦民號松疇順天大興人四十

五名陳崔鳴字殿頌號茗仙江西寧州人四十六名恩普榜名謝墨音白

裕特氏字夢符號雨四十七名朱煌字昆墀號蔚室

堂滿洲鑲藍旗人。

安徽當塗人。

四十八名史書笏

字欽三號恒巖直隸新樂人。

四十九名楊曰鯤

字啟甫號蒼石

五十名徐憲文

字郁亭號石渠

五十

一名楊邦直

字安徽懷遠人。

五十二名蔣祥墀

字盈

丹林湖北

五十三名張若采

字子白號谷漪

五十四

名周系英

字湖南湘潭人。

五十五名王蘭芬

字衛州號

山陽

五十六名陳慶槐

字應三號蔭山

五十七名王

蘇字延庚號脩嶺

五十八名阮升基

字亨舉號助林

五十九名王寰

字江蘇金匱人。

六十名安清翹

字翼聖

山西絳州

六十一名高賜禧

字得蒼號心蘭

六十二

垣曲人。

河南祥符人。



名王應垣、字東諸、城人。六十三名魯銓、字選堂、號子

人。六十四名張世彥、字美濟、號詠厓、直隸樂城人。六十五名劉珏、

字輝堂、號

六十六名王宗誠、字中孚、號蓮府、安徽青陽人。六

十七名牟昌裕、字啟昆、號松巖、山東棲霞人。六十八名孫希元、字

和、號澹如、山西興縣人。六十九名熊方受、字介茲、號定峰、七十

名喬遠煥、字子萬、號賁山、湖北孝感人。七十一名顏惇恪、字詒兼、

廣東南海人。七十二名賈鈞、字河南、濬縣人。七十三名吳大

勳、字銘石、號集齋、貴州畢節人。七十四名李錫書、字洪九、號璧齋、

七十五名黃齊煥、字采臣、號昭園、湖南湘鄉人。七十六名顧王霖、

字穉圭、號容堂、江蘇鎮洋人。七十七名王訪、字采軒、號惺亭、七十

八名鄭彤、字從江、號蜀門、七十九名朱偓、字右佐、號

典文、八十名魏紹濂、字溯纓、號人。八十一名郭淳、

字元滙、號曉泉、八十二名田瑛、字英玉、號懷雨、八十

三名盛安、鍾姓、字無逸、號遷人。八十四名吳雲、字潤之、

江蘇長洲人。八十五名李鑒宣、字介周、號丹厓、八十六名

洪梧、字桐生、號東湖、八十七名李湘、字楚航、號衡帆、

八十八名史積中、字道存、號虛谷、八十九名延弼、字

一號西園、滿九十一名秦維嶽、字觀東、號曉峰、九十

二名封大受、字仲可、號棣堂、九十三名祝曾、字紹宗、

河南固始人。九十四名李榮、字仁甫、號蔚園、九十五名紀



蘭、字楚佩、號香谷、九十六名匡苞、字于桑、號夢坡、九直隸晉州人。

十七名魏鈞、字秉衡、號萊峰、順天通州人。九十八名顧玉書、字謹堂、號

繼庵、河南長葛人。九十九名張問陶、字樂祖、號舸山、四川遂寧人。一百名

宋簡、字在心、號西樵、江蘇元和。一百一名阮文燾、字涵虛、號蓋亭、貴州畢節

人。一百二名蕭廷發、字興選、號一齋、廣東嘉應州人。同房者六人、先

生及趙未彤、邵葆醇、張若采、劉珏、顧王霖。頭場四書

文首題皆自明也。次題君命召不俟駕行矣。三題使

數人要於路曰請必無歸而造於朝。詩題賦得老當

益壯、得方字。是科新例進士覆試、先生有四月十八

日正大光明殿覆試恭紀詩。以頭場首藝磨勘、停

殿試。五月二十一日、自京由水路回板浦。七月二十
二日到家、海州分司何公某旋聘焉。是年作章酌亭
墓誌銘。詩存次韻覃溪師獻縣途中見懷以下二十
四首。

五十六年辛亥、先生三十五歲。

春正月己酉、房師劉明府、戊申座主管潛臺暨清河
謝蘊山觀察各遣使延聘。因於二月十一日自板浦
起身、由陸路過龍苴渡汴河、厯宿遷暨銅山之楊莊、
宿州之符離、至蒙城謁劉鍊齋先生。三月初七日、自
蒙城由水路發過河、厯懷遠、五河、泗州至淮安、謁管



松崖先生。夏往清河、客謝觀察署。冬回板浦。是年作蒙城縣莊子廟碑、手鈔諸經跋、改擬連珠等篇。詩存過龍苴鎮以下十五首。

五十七年壬子、先生三十六歲。

春夏客清江謝觀察署。秋八月、謁己酉座主胡豫堂先生於江寧試院。二十七日、謁庚戌座主朱文正公於安慶撫署。九月二十日、從大江由蕪湖至溧陽、時

溧陽令爲閩縣張燮軒先生經邦招飲。座中閱順天

鄉試題名錄、知鮑雙五桂星、何春林孫錦、王晚馨紹

蘭、管南英粵秀、畢蘊山耀會、英煦齋和諸公獲雋賦

詩志喜。旋厯宜興、丹陽、鎮江、揚州，於十一月二十九日回板浦。是年作與焦里堂論路寢書。詩存題謝蘊山觀察種梅圖以下三十九首。

五十八年癸丑，先生三十七歲。春入京都，補殿試。夏客熱河，冬回板浦省親。

春二月二十五日，自板浦起身，至清江晤謝觀察，餽臚甚厚，送至王家營。三月二十三日到京。四月十五日，赴禮部驗到。二十一日清晨，入東長安門，詣貞度門。太和門右門領卷，恭詣保和殿殿試。二十五日，臚唱得第三甲第二十六名。二十六日，恩榮宴。二



十八日、午門謝

恩、領表裏一副。

金鑿色大綬一疋、玉色絹一疋。

五月初二日、應

保和殿

御試、題擬後策賢良制

一道、積古疏一道、發微不可見、充周不可窮之謂神

論一篇。賦得松風水月、得閒字五言八韻詩一首。初

四日、至翰林院演禮。初六日辰刻、

宮門引

見、歸

班銓選。初九日、具呈吏部、改教職以養母。十五日從

座主王文端公自

圓明園起身。十九日至熱河。十

月初三日、自京回板浦。是年在都、與江鄭堂

潘

及玉

文端公季子更叔

堉

講求象緯之學。作縣象賦、熱河

謝座主韓城公貽鮮荔枝啟、與胡敬仲書、書篋銘、小

欽硯銘、一斛珠傳奇序等篇、弔李將軍文、蓋自歎不與館選也。詩存曉發小店集以下五十一首、清河橋道中以下往熱河作、荏平以下出都作。

五十九年甲寅、先生三十八歲。春夏家居、秋冬客杭州、禮經釋例二稿。

秋九月初二日、偕姚庶甫同年自淮起身、由揚州鎮江到杭州、客謝蘊山先生臬署。十月、部選得寧國府教授缺。時仁和盧抱經先生纂儀禮注疏詳校成、將以授梓、先呈謝公、而先生見之、亦以夙所校本相質正。盧公一見、遂深相契焉。適有善貌者、爲先生作小



照因請書校禮國三字於卷端。盧公自謂不善書，轉請伊同年梁元穎先生爲之書，并題作合之緣以贈之。又鮑以文先生廷博歙西長塘人，居浙之桐鄉烏鎮，博極羣書，家藏萬卷，所刻知不足齋叢書風行海內。往來武林時，入臬署與先生晤談最密，曾示以全謝山先生蒼水張公神道碑云：將爲張公建祠，且欲以此文刻諸張公墓前。先生曰：此文字句多未檢點，當是草創，未經修飾者。若遽以勒石，是形前人之短也。似宜別求作者，以忠烈事實另作墓碑或祠堂記而刻之，庶幾此舉得尊君親上之體矣。作與鮑丈書。

直指其文中之紕繆。山陰趙煦堂

元杰

錢塘錢芥石

松

江西楊桐石明府

懋

及宋立厓、汪石蘭、謝砥山、

李淩翰、朱瑤圃、郭頻仰、鄭榮石、王沛堂、徐東崖、沈盤
谷、吳夔庵、胡洛君、詹笠東諸君常與往來湖上飲酒
賦詩。是年作學勤齋時文自序。詩存寄祝座主韓城
公七十壽詩以下二十四首。

凌次仲先生年譜卷二

①熟河：當作「熱河」。按，本譜於「熱河」均記作「熟河」，其後凡遇「熟河」，不再標注。

②般山：當作「船山」。

③西：當作「西」。



凌次仲先生年譜卷三

受業宣城張其錦編輯

六十年乙卯、先生三十九歲。春、自杭州歸歙、到安省領憑、赴寧國府學教授任。

春正月、在杭州臬署、將回徽、盧抱經先生撰校禮堂初稿序以贈之、竝乞作儀禮注疏詳校序。海寧陳仲魚先生鮪雪中過訪、謝臬使及秦觀察瀛、鞏明府懿。

修皆厚贐焉。二月初四日起身、十二日到歙之雙溪、拜祠展墓、曲盡誠敬。與族戚往來外、屢同程易田、胡受穀、曹官保、金殿撰、方侍御諸鄉先生集會、討論學



術。閏二月初九日，自歙由休寧往安省。二十五日，藩
 憲驗看。姓朱名廣，漢軍。係十府糧道署。三月初三日，謁撫憲。姓周名
昆明人，已卯舉人，本藩臺署。初四日，赴院考驗，四書題非擇而取
 之，詩題賦得異香開玉盒，得開字五言八韻。初五日，
 考列一等，領憑，即日起行，由水路往宣城。十三日，到
 寧國府學教授任。十七日，遣柴十回板浦迎親母王
 太孺人奉養。四月二十日，王太孺人同華孺人暨胞
 兄到署。七月，奉委送考往江寧。自甲寅以來尤留心
 推步之學，吾宣梅勿庵先生其後裔寓江寧明瓦廊
 三元巷，先生至即訪之。石居先生鏐文穆公第八子

也。悉出徵君所製比例銅尺及銅規、銅渾儀等器觀之。又有程綿莊所製竹渾儀。竝借讀江慎修先生翼梅八卷。八月二十四日回署。是年其錦肄業敬亭書院。先生到任後，卽以論語黃衣狐裘當從毛詩羔羊正義指韋弁服解問。先生極賞之。遂承家君命受業於門。後問以四書中典禮其儀文度数何以不能了然於心。先生曰：須求之於儀禮。先以張稷若儀禮鄭注句讀爲讀本，再考之賈疏，并示以楊氏儀禮圖。謂讀儀禮非圖不明也。又以日至求故閏月成歲璣衡齊政等解問。先生曰：推步之學，汝宣城梅氏爲集大

成者。卽以厯學疑問三卷、疑問補二卷授之、謂先讀此自可入門。明年肄業學署中、請問如何用功、先生手書杞菊軒功課單示之。今謹錄於此、以爲好學者式。

杞菊軒功課單

月課

每月初二日、初八日、十六日、廿三日、課四書文一篇、試帖詩一首。

每月逢五讀生四書文一篇、熟文若多、不讀亦可。試帖詩一首、臨小楷數百字。



儒藏

每月逢十讀生古文一篇、如長、分作兩三課讀。文選及唐宋大家皆可讀、古詩律詩各一首、漢魏六朝及唐宋人皆可。臨小楷數百字。

日課

每日早起、讀生經文一百字、凡未讀者皆陸續補讀、讀必精熟、務須手鈔、如不能百字、即數十字亦可。隨意溫熟文數篇、須用心探索、讀經不可間斷。

早飯後、溫熟經文二百字、隨意或臨帖、或鈔詩古文、或劄記典故、分門別類、四書文及後場應用者尤要緊。或讀史數頁。午飯後、隨意溫四書數頁、有暇即參稽經史、討論詩

文。有疑卽須問難。

燈下隨意溫熟文數篇、或鈔舊讀詩文、或查考日間所讀詩文中故事。

五更醒後、默記新知、醞釀舊得、此最要緊功效、進益多在此時。

此單驟聞之似乎平易、然果能日日有恒、不作輟、數年之後必有成就。昔王深寧宋之通儒、其所立課程、不過日誦文字一篇、或量力念半篇、或二三百字而已、此外則將經史分門編纂、其說載在詞學指南中、皆古人之成效。若貪多務廣、不能爲繼、於實際終無



益也。

是年作擬璿璣玉衡賦、鄉射賦、儀禮注疏詳校序、與江豫來書、戴東原先生事略狀、謝山西方伯謝蘇潭先生惠朝服啟。詩存喜海寧陳仲魚雪中過訪以下二十五首。

嘉慶元年丙辰、先生四十歲、官寧國教授。

正月初一日、恭遇 覃恩加一級。祖父易筠、胞贈文林郎、寧國府學教授、祖母許氏、胞贈孺人。父文煊、勅贈文林郎、寧國府學教授、嫡母戴氏、勅贈孺人、生母王太夫人、勅封太孺人。是年、元遺山先生年譜成、作



序及中星閏月說、羅睺計都說、方直儀銘、立三角儀銘、讀孟子、書唐文粹後、書程賓渠算法統宗後、樹經堂詠史詩跋。詩存題王柘庭壯士十年歸國以下九首。

二年丁巳、先生四十一歲、官寧國教授。

座主朱文正公以安徽巡撫內遷兵部尙書。夏四月、先生往安省謁見、文正公用韓昌黎薦士詩韻題校禮圖、曰遠利就冷官、曰君才富江。慎修戴東原、蓋誠重其學行而將敷薦之。故又曰君方東主璋、特達待上告。以後題者如王儕嶠、阮雲臺諸先生、多依韻和。

之。時戴可亭相國以京察督學安徽，按臨寧郡，禮遇有加焉。錦於是年取第一名入學，會面諭之曰：「凌老師名師也，須多從遊幾年，方能獲益。」是年作寧國凌氏宗譜序、懷遠宮氏族譜序、謝座主朱石君師贈線綢啟、汪容甫墓誌銘、擬淮南節度使楊行密大破朱溫於清口露布。詩存寧國學署梅花盛開以下二十四首。

三年戊午，先生四十二歲，官寧國教授。

青浦王蘭泉先生索刻辭稿錄一卷，寄之。是年兄孫兆淵來署，作擊蒙書室雜銘，與王蘭泉侍郎書，答孫



符如同年書。詩存題楊克堂醉漁圖以下八首。

四年己未、先生四十三歲。官寧國教授、禮經釋例三稿。

是科會試、總裁吏部尙書朱珪、左都御史劉權之、戶

部侍郎阮元、閣學文寧、而文正公爲先生師、雲臺先

生爲先生友。閱題名錄、喜牛次原諸先生登第、因大

集生徒暢飲、賦詩以樂之。自注謂、榜中如史望之、鮑

雙五、吳山尊、王伯申、張臯聞、程春廬、汪薌林、馬器之、

吳春釐、白小山諸君、或同年、或同門、或舊相知識、皆

一時名下士也。作禮經釋例序、周官九拜九祭解、成

擬賀日月合璧五星聯珠表、與孫淵如觀察書。詩存

題張季和池上草堂圖以下七首。

五年庚申先生四十四歲官寧國教授。

翁覃溪先生自都中由家季和徵君

炯

寄新刻所著

元遺山年譜一卷。先生謂其錦曰吾向曾以所撰初稿見覃溪師遂蒙教育得竊科第。今師亦成此謹錄數條載入吾書以見淵源所自。間有異同之處不敢徑改者恐失本來面目也。竝錄副本寄都以相質正。

○孫淵如先生力扶漢學關西人推步爲不可信於是作覆孫觀察書又越海祥風頌權經齋劄記序梅邊吹笛譜序祭武虛谷文詩存題黃少眉笈雲圖以

下十七首。

六年辛酉、先生四十五歲。官寧國教授。

正月十三日、初次俸滿、於五月初三日自宣由水路

赴省。初五日、到蕪湖。初六日、道憲朱公名鎔、長洲人。驗看、加

考語、年強學裕、訓迪端方、堪以留任。十二日、到安省。

十六日、藩臺驗看。福慶字仲、餘、滿洲人。二十三日、撫軍驗看。荆

道乾、山西臨晉人。皆加考語、以勤職註冊留任。時桐城姚姬

傳先生主敬敷書院講席、爲題校禮圖、與先生論學

宗旨各別、先生答之以詩、有云、是非原有遺編在、同

異何嫌立論殊。是年詩存黃直民同年以其先人牧



原先生蘭心圖索題以下三十三首。

七年壬戌先生四十六歲官寧國教授。

汪瑟菴相國時以侍講學士督學安徽按臨之日每與先生論文講學略去禮儀先生曾以其錦解論語黃衣狐裘指韋弁服上質公極遽之洪稚存先生自塞外歸主講旌德洋川書院迂道來訪留宿學齋暢談數日乃去。是年冬先生語其錦曰向嘗謂吾聖人之道不能外禮而求由今靜思之真覺確不可易矣。十餘年功力一旦卓然自信樂不可言於是作復禮三篇禮後說慎獨格物說好惡說等篇以發明之。竝



命於誦讀之際。凡說之有以禮爲主者。節錄大略。使相印證。其錦於是。將經中語爲一卷。子史及集中語爲一卷。先生諸論說爲一卷。總顏之以約禮編。先生曰。其庶幾求道之方乎。吾宣學博戴斗垣先生。與先生最相得。見而歎之曰。此論乍聞之。若生面獨開。而細按之。實還其本來面目也。特向者未經人指點耳。今爲拈出。儒家得指南車矣。涇川趙肖巖先生良爵主敬亭講席。往來甚密。亦見而云然。是年。次姪嘉錦卒。作復姚姬傳先生書。祭廣西巡撫謝蘇潭先生文。詩存和杜竹吟刺史元旦卽事以下十首。

八年癸亥先生四十七歲。官寧國教授。換燕樂考原。

權觀察蕪湖張鞠園先生

雲祥丁未進士福建晉江人

勤學好古

集古書數千卷。延先生往觀之。先生於九月十六日

自署起身。十月初四日回署。尊酒細論者半月有餘。

觀察贈琴一張。古書數種。○舊歲先生以後學古詩

寄都。覃溪先生因述古詩五章答之。以代面談。竝作

札。令轉寄王述庵。錢辛楣。姚姬傳。劉端臨諸先生。蓋

皆各述所得以相賞析云。又儲定齋先生

嘉珩字太映乙卯進

士湖北隨州人

過宣城。見先生著述。讀弔李將軍文與論古

諸作。不覺傾倒。後赴姑孰。賦詩見志。并寄札略云。外



間紛紛言考證無當名實如閣下者固當世之所希也。魏書音義成幸速寄我鳳凰芝草先睹爲快。於是年悟唐宋燕樂之宮調以字譜爲主其原出於蘇祇婆之琵琶作燕樂考原六卷。又統論以禮求聖道之意作書覆錢曉徵先生。又與阮侍郎書孟子時事考徵序瑞桃頌。詩存宛陵晤蔣希裴并追憶令兄竹史同年以下二十三首。

九年甲子先生四十八歲。官寧國教授禮經釋例四稿。方茶山先生體以比部出守九江迂道來訪。又許雲樵司馬鴻盤寓學齋數日相與縱談輿地之學。先生

謂其錦曰、海內第一專家也、其會通今古精審之處、直接棗磻。作覆許雲樵司馬書、及與阮侍郎論樂等書、燕樂考原序。詩存吳之水騎尉新構書室以下二十三首。

十年乙丑、先生四十九歲。官寧國教授。夏、丁生母王太孺人憂。

先生性至孝友。生母王太孺人於是年春九十大慶、時阮官保巡撫浙江、作古詩十章、遣使致祝。先生自去冬以來、右目內障、因命其錦侍讀於太孺人側。太孺人曰、名公鉅卿譽之若此、恐不敢當。後其錦以自



撰杞菊頌待讀。太孺人曰：汝文質庶無愧乎。五月十七日巳時，胞兄致堂卒。距生於乾隆二年丁巳二月二十六日丑時，享年六十九歲。先生謂猶子嘉錫曰：汝祖棄世，吾與汝俱幼，惟賴汝父營生養母，身後事宜從厚。令扶柩歸葬於梅山濟生公墓側。以太孺人年過高，匿勿使知。乃於閏六月二十五日戌時無疾而卒。距生於康熙五十五年丙申三月初七日午時，享年九十歲。先生卽於是日卸任，遵制成服。凡事悉竭誠敬如禮。同寅及紳士生徒弔者數百人。毀瘠憔悴，遂眚一目。哀慟迷罔中。華孺人卒於九月二十

九日酉時距生於乾隆二十九年甲申十月初一日
子時享年四十二歲。先生於是子然一身痛無可告^①
署內親丁祇一側室張孺人而已。旋於十月初六日
扶柩起程十一日到歛。十二月初八日卯時葬王太
孺人於問政山塘園。華孺人耐之。卯酉加甲庚向。其
時弔唁者沿山曾西井明府佩蓮南昌許介田運使
音信當塗夏朗齋學博鑾泰州沈午橋進士成渭吳
江陸澹安孝廉泰增涇縣朱柳堂教授龍含山黃春
池刑部躍之同鄉程易疇廣文瑤田也園吏部振甲
麗仲洪浦兌甫恩澤羅仲英永符汪輝如燁諸君及

宗黨姻戚。

凌次仲先生年譜卷三



儒藏

凌次仲先生年譜 卷三

校記

①子：當作「子」。

凌次仲先生年譜卷四

受業宣城張其錦編輯

十一年丙寅先生五十歲。

寧郡魯子山太守前歲議修府志、擬聘先生、先生以目疾辭、乃延洪稚存先生主之、而以沿革屬焉。繼丁內憂、并延主敬亭講席。春二月來宣、於開館後偶至府署、由角門送出。次日又遣使立請、卽作札辭之曰、前此教授知府接見之儀、有國家典例在。今則忝破亭講席、與閣下則賓主矣。在某微賤、不能以禮自處、固無足惜。若仍僕僕於閣下之門、是并不能以禮



處閣下矣。是以今日之招、雖鄭堂稚存舊雨咸集、竟不敢奉陪、非惟自愛其鼎、亦兩全之道也。先生之以禮自處、并以禮處人、大都類此。唐陶山先生仲冕重修海州志、書遣使採訪、先生因舉其大者作書覆之。又與程易疇先生書。

十二年丁卯、先生五十一歲。

春、回欽主講城南紫陽書院、初熙園中丞薦也。先生與中丞未嘗謀面、因作書謝之、由魯子山太守處轉達、適被幕友改作駢體、遞後始知、乃覆上書以自明、蓋不欲爲駢四儷六之浮辭、以寓讀禮不言之古義。



而已。先生欲以實學導其鄉人，於開課之日，卽擬規條榜於堂右，其略曰：某幼而孤貧，流落東海，傭食負米，未嘗學問。至於時藝，尤爲疎淺。年將三十，始妄爲之，皆鄉先生所深知者。今忝桑梓講席，實深恐懼。伏思紫陽書院爲一郡英髦所集，昔江慎修、戴東原、金輔之諸先生皆常誦習於此。流傳至今，不乏鴻通之彥，其中兼有耆舊宿學名輩在某之前者，幸得朝夕接教，庶幾勉其所未至。倘有議論紕繆，評點失當之處，伏祈面加訓誨，不啻百朋之錫矣。除每月初三日課期，應請府憲出題考試，閱定外，其十八日課期，

謹遵 功令、竊擬規條於後。

初課 此月十八日

四書文一篇、

試帖詩一首。已進八韻、未進六韻。

次課 次月十八日

試策一篇、

經解一篇。或律賦一篇。

如有不喜作全卷者、任作一題皆可。

又次課 又次月十八日

雜文一篇及古近體詩。

如有不喜作文與古詩者、卽近體詩亦可。

三課以後、周而復始。鄙見如此、未審諸先生以爲何

如某頓首謹白。

二月十八日已進四書題、緇衣羔裘三句、未進四書題、旅酬詩題、賦得象限儀得平字。○三月十八日已進題、百世以俟聖人而不惑、質諸鬼神而無疑、未進題、牧皮者、詩題、賦得寸寸秋色得難字。策問題、我高祖純皇帝 欽定禮記義疏內中庸大學二篇、前全載鄭氏註、後全載朱子章句、不加論斷、原欲令學者自擇、究之二家之說孰長、請各據其異同之處、直抒所見、以仰副 聖朝崇尚經學之至意。經解題、堯典以閏月定四時成歲解。○評王度卷云、大學云、自



天子以至於庶人，豈是皆以修身爲本。中庸云，齊明盛服，非禮不動，所以修身也。是禮字爲中庸大學眞注脚。策問中能見及此，可謂豪傑之士。亟拔之，以爲有志聖學者勸。○評王國翰卷云，論語皆孔門遺訓，其中無一理字，易書詩春秋儀禮周禮，唯詩有我疆我理，易大傳有理得及窮理，順理等語，然古人皆作條理解。至天理人欲四字，始見於樂記，亦漢儒采諸文子，去聖人則已遠矣。童而習之之書，不可草草看過。○評汪寶書卷云，策問於詁訓不同處頗見考核。經解所云九百四十分乃四分術之日法，至乾象術



已不用矣。經生家不明置閏之故，皆蔡氏多五日有奇爲氣盈，少五日有奇爲朔虛之說害之，不可復襲之也。○評曹振鐸卷云：變易經文，標新立異，極于王柏，遂爲聖門罪人矣。指點體用，體用對舉，本六祖語，九經三史無此文也。論性談天，極於白沙，遂爲禪家別子矣。有志者當知所擇焉。○四月十八日已進題，鄉也。吾見於夫子而問知，子曰：舉直錯諸枉，未進題，其爲人也。詩題，賦得百石卒史碑，得瑛字。雜文題，擬班孟堅典引一首。古體詩題，擬姜堯章昔遊詩五古，不拘篇數，全擬亦可。近體詩題，擬元裕之論詩絕句七絕，不拘篇數，全擬

亦可。○五月十八日已進題、享禮有容色二句、未進題、夏禮詩題、賦得沒階趨進、得前字。○六月十八日已進題、是惑也、誠不以富、亦祇以異。遵朱註未進題、是惑也、誠不以富。遵朱註詩題、賦得溫故知新、得通字。策問題、朱子論語集註所引諸儒之說、其名字爵里可得聞歟。註中引經引子引說文釋文及引史以證者、明用何氏集解。及暗用者兩義並存、未經折衷、及疑而未定者、明以來講家時文家誤會註意而妄說者、能悉數之歟。經解題、鄭風褰裳解。○七月十八日四書題、如用之、詩題、賦得七月流火、得流字。近體



詩題、新秋卽事七律四首。○八月十八日、四書題、公叔文子之臣大夫、詩題、賦得一方明月可中庭、得方字。○九月十八日已進題、人不知而不愠、不亦君子乎。未進題、傳不習乎。詩題、賦得業精於勤、得精字。題紙後識云、四書兩題、漢宋之說不同、皆 頌在學宮之書、作者請各從所好、此次非課時文也。策問題、胡臚明先生易圖、明辨其說、可得聞歟。經解題、仲尼燕居、郊社之義、嘗禘之禮、解。○十月十八日已進題、子曰切切偲偲、未進題、泄泄、詩題、賦得沈沈隱隱、得林字。雜文題、書方樸山鄭註拾藩自敘後。古體詩題、讀

方樸山與全紹振書五古、不拘篇數。近體詩題、讀方樸山答李雪崖雜辨七絕、不拘篇數。○自開課以後、始則大諱、繼則信疑各半焉。而先生教思之誠、終不稍懈。嘗語及門胡進士培翬曰、僕旣抗顏居此席、當思有三益於後進、豈忍曲學阿世、取悅流俗、以誤英雋之士乎。又與畢子廉鐸書有云、淳安方君樸山、吾鄉素奉之爲山斗者、其文集中、詆排宋儒、不遺餘力。蓋樸山爲西河弟子、故堅守師說如此。乃其主講紫陽、從未一言道及其卑視吾鄉、以爲不足與語者何如。然則弟之厚待吾鄉、反遭駭怪、何也。樸山之薄吾鄉



至此而吾鄉尙有依草附木、以借其淵源爲榮者、一何可笑。又其所作盍簪錄序等文、皆不入集。而吾鄉凡自云其門下士者、集中亦未齒及姓名、其以吾鄉人士爲逆旅之藩溷可知。樸山文集具在、可覆按也。今之奉樸山爲山斗者、其文集全未寓目、而徒詫吾言、是亦不可以已乎。然同志如足下、幸有數人、則吾道爲不孤矣。又曰、此札凡吾鄉相好者、祈與之閱、天資高者可以發其聰明、次者亦可以破其沉滯、不足語者不必也。語雖戇而心則誠、幸轉致諸同學、共諒之。是年程也。國吏部命次子洪溥受業先生、極嘉其

才之美、而以學進之。作銅鼓齋上梁文、與羅仲英孝廉書、吳宜人傳。

十三年戊辰、先生五十二歲。春夏居歙、禮經釋例五稿成。秋客杭州、冬歸歙。

春夏在歙、專理舊稿。婺源戴爾勤明府揚輝於壬戌歲、受業、其識最超。涇縣潘純夫河院錫恩於乙丑歲、受業、其年最幼。先生俱極器之。五月朔、與其錦書有曰、去秋潘生領鄉薦、今春戴生捷禮闈、余言驗矣。是時雲臺先生再撫浙江、遣使延聘、因於八月初三日、到杭州節署。撫軍以洋匪朱潰、蔡牽二帮合犯普陀、



已往寧波督勦、臨行時曾屬先生若到、卽令赴寧波。
初四日、署中卽撥一材官僱船送往。初八日抵寧波、
寓撫軍行轅、卽提督公署、明萬厯間沈四明相國一
貫故第也。撫軍與先生十餘年契濶、渴欲相見、雖軍
書旁午、相與辨証古今、娓娓不倦。初十日、撫軍親赴
鎮海、督諸鎮進兵合勦蔡牽。十五日、撫軍回行轅、行
轅中賓客會稽徐璧堂刺史。聯奎錢塘陳石琴孝廉
光岳、烏程張秋水明經。鑑丹徒吳晴波勇士。世臣十
六日、先生同陳石琴、張秋水登范氏天一閣、閣在寧
波府城內、明兵部左侍郎范欽建。欽字堯卿、號東明、

嘉靖十五年進士，卒年八十三。閣制上下皆六楹，范氏祖制，凡登閣閱書，必通知各房族長齊集，各帶鑰匙，或司總門，或司閣上諸厨，一同啟閉，故閱者甚難。十七日，撫軍移行轅於海關舊署。十八日，同吳晴波至李忠毅公祠。李提臺名長庚。十九日，起身回省。二十日至餘姚，夜渡曹娥江。二十一日，同張秋水遊南鎮廟。二十二日，渡浙江入撫署。撫軍命其少君常生受業焉。每日課經之外，必以司馬氏通鑑授讀，謂熟讀此書，則千古以來成敗得失之故洞若觀火，而他日侍帷幄，備顧問，述往事以匡時，就陳編而悟主，無有過於



此者。作與阮中丞論克己書。南城王實齋先生

聘珍

撰大戴禮記解詁。先生爲之作跋。又章酌亭遺稿序。冬回歛。詩存三月晦日雪以下二十四首。

十四年己巳。先生五十三歲。春客杭州。夏歸歛。卒。

春二月。到杭州節署。與阮撫軍書有曰。某向謂聖人所謂學。卽指禮而言。苦無顯證。後讀論語而得之。子曰。恭而無禮則勞。慎而無禮則蕙。勇而無禮則亂。直而無禮則絞。四者獨不云學而無禮之蔽。又曰。好仁不好學。其蔽也愚。好知不好學。其蔽也蕩。好信不好學。其蔽也賊。好直不好學。其蔽也絞。好勇不好學。其

蔽也亂。好剛不好學、其蔽也狂。六者亦不云好禮不好學之蔽。又勇而無禮與好勇不好學同謂之亂、直而無禮與好直不好學同謂之絞、其義甚明、何疑乎。此人所共見之書、惜予之而不能讀也。由此觀之、鄙說不戾於孔子可知矣。又嚴厚民上舍杰贈宋張玉田詞源二卷、取而讀之、與愚昔所著燕樂考原若符節之不爽。其書世無傳本、心竊自喜、此皆獨抒心得、非勦說雷同者可比。然則、僕與閣下定交、尙非貿然互相標榜、尊已卑人之惡習也。時撫軍介弟梅叔副車亨亦自揚來署。又陳桂堂太守廷慶錢太史昌齡

朱兵部

爲弼

陳提臺

大用

及段懋堂、鮑綠飲、黃秋平、

臧在東、林嘯雲、濟南、小桐、陳覲光、何夢華、韓錦仙、張

旗山、汪選樓諸君往來晤集、舊雨新知、頗有友朋之

樂。撫軍以先生無子、贈之一姬、字韓芳。夏四月中、先

生攜歸歙、寓問政書塾。揚州朱謙山

鐘

以三十年前

之友來訪、謂束書不觀、方可生子。先生甚感之、而以

爲有命存焉。於是朝披夕抹、日事著述。忽於六月初

一日晚、餽席間偶一傾跌、扶起遂不能語。夜半後痰

漸湧而逝、值初二日丑時也。時親丁祇側室張孺人

與阮撫軍所贈而已。喪喪事者惟程生洪溥一人、夏



儒藏

凌次仲先生年譜 卷四

朗齋先生時爲料理。七月初七日、胞姪嘉錫自海州率次子名德來奔喪、因次姪嘉錦先卒、其議以嘉錦爲先生嗣、又卽以嘉錫之次子名德繼嘉錦、爲先生承重孫。八月初七日、治喪禮、受親知之來弔者、其錦聞赴走歎、燕文酬酒、拜哭靈次。明年三月十九日、葬先生於歙西梅山十畝園、與父燦然公合墓。是年夏、自杭回歙、改作封建尊尊服制考、草創未成。其錦校錄清本、於嘉慶十九年往江西節署、同原草二冊、面呈雲臺先生定正、以便補刻禮經釋例中。易簣之日、尚草南宋七閩表說。詩存祇鶯戲和陳桂堂太守以

下五首。

先生嘗自言一生得朋友之力最多、茲故舉所知者按年敘之。竊謂先生生長胸海、而自已亥客饑壬寅入都、庚戌成進士、其知交實滿天下。迨官吾郡、凡過訪者竝勤勤懇懇、以直諒待之、考古證今、靡不各厭其心以去。郵筒往反、幾無虛日、遠隔千里、情同一室。於雲臺、次原兩先生、雖家常瑣事、亦彼此互聞、蓋尤聲相應而氣相求也。他如王子卿澤、邢佺山嵩、張子白若采、孫符如起恒、周耕厓廣業、朱習之錫經、尊一錫爵、杜竹吟開元、蔣竹史光祖、希裴光庭、蒲快亭忱



朱約齋蕭左仲甫韓吳石臣鼎曹扶谷三選錢晦之

大昭汪孝嬰萊李尚之欽蔣蔣山徵梅抱孫冲張

愚溪璧瑛陳鳳石寶泉楊健齋龍錢質夫學彬汪

艾塘庚張侍喬裕華葛二林鑒馬釋齋有年吳山尊

薰黃春谷承吉程香谷家祥沈虛舟自成陳一亭心

傳段廣文玉成瞿蓑生中溶孫雨窗為翼朱琴川楷

陳實甫春華汪仰之樹棠程尹溪立達施雪帆晉戴

蓮塘綺孫子畏起崙李營甫傳鎮吳之水攀龍周石

落鶴立英遊府瑞楊克堂大壯諾叅將育保曹琴軒

夢鶴章篋堂廷鈺西來天育魏憲鄰維綱章問山珍



黃少眉 振遠 周最峰 德隆 沈湘葵 沾霖 諸圃堂 自穀

孔雪樵 傳薪 吳聲揚 鍾 韓明府 子正 吳棟園 燠 王臨

川 祖怡 于寧之 慶餘 范平甫 準 吳玉松 雲 朱敬堂 杕

李春舟 學穎 鄭雲洲 兆珩 鄭新甫 柏 姚根重 持衡 王

賓麓 灼 葛蕙榜 美 吾于篁 祖望 郭晴川 一臨 汪崔崖

杰然 張眉軒 星燦 蔡蔭人 樹望 常合齋 太和 張廉船

舟 張雲溪 兆燾 洪孫符 幼懷 繆敬之 梅 張訪渠 厚載

杜靜圃 鳳梧 勞讓泉 崇勳 孫嘯壑 滙 葛仙源 坡 梅羽

儀 鴻 周萼泉 溥 孫少蘭 世昌 張小簣 大紱 方象三 夢

松 馬雨耕 春田 器之 宗璉 趙琴士 紹祖 與朱少河 嚴

道甫、黃直民、鄧芳圃、王柘庭、胡本亭、吳楚帆、張季虎、朱錫章、吳復齋、方穀存、陳子犀、黃澹人、汪鑑亭、孫平叔、吳蔚如、宮茂琴、雲峰、方又輝、如川、立堂、沈楓樾、馮右宜、徐書林、吳年帆、湯漢勛、吳懷侯、濮喬嵐、吳季卿、鄭佐廷、吳柏泉、孫葯亭、湯涵三、程曉嵐、魯美堂、朱萊泉、汪應鑑、陳廷桂、李應勲、汪叔辰、張鳳翽、諸君、或同年、或同寅、或舊識與新知、皆其錦從學宛陵學舍十餘年所目睹。其簡書往來、或見諸集中、或親接其言論、丰采者、類敘於此、以誌先生知交之廣云。

塾師有三、一爲許君澤咸、歙縣人、係先生表叔。一爲

吳君克明字懋昭海州庠生。一爲吳君士楷山陽庠生。

受業弟子五十五人。戊辰在杭州則有儀徵阮常生、字壽昌。丁卯在徽州則有歙縣程洪溥字麗仲、績溪胡培翬字載屏、歙縣朱承儔字馴子、羅承域字限之、績溪周樹屏字立夫。乙卯至乙丑在宛陵學舍則有婺源戴揚輝字爾勤、涇縣潘錫恩字純夫、震澤沈寶樹字稼維、武進蔣之筠字德培、歙縣吳承本字葆初、廬江朱啟字廷南、吳爾祚字永錫、涇縣翟森字桃園、胡沛澤字樹雲、朱啟字戟門、胡承謙字蓮友、胡承謨



字典卿、馬景涵字岳青、吳國瑞字繼先、吳濱字南涯

潘望寧字海門、趙信字

子執

翟佩蘭字湘浦、旌德汪斐

然字成卿、汪績字熙堂

原名以純

汪邈字璫玉、呂飛鵬字

程九、方文炳字虎文、宣城陳紀字綱甫、魯有鈞字權

叔、洪惟濱字西涯、仲澍字雨之、奚若蘭字華廷、徐煊

字禮和、呂元炬字渭陽、高嵩字貢宸、張大恕字仲良

凌炳桂字步蟾、張承訓字聖傳、楊尉字之文、徐其洋

字耕野

原名鍾英

徐鼎梅字調之、暨其錦、與已亡胞弟其

銘字新甫、族弟垣字輔之、庚戌秋在駒浦、則有海州

程立中字敬持、喬紹僑字東里、喬紹富字巖林、癸卯

在京都則有滿洲繼誠、吉昌、毓秀。己亥在儀徵則有歙縣許承瑞、許上瑞。

憶壬戌癸亥間，阮宮保嘗以書索刻所著述。先生以古人每悔成書太早，辭之。及卒時，祇一禮經釋例清本在杭節署。其一切遺稿皆係程麗仲收藏，擬將設局編校。其錦赴歙，竝面約襄其事。當以燕樂考原爲著述之亞於禮經者，爰乞稿本歸。次年夏，先生猶子晉昭來宣，乃謂遺書盡歸板浦，且以編校相屬。因思遺書在徽，有程君勝其任。若海隅僻壤，恐無珍重而愛惜之者，遂於十月間往海州搜輯。其爲友人攜去



者則乞反之、底草重複者則剔去之、叢雜載歸、編輯爲校禮堂文集三十六卷、詩集十四卷、劄記六卷、晉泰始笛律匡謬一卷。其手定者禮經釋例十三卷、燕樂考原六卷、元遺山年譜二卷、充渠新書二卷、梅邊吹笛譜二卷、禮經釋例、己巳春雲臺先生刻於杭州節署。燕樂考原、辛未夏其錦刻於家塾曲肱亭。時阮宮保在史館、編纂儒林、寓書學使顧筠巖先生采訪吾師遺書、下問及錦、當將已刻之燕樂考原呈寄。壬申秋、并齋未刻各種北行、擬獻諸史館。適值雲臺先生督漕來淮、代爲籌畫、命回宣刻文集三十六卷。



乙亥歲學使白小山先生作詩集序謂當與文並傳。庚辰學使胡書農先生亦問及此。去冬海鹽朱尚齋邑侯錦琮愛民恤士博學能文讀先生詩與詞而好之。今夏給以資斧命刻之以成校禮堂全集則知己之感師若弟皆永載之矣。噫其錦夙奉先嚴命纂刻凌氏遺書乃始之以力綿暫輟繼之以事故稽遲屈指數之今已忽忽焉十有八年矣。學不加進而名不見稱恐卽百年亦終同秋草。甲戌冬曾據見聞所及并考諸詩文將先生出處遺事作爲年譜。今取舊稿略加修飾釐爲四卷刻列遺書後則吾師千秋大業

固自不朽而鄙陋如其錦者亦庶幾附青雲之末而彰歟。時道光六年歲次丙戌季秋朔日受業宣城張其錦謹識。

凌次仲先生年譜卷四

小門人宣城張家湜校字

郝蘭皋夫婦年譜

許維適 編撰

李文澤 一審

蔣宗許 二審

據《清華學報》第十卷重排

《郝蘭皋夫婦年譜》、附《著述攷》，許維通編撰。原載一九三五年一月《清華學報》第十卷第一期。

郝懿行（一七五七—一八二五），字恂九，號蘭皋，山東棲霞人，清著名學者。嘉慶四年進士，官戶部主事，浮沉郎署二十年，官情極淡，惟致力於著述。所著有《爾雅義疏》十九卷，稿凡數易，垂歿而後成。其說《春秋》，以經為主，成《說略》十二卷、《春秋比》二卷。於《易》，有《易說》十二卷；於《書》，有《書說》二卷、《圖書輯要》一卷；於《詩》，有《詩說》二卷、《詩經拾遺》二卷；於《禮》，有《鄭氏禮記箋》四十九卷。又作《山海經箋疏》十八卷、《竹書紀年校正》十四卷，以正後人羈亂之謬。此外又有《荀子補注》二卷、《晉宋書故》、《補宋書刑法志》、《補宋書食貨志》、《燕子春秋》、《蜂衙小記》、《紀海錯》各一卷、《證俗文》十九卷、《曝書堂詩文集》十七卷及《筆記》八卷等。其妻王照圓（一七六三—一八五一），字瑞玉，號婉侔，福山縣河北村錫瑋女。博涉經史，於懿行卒後，輯其遺書，並撰《詩問》七卷及《列女傳補注》、《列仙傳校正》。許維通所撰本譜，為郝氏夫婦合譜，係據家譜、墓志、方志、文集等綴拾而成，以郝懿行為主，王氏為輔，攷述二人著述、家事、交遊等事蹟，而以學行為主，並於年末附載同時人生卒情況，大體信而有徵。然亦偶有失誤，今人張述錚撰有《郝蘭皋夫婦年譜訂訛》（《山東師範大學學報》一九八九年第一期），對《晉宋書故》、《宋瑣語》、《補宋書刑法志》、《補宋書食貨志》之繫年有所攷辨，可參看。

郝蘭皋夫婦年譜

附 著述攷

許維通

先生名懿行、字恂九、一字尋韭、號蘭皋、山東棲霞人。牟庭撰墓誌銘始祖明遠公、原籍直隸棗強縣、明洪

武初由萊州府徙居棲霞縣城內、十五世至先生。曬書堂支譜

曾祖名倬、字卓人、號雲漢、附監生、攷授州同。支譜好義樂施、事母以孝聞、晚年喜讀史、知醫、嘗手集醫

方便覽。曬書堂文集卷五、記先曾祖遺事

曾祖母萊陽縣張氏、康熙辛丑進士學攷女。支譜

祖名光宏、字駿聲、邑庠生。支譜

祖母萊陽縣張氏、容縣知縣天植女。支譜二十五歲而寡、奉舅姑教孤兒爲己任。培元既免喪、張氏督

促從鄉先生受書、隆寒盛暑不以假、課罷歸舍、偕往舅所受教、以爲德器基於童幼、以故培元恂恂端

謹、不愧名家子、得母訓爲多也。棲霞縣志陳嘉炎撰節婦郝張氏傳

父名培元、字萬資、號梅菴、兩舉優行歲貢生、候選訓導。支譜著有梅叟閒評四卷、灌園小史一冊。

母林孺人、東廟後村貢生檀女。支譜德性磨鍊、久而彌純、如慈惠公平、勤儉諸節、一一可觀。梅叟閒評卷一

梅菴公云、大兒懿行、頗與書近、余不欲輟其功、故事無大小、自任之。次兒懿林、浮而不沈、躁而不耐、

余甚憂焉。梅叟閒評卷一又云、余與二子閒話、偶及命運之說、長子懿行謂、命不可強、無如何也、晚矣、何

如安心讀書、其具在我。新奇之書悅目、義理之味養心、不奔走而勞形、不憂戚而役志、面擁百城、心

醉六經、亦云樂矣。此而與前途茫茫爭不可知之命者、相權衡、果孰得而孰失邪。余喜其言頗近理、錄



之牟默人云、蘭皋固佳士也、翁亦深知義命、不持親老家貧之說、以撓其志、乃知蘭皋之學、其來有自。梅叟閒評卷二

清高宗乾隆二十二年丁丑先生一歲。

七月初六日午刻先生生於棲霞城內。支譜墓銘。

是年盧文弨四十一歲、江聲三十七歲、王鳴盛三十六歲、戴震三十五歲、紀昀三十四歲、程瑤田三十三歲、錢大昕三十歲、朱筠二十九歲、畢沅二十八歲、姚鼐朱珪二十七歲、章學誠二十歲、段玉裁二十三歲、桂馥二十二歲、孔繼涵十九歲、邵晉涵十五歲、王念孫汪中十四歲、武億十三歲、孔廣森六歲、惲敬一歲。

乾隆二十三年戊寅先生二歲。

八月初九日寅刻元配林安人生、安人棲霞上林村中立女。支譜

是年姚文田、徐養原生、陳世倌、汪由敦、胡穉威、惠棟卒。

乾隆二十四年己卯先生三歲。

三月十九日申刻曾祖母卒。支譜

是年牟庭生、顧棟高、汪紱卒。

維通案、牟庭字默人、亦棲霞人也、爲先生之表祖、自幼同學、先生每有著述、輒與商榷、默人學無不窺經史子集、隨文訂正、兼明算術、尤好今文尚書、先後著書五十餘種、墨板者少、稿藏于家、

遭寇亂亡佚大半、遺編零落、幸而得存、又不易獲見。余恐鄉先達平生心血、從此湮沒、不揣譾陋、故有著述攷見本學報第九卷第二期之作、雖不足以彰其偉業、然藉斯訪其遺著、亦後生所當爲也。

乾隆二十五年庚辰、先生四歲。

乾隆二十六年辛巳、先生五歲。

是年張惠言、江藩生、陳宏謨卒。

乾隆二十七年壬午、先生六歲。

正月初六日、曾祖雲漢公卒、享年七十有三。記先曾祖遺事

是年嚴可均生、江永卒。

乾隆二十八年癸未、先生七歲。

始人家塾、日讀論孟數行。文集卷三新製書衣敘

是年焦循、嚴杰、莫與儔、黃丕烈生、史貽直、梁詩正卒。

附 繼配王安人瑞玉年譜

九月二十九日申刻、繼配王照圓生、字瑞玉、號婉仝、福山縣河北村錫璋女。支譜

維通案、安人初名瑞玉、字照圓、嫁後因以字爲名、名曰照圓、字瑞玉、號婉仝。曬書堂和鳴集母林孺人爲棲霞望族、幼知書、居家有法度、年不五十而終。梅叟閒評卷二



儒藏

乾隆二十九年甲申先生八歲。

是年師阮元生秦蕙田卒。

乾隆三十年乙酉先生九歲。

是年洪頤煊舒位生鄭燮卒。

乾隆三十一年丙戌先生十歲。

臘底在內室溫毛詩梅葦公問曰提抽能背誦否先生曰能及連舉數句皆遺忘梅葦公怒掌批之。母含淚趨出終無一言。又母見梅葦公之勤於督責戲語梅葦公曰天下不親兒者莫君若梅葦公應曰天下解親兒者孰若我耶。諺云鞭打快牛牛快而加鞭欲其力田多耳。梅叟閒評卷四

是年王引之彭兆蓀顧廣圻生程延祚卒。

乾隆三十二年丁亥先生十一歲。

是年吳德旋臧庸生。

乾隆三十三年戊子先生十二歲。

七月初九日寅刻弟懿林生字又彝號晴崖邑庠生。支譜

附 安人六歲。

父錫璋公逝世。閩中文存讀孝節錄

是年李銳陳鴻壽許宗彥汪萊周中孚生齊召南卒。

乾隆三十四年己丑先生十三歲。

始從外傅受時文。率日誦一篇。未幾遂學爲文。新製書衣敘

是年李申耆生、沈德潛、諸錦、邵齊燾卒。

乾隆三十五年庚寅先生十四歲。

是年洪震煊、康紹鏞、丁履恒生。

乾隆三十六年辛卯先生十五歲。

是年陳壽祺、黃承吉生、徐大椿、姚範卒。

乾隆三十七年壬辰先生十六歲。

應童子試。自云不獨諸經。譬如四子書。尚未粗知大義。新製書衣敘

附 安人十歲。

母教讀孝經內則。讀孝節錄

秋夜新霽。與諸女伴戲月下。因得句云。海上一輪月。乾坤通徹明。兔宮桂花滿。先照玉堂中。和鳴集

是年方東樹生、沈廷芳、錢維城卒。

乾隆三十八年癸巳先生十七歲。

是年吳榮光、嚴元照、洪飴孫、端木國瑚生、杭世駿、劉統勳、裘日修卒。

乾隆三十九年甲午先生十八歲。



儒藏

郝蘭皋夫婦年譜

七月十二日弟懿徽生。

維通案悼幼弟文云次弟懿林生越六年而懿徽弟生是時吾母年四十矣又云吾兄弟三人俱生於七月吾以初六生其次相後各三日人曰茲真手足也據此推知。

附 安人十二歲。

自云母授毛詩畧通大義幼不喜讀母令背諷常至夜分。讀孝節錄

乾隆四十年乙未先生十九歲。

補縣庠弟子員。墓誌銘新製書衣敘

是年梁章鉅沈欽韓包世臣鄧廷楨凌曙徐同柏俞正燮生。

乾隆四十一年丙申先生二十歲。

是年胡承珙宋翔鳳臧禮堂劉逢祿生。

乾隆四十二年丁酉先生二十一歲。

娶林安人陳見葦以詩賀之。曬書堂詩鈔卷下注

維通案悼亡詩云獨坐蕭齋喚奈何十年情事付流波。詩鈔卷下祭亡室林氏文云汝年二十來歸

我家而林安人生于乾隆二十三年距此正二十歲卒于乾隆五十一年距彼正十年故知在是

年完嫺。

附 安人十五歲。

甫知勵志、女紅既飭、兼肄經史、風木不停。讀孝節錄

是年賈田祖秦大士戴震卒。

乾隆四十三年戊戌先生二十二歲。

食廩餼、遇學使仁和趙鹿泉、愛才如渴、有棲霞四傑之目。先生與焉。五年三試、獎待甚榮。墓誌銘

維通案先生食廩餼後、雖專治時文、習舉子業、而深覺東省教子弟甚無法、以數十篇腐爛時文、奉爲傳家衣鉢、不攻經史諸書、非治學之道也。當準歐陽讀書之法、自七八歲始、不過十五六歲、大約諸經已讀畢、然後出其緒餘、文亦易工矣。新製書衣敘

乾隆四十四年己亥先生二十三歲。

秋試不第。

長女桂生。

維通案祭亡室林氏文云、旣歸三載、誕生一女。我適秋試、歸而晤語。女名曰桂、佳兆攸繫。詎我命蹇、依然下第。

乾隆四十五年庚子先生二十四歲。

是年劉大櫟、朱仕琇卒。

乾隆四十六年辛丑先生二十五歲。

次女英生。岳母棄世、林安人遂遭厲、瘦骨難支、湯藥不離。祭亡室林氏文



儒藏

是年劉開、周濟、徐松、生、朱筠卒。

乾隆四十七年壬寅先生二十六歲。

是年胡培翬、馬瑞辰、生、童鈺卒。

乾隆四十八年癸卯先生二十七歲。

先生半途無師、茫茫然數年。秋梅菴公會濟寧孝廉李承璉、以郡學博攝棲篆、閱先生文、謂之曰、若心花未開、惟吾能開、若遂師之約、回郡以郵寄文、三年閱文六七十首、而孝廉生平爲文得力處、更樂道不倦、先生攷試餘暇、輒踵門請教、自時厥後、嘗肆力諸經、寒暑不輟、實自孝廉發之也。梅叟閒評卷

四

是年苗夔生、孔繼涵、黃景仁卒。

乾隆四十九年甲辰先生二十八歲。

子毓麟生、甫十二日殤、林安人亦病篤。祭亡室林氏文

春作憶秦娥詞。詩餘

題過馮氏故居。自注云、馮居北郭西偏、地頗幽靜、兼有園亭之勝、余八九歲時、隨族曾祖往遊、距今二十餘年矣。歲甲辰春、以事重經其地、惟見蓬蒿滿徑、狐鼠窺人而已、聊賦四章、用存遺跡。是年王筠、包世榮、生、彭啟豐、鄭虎文、程晉芳、蔣士銓、李惇卒。

乾隆五十年乙巳先生二十九歲。

秋七月作遣蜴文。外集卷下九月作詩一首。詩鈔卷下

是年程恩澤、林則徐、陳沆、姚瑩生。

乾隆五十一年丙午先生三十歲。

六月二十四日寅刻林安人逝世。

支譜、文集卷十二幼子文虎哀辭

作悼亡詩三十首。今詩鈔僅錄十二首。作祭亡室林氏文、秋決科大課拔先生第一、爲齊魯冠、以優

貢生入太學。墓誌銘

在歷下同年友荷澤劉朗亭贈陸士衡平復帖一、杜樊川張好好詩一、宋思陵黃庭經一。跋洛神賦十三行

是年陳奐、汪喜孫生、孔廣森卒。

乾隆五十二年丁未先生三十二歲。

幼弟懿徽殤。悼幼弟文

春赴都門應試不售。

曬書堂筆錄卷四長生果

夏歸自都門與表祖萊陽趙晴虹同車。

詩鈔卷下七月八日遵

梅菴公之命裝潢家藏舊書八月三日告成。新製書衣敘又搜輯先八世祖中丞公詩文兼塌墨刻石。詩

鈔卷下次韻寄趙桐陽妹壻注

維通案中丞公諱晉字康仲號崑岳崇禎戊辰進士。

支譜

手書長幅一幀長丈餘及碑帖跋尾今

仍藏於郝家余親見焉。又著丸嘯齋集一冊內係詩文篇首附蘭皋先生敘文未刊書面題高曾



儒藏

郝蘭皋夫婦年譜

規矩下題乾隆丁未手抄知爲蘭皋手翰。

在都門作滿江紅詞

詩餘

楊君畫馬記

文集卷三

途中作討壁蝨檄文

外集卷下

在家作途中連日雨

同趙晴虹先生詩至萊陽西與趙晴虹先生分途歸復冒雨疊前韻詩丁未夏歸自都門感內人

林殂謝脩已經年喟然有作詩至家詩次韻趙桐陽妹壻詩四首

詩鈔卷下

霖雨十二章詩

詩鈔卷上

董公某進士返魂

筆錄卷二

馬蘭花賦

外集卷二

悼幼弟文新製書衣敘

附 安人二十五歲

冬完嫺

安人云泊季隗待翟之年爰至結縭命以有家

葩經小記敘

先生卻扇詩云二十五年諧鳳卜八千餘

里壯鵬圖鐙前滉漾窺粧鏡切莫低聲喚老奴安人詩云千里良緣綵線牽三冬穀旦結團圓挑鐙

最喜親風雅先說周南第一篇

和鳴集

足徵安人冬月于歸正二十五歲

完嫺後夫婦以詩唱和催粧詩各一首卻扇詩各二首關關雎鳩河鯉登龍門邦家之光飛鴻響

遠音各一首先生自記云丁未嘉平良夜月明挑鐙閒話瑞玉拈此四題限酒熱詩成自慙鈍拙

僅完二首遂叨佳釀其後二首異日方足成之視詩箋淋漓尚帶酒氣也他日瑞玉乃屬和焉

和鳴

集先生又作花燭詞次韻趙桐陽詩六首其第五首云得失寸心祇自知文章憎命我終疑來年同

覓月中桂各向蟾宮折一枝自注僕既驚鈍頗爲閨中口實故相激發期雪斯言

詩鈔卷下

牟默人云林孺人訓婉佺以禮鍼指之暇課令讀父書授以孝經內則毛詩尊師勸學爲婉佺

相攸得棲霞郝蘭皋延入甥館爲致名師講習已而蘭皋成進士官戶部封婉仝安人夫婦同學久官益貧然富于著述其書滿家海內稟仰尊爲經師此孺人平生所願望者也鈔本雪泥屋遺文

節母林孺人家傳

維通案梅叟閒評卷二文集卷三壺海生詩草敘謂先生以連姻故獲福山王古邨先生並持文藝就正遂師焉古邨爲先生外姑林孺人之族兄孺人備束脩每月徵課藝往來郵寄凡四五年牟氏所謂孺人爲致名師講習殆指此

是年曹仁虎嚴長明生

乾隆五十三年戊申先生三十二歲

春撰詩經拾遺敘

據本書

秋七月初旬赴濟南應試中舉人

支譜和鳴集

攷官茹菜吳鼎題君子不以二句載華嶽而一句今夫水搏至在山賦得雲開雁路長得長字

清秘述

聞卷八

在濟旅邸獲晤劉大紳劉氏字寄菴雲南寧州人進士初宰新城以惠聞旋調曹縣不就著有名士年譜牟默人增補之劉氏與偃師武虛谷友善武氏罷官僑居歷下與劉氏朝夕過從因從劉氏處得交默人是先生拜謁劉氏默人亦必在內

略本文集卷五五君政績記鈔本楚詞述芳武億序鈔本雪泥屋遺書目錄

先生由濟南返里同行者有牟默人九月二十五日雨阻大于河旅次鐙下作五烈傳

文集卷九



儒藏

在濟南作步原韻二首贈瑞玉。濟南歸途有作贈瑞玉。和鳴集

附 安人二十六歲

作戊申秋試寄蘭皋詩二首其末首云小試文場久擅名矮廬一入倍經營案頭揮筆風添勢夜半
構思月助明花結錦成人易懶雲飛露白馬登程如君折得蟾宮桂自爾高山聽鹿鳴。和鳴集
是年薛傳均朱駿聲生莊存與卒。

乾隆五十四年己酉先生三十三歲。

春赴都門應試不售。

子壽恩生。

維通案幼子文虎哀辭云余生三十年未有子息而室亦亡粵明年再娶又明年兒子壽恩生。
在都門作己酉下第書以自勵詩四首。詩鈔卷下己酉下第後聞生子喜甚鐙下醉賦時四月十二日。詩

鈔卷上

四月之望歸自都門同行者有孫兄王生。外集卷下臨水亭記在家作賀岳伯王先生生孫詩。詩鈔卷下臨
水亭記。

維通案岳伯即王古邨先生詩注云祖孫並己酉年生。

是年劉文淇生褚寅亮任大椿卒。

乾隆五十五年庚戌先生三十四歲。

春赴都門應試不售。作庚戌四月下第作詩。詩鈔卷下

夏歸自都門感道旁枯柳作枯柳賦。外集卷上

端陽後撰寶訓秋牟默人爲之作寶訓弁言。據本書

維通案詩鈔卷下答趙桐陽寄農語有云庚戌長安下第年農桑寶訓輯新編附記寄來農語穆乎可思真如錫我拱璧但乞兒索食苦不足耳君家秋谷云門臨杭稻關晴雨更望輟讀之餘廣益搜羅有光鄙著則是收墨莊之租可無荒年飽書田之粟皆是真味矣藉知寶訓之作桐陽有所助焉。

初秋撰汲冢周書輯要序。據本書

梅荇公撰灌園小史成。據本書

是年錢塘卒。

乾隆五十六年辛亥先生三十五歲。

二月三日鐙下讀居易錄因作書白衣觀音神呪後。文集卷四作祭外姑詩。詩鈔卷下

撰鑑略。

維通案此書不分卷數支譜及登州府志均著錄未刊行今發現其稿本在第一冊內夾紙條二一云是編辛亥二月鈔偶閱前人成書時有會心下闕一云自東漢訖隋所錄每傷簡略又或有目無綱他時須檢原文補之辛亥六月二十九日識今察此稿已成完書後附綱目自三皇五



帝紀起至明懷宗止詳著述攷。

附 安人二十九歲

母林孺人逝世。安人云二十九之年慈親見背終鮮兄弟孤子一身自恨爲女纓繫於人義又不得以身殉親也。讀孝節錄

是年毛嶽生錢泰吉董佑誠劉寶楠生孔繼涑周永年卒。

乾隆五十七年壬子先生三十六歲。

孟夏晦日春秋說略初稿成牟默人撰序。據本書

仲冬撰易說敘。據本書

冬子壽恩女英俱殤於痘。幼子文虎哀辭牟默人春秋說略序

是年龔自珍姚配中梁紹壬生陸錫熊卒。

乾隆五十八年癸丑先生三十七歲。

正月念二日梅葦公命先生赴福山爲外姑林孺人禪祭因曰爾外姑遇爾厚踰常格其令人不能忘者尤在擇師一節連姻以來即國士遇爾諄諄以讀書爲念。梅叟閒評卷二

夏裝潢舊帖。跋洛神賦十三行

七月二十七日辰刻母林孺人逝世。支譜

先生以內艱廢春秋說略業。春秋說略敘附記

先生云六月與瑞玉說詩後及素冠篇瑞玉悽然不勝悵因而罷講蓋是時外姑沒三年矣是歲七月余母見背嗚呼蓼莪之廢與瑞玉同矣豈凶禍將至四體之動幾有先見者耶偶視此編淚涔涔下十一月望後書詩說卷上

梅菴公梅叟閒評成據本書

是年祁雋藻生汪縉魯九皋江德量卒

乾隆五十九年甲寅先生三十八歲

二月既望作詩問敘據本書

維通案詩問以夫婦閒居答問之語而合著一書在當時亦藝林之佳話也安人所著葩經小記有敘無書殆采入于內詳著述攷

春牟默人從先生所借得楚詞朱子本張素存本楚詞述芳雜記

秋子應虎生梅菴公云余家玉蘭一株今歲花後蒂落於榦末平處結一果余見而喜曰此生孫兆也不旬日長子懿行舉男余趙壻曰是兒母字瑞玉父號蘭皋恰是玉蘭玉蘭應其在斯乎因以徵果爲兒號先生云兒名應虎以今甲寅年生也古人云王父名子今更賜號矣此亦嘉話也梅叟閒評卷三

初冬一日葬林孺人於金鈎同上

是年汪遠孫魏源丁晏生盧文弨謝墉寶光鼎卒



備藏

乾隆六十年乙卯先生三十九歲。

禮記箋成敘作于七月望後五日。據本書

訂正春秋說略增以十例爲第二稿。春秋說略敘附識

是年陳慶墉徐繼畬柳興恩生錢澧卒。

仁宗嘉慶元年丙辰先生四十歲。

春赴禮部應試未售。同行者有牟默人過濰縣獲交郭岱封郭君正撰經治堂解義因屬默人爲敘未果。文集卷三經治堂解義敘

秋默人又過郭氏處借新刊汲古閣本說文。鈔本雪泥屋遺書目錄

維通案默人校正說文即用閣本據棲霞來人云此校本今藏在牟族某惟被蠹蛀侵蝕漫漶不清已非完書惜矣。

秋始撰讀書記

維通案此書底稿今存共二冊在第一冊書面題自丙辰秋訖戊午夏。

是年彭紹升卒。

嘉慶二年丁巳先生四十一歲。

作寒蛩篇。詩鈔卷上義姬郭氏傳

郭氏爲棲霞名士李卓甫之侍兒與卓甫以義相許梅菴公受業於卓甫先生少受業於卓甫之弟

樸園郭氏死在是年梅菴公與同學諸君子義其事而題其門先生爲之傳文集卷九

是年袁枚王鳴盛卒

嘉慶三年戊午先生四十二歲

夏讀書記第一冊成又繼撰第二冊

四月望前三日作韓詩外傳攷證敘文集卷三

十二月十二日作談夢曬書堂筆錄卷三

是年李棠階生江聲周廣業卒

嘉慶四年己未先生四十三歲

春來都門寓山左會館曬書堂筆記卷上

維通案山左會館在宣武門外校場頭條今仍存

禮部試中進士任戶部江南司主事支譜墓誌銘墓表

攷官朱桂阮元劉權之文寧題是故君子至失之曾子慎至遠矣孟子曰盡至天矣賦得鳴鳩拂其

羽得鳴字清秘述聞卷八

先生家書云兒懿行叩稟父親安近日疝病調理想全愈耶家中大小俱平康兒在外亦甚壯旺放心五月初四日引見兒幸列部員雖不及館選之榮然草茅書生遽叨六品揣分自思得此已過況補缺後亦得攷差陞遷兼御史府道古人云家貧親老不擇祿而仕人子養親幸邀天家升斗



儒藏

郝蘭皋夫婦年譜

博膝下歡樂何如也。惟部員告假雖三四月，便坐算一年，後日補缺未免過遲。且此次分部至八十名之多，何堪更遲一年，重困寒士耶？兒既不便請假，又不能久違膝下，反覆思維，父親必須來京。又今年九月後，應有覃恩，京官例得加級請封爵命之榮，當令兒膝前拜舞，戲綵娛親也。兒在京米鹽絲絮，皆所未諳，出入度支，尤須料理。每日早赴部畫稿，下衙門後，更有賓客應酬。現在雖有長隨二名，下缺。此書爲先生手翰，今藏孫蜀丞先生處。

八月作關中義勇記。九月十三日，作爲東野生題畫記。十月四日，作雙蓮華記。文集卷十

維通案余從先生第六世孫處見畫一幀，題云蓮並蒂，古稱祥。今觀之，何弗臧？有令子聞於邦儲，鳳毛卜寢昌，以娛老且壽康。雙蓮室足徜徉，梅翁年伯大人命乞賜，誨言古歷下，年愚姪楊受廷識。又一幀橫書雙蓮書屋四大字，左題蘭皋先生嘉慶己未成進士之年，盆蓮雙蒂，因顏書屋曰雙蓮。此屋久屬他人，咸豐三年，文孫伯愷世講以脩脯所積贖得，因余識蘭皋先生屬題，故額余嘉伯愷能承先志，雪涕書此，且以愧夫爲人子孫棄其祖業而不惜者。天中節後七日，高密後學單爲鏹。

附 安人三十七歲。

十月來都。外集卷上與舍弟第一書自注

是年何紹基、吳熙載、王柏心、黃汝成、生武億卒。

嘉慶五年庚申，先生四十四歲。

順天鄉試先生司外分校閱卷千餘。文集卷七皋泉攷

春讀書記成其第二冊書面題起戊午夏訖庚申春。

仲春作道引書筆記卷六

初秋王古邨來書附詩。文集卷三壺海生詩草敘

七月八日與舍弟書云老親在堂幸尚康健故我得薄宦遊遑膝下然亦五六年後便當爲歸養之計。桂女勿令使性懶惰好爲人家作媳婦也。醫方便覽二本未及披閱俟八月寄下。呂氏春秋秘書二十一種便中寄至京俟秋冬間不遲。我新病初起意緒無聊因修家書信筆抒情遂爾絮絮不休。外集卷上

十一月初八日辰刻梅荈公逝世。支譜

先生與安人歸里服喪。詩鈔卷下和恒雲岩東繼述之疊前韻自注余於庚申冬歸里。

維通案壺海生詩草敘謂比冬臘間行接家書慘離五五。粵辛酉春倉卒旋里與詩鈔注似違或冬由京歸越年初詣里故云然。又先生服闋始來京知安人必隨之同歸。

嘉慶六年辛酉先生四十五歲。

正月初四日辰刻子雲鵠生。支譜

維通案支譜云雲鵠原名雲翼字小蘭號仲翔爲先生第二子長子龍圖三子寅虎俱殤皆王安人出。惟據外集卷上戊辰答族外舅王金田太守書云兒子文翊今甫八齡戊辰爲嘉慶十三



年距此正八年。是文翊與雲鵠爲一人。龍圖即壽恩。又據幼子文虎哀辭。文虎即寅虎。爲次子。雲鵠爲三子。疑支譜誤記。

是年章學誠、馮應榴、湯鵬生、金榜、孫志祖卒。

嘉慶七年壬戌，先生四十六歲。

仍在家居喪。

孟春下澣，爲福山王古邨撰壺海生詩草敘。

五月望前二日作遊方山記。山在城西三十里。文集卷十九月望後二日作柳芥菴記。菴在邑東四十

里。同上

跋洛神賦十三行。跋云：陸士衡平復帖，世罕見者。丙午秋歷下同年友劉朗亭出行笥見贈。劉荷澤人也。洛神十三行，舊爲趙桐塹學博物。趙東萊人所收帖蹟多可觀，此其一焉。初秘不肯與，後因端溪一片石得之。與翁覃溪先生所識者，雖神韻不同調，故皆典午書之佼佼者耳。此外杜樊川、張好好詩、一宋思陵黃庭經，一俱朗亭贈。竝以乾隆癸丑夏裝潢訖。今年偶檢舊帖，爲述其略如此。嘉慶壬戌初秋，郝懿行識。

維通案：此跋爲先生手翰，書在洛神賦十三行尾。據詩鈔卷下積雪爲小山詩附句云：幼婦新辭，憐繡虎。君王獨夜詠牽牛。自注：跋洛神賦。知此跋作於七月七日。今藏孫蜀丞先生處。

是年費丹旭、汪士鐸、王文治、謝啓昆、黃易、張惠言卒。

嘉慶八年癸亥先生四十七歲。

春作版約。文集卷十一

服闋夏復來都就農部職寓曬書精舍。詩鈔卷下次韻繼述之消夏八首自注作紫綬邵君墓誌銘。文集卷十一

始撰山海經箋疏。

與孫淵如書云癸亥夏重詣都門而後有山海經之作。文集卷三

是年吳嘉賓宋琦生錢大昕吳省欽彭元瑞吳東發卒。

嘉慶九年甲子先生四十八歲。

子寅虎殤於痘。幼子文虎哀辭案寅虎即文虎說見前。

二月二十八日撰山海經箋疏敘。據本書

附安人四十二歲。

二月初作列仙傳校正敘。據本書

維通案此書及山海經箋疏是年尚未脫稿。文集卷五老道人有云嘉慶丙寅丁卯間先生赴白雲觀借校山海經穆天子傳諸書。今見山海經列仙傳初校本依秘書二十一種本確據道藏訂正是其明驗。又列仙傳凡引藏本云云皆出先生手蓋當時藏經之閣安人不得登焉故先生助之與王石渠校呂氏春秋託名其子伯申迥乎不同。呂氏春秋雜志計引伯申十條今覆按底本有七條爲石渠所校又十二紀雷始收聲條陳觀樓引作石渠云與底本合而經義述聞校月令爲引之案其痕迹不可掩矣。



是年劉墉卒。

嘉慶十年乙丑先生四十九歲。

三月校玉篇。手校本說詳著述攷。

六月十日在舍內宴會同年友李蓮堂、張夢泉、客未至前作長生果。筆錄卷四

秋讀膠西法氏春秋取義測、因檢春秋說畧重加校正爲第三稿。春秋說畧敘附識

維通案紀曉嵐觀是書深加嗟賞謂吾見春秋無慮百數十家惟茲能剗盡千秋藤葛。同上先生

與孫淵如書云前二十年著有春秋說畧其時尚未治漢學但主於詮釋經文及經中前後自有

比例持以銓衡三傳是非不失毫釐雖復拘迂亦自謂不刊之作。文集卷二

六月十八日作硯影敘有云膠西劉大木清識士也工摹印書又精相硯今年夏客都門館余曬書

堂之東軒摩莎諸石擇其尤者爲鐫字訖並摹其影屬余敘其畧云。外集卷上

維通案先生家藏二硯皆爲劉大木所鐫今尚存其一硯背敘云壬子癸丑間于梅華書屋之西

偏闢一小園亂石自間余登眺得石焉琢爲研石色深綠金星布滿余異之而未能名也膠西劉

大木精于識硯謂余是蓋鼉磯之異者爾夫物顯晦有時名實相資茲石非遇余曷繇顯不遇大

木曷繇名豈獨茲石之生平也哉乙丑季夏尋韭氏銘並敘計斤劉椽大木勒石。據余所藏拓片錄出。

據先生六世孫云其一藏在郝氏族某處亦有先生敘銘惜未見其拓片余考梅叟閒評卷二曾

記此二硯形狀前者初名綠蛙後者名碧葉。

仲冬作李柘村指頭畫。敘有云柘村海陽世家高才宿學顧不求仕進世亦無能知之者獨知其畫耳。又云其家大人曰悔道人嘗以其法馳聲畫苑柘村傳其家學衍而暢之。文集卷三

維通案柘村筆名崦道人父子指頭畫最爲吾省藏畫家所珍貴余從先生六世孫處見柘村所畫蒼鷹一幀題乙丑客都門應恂九兄屬崦道人指頭畫是先生此文之作其來有自。

附 安人四十三歲

八月四日作列女傳補注敘。據本書

維通案先生在嘉慶十三年與孫淵如書有云拙荊近欲注列女傳將上繼曹大家之遺躅亦未知能了此事不也。足徵此書尚未完成。

是年鄒漢勳張穆吳敏樹生紀昀王杰桂馥鄧琰劉台拱卒。

嘉慶十一年丙寅先生五十歲

炎夏緣事赴繼蓮龕精舍因作戲嘲芭蕉。詩鈔卷下

端陽後作雞愁。筆錄卷四

是年鄭珍生朱珪錢坫卒。

嘉慶十二年丁卯先生五十一歲

冬女幼蘭生。外集卷上答族外舅王金田太守書筆錄卷四讀志林

長至月望後六日重訂返魂舊稿冬重訂冥讞舊稿。筆錄卷二次韻翁覃溪先生丁卯科重預鹿鳴宴四



首。詩鈔卷下

是年羅澤南生。王昶、丁杰卒。

嘉慶十三年戊辰，先生五十二歲。

子雲鵠八歲，始延師教讀。答族外舅王金田太守書

山海經箋疏成。與孫淵如觀察書

維通案此書以傳習者少，復經後人孱亂。先生徵引各籍，訂其譌謬，疏其阻閼，於是名正物辨，釐然可讀。其前雖有吳氏廣注、畢氏校本，然前者援引太博，失之雜鑿；後者精於山川考證，而疏於文字訂正。箋疏則精而不鑿，博而不雜，即有小疵，終不害其大醇。蓋亦精心結撰之作也。

始撰爾雅義疏。初名爾雅略義。

與孫淵如書云：爾雅正義一書，足稱該博，猶未及乎研精。至其下卷，尤多影響。懿行不揆，擣昧創爲略義，不欲上掩前賢，又不欲如劉光伯之規杜過，用是自成一書，不相因襲。性喜簡略，故名之爾雅略義。文集卷二又云：爾雅邵氏正義，蒐輯較廣，然聲音訓詁之原，尚多壅閼，故鮮發明。今欲作義疏，於字借聲轉處，詞繁不殺，殆欲明其所以然。又云：余田居多載，遇草木蟲魚有弗知者，必詢其名，詳察其形，攷之古書，以徵其然否。今茲疏中，其異於舊說者，皆經目驗，非憑胸臆。此全書所以別乎邵氏也。墓表

維通案：爾雅義疏爲先生畢世精粹之作，其所以別乎邵氏正義，先生述之詳矣。今執編覆按，確



乎相符。而近儒有謂是書因前人成書，增益補苴，較爲精密，此中才以下盡人而可能。郝氏於發例絕無新發明，其內容亦襲邵氏之舊者十六七，實不應別撰一書。義疏之作，剿說掠美，百辭莫辯。我主張公道，不能不取邵棄郝。余以爲未盡然也。訓詁之學，聲音文字爲本，而聲音尤爲訓詁之管鍵。聲音雖緣地域不同，方俗有殊，然其語根所由，終有痕迹可尋。邵氏雖取聲近之字，旁推其義，究不若郝氏於聲義博其旨趣，要其會歸，依同近通轉，以相統系，自多爲前人所未發。固不能與王氏廣雅疏證媲美，亦可謂不刊之作。益以經目參驗，不憑胸臆，非特爲歷來治爾雅者所無。即在訓詁學上，亦屬獨闢新徑。且一書之內，所包者廣，著者學力各有專長，若求全書盡善盡美，致中原無用武之地，在千百名著中，尚不一見其難可知矣。如邵氏上卷，差可與郝氏比肩，而郝氏下卷，便駕乎其上。事實昭彰，無容掩諱，非獨因爲郝氏之書，偏存愛嗜耳。至云郝氏鈔襲，更不足爲累。著家往往博引經典，以爲藉徵，而經典爲公衆注疏之園囿，非個人佔有。邵氏雖引之於先，郝氏亦可引之於後，必曰轉引，非但詞繁不殺，而向亦無此體製。若邵氏之按語，郝氏引而不名者，方屬剿襲掠美。此爲著家慣例，清儒守之尤嚴。郝氏以樸學起家，豈不知斯而甘冒不韙，以予後人之口實乎？矧郝氏每撰成一篇，必與王石渠、阮雲臺、孫婦如、王伯申、馬元伯諸儒往來商榷焉，敢掠美竊自取辱。余將邵郝兩書拜讀一過，郝引經典，避與邵重，其重者亦非撮鈔，實無掠美之嫌。不過就著書體例而論，邵先疏正文，再疏郭注，井然有序。郝則詳正文而略其注，是以邵郝兩家各有所長，不可偏廢，必欲取邵棄郝，雖曰公道，實非公道。

四月撰竹書紀年校正敘。據本書

夏作幼子文虎哀辭。文集卷十二九月作李飲川說春秋冊跋。文集卷四九月二十三日作送王春溪員外

游越中敘。文集卷三

附 安人四十六歲。

六月九日作葩經小記敘有云廿餘年前葩經小記草強半脫落兼之遺忘聊欲補葺成書亦以追惟慈氏之訓寄明發之懷維時嘉慶歲在著雍執徐六月九日宿雨初晴新疴乍起溫經伊始輒立課程日率一篇多至二三或適有他事來日補足成之偶獲新義隨筆剗記取供採擇庶幾積日累月續成前作無忘所學云爾。閩中文存

是年張文虎生。

嘉慶十四年己巳先生五十三歲。

三月作春秋比敘。據本書

四月阮雲臺爲刻山海經箋疏並撰序。據本書

六月六日爾雅釋詁一篇未畢。文集卷二再奉雲臺先生論爾雅書

六月十八日與王伯申書。外集卷上

代作歐陽靖園六十壽敘。同上

是年馮桂芬、陳喬樞、陳立生、洪亮吉、凌廷堪卒。

嘉慶十五年庚午先生五十四歲。

季秋臧在東來書論校山海經先生作答書。拜經堂文集卷三

季冬評閱臧在東答秦小峴少司寇書及論韓昌黎書。同上

附 安人四十八歲。

冬十有一月望後四日作讀孝節錄。

維通案孝節爲臧在東哲弟亡於嘉慶十年乙丑秋。拜經堂文集卷五跋汪銳齋員外題孝節書後孝節錄

在東作也在東爲安人撰列女傳補注序云歲庚午庸再遊學京師一時師友之盛日以經史古

義相研究時有父子著述一家兩先生者王石渠觀察暨令嗣曼卿學士也有夫婦著述一家兩

先生者郝蘭皋戶部暨德配王婉佺安人也庸寓吳鑑菴通政家距石渠先生之居僅數廛因得

朝夕請益而慕安人之學之名特至嘗以孝節錄從戶部乞言于安人撰讀孝節錄一首以應性

情真摯文辭高曠得六朝文法書法亦遒勁唐人歐褚遺範也。拜經堂文集卷二

是年邵懿辰陳澧李善蘭生。

嘉慶十六年辛未先生五十五歲。

宋于庭始識先生時接言論每致商榷輒付掌錄不以前輩而輕後生。爾雅義疏序

趙明府來書問四川人謂熟爲□不審應作何字。筆錄卷四下同

三月十六日作答趙明府瞰問。



六月二十四日作答張蒙泉重刻金石三例書。文集卷二

維通案雅雨堂盧氏重刻金石三例先生爲之撰敘。敘見文集卷三張蒙泉來書指其疏謬故先生

以書答之。

九月四日評讀安人祭財神詩。詩附和鳴集後。

附 安人四十九歲。

葩經小記未卒業。

四月作松岑詩草敘。閨中文存

七月臧在東爲安人校定列女傳補注並作序。拜經堂文集卷二

維通案李蕤客受禮廬日記謂是書洪筠軒馬元伯諸君更相佐助頗爲精密。梁氏端亦注此書其中引蘭皋先生及安人說者僅三四處而疏證較詳勘訂較密。同時陳碩甫等復爲之審定故是正頗多。端字無非錢塘人曜北氏玉繩之女孫汪小米之室。閨中之秀南北並出此前古所無者也。

是年曾國藩、吳雲、莫友芝、張之萬生。

嘉慶十七年壬申先生五十六歲。

始整理證俗文。先生云近六七年來遇有所得用紙割記藏弃遂多。今檢其紙有破損者雨溼者煙熏者紙尾細書不可辨者。迺者涓灘之歲稍欲收拾散亡集而錄之。文集卷三證俗文敘

正月七日爲阮雲臺先生作肅慎氏弩攷。文集卷七

二月晦日游萬柳堂同游者胡墨莊朱蘭坡雪邨立亭鶴書。求是堂文集卷三游萬柳堂記

作鳳尾蕉賦。文集卷一記先曾祖遺事。文集卷五

附 安人五十歲。

三月望日馬元伯爲安人作列女傳補注序。據本書下同。

十一月長至日洪筠軒爲安人作列仙傳校正序。

是年江忠源胡林翼左宗棠吳可讀生錢伯垌卒。

嘉慶十八年癸酉先生五十七歲。

證俗文成。據本書

維通案此書爲治經時零星劄記其條貫古今縱橫經史援引廣博斷制切實意在補爾雅方言釋名之所未備爾雅義疏之作類發軔於此亦可謂其具備蓋凡著一書必先有具備如王石渠爲作廣雅疏證先治周秦漢魏音韻訓詁以備著述之利器由其遺稿便可窺其端倪先生治爾雅亦然惟一書所包者廣著者具備未必全行充實王氏於聲韻蓄力獨厚故較郝氏論聲韻處精確郝氏於目驗實物有年故較王氏論草木蟲魚處切實讀王郝二名著既可佐助治學工具亦可啟發後生治學門徑此學者所宜知也。

陳希白以其師郭岱封經治堂解義遺稿請先生讐校並索敘。文集卷三經治堂解義敘



春忽嬰疝病。迄乙亥之秋，養疴廢業，遂罷爾雅之役。迺因病閒，瀏覽晉宋等書，又苦善忘，爰付劄記。

閒命安人鈔錄。

晉宋書故跋

夏五月，作刁氏墓誌銘石刻跋。

文集卷四

七月，校世說新語。

維通案，任誕篇校語書嘉慶癸酉七月廿三日。此類極多，手校本今存。說詳著書攷。

十月初九，方葆巖來訃音，爲太夫人逝世。十月十七日，先生奉書慰弔。

外集卷上

十一月十八日，林皋言來書。十二月二日，先生作答書，有云：懿行官沉窮，迫難支，明歲恐要作京外之遊，亦不得不然耳。

外集卷上

作記異記星林清之變，有云：九月十五日午刻，賊衆數十人闖入紫金城，東華門皆閉，禁兵及火器等營殲擒之。六七日，乃盡渠首林清旋，亦就擒。及其黨與數百人，皆伏誅。

筆錄卷一

附 安人五十一歲。

十二月，爲劉靜春作古列女傳詩序。

閨中文存

是年，陳介祺、楊沂孫、生吳騫、錢大昭、莊達吉卒。

嘉慶十九年甲戌，先生五十八歲。

二月，桐城張阮林卒於京邸。張君諱聰咸，字阮林，一字小阮，著有左傳杜注辯證、經史質疑、傳巖詩

集。

研六室文鈔卷七左傳杜注辯證書後

維通案先生與張阮林、胡竹村、胡墨莊爲至友。近數年來，蓋無旬日不會晤。晤則必談經義。求是

堂文集胡培翬序

三月二十七日作高王觀世音經靈異記。文集卷四

四月二十一日赴大通橋汎舟。同游者胡承珙、朱伯仁、立享、暨蘭坡、幼子五郎、凡六人。求是堂文集卷二

大通橋汎舟記

七月五日先生赴萬柳堂爲北海鄭公生日設祭。同祀者涇朱蘭坡、琿胡墨莊、承珙、玉鏢、世奇、文登、畢九水、亨陽、湖洪孟慈、飴孫、桐城馬元伯、瑞辰、徐樗亭、璈、胡小東方、朔、祁門陳警園、士瀛、錢塘葉小、

轉朝采及胡竹村培翬。

研六室文鈔卷八漢北海鄭公生日祀於萬柳堂記

先生賦詩紀之，兼呈同集諸子。

詩鈔卷

下

陸敬安冷廬雜識卷二云：文登畢恬谿大令以田精研古訓，嘗謂宋儒好鑿空以俗訓訓古經，其尤甚者自春秋至唐書策所在，皆子糾兄而桓公弟，顧於千載下，意變其長幼以伸己議，淺者肆之。年七十以舉人大挑一等分發江西，委署安義，值赦，令邑有兄殺胞弟之案，大令列之不準援赦。上游駁斥，大令執不念鞠子哀，泯亂彝倫，刑茲無赦之經義以諍之。大府已定劾休，適歛程春海侍郎恩澤主試廣東，取道豫章，大府款之，侍郎問大令起居甚悉，事乃得解。嗣補崇義，卒官。著有九水山房文存二卷，楊至堂河督刊行於世。

維通案畢亨，原名以田，字九水，一字恬溪，嘉慶十二年丁卯舉人，受業於戴東原，能通經學小



儒藏

郝蘭皋夫婦年譜

學壯年爲孫淵如幕賓。孫氏著述多引其說。據清史列傳。孫星衍傳謂。孫氏尚書今古文注疏。一書九水有所助焉。丁卯科攷官朱蘭坡與九水詩云。玉壺敢詡靜中明。稽古功深合得榮。近海偏隅知實學。通經博識雪虛聲。議登虎觀差能稱。材到龍門自不平。當日戴憑重坐席。絳帳原是舊諸生。小萬卷齋詩稿卷九知九水先生在乾嘉間。頗爲儒林推重。惜其著述大半散逸。或助他人著述而隱其名。後世知之者寡。故特附識於此。

陳恭甫來書兼寄五經異義疏證。文集卷二答陳恭甫侍御書

作蒲葵扇賦。經治堂解義敘。文集卷一

附 安人五十二歲。

八月二十六日作記從表妹林氏遺事。閩中文存

是年龍啓瑞、周壽昌、孫衣言、生、程瑤田、張問陶卒。

嘉慶二十年乙亥先生五十九歲。

設館授徒。外集卷上奉阮雲臺先生書

春初賈髻山伸以二詩見貺。並屬和。先生時正抱恙。未果。旋復寄十首。先生在夏初舊恙少痊。遂步二首兼附一絕。詩鈔卷下

與王伯申書。論沈約宋書無刑法食貨二志。乃刺取紀傳補之。並欲撰晉宋藝文志。不列古書於前。但採晉宋人著述標其最目。各爲條流。亦如漢志藝文之體。然難於彙括。失在罅漏。恐見聞短淺。將來

未易可成也。聊擬度之耳。文集卷二

九月作晚菊詩。詩鈔卷下晚菊賦。文集卷一冬日齋中看菊敘。外集卷上

十二月作補宋書刑罰食貨志敘。文集卷三

作宋瑣語。據本書

是年彭玉麐生。梁同書、周春、姚鼐、段玉裁、楊芳燦、伊秉綬、舒位、洪震煊卒。

嘉慶二十一年丙子先生六十歲。

移居海岱門東齊魯會館。詩鈔卷上買竹行敘

與陳恭甫書云：爾雅之業，屢經削草，卒未成書。期以二三年間，粗當了畢，便可逍遙無事。年衰計短，無可營生。近住海岱門東齊魯會館，地頗閒曠，將謀授徒，自同食力。外集卷上

晉宋書故成，胡承珙序作於六月十三日。

夏刻宋瑣語、補宋書刑罰志、食貨志及晉宋書故。文集卷二與馬元伯書

作丙子夏刊宋瑣語諸書向友人索價，因賦短章詩。詩鈔卷下

六月作奈氏譜攷。文集卷七

與鄧湘皋書。文集卷二

維通案：此書未記年月，據南村草堂文集卷三，湘皋自訂年譜序，是年湘皋之母逝世。先生書內有云：奉菲奠及附贈宋瑣語，故廁入此年。



儒藏

郝蘭皋夫婦年譜

答陳恭甫書云前二年中曾惠手問兼承遠頒異義疏證展誦之餘如聆警欬意甚樂也居常私念五經異義一書紛綸蕪蕪隳枯宏通漢儒舊說多藉收羅實古經之淵囿箋注之郭郭也不獨因爲許君之書偏存愛嗜耳鄭君之駁過於掊擊鄙意雅所不喜且經生師授各有門風異撰何傷亦各其志推此而言鍼膏發墨亦屬詞繁況五經無雙之許叔重者乎愚病此久矣聊因尊著一發洩之自惟狂簡幸望大雅辱而裁之賤患偏疝三載於今邇來體氣差覺平復耳以此之故蟲魚輟注良以慨然比緣閒廢聊采瑣語小書欲爲索米之資自比鈔胥不堪覆瓿祇恐流播人間作話柄耳今從同年趙穀士編脩寄上此書竝拙荊列女傳補注各一分並希加以是正燕閩相望眠食爲珍文集卷二

作晉文鈔與馬元伯書

十二月初與馬元伯書文集卷二

作贈奉直大夫賈公傳外集卷下

附 安人五十四歲

作晉宋書故跋據本書

先生養疴雖罷爾雅之業仍披卷停吟安人每以邵書靜攝爲箴顧不見從迺因病間劉覽晉宋等書劄記安人助爲鈔錄成帙不欲委之塵籠因慫慂付諸鐫鐫本跋

李慈銘云此跋可作千古佳話以眎李易庵金石錄序作于嫠居亂後者爲不同矣李氏手校晉宋書故

是年劉蓉生崔述莊述祖卒。

嘉慶二十二年丁丑先生六十一歲。

初秋讀岷思堂詩集隨錄數篇以資吟賞。筆記卷上劉維川詩

初秋二十二日作買竹行詩。詩鈔卷上

八月望後一日作榆夾錢詩敘云偶讀小倉山房喜其解脫因檢舊作補成四章。詩鈔卷下

重九後二十有五日作花市買菊敘。外集卷上

冬十一月八日作重修石泉洞龍神廟碑。文集卷十一

作除夕詩末句云今日還是尾丁丑明日便爲戊寅首。詩鈔卷上

是年龔橙閻敬銘生陳鱣李賡芸惲敬嚴元照卒。

嘉慶二十三年戊寅先生六十二歲。

鄧湘皋來書有云拜惠以來三載於茲曾一書之未達以在喪不敢越禮言謝。南村草堂文集卷九

正月爲補三國蜀志作程畿傳彤傳。文集卷九

仲春九日胡竹巖邀先生及同戶曹諸子小集思豫堂觀劇先生以詩紀之。詩鈔卷上

八月作狐卜。筆錄卷二十月作印文反戾。筆記卷下

作口琴賦。文集卷一夢死得官糞得財解。外集卷下因果談。筆錄卷三



是年劉傳瑩、郭嵩燾、劉毓崧、蔣春霖、方宗誠、生翁、方綱、董誥、吳錫麟、孫星衍卒。

嘉慶二十四年己卯先生六十三歲。

子雲鵠完嫺配王氏、福山縣褚佳疇餘英長女。餘英爲嘉慶己巳進士、湖南善化縣知縣。支譜及外集卷

上代婉姪謝四史疑年錄啓

正月作瑞霙頌。外集卷上二月十六日代安人作謝四史疑年錄啓。自注：此書爲阮雲臺先生之側室

劉文如書之撰。

夏作難老賦、罵病賦。文集卷一

七月初五日胡培翬等復祀鄭北海於萬柳堂、同祀者元和蔣香度、廷恩、新城陳石士、用光、嘉興錢衍石、儀吉、桐城光票、原聰、訟長洲陳碩甫、奐、崇明陳辛伯、兆熊、鶴山馮晉、魚、啓、綦、邵陽魏默深、源、武進張彥、惟成、孫暨朱蘭坡、胡墨莊、徐樗亭、而甲戌年同祀者洪孟慈已官歿湖北。先生以病未能至，其餘六人俱已出都。研六室文鈔卷八、漢北海鄭公生日祀於萬柳堂記

十二月二十三日作醉司命說。外集卷下

嘉慶二十五年庚辰先生六十四歲。

正月七日作綫具式。筆記卷下正月十日詩末句云：今日入春纔十日，年登八八及茲辰。詩鈔卷下二十

五日作記雪。筆錄卷一

二月中旬復訂正爾雅，謂此書期以二年當可了畢，便欲掛冠身作閒人。外集卷上與方雪浦書

六月與兩浙轉運使方雪浦書。同上八月作馬笑。筆錄卷二十二三月三日與莒州莊杏園同年書云弟投

老殘年官情久淡所以未能引退者非有所戀徒以無家可歸又恨力絀無處買山而隱然思歸之

念固無日而忘也弟近欲醫貧亦思教讀而生徒寥寥館金又薄令人喚奈何也。外集卷上

是年勞格丁寶楨生焦循卒。

宣宗道光元年辛巳先生六十五歲。

作記疫。筆錄卷一

是年李元度俞樾生吳鼐卒。

道光二年壬午先生六十六歲。

爾雅義疏成。

陳碩甫云先生僻處京之東偏杜門不與外政雖僮僕不具弗顧也道光壬午歲與館汪戶部孟慈

喜筍家先生挾所著爾雅疏稿徑來館中以自道其治經之難漏下四鼓者四十年常與老妻焚香

對坐參徵異同得失論不合輒反目不止艸木蟲魚多出親驗訓詁必通聲音余則疏於聲子盍

爲我訂之。與時將南歸不敢諾丙戌猶子兆熊歿於官再入都而先生古矣。陸刻爾雅義疏跋

道光三年癸未先生六十七歲。

二月十二日生孫名聯蓀字向榮號伯楷改從伯愷附貢生。支譜

是年張裕釗李鴻章生汪龍卒。



道光四年甲申先生六十八歲。

撰荀子補注。

二月與王伯申論孫卿書有云楊注動多壅礙蒙意未安欲復稍加訂正以存本來。文集卷二

六月五日女幼蘭殤先生時正養疴端憂暇讀志林。筆錄卷四讀志林

閏七月二十四日與李月汀璋煜比部論楊倬書。文集卷二

八月望日作郝氏族譜攷。文集卷七

十一月撰晉文鈔敘。文集卷三

維適案此書未刊世所鮮知今亦在先生遺稿內詳著述攷。

是年曾國荃何秋濤生。

道光五年乙酉先生六十九歲。

二月初六日卯刻卒於京邸。四月子雲鵠扶柩歸里。五月之望舉葬於金鉤先塋。支譜墓誌銘

胡竹村云余初至都聞先生名謁焉其後遂常往還時先生方治爾雅疏有所得必以相咨先生爲人恂恂謙退呐若不出口然自守介不輕與人晉接遇非素知者或相對竟日無一語惟談論經義則喋喋忘倦所居四壁蕭然庭院蓬蒿常滿僮僕不備先生處之晏如浮沈郎署二十七年視官之榮悴若無與於己者而惟一肆其力於著述。下略先生淹抑戶曹未遷一官貧病相侵尋以徂逝而其同歲生同部屬起家持節鉞於外者比比人或以是爲先生惜又或咎先生不習吏事仰



儒藏

郝蘭皋夫婦年譜

屋著書以故無表建於世。是殆不然。丈夫之仕也。固宜乘時樹績。俾朝廷收用人之效。然亦視位之得爲與其性情才力如何耳。若不自顧度而冒進矯拂以爲之。必阨。先生勤勤斷簡中。整齊釐剔。明古義以詔來者。其益於世甚大。設令舍其所業。抱牘以馳。吾未知其建立何如。其官之升沈未可知。而其不能著作繁富以傳於後。則固有斷然者。由是觀之。先生未爲失已。下略。研六室文鈔卷十。郝蘭皋先生墓表。

附 安人六十三歲。

歸里整理先生遺書以求彰顯於世。墓銘墓表

九月十七日生孫名聯薇字小翔號近垣官順天府同知。支譜

維通案安人自歸里後事迹蕭沉無從稽攷故譜亦至此告結。據支譜安人卒於咸豐元年正月初十日申刻享壽八十有九。而遺書之刻皆由文孫聯薇陸續付梓。余曾見聯薇爲刻遺書經過艱難自敘及解嘲七絕四首手稿不禁嘉聯薇能承先志也。

附郝蘭皋先生著述攷

已刊者

詩經拾遺

刻入郝氏遺書內、以下凡未註明者、同此。

案、元稿與校汲冢周書合鈔一冊、名曰詩書拾遺。舊藏郝氏曬書堂、今歸國立清華大學圖書館。以下凡舉校本稿本未註明者、同此。

寶訓八卷

汲冢周書輯要一卷

案、初校本依秘書二十一種本、今存。

易說十二卷

案、末附易說便錄、故刻本作十三卷、元稿分爲二冊、無卷數、今存。

詩問七卷

案、此書中引瑞玉曰云云、卽繼配王安人葩經小記之說。其釋詩不盡宗小序及傳箋、然亦不盡廢也。又引牟默人詩意、牟氏所著詩切初名詩意、先生爲之撰敘、亦稱詩意。此書未刊、元稿今藏國立山東大學。

詩說二卷

案、此書專調和漢宋、不主一家、亦多夫婦問答之詞、殆與詩問互相發明耳。

書說二卷

案詩說書說初名碧窗雜記。攷山東續通志藝文志既著錄詩說書說。又著錄碧窗雜記。而雜記一書無從獲見。疑郝氏著述必有散逸者。今由其遺稿內果檢出此書。共二冊。總名碧窗雜記。內容一爲詩說。一爲書說。編通志者乃本府志。未見元稿。可斷言矣。

禮記箋四十九卷

讀書記八卷

案此書有湖南刻本。篇首附秀水金蓉鏡序。遺書未收入。纂輯韓詩鄭氏周易尚書大傳石經攷經義及帝王遺書逸文。頗詳慎。有裨經學。不得以玉屑視之。元稿今存。

春秋說略十二卷

春秋比二卷

山海經箋疏十八卷

附圖讚一卷訂譌一卷

案是書初校本。依秘書二十一種本。今存有嘉慶年刻本。遺書刻本。堪稱郝氏精粹之作。惟大醇不無小疵。故刊訖後尚有先生同年張介侯及友人臧在東來書訂正。今錄如左。

張介侯來書云。一昨承示大箸山海經箋疏。俾爲校正譌誤。澍念此書校勘者。自雲臺侍郎師而下。共十七人。皆碩學淹通。自必精審無訛。況以澍之陳掾馳逐。未嘗廋歷于學。其何能有一得之補乎。日來披尋一過。似有罅漏。尚待補苴者。如南山經鰲翼之山多蝮虫。郭注虫古虺字。箋疏引說文云。虫



儒藏

一名蝮。虺以注鳴。是虫虺非一字。與郭義異。按說文當作虫。一名蝮。蛇下虺字。係後人竄改者。句餘之山。郭注句章餘姚。因此爲名。見張氏地理志。箋疏以爲張晏。按太平寰宇記引張敖地理志。當是張敖。西山經崇吾之山。有獸如禺。而文臂豹虎。箋疏言獸。倏有虎豹之體。故被是名。按博物志所言。本是虎僕。毛可爲筆。故辭人呼筆曰虎僕。御覽引字有譌。不足據也。北山經決決之水。中多人魚。箋疏謂鯢字古省作兒。兒從儿。卽古文人字上闕脫。止存下人字。按以此人字。係兒字闕脫其上。何下句嬰兒兒字不闕脫耶。史記有人魚。卽今之孩兒魚也。此不必改者。中山經太山有草。其葉如荻。郭注荻亦蒿也。音狄。箋疏謂荻當爲荻。狄亦當爲秋。字形之誤。尙正蕭荻。郭注云。卽蒿。按荻字是不得作荻。荻是梓木類。尙正蕭荻。本宜作荻。觀郭注皆云蒿。可知作荻者是。海外北經北方禺疆。郭注字予冥。水神也。箋疏謂予冥禺疆聲相近。予冥卽禺京。禺京卽禺疆。按禺京禺疆。予冥均爲水神。各自一人。猶之重黎吳回祝融皆是火官。不得合爲一人。然謂禺京卽禺疆。尚可以京與疆通。如鯨魚作歸魚也。禺京爲禺號之子。禺號爲黃帝子。則梁簡文所云。禺京爲黃帝孫者。相合。若予冥則少昊子脩也。焉得合爲一人。海內東經贛水出聶都東山。箋疏謂贛水一名豫章水。郡縣俱因水得名。按水經注豫章以木氏郡。蓋水亦因郡縣得名也。大荒東經有羲和之國。有女子名曰羲和。箋疏言帝嚳次妃嫫蚼氏女曰常儀。大荒西經又有帝俊妻常羲。疑常儀與常羲爲一人。按常羲當作常儀。呂氏春秋羲和占日。常儀占月。顯係二人。不得云常儀卽羲和也。老童生祝融。箋疏引大戴禮帝繫篇。老童娶竭水之子。謂之高緡氏。產重黎及吳回。按竭水之子驕福。一作驕馯。見世本。又作嬌極。見漢書古今人表。



大荒北經深目民之國。盼姓。郭注云：眼絕深。黃帝時姓也。按王會解有自深國。自古文鼻字見說文，是自深卽鼻深，亦卽目深矣。箋疏以黃帝子有滕荀姓，疑盼姓或滕或荀，此說非。□民之國亦盼姓，又豈譌文乎？又訂譌卷內崇吾之山有木員葉而白，柎云：經文柎當作拊。此說非。柎與跗通，華足也。經文作柎不錯。黃帝是食是饗，郭注所以得登龍于鼎湖而龍蛻也。訂譌云：龍蛻二字譌，按宜作靈蛻。御覽作靈化，亦通。積石之山有石門，河水冒以西流，郭注今在金城河門闕。訂譌云：門字衍。按門字不衍，當在今字之上。三危之山有獸名微狎，訂譌云：微當爲獒，狎當爲狎。按獸名有不從彡者，如抵輓□□，嬾□是也。如狎作狎，則微宜作獒，不必作獒也。有鳥其名曰鵬，郭注扶猗則短。訂譌云：當爲扶猗則死。按猗與獸古字通。車攻詩之搏猗，漢人作搏猗。有川在尾上，郭注川竅也。本不誤。訂譌云：川當爲州。按川穿也，卽竅也。竅穀道也。爾雅之白州燕，亦當作川。余續黔書川字說最詳。番條之山減水出焉，郭注音減損之減。訂譌云：郭注音減，則經文不當作減。未審何字之譌。按經文當爲咸，字如漢咸宣之咸，注亦音減也。金星山其木多彫棠，訂譌云：彫疑當爲彤。按草有彫胡，木不當有彫棠乎？必非彤字。實惟川之九都，郭注九水所潛，故曰九都。訂譌云：郭注潛字誤。按潛宜作渚，渚聚也。又或作瀦，瀦亦聚也。故孟諸一作孟都。嘉榮服之者不霆，郭注廷搏之廷。訂譌云：當爲艇，脯之艇。按郭音似引古語，宜從之。古廷字有定音，見匡謬正俗。女儿之山多間麋麇鹿，郭注猓毛豹腳。訂譌云：猓當作猿，豹當爲狗。按猓宜作猓，卽猓豹也。不當爲猿。言毛似猓腳似豹耳。凡此數條，雖于書之大體無關，然閣下精心果力，尚有此失，則信乎著述之難也。澍所言儻有遠鑒，仍希大雅教之。

卷十四與郝蘭皋戶部書

臧在東來書云山海經西山經浮山多盼木郭傳音美目盼兮之盼凡二見箋疏曰郭既音盼知經必不作盼未審何字之訛庸簽云盼字不妨有兩讀手示以經典內凡加音者必係異字若同字不須加音鄙見以經典內加音有異字者多同部及聲相近之字也有同一字而其讀不同者乃高下疾徐之別猶後世一字有四聲而其義亦因之而異也顏氏家訓音辭篇云鄭元注六經高誘注呂覽淮南許慎造說文劉熹製釋名始有譬況假借以證音字而古語與今殊別其間輕重清濁猶未可曉加以外言內言急言徐言讀若之類益使人疑又如公羊傳一伐字而有長言短言二讀釋名一天字而有舌腹舌頭兩言一風字而有橫口合唇言之蹶口開唇推氣言之之別皆同字異讀之證也又禮記樂記祭義皆有易直子諒之心句鄭讀俱云子讀如不子之子儀禮鄉飲酒禮賓西階上疑立注云疑讀爲疑然後從於趙盾之疑疑正立自定之兒周禮冢宰之職六曰主以利得民鄭康成云利讀如上思利民之利謂以政教利之外府掌邦布之人出注云布泉也布讀如宣布之布其藏曰泉其行曰布取名於水泉其流行無不徧是皆同字加音之明證其所以異者不子之子與父子音異疑立之疑與疑盧音異利民之利與財利音異宣布之布與布帛音異故疑然今本公羊傳作仡然而不子當從徐仙民將吏反陸德明如字非也樂記祭義釋文同手示云盼字從分聲即使有兩讀似不得以盼音盼庸案盼從分聲一語已了然字從分而讀亦從之者如詩碩人巧笑倩兮美目盼兮倩從青聲盼從分聲爲真清合韻詩人必不讀盼敷覓反也又如王褒九懷進隣盼兮上丘墟此讀盼如



彬又讀隣盼如隣瞢聲雖小變猶爲盼之本音古讀原近是也。然詩美目盼兮徐仙民敷諫反呂忱字林匹簡反又匹覓反陸氏毛詩音義敷覓反論語音義普覓反音切皆轉入元類與分聲之本音真文類已不同故郭必加音猶禮記子諒恐人讀爲父子故鄭亦加音矣釋名釋天曰豫司兗冀以舌腹言天天顯也在上高顯也青徐以舌頭言天天垣也垣然高而遠也夫三百篇天字古音在真類而顯垣二釋取音相近者已轉入元類故知郭傳盼音亦轉入元類景純仙民皆東晉人而非三百篇之盼與倩韻也釋名釋天之由真轉元亦同斯例山海經內郭音似此者皆非誤也聲音之道當於今之異者會其同又當於古之同者求其異庸雖能言之而未能盡之北次山經櫛山其中有鰈鰈郭傳鰈鰈似蝦蟇小而青箋疏曰鰈當爲耿字之譌耿鰈見秋官蠲字注亦見爾雅馬元伯曰爾雅郭注耿鰈似青蛙□□似蝦蟇此云似蝦蟇則不得以鰈鰈爲耿鰈秋酋古同聲鰈疑即□之或體□說文讀如戚□之變爲鰈猶繩之音爲秋也秋戚亦一聲之轉手示云郭鰈鰈似蝦蟇小而青一句兼包爾雅二物若但云似蝦蟇則是□□又云小而青則兼耿鰈矣爾雅言在水者鰈此經曰鰈皆水族也庸以尊說與馬君說皆是而分析未清何則爾雅上文鰈鰈蟾諸郭注云似蝦蟇居陸地淮南謂之去蛟此一物也下文在水者鰈郭注云耿鰈也似青蛙大腹一名土鴨此又一物蓋同類異種山海經注實兼爾雅二物言之尊說融會二經注最善然以鰈爲兼有鰈鰈耿鰈義則可以鰈即耿字之譌則不可馬君詮發鰈字之義至精能心知其意確不可易特謂此注言似蝦蟇則不得以鰈鰈爲耿鰈似失之太拘但不得以鰈爲耿之譌何妨以鰈爲耿鰈是於郭氏兼包並舉之旨有未察耳庸請

申言馬君鼃字之義曰說文鼃部鼃下云鼃鼃詹諸也詩曰得此鼃鼃今毛詩作得此戚施言其行鼃鼃

又鼃下云鼃

舊作先鼃訛

詹諸也其鳴詹諸其皮鼃其行鼃鼃

此即孟施施從外來之施施也舊作先夫訛今改正

從鼃從先先亦聲鼃下云鼃或從酋然則鼃鼃實一字也今爾雅作鼃鼃蟾諸者鼃即口之訛釋文字從去起據反則陸所見本已誤鼃即鼃字不當重出以說文校之則□當爲□釋文音秋則陸本已譌今通志堂本作鼃從齒更誤中誤矣然即此可證展轉相乖之致書此奉復鄙說如有可采或附之訂訛並以質之馬君

先生答臧在東書云漢儒不言音故多譬況假借之詞晉人始言音故多取字異聲同之字以定本文之音如山海經穆天子傳方言之類皆郭氏注其所作音大氏取用異字間有同字者必與正文相涉而譌承示鼃鼃詹諸一條讀書精細當采入拙著爾雅古音義疏中舊引說文虫部蜎鼃詹諸之文以證爾雅□□字之譌自以爲得之矣今以先生及馬元伯之論剖析精當勝於鄙見遠甚

又馬虞部引夏小正鳴蜩傳曰屈造之屬也淮南說林訓鼓造避兵高誘注鼓造亦蝦蟇造鼃戚古音同去屈□音相近屈造鼓造鼃鼃□□皆一聲之轉郭注爾雅云淮南謂之去父廣雅去蚊蝦蟇也□字非譌

臧在東又云按西山經浮山多盼木郭注音美目盼兮之盼又黃山盼水出焉郭傳音美目盼兮之盼又皋塗之山有獸名曰猥如郭傳音殺嬰之嬰箋疏曰當為猥注當為猥按猥猥實一字凡犬旁豸旁之字皆互通矣

北山經單張之山有獸名曰諸犍郭傳音如犍牛之犍神困之山郭傳音如倉困之困東山經番條之

山減水出焉。郭傳音同減損之減。海內東經肆水出臨晉西南。郭傳音如肆習之肆。箋疏曰：水經注本引作

肆水。故郭音肆習以別之。按肆亦古肆字。鄭注玉藻云：肆讀爲疑。此經如作肆水。傳當云音肆習之肆。大荒南經有山名曰去

痊。郭傳音如風痊之痊。有小人名曰菌人。郭傳音如朝菌之菌。海內經有菌山。郭傳音芝菌之菌。凡郭音經傳同文者十見。皆一字有異讀之明證。可決非相涉之譌。並無藉取徵於他書矣。至說文醜字與龜醜黿皆一聲之轉。蜎黿之不得連文。猶龜醜之不得連文也。說文虫部之□誤爲龜。猶爾雅釋魚之□誤爲醜也。去聲古在魚類。與幽類異。龜之爲龜。實形之譌。許書所載皆三代古文。與爾雅相表裏。正以龜醜本一字。故爾雅龜醜當從說文作龜□。不得援廣雅去蚊。爾雅注去父。遽執爾雅從去爲不誤。鼓與去皆魚類。屈則遠在脂類。蜎則仍與龜西秋戚爲一類。未可強合。鄙見雖然。恐啓黨同伐異之習。故不復論難。附識於此。王懷祖先生見前書云：尊說據說文以訂爾雅之訛是也。十月五日識。拜經堂文集卷三與郝蘭皋農部論校山海經書附郝氏答書

先生與王伯申書云：山海經箋疏者。本自末學。不更師授。深慙疏拙。未敢效劉舍人於車下干沈隱侯也。謬承吾兄激賞。敢遂仰丐高明。亟加是正。兼肯賜之教言。登諸簡首。俾享帚之珍。械石之謬。得以流布人間。亦鼠牴牾糞後一種話頭也。昨聞書麓未以自隨。謹上書五種。以資檢校。計廣雅疏證。畢氏山海經新校正。吳氏廣注。及玉篇。廣韻等。外有需檢看者。仍開書目剋取。再當呈上。肅茲奉瀆。即候伯申大兄大人日安。不具。自昭代經師手簡二編錄出

竹書紀年校正十四卷 附竹書紀年通攷



儒藏

郝蘭皋夫婦年譜 附著述攷

案初校本依秘書二十一種本今存。此書據唐志分爲十四卷。先生以爲後之編書者雜入紀年中，並疑是書古有二本及其注非沈約撰，援證確切，可謂明論。校勘精慎，尤爲餘事。

證俗文十九卷

補宋書刑罰志一卷

補宋書食貨志一卷

宋瑣語

晉宋書故一卷

爾雅義疏十九卷

案此書之作始於嘉慶十三年戊辰，落成于道光二年壬午，歷時正十五年。中因養疴廢業三年，舉實數言，則云十二年也。段氏說文解字注計作十八年，王氏廣雅疏証計作八年。據吾友劉盼遂先生所著

段王年譜。

宣平此三名著，爲儒林所最推重。爾雅義疏有阮刻學海堂本、陸刻木犀香館本及郝氏家

刻遺書本。阮刻據王石渠先生刪削本，陸刻又據阮本，復經陳碩甫重行校勘，多刊俗字，遠勝阮刻本。家刻本、家刻本所謂足本是也。陳碩甫跋陸本有云：高郵王先生爲蘭皋先生通訂全書，刪削之甚至數十字，數十句，不更增易其字。而家刻本宋子庭序云：陸本與阮本無異。嘉興高君又得足本，以校阮陸兩本，多四之一。或云刪去之文，出高郵王石渠先生手，或云他人所刪，而嫁名于王。案宋氏既見陸本，陳跋反謂出於假託之詞，殊失其實。前數年上虞羅叔言得王石渠撰爾雅義疏刊誤稿，此案

於是大白羅氏有跋見殷禮在斯堂叢書。

阮雲臺來書云古人字從音出喉舌之間音之所通者簡天下之大言之所異者繁爾雅者近正也。正者虞夏商周建都之地之正言也。近正者各國近于王都之正言也。予姻家劉端臨之言曰子所雅言詩書執禮雅言者誦詩讀書從周之正言不爲魯之方言也。執禮者詔相禮儀亦以周音說禮儀也。小雅大雅皆周詩之正言也。劉氏此說足發千古之蒙矣。然則爾雅一書皆引古今天下之異言以近于正言。夫曰近者明乎其有異也。正言者猶今宜話也。近正者各省土音近于官話者也。楊雄方言自署曰輶軒使者絕代語釋別國方言。夫絕代別國尚釋之況本近正者乎。言由音聯音在字前聯音以爲言造字以赴音音簡而字繁得其簡者以通之此聲韻文字訓詁之要也。大戴記小辨一篇足明爾雅之學。小辨者一知半解之俗學也。晉國當時或有此學猶漢急就章宋王安石字說之類然不可攷矣。小辨之學易爾雅之學難故孔子曰社稷之主愛日又曰士學順辨言以遂志順與訓通借卽訓詁之訓遂志者通其意也不學其訓則言不辨意不通矣。又曰小辨破言小言破義小義破道道小不通通道必簡爾雅以觀于古足以辨言矣。傳言以象反舌皆至可謂簡矣。夫亦固十變之棋由不可既也而況天下之言乎。孔子此數言述爾雅之學甚明何後儒之昧昧也。訓詁錯則言語錯執古聖之書以小辨破其言而斷斷論之道義皆錯矣。使古聖人見後人如此錯解之必啞然笑曰吾所言本不若是也是以不明爾雅之學則五經四書皆鼠璞矣。今子爲爾雅之學以聲音爲主而通其訓詁余亟許之以爲得其簡矣。以簡通繁古今天下之言皆有部居而不越乎喉舌之地。



孔子曰辨言之樂不下席。余與子接席而辨之其樂何如。研經室一集與郝蘭皋戶部論爾雅書

海錯

燕子春秋

蜂衙小記

案以上三書底稿合鈔一冊今存。

荀子補注二卷

案王先謙荀子集解采入此書。

張介侯來書云嚴風朔雪之時訪閣下于齊魯會館入其門落葉滿階升其庭積塵盈几聞書聲琅琅可聽則閣下方詠諷古經也頃之閣下自內出被敝羊裘狀穀穀然弟乃深歎閣下之溺苦于學而不以貧爲病也然閣下雖嗜貧而弟則淚涔涔心焉痛之既而見照圓嫂夫人方以爾雅疑事詰難弟雖勉疆酬會亦幾辭窮則又羨嫂夫人之挈經不勌也歸來慨慷不已擗膺自咎者久之頃聞錢恬齋方伯同年不日人都與衍石侍御商之當嚮恬齋言爲銷書百部稍可以爲日用之需又知閣下天素高亮不肯向人乞憐此弟與衍石之意與閣下之貞介無損亦可爲者恬齋爲政明敏操守廉潔曩來甚佩服閣下必有以應之願勿卻以副友朋之意爲禱承示荀子補注大致精確弟蠡管所及輒爲改正七條未審是否尚祈教之。養素堂文集卷十四與郝蘭皋戶部同年書

顏氏家訓校記

案此書未刻入遺書內有太原圖書館鉛印本篇首附晉城郭允叔先生序末附武昌張損菴陽城田玉如兩先生跋張跋謂郝先生顏氏家訓校記一卷田君玉如得其手跡于太原書肆原用漢魏叢書本校記於眉端前後均無款識惟記內自稱某某名者三又與牟默人商榷數事均可信其爲郝先生也案張說甚是曬書堂文集卷五亡書失硯云昔年余有顏氏家訓係坊間俗本不足愛惜乃其上方空白紙頭每檢閱隨加箋注積百數十條後爲誰何攜去至今思之不忘也知此書佚已久今竟刊行于世豈先生所能料及與復察刻本都凡百二十餘條與文集所云均合

曬書堂詩鈔二卷

曬書堂詩餘

曬書堂文集十二卷

曬書堂外集二卷

曬書堂別集一卷

曬書堂筆記二卷

曬書堂筆錄六卷

曬書堂時文

曬書堂試帖

曬書堂和鳴集

先生與王安人合著



儒藏

郝蘭皋夫婦年譜 附著述攷

未刊者

說文廣詁

案此書依汲古閣刻四聲韻譜本用黃筆批注山東續通志藝文志著錄。謂此書乃其在試闈掌膳錄時所輯故皆用黃筆。今察是書間用墨筆蓋續有增補。又有附鈔本六冊編爲十四卷。張濬校說文廣詁書後云說文廣詁郝蘭皋先生草創未成之書也。依四聲韻譜本用黃筆作細楷葉縫帙眉旁行斜上錯綜皆滿無次第。其哲嗣先生隨文鈔錄編爲十四卷始一東終一百十九甲蓋其慎也。然殊失許氏始一終亥之義恐非蘭皋先生之本意耳。其編錄字句去取前後之間似亦間有不達蘭皋先生之詣者。丙申歲濬捧檄權蒞棲霞訪先生未刻之遺書同年郝誠之迺以此書原鈔二本屬校勘竊以鄙意略加是正一曰刪一曰增一曰乙校未及半而瓜代有期未能卒業竊有憾焉。因書臆見於其後以俟世之精於此學者董而理之可也。丁酉仲春黃巖後學張濬誌。案張氏書後一文余從蘭皋先生後人處獲見副鈔本第一二冊有朱筆增刪者知出張氏之手。惟余編訂此書仍遵整理先儒遺稿慣例依元書次第不從張說。今藏清華大學圖書館以下校本稿本凡未注明者同此。

校正大戴禮記十三卷

案依盧氏刻本書眉行句間校語錯綜約七十餘則間引張氏本仁山金氏戴東原張蒿菴宋于庭及其同邑牟盧坡諸人之說。曬書堂文集卷三嘉慶十三年戊辰與孫淵如書有云韓詩外傳大戴記俱有訂正卽今尚未脫稟。尋嘉慶十六年辛未宋于庭始識先生知此書殆成于嘉慶十六年後。

校正韓詩外傳十卷

案依嘉慶己未味經堂刻本校語在書眉計九十餘則。惟稱兄曰案知爲先生胞弟懿林鈔錄。又引牟默人說牟氏手校韓詩外傳及淮南子近在濟南亦搜得。據王獻唐先生來書云此二書皆傑作也。時人所捧之黃義翁顧千里以校勘名者較之誠不足道。蘭皋先生亦不及也。郝牟兩家遺著同時發見誠藝林之幸事也。

校正淮南子二十一卷

案依漢魏叢書本校語亦在眉端或在字行間增字乙字計壹百十餘則。

校正前漢書

校正後漢書

案上二書依汲古閣本計校五百餘則。引牟默人說極多。牟書存否尚不可知。而雪泥書屋遺書目錄亦末著錄尤足珍貴。

文心雕龍補注十卷

案支譜著錄名曰補注今仍之。依養素堂刻本即姚培謙所刊黃叔琳輯注初刻本全用細楷書在眉端及字行間並有紙條貼在內計壹百九十餘則意在補正黃注及疏證正文。在正緯篇歷秀篇有云愚聞之紀大宗伯曉嵐先生云云攷紀氏卒於嘉慶十年此書之作始于嘉慶初年與。

校正說苑二十卷



案依漢魏叢書本計校五十餘則。

校正新序十卷

案依漢魏叢書本計較四十餘則。

校正鹽鐵論十二卷

案依坊間俗本計校七十餘則。

校正世說新語

案世說新語及世說新語補裝成一冊皆坊間增訂本校語書在紙條貼在字行間計壹百二十餘則補證劉孝標注駁正世說勘誤及訂定誤字。

穆天子傳補注

小爾雅補注

校正急就篇

案以上三書合鈔一冊書面題甲子年輯□韭氏本。穆天子傳據文選注水經注唐宋類書及明藏經本校之。曬書堂文集卷五老道人篇有云白雲觀者都中之名勝有道藏焉。嘉慶丙寅丁卯間余再三遊歷登藏經之閣披甲乙之函曾借校山海經穆子傳諸書攷甲子爲嘉慶九年丙寅爲嘉慶十一年知是書鈔本在校書之前故校語在眉端。

校正風俗通義四卷

案依秘書二十一種本校語甚少。

校正昭明文選六十卷

案依六臣本校語在書眉書在紙條者大半殘闕間引劉奉世何義門宋于庭諸人之說。

校正廣韻

案依張氏澤存堂刻本計校壹百八十餘則據說文爾雅玉篇諸書校之。

校正玉篇

案依張氏澤存堂刻本計校二百二十餘則在朱錫鬯序後記云太平御覽七百五十卷引陳書曰顧野王傳曰宣城王爲揚州刺史野王及瑯琊王褒並爲賓客王甚愛其才野王又好丹青善圖寫王於東府起齋乃令野王畫古賢命王褒讚之時人稱爲二絕嘉慶十年乙丑三月晦前一日蘭皋識。

校正水經注

案依戴東原校本校語書在紙條貼眉端計壹百餘則。

校正九經古義

案依竹西書屋刻本校語多訂正惠氏之誤。

增補風星正源

案此書爲牟默人撰雪泥書屋遺書目錄著錄元稿存否尚不可知書面題曬書堂鈔本在書眉增補壹百二十餘則茲經先生鈔補得重見於世非特牟氏之幸亦治牟學之幸也。



古文攷證

篇目易說文引書詩禮傳論語孟子孝經漢律爾雅楚詞淮南子老子墨子文選引詩。

漢紀摘攷

篇目域地宮闕□符車乘服飾器物稱號律令刑法賞賚賦稅貨幣繇戍畧產占侯經傳訓詁古文字古音讀方俗語。

案上二書非專著也前者爲治說文而分類纂輯文選引詩一篇復轉入續書記內是其明驗。後者爲治漢書而分類纂輯藉此足以窺出先生治學方法矣。

偷閒集

案支譜登州府志山東續通志均著錄。作偷閒錄今察其字跡非先生手翰爲其後人鈔錄。篇目文房小史讀書語錄文體詩話畫品書法茅齋月令花木攷格言浮屠家言山水主人高人逸史高人語錄風月嘉話清涼散清言小品摘錄集翰林集。

鑑略

案登州府志山東續通志均著錄。今察此書共十七冊初稿爲一鉅冊乃先生手翰餘爲其後人鈔清已成書有綱目自三皇五帝起至明懷宗止。

晉文鈔

案此書共二冊另有副本十餘冊爲其後人鈔錄內夾數葉印成版式似付梓未果有敘及綱目綱

目文繁不錄。

自敘云晉人尚清談其源出於王輔嗣何平叔遊心莊老祖尚清虛當塗典午之間餘波所蕩茲風遂競勝士名流靡不馳逸辯吐清辭所謂紅紫成章丘陵生韻者矣然當泰始泰康之際耆碩如羊叔子山巨源傅休奕杜元凱輩率皆篤實忠純謀謨弼亮有濟於時凡茲數子不在能言之科嚮使晉朝用人皆多此類王夷甫輩豈能以盛名處大位敗俗傷化如羊公所譏云云哉延及江左王與馬共天下人材不及西朝加以競逐浮華靡存恤緯燕燕巢幕鳥尾畢逋所謂朝不謀夕悌其危矣王右軍語謝太傅曰今四郊多壘宜人人自效而虛談廢務浮文妨要恐非當今所急此言真能切中時弊惜當時君相因循偷安不能用耳余讀晉文鈔晉文凡百數十首大抵切事實崇要務屏黜虛浮之習一如右軍所論云道光四年十一月。

游文小史

據支譜

附王安人瑞玉著述攷

列女傳補注八卷

列仙傳校正二卷

附列仙讚一卷

葩經小記

案蘭皋先生與孫淵如書云拙荊王婉侔葩經小記未有定本今只存敘殆未落成惟其說多散見



儒藏

郝蘭皋夫婦年譜

附著述攷

於詩問詩說。馬元伯毛詩傳箋通釋十月篇引安人詩小紀其說與詩問義同字異。馬氏素與郝氏夫婦過從甚密必據其元稿當時殆未采入詩問內故稱詩小紀而不稱詩問。山東續通志於詩問下有云書中凡引瑞玉曰云云蓋卽葩經小記之說甚是。

夢書

曬書堂閨中文存

家人祭財神率爾有作詩十首

附在和鳴集後

附郝康仲先生著書目

康仲名晉號崑岳蘭皋先生第八世祖也。崇禎戊辰進士官保定巡撫兼都察院右副都御史授資政

大夫。

支譜

丸嘯齋集

案此書爲蘭皋先生手鈔本竝爲之撰敘此敘文集未收入謹錄如左

石鼎聯篇敝簾之遺文斯在。金麟曜日奚囊之佳句猶存。縣梯撫岫嶠之碑依稀青字汲井出篆銘之石髣髴黃初。固知性癖愛奇情耽嗜古自昔而然於今爲烈。矧夫音徽未沫似續若新尤稱撰著之佼佼者乎。粵昔先中丞公誕齊申甫降擬庚寅乃於攬揆懸弧之初厥有維箕人夢之異起家巴令馴逐鱷魚按部太倉薙除奸蠹非夫心勞撫字信格冥頑其孰能設施烜赫至於如斯者矣。

若乃絕營溫飽、雅喜林泉、雖接簿書、不辭翰墨、秋高爽範、時戲放鶴之篇、春曉晴窗、每敗愛鵝之帖、然而藏弄頗多、散軼不少、加以蜴黃蝨碧、石泐編殘、此所以杜陵歌白、雖留人蜀之句、而庾信文章止有渡江之作者也、獨是邊集刻於漁洋、猶懷桑梓、豈其千文臨於智永、弗念高曾、爰乃倒篋傾箱、搜鴻泥之故爪、剗苔剔蘚、覺鶴脰之餘踪、拾半斤之赫蹏、亟登卷軸、尋數行之斷碣、珍擬琳瑯、固將仰丐勝流、彌張光價、詎止別風淮雨、剩甲殘鱗之感已乎、且夫公具康濟之才、身應封疆之寄、江左方思安石、成都行召文翁、而乃甫擁節旄、旋歸邱壑、石芝園內、懷獨樂以相羊、句曲亭中、慕隱居而容與、有四足之遺風、追二疏之高致、寄託於茲人、咸爲公惜焉、豈知點也曠懷、蕭然沂水、羲之妙蹟、韻矣蘭亭、況乃高朋則宗炳陶潛、羣季皆惠連康樂、一觴一詠、某水某邱、人之惜公、蓋不少、而不知公之所得固已多也、嗟乎、覽衛公之故物、手澤猶留、繹柳氏之舊聞、典型如昨、從茲酒闌燈灺、感神爽而惝恍若來、行見月夕花晨、哦遺編而低徊不去。

附郝梅菴先生著書目

梅叟閒評四卷

案此書已刻入郝氏遺書、稿本今存、惟察其字跡及排列、蓋其後人鈔錄者。

灌園小史

稿本

自敘云、余昔謂交友之道、可通於花、友以淡乃成、花以淡相遭也、天壤之間、楚耶越耶、陌路客耶、一



儒藏

郝蘭皋夫婦年譜

附著述攷

言相投則千里命駕性情係之耳。花猶是也。故志異地同居等楚越。心同則異地猶金蘭。吾恐知友之不可通於花而花之不可通於友耶。余也少孤終鮮兄弟家庭之樂蓋難言。又性鈍不嗜讀書。情之所鍾惟在於花。方其始也。購得之難。譬猶二三同志落落晨星。今則良朋濟濟矣。花式不盡中欸而品格自在。猶夫君子之交取節焉可也。花之類不必珍異。惟視力所得者。購之所謂寒士無百里交也。當夫俗冗塵坌。命小奚奴代爲周旋。心竊竊然懼曰。保無慢吾友乎。迨隆冬初寒。恐其凍也。茅屋逼窄。虞其褻也。紙窗風透。慮其侵也。盆近臥榻。俗人不韻。則又憂其于邑而無色也。凡茲數事。刻刻閱情。譬諸臭味。無有差池。吾又安能等金蘭於楚越哉。昔程繁三柳軒識花名十客。世以爲雅戲。姚氏淺語演爲三十客。其中有未當者。伍涵芬易其一二。且復得二十客。並著之。夫客之與友。尺寸之間耳。然余猶謂昔人之於花。未若余厚耳。余老矣。四十餘年來。花之年已有與余相若。且強半者。結習既深。性情愈厚。花如有神。吾將呼而問之曰。汝吾老友乎。則諾。歲在上章閹茂。梅葺老人時年六十。書於桐華書屋。

江子屏先生年譜

閔爾昌 編撰

李文澤 校點

刁忠民 一審

蔣宗許 二審

民國十六年刊本

《江子屏先生年譜》，閔爾昌編撰。民國十六年江都閔氏刻本。

江藩（一七六一—一八三一），字子屏，號鄭堂，又號節甫，清江蘇揚州甘泉人。弱冠好學，受業於江聲，得惠棟之再傳。中年貧居，應鄉試不第，南北客遊，歷江西、京師、廣東諸大藩幕府，名望甚盛，時與焦循並稱爲「江焦」。後阮元延請主講山陽麗正書院，繼聘編纂《皇清經解》、《廣東通志》、《肇慶府志》諸書。歸居鄉里，道光十一年卒，年七十一。江藩淹通經史，精研學術，其《國朝漢學師承記》、《國朝宋學淵源記》爲綜論有清一代學術史之經典著作。此外，其學術著作還有《周易述補》五卷、《隸經文》四卷、《續隸經文》一卷、《樂縣考》一卷、《爾雅小箋》三卷，另著有《扁舟載酒詞》一卷、《炳燭齋雜著》一卷、《半氈齋題跋》二卷、《蠅須館雜記》等。

本譜爲閔爾昌編次。據其自序，譜撰於民國十六年。本譜係據譜主著述及時人文集等纂成，述譜主生平，以學術活動爲主，兼及同時學者。以大字紀事，以雙行小字紀出處及補注，兼有考辨。所據資料詳贍，紀事亦條暢不枝蔓，簡明詳實，頗便參考。



吾鄉子屏江先生，淵源紅豆，著述等身，飢驅朔南，布衣終老，亦可悲已。平江李氏先正事略、江陰繆氏儒林傳、臺敘先生行事頗簡。儒林傳彙既載續碑傳集中，筱珊入民國，復爲清史館撰儒學傳。余嘗假得其手彙觀之，先生一傳已從刪汰，不識果何意也。汪孟慈嘗稱漢學師承記一書開見廣而義據嚴，異時采之柱下，傳之其人，先生名山之業固當埒此不朽。或如司馬子長史記、班孟堅漢書之例，撰次敘傳一篇，亦足屏後儒擬議規測之見。爾昌今爲先生年譜，殊未詳備，彌惜無敘傳可攷耳。十六年十月十日閔爾昌。

江子屏先生年譜

鄉後學閔爾昌編

清高宗乾隆二十六年辛巳三月二十二日先生生。

先生姓江氏諱藩字子屏號鄭堂晚號節甫揚州甘

泉人。

凌次仲撰周易述稱旌德江君國屏先生蓋初字國屏洪稚存北江詩話謂先生寓居江

都實旌德人張駉伯亦稱旌德江鄭堂先生汪

醇卿廣陵思古齋又云先生歙縣籍後居江都父

學佛有年明於去來嘗曰儒自爲儒佛自爲佛何

必比而同之學儒學佛亦視其性之所近而已儒者

談禪略其迹而存其真斯可矣必曰佛儒一本亦高

明之蔽也先生守庭訓少讀儒書不敢闢佛亦不敢

佞佛。

先生家諱棟未詳何人阮文達學經室集於先生有舊家之稱李艾塘揚州畫舫錄云天瑞堂

葉肆在多子街旌
德江氏生業也。

二十七年壬午、二歲。

二十八年癸未、三歲。

二十九年甲申、四歲。

三十年乙酉、五歲。

三十一年丙戌、六歲。

三十二年丁亥、七歲。

三十三年戊子、八歲。

三十四年己丑、九歲。

三十五年庚寅、十歲。

三十六年辛卯、十一歲。



藏

三十七年壬辰十二歲。

先生少長吳門。是年從薛香聞先生受句讀。香聞諭以涵養工夫。一日先生忽叱僕人。香聞婉言開導曰。讀書以變化氣質爲先。汝如此氣質。尙能讀書乎。況彼亦人子也。爲汝役者逼於飢寒耳。方哀矜之不暇。忍加訶責邪。先生又嘗從汪愛廬先生游。愛廬謂先生曰。吾于儒佛書。有一字一句悟之。十餘年始通者。讀二錄三錄。當通其可通者。不可強通其不可通者。二錄三錄。愛廬所著書也。先生從愛廬游。未詳何年。程在仁亦從愛廬游。與先生友善。嘗下榻先生家。又先生與袁壽階少同里。周後攜家邗上。壽階館於康山。蹤迹最密。談論經史。有水乳之合。並增記於此。

三十八年癸巳、十三歲。

三十九年甲午、十四歲。

四十年乙未、十五歲。

先生束髮時即能爲五七言詩。是年從余古農先生游。始知風雅之怡。乙丙集即始於是年。南陵徐氏積思古編載乙丙集自序。年十五、從余先生游。廣陵是年。今從積學齋本。案、阮文達軍經室再續集、始於遺書序云、子屏之師、爲余蕭客仲林、爲惠松崖先生之弟子、曾館于屏家。此子屏昔所告于者。又定香亭筆談稱、元和惠徵君、定宇經學冠天下、鄭堂受業於惠氏弟子余君仲林、盡得其傳。張午橋跋、扁舟載酒詞云、先生既事吳君、余古農、江翁受業余翁之學於紅豆惠氏。章叔叔亦言、江翁受業余翁之學本吳惠君。明先生爲惠氏再傳弟子也。乃吳石華跋隸經文及廣陵惠思古編並云、先生受學於元和惠氏。同治揚州府志、經籍、符璫、儒林傳、稟直云、少受學於元



和惠棟、吳縣余蕭客、江聲三先生並列一似先生親受業於惠氏者。不知松崖卒於乾隆二十三年戊寅。彼時先生尚未生。烏從而受學乎。況先生於漢學師承記自言結髮讀書授經於吳郡通儒余古農同宗。良庭二先生明象數制度之原。聲音訓詁之學。如先生親受業于惠氏者。安得不敘述及之乎。漢學師承記於古農良庭稱先生。宋學淵源記於薛香聞。汪愛廬稱師。並先生親受業者。而於松崖因未嘗加以此稱也。松崖嘗言古人親受業者稱弟子。轉相授者稱門人。先生於周易述述禮易大義對松崖自稱門人。亦證是一。

四十一年丙申十六歲。

受知朱笥河先生。每酒闌燈地時。笥河嘗謂先生曰。吾儕當以樂死。功名利鈍何足介意哉。以笥河集考京師先生亦尚未北游。不知何緣得相見也。茲再考。

四十二年丁酉十七歲。

四十三年戊戌十八歲。

是年余古農先生歿。

北依吳子修續疑年錄。續疑年錄年四十七。與漢學師承記合。

任文田撰余君墓誌銘云。歿於乾隆四十二年。年四十有九。

古農爲文典博古茂。

不苟作。先生編次爲集得二十餘篇藏焉。

古農歿

後。先生汎濫諸子百家。如涉大海。茫無涯涘。江艮庭

先生教之讀七經三史及許氏說文。乃從艮庭受惠

氏易。

節甫字說云。弱冠時受易漢學於艮庭。

讀書有疑義。質之艮庭。指

畫口授。每至漏四下。猶講論不已。

先生承江艮庭

先生之學。著爾雅正字。以說文爲指歸。說文所無之

字。或考定正文。或旁通段借。不敢妄改字畫。王西泚

光祿見之。深爲歎賞。謂先生曰。聞邵晉涵太史作疏



有年矣。子竢其書出，再加訂正未晚也。

此依爾雅小箋序目，乾隆

四十三年，年十八。漢學師承記作十六歲，蓋十八之誤。

西泚又嘗謂先生曰：子

門下士以金子璞園爲第一。予近日得見好學深思

之士，惟子及李子廣芸、費子士璣三人而已。朱二

亭名見先生歌詩，屬張舊山

名居壽

爲介紹，引爲忘年

之交。後舊山死，詩藁散失無存，先生因錄其唱和投

贈之作爲一冊而序之。

案先生攜家邗上，當在此數年中。

四十四年己亥，十九歲。

四十五年庚子，二十歲。

春，從朱文游，借得汲古閣影宋鈔九僧詩，至壬寅讀羣賢小集，始知九僧詩卽聖宋高僧詩選之前集也。



弱冠時與汪容甫定交、日相過從。容甫嘗謂先生曰、予於學無所不窺、而獨不能明九章之術。近日患怔忡、一構思則君火動、而頭目暈眩矣。子年富力強、何不爲此絕學。以梅氏書贈先生、先生自以知志位布策、皆容甫之教也。李成裕往江陵、畱宿先生家、然燭豪飲、議論史事。成裕朗誦史文、往往達旦。明日先生取史文核之、一字不誤也。先生交成裕時年少、好詆訶古人、成裕從旁謂先生曰、王子雍有過人之資、若不作聖證論、攻康成、豈非淳儒哉。少頃又曰、若夫佛氏輪回因果之說、淺人援儒入墨之論、不可不辨。子車氏所謂正人心息邪說、苟不力闢之、是無是

非之心矣。

先生與阮文達同學交善。

文達稱先生爲早年益友。

案先生與成裕交達定交並未詳何年。姑推於與容甫定交之後。

陽湖洪稚存、黃

仲則流寓日下，貧不能歸，偕飲於天橋酒肆，遇偃師

武虛谷，招之入席。盡數盞後，虛谷忽左右顧盼，哭聲

大作，樓中飲酒者駭而散去。先生嘗叩虛谷曰：何爲

如此？虛谷曰：予幸叨一第，而稚存、仲則則寥落不偶，

一動念，不覺涕泣隨之矣。先生戲之曰：君乃今日之

唐衢也。

案先生是年又似曾至京師。

四十六年辛丑，二十一歲。

是年，朱笥河先生歿。

四十七年壬寅，二十二歲。



六月、於揚州書肆中得宋槧本羣賢小集、乃馬氏玲瓏山館舊藏、後爲汪雪礪所有。

四十八年癸卯、二十三歲。

四十九年甲辰、二十四歲。

在揚州、汪容甫介凌次仲與先生定交、次仲爲作周易述補序。惠松崖先生著周易述、未竟而卒、闕自鼎清國史館惠棟傳作革誤。至未濟十五卦、序卦、雜卦二傳、先生補之。凌次仲年譜、容甫手書海內通人夙相交契者十有六人、示次仲、中有先生。校禮堂文集與張生其錦書云、近日學者風尚、多留心經學、而史學惟錢辛楣先生用功最深。江君鄭堂亦融治條貫、相與縱談今古、同時朋好莫與爲敵、蓋不僅經學專門也。辛酉與今科在江寧、于聆其言論氣概、當更有以感奮興起矣。又梅邊吹笛、諸齊天樂、同汪容甫訪江豫來、雷飲云、泥人金粉、雷塘路、依依半城煙柳、俊望雕花、清

辭樓月、比戶鴛鴦爭續、儒風在否。好攜取經神、華門
偕叩。訓故專家、阿誰吳下、鬪紅豆。欣然相視一笑、便
盤餐小酌、同話耆舊。易溯荀虞、書研馬鄭、信有師承
傳授、淵源細剖。漸暝色蒼然、月窺虛牖。洗盞重斟、碧
筩香到酒、得其意義、疑豫來卽先生。校禮堂文集、又
有與江豫來書、首云、癸丑冬同出都門、癸丑先生與
次仲同客王文端許、大約歲暮又同南歸也。
惟豫來之字、它處罕見、姑記於此、以俟考。

五十年乙巳、二十五歲。

乙巳丙午間、頻遭喪荒、以所聚書、易米、書倉一空、作

書齋圖以寓感。一時耆宿題詠殆徧。書齋、學經室、四
集作書窠、書窠

小東門、出城路不轉、文達題句也。先生
又有秋江聽潮圖、見歙汪夢雅安詩集。

五十一年丙午、二十六歲。

歲大饑、日唯一饘粥。貧居無事、發所爲詩八百首、讀
之、起乙未終乙巳、存一百四十九首、釐爲二卷、名曰



乙丙集。

積學齋本雜文乙丙集自序上卷七十七首

六十三首則少九首

矣惜此集未得見

五十二年丁未二十七歲。

客游江西在謝蘊山先生處交胡雒君。名虔嘗於友

致焦理堂手札而通並及游豫章事錄於下藩啟禮

堂大兄先生西湖歸接手書頗慰渴想請君子因良

伯來書分作纂故一書唯小學最難如說文解字皆

訓詁也其同異諸端不能筆述容來揚時面談且纂

故藩不知體例如何足下以說文為主千古不磨之

詩若以廣韻為主便落下乘矣至周旋竊突歸周竊

二韻總之是書必以說文為主藩當作札與良伯使

改其體例可也藩八月中必為豫章之行願小謝先

生昔曾將伯助予之說見時乞為致候並請日安

榜花間後即惠佳音是荷制弟江藩頓首外良伯少

自信望代寄達京又藩啟理堂先生足下藩於六月

間自豫章歸吳貧病相攻形神俱喪屢欲來邗皆以

乏資斧至南雙足良可歎也山居獨處於米鹽瑣碎

之暇將不正舊注見於史漢類書中及注疏中者盡

行錄出。去年拜懇摘錄御覽舊注，想已卒業。今乘奴
子來揚之便，草此奉請萬安，並祈將所摘舊注交付
奴子帶回。是荷。足下天資高厚，開戶窮經，比來必有
所得，能示我一二以開茅塞否？明春試鐙後，當相見
也。不具。教弟江藩萬頓首。案前札書制字，以乙巳丙
午間類遺喪荒計之，當是丁父憂。以此二書自是此
慶元年先生母夫人尚在蘇州也。此二書自是此一
二年中所作。良伯蓋阮文達字。段若膺經韻樓集有
與阮梁伯書，良梁音同。惟雷塘盒主弟子記已不載
此字。纂故謂經籍纂詁。文達在館閣日與孫淵如、朱
少白、馬魯陳相約分纂，當亦屬諸江焦後乃由浙上綱錄也。

先生纂純廟詩集

注王文端爲進呈，賜御製詩五集，復諭召對圓明園。

會林爽文陷臺灣報至，途輟，人惜其數奇。林爽文事在是年，故

列此。伊墨卿畱春草堂詩鈔贈先生詩，丞相禮賢意，
俾韜金馬門。通儒經學重，上客布衣尊。慷慨憂時志，
迂疏復古論。蕭蕭方落木，碩果盼秋原。自注鄭堂館
韓城王文端公邸第二十一年。案先生館文端第，未識
始於何時。阮文達高密遺書序云：千屏嘉慶初年入
京師，予薦館王韓城師相家，備查列御製詩注之事。



儒藏

終落魄歸揚州。先生館文端第既二十年，不得

冬

至嘉慶初年始入京師。

坊記於此，以族再考。

在揚州，與葉霜林

名英

訪焦理堂先生，與理堂皆以淹

博經史爲藝苑所推，時有二堂之目。厥後又稱江焦

黃李，謂黃謙牧

名承言。

李濱石

名鍾泗。

也。

五十三年戊申，二十八歲。

臘月二十一日，王蘭泉先生招翁學使振三及先生

與曹仲梅等官齋小集。己酉正月初八日，復邀振三

仲梅諸君小集。

春融堂集並有詩。蘭泉時官江西布政使，先生蓋仍客江西。

五十四年己酉，二十九歲。

五十五年庚戌，三十歲。

有廩膳生吳君墓表。

吳名兆松，字蒼虬，江都人。卒於是年，故列此。蒼虬子夢熊，字曰

達先生與曰達有尹班之雅。每見蒼蚪、執弟子禮、嘗謂先生曰、讀書當融釋、講學在縝密、不讀書無入德之門、不講學無自得之樂。

五十六年辛亥、三十一歲。

館王文端第。洪稚存時以編修充石經收掌詳覆官、文端爲石經館總裁。稚存手定條例、屬先生呈之文端、文端是其說。彭文勤主其事、以爲不然、文端不能與之爭也。後文勤自作凡例、文端命先生勘定、駁其批謬者數十條、文勤大怒、謂先生與稚存互相標榜。

五十七年壬子、三十二歲。

五十八年癸丑、三十三歲。

凌次仲和先生芍藥吟。

淮陰史上舍性嗜花、先生賦芍藥吟贈之、在濠陽、史以示



次伯因和先生韻。先生原作錄下。鼠姑香殘過穀雨。續芳紅藥當階吐。淡紅香白滿城闌。豐臺名花賤如土。史侯愛花不好名。前身曾主芙蓉城。千枝萬朵塞破屋。浮空一片香雲生。斯人肝腸鬱於雪。棄紅取白更無絕。清宵人靜。娟月所不放。銀蟾曉皎潔。重簾屏押垂窗。橋抽豪日。寫靈飛經。蜂須蝶翅不敢近。護花郭女通三靈。廣陵江郎住隔屋。孝先自笑便便腹。閒時默誦孫樵文。鼻息搖花睡方熟。將離引我夢還鄉。篠園池館臨斜陽。晚風活色正情忙。醒來鼻觀畱餘香。慰我鄉思覓紅友。三百青銅沽一斗。酒酣耳熱忽高歌。醉向花前酹殘酒。願花莫作錦繡堆。四圍金帶爭先開。魏公秋容淡老圃。它年誰可謂鹽梅。案次仲是年夏五月隨王文靖往熱河。先生嘗亦偕行。自山右至都門。道出保陽。

於查觀察處手摹九歌石刻。在都與接次仲、王更

叔文靖季子名堉。講求象緯之學。

五十九年甲寅三十四歲。

六十年乙卯三十五歲。

至金陵、應布政司試、同人集小西湖。章枚叔云、江翁沒世、未嘗試府縣廷、然先生實以國子監生屢應鄉舉而不第者。冬、阮文達白山左移任

浙江、過揚州、先生偕黃秋平、林庾泉、鍾菽崖、徐心仲、汪晉蕃、掌廷、方月槎、黃春谷、焦里堂、方菊人、汪味芸、李濱石、濮朝衡、翼符、子耕、李艾堂、周采巖、鄭雲洲、何夢華、餞之於虹橋淨香園。是日寒雨滿湖、未及平山

而返、奚鐵生爲作虹橋話舊圖。

文達嘗稱先生淹貫經史、博通羣籍、旁及

九流二氏之書、無不綜覽、所爲詩古文詞、豪邁雄俊、卓然可觀、爲人權奇、偶儻、能走馬奪槊、豪飲、好客、至貧其家、徧游齊晉、燕趙、閩粵、浙江、王韓城師極重之。在揚州、與徐心仲親善、

講習經史、心仲攜婦入城、與先生所賃之屋衡宇相望、每相遇輒日旰忘食、夜分不寢、心仲出所著論語

疏證先生爲之序。

仁宗嘉慶元年丙辰三十六歲。

有享年室銘。爲黃謙牧作。先生長謙牧十歲。緒交時先生甫及壯。見夢陔堂文集先生象贊序。

二年丁巳三十七歲。

春與六安張篠原同客王文端第談釋地沿革之難作六安州沿革說。先生又有與張篠原書。

三年戊午三十八歲。

在白下作驚曉序一闕。是年自京師歸重來白下。先是乙卯同人集小西湖注古

香約填驚曉序先生思思渡江未暇倚聲。是年熊廷綱復舉此會先生乃填是詞以踐前約。秋

焦理堂出所製釋橢示先生先生爲之序。

四年己未三十九歲。

夏仲有多寶塔帖跋。先生從王蘭泉先生游垂二

十年論學談藝多蒙鑒許。蘭泉因袁簡齋以詩鳴江浙間從游者若鶩乃痛詆簡齋比之輕清魔提唱風雅以三唐爲宗而江浙李赤者流以至吏胥之子負販之人能用韻不失拈者皆在門下。是年先生從京師南還至武林謁蘭泉於萬松書院從容言曰明時湛甘泉富商大賈多從之講學識者非之。今先生以五七言爭立門戶而門下士皆不通經史孰知文義者一經盼飾自命通儒何補於人心學術哉。且昔年先生謂筍河師太丘道廣藩謂今日殆有甚焉。是時



依草附木之輩、聞先生言大怒、造謗語、搆怨、幾削著錄之籍。先生先見知蘭泉、後游京師、入王文端幕。先生嘗作河賦、沈博宏麗、論者謂可與木玄虛、海賦、郭景純江賦並傳。蘭泉跋云、本漢書水經以立言、故魏晉後置其論也。薛厚班駁、亦似鄒枚。金鐘越樓亭詩鈔書江鄭堂河賦後云、黃河西北來、銀夏受其利。延緣出龍門、厥性乃暴。肆分疏為九道、聖人巧用智。因勢而利導、所行在無事。後世賈讓策、獨見乃棄地。竭流畢有法、但作目前計。況今廟堂儒、窮源得根蒂。試採宋元書、窺茲漢魏製。文淵既益雄、賦則當更麗。請君放厥詞、庶以繼其志。河賦有錢坤注、江陰繆氏列入藕香零拾中。

先生遇洪稚存於宣城、論說文解字

五龍六甲之說及冕旒字不合。稚存出示所作古文、先生又指摘其用事譌舛。稚存斷斷強辯、先生曰、君如梁武之護前矣。因談及輿縣、稚存云在江都、先生據文選注赤岸山之證、當在六合。先生又謂太平寰

宇記鄧艾石鼈城白水陂事不見於史而已並未言無此事也。稚存忽寓書先生謂與縣實在江都而鄧

艾事樂史本之元和郡縣志豈可疑無此事者。先生

恐激其怒不答一字遂不復相見矣。北江詩話稱先生

保墓道詩曰公本愛才勤說項我因自好未依劉亦

隱然自具身分惜其爲飢寒所迫學不能進也。南海

伍氏謂爲報復之師。案北江年譜己未稚存似未曾

至宣城稚存至宣城當在丙寅丁卯修寧國府志時

凌次仲年譜丙寅二月與寧郡魯子山太守札有今

日之招雖與堂稚存舊雨咸集竟不敢奉陪之語是

先生與稚存宣城還後遂不復見疑是年江艮庭

非嘉慶四年事姑記於此以茲考。

先生歿。孫淵如平津館文彙江聲傳嘉慶四年九月

記云年七十有八卒年未詳。案尙書集注音疏卷十

二末艮庭自識乾隆五十四年六十九又小引

五十八年七十有三以此計之卒嘉慶四年實七

十有九。若年七十有八則當卒嘉慶三年矣。疑漢學師

承記
誤。

五年庚申、四十歲。

六年辛酉、四十一歲。

汪孟慈以許滯都司塲考見賞於先生。孟慈時方十六歲。

七年壬戌、四十二歲。

是年秋、王文端乞休、明年春歸里。

八年癸亥、四十三歲。

九年甲子、四十四歲。

十年乙丑、四十五歲。

正月、王文端卒於京邸。文端以去年謝賜壽入京。先生與宋帥



藏

初名葆淳。安邑人。焦理堂、秦敦夫、阮文達擬送唐石佛入焦

山、未果。後道光十年，齊梅麓始親載石佛入山，見焦山志。有與阮侍郎書。

文達以所作先人墓表示先生，先生致書論之。案文達以是年丁父憂，故列此。雲閒汪墨

莊名，工詩，少與先生共唱酬，已而落魄江淮，乃館之

於家。王柳村謂先生好客忘貧，今之顧俠君也。北江詩話

云：墨莊寄食江上，舍藩家，聞余至揚，偕江來訪，同至傍花村看菊。明日，攜之謁揚州太守伊君秉綬，屬爲

之地。案墨卿守揚在乙丑至丁卯間，姑附於此。

十一年丙寅，四十六歲。

春在宣城。時洪稚存修寧國府志，凌次仲主敬亭講席，並在宣城。阮文達在

甘泉山惠照寺獲四石，先生以爲漢淮南厲王胥冢

石也。翁覃溪蘇齋跋云：是胥冢自造宮殿石，非冢中石。

十二年丁卯、四十七歲。

六月十二日、釋粟葺告先生舊城二卷井闌有宋嘉定三年蔣世顯刻字、字五行、計六十八字。先生即同兄仙舟、表弟方象明攜紙墨往。是日赤日如爐、火雲似織、揮汗搗之、旁觀咸以爲癡、而三人不顧也。儀

徵令顏公續修縣志、阮文達屬先生以輿地紀勝中

真州一卷校補前令陸公舊志、得數十條、顏刻諸續

志之末。有與伊墨卿太守書。先生先在江寧、聞墨卿丁父憂返揚、見計

有稽顙弄弄稽顙之文、作弔入署、見門狀亦然、因致書論之。有清故刑部山東

司員外郎鄭君墓誌。鄭名宗汝、字翼之、江都人。以是年葬江寧、故列此。

十三年戊辰、四十八歲。



三月既望、作朱處士墓表。

月日見二亭詩鈔卷首。

十四年己巳、四十九歲。

春、客游四明、道出吳門。季秋復來吳、作吾母王孺人

傳。

先生母先王孺人歿、先生扶柩回邗上、見傳中。惟未詳何年。王孺人長子學海與先生同學、娶先生

妹、妹亦先

王孺人歿。

十五年庚午、五十歲。

有節甫字說。

有詞源跋。

秦敦夫刻詞源在嘉慶庚午、重刻在道光戊子、姑繫

於此。半藍齋題跋又有翁賓王文集、草堂詩餘二跋、當亦爲敦夫作也。

十六年辛未、五十一歲。

先生既爲漢學師承記、復以傳中所載諸家撰述有不盡闕經傳者、有雖闕經術而不醇者、乃取其專論



經術而一本漢學之書、倣唐陸元朗經典釋文傳注
 姓氏之例、作經師經義目錄一卷、均於記後。其義例
 有四、一言不關乎經義小學、意不純乎漢儒古訓者、
 一書雖存其名而實未成者、一書已行於世而未及
 見者、一其人尙存、著述僅埒見於前人傳後者、並不
 著錄。命子鈞繕錄。良月既望、鈞因識其後。先生無子、
 祚薄、養姪爲兄之數。同治揚州府志、江懋鈞字季諷、
 年十六父歿、早補諸生。叔父藩以樸學名東南、所交
 多海內通儒、每宴集懋鈞皆侍。由是問學日進、著有
 詩經釋義、爾雅旁證、鷗寄齋古今體詩。先生樂縣考
 末、對懋鈞、官縣建鼓設於四隅、辨當卽鈞。懋鈞子璧、
 同治四年進士、進賢知縣。璧子廣學諸生、有孝行。

十七年壬申、五十二歲。

在揚州、作凌次仲校禮堂文集序。

略云、藩與君交垂
 三十年、論樂會意、

執禮折疑雖隔千里同聲相應豈知日景西頽遽從短運遺迹餘文觸目增滋。汪孟慈爲作國朝漢學師承記跋。

十八年癸酉五十三歲。

阮文達督漕延先生主講山陽麗正書院以布衣爲

諸生師。

先生發策問漢魏易十五家山陽丁儉卿晏條萬餘言據羣籍之精抉象數之奧先生歎

賞之。

應鄉試宣城張裴伯

名其錦

謁先生於江寧先生

出樂縣考示之九月望日裴伯爲作序。

裴伯稱先生體豐神壯興

趣勃勃。

十九年甲戌五十四歲。

二十年乙亥五十五歲。

中秋後五日願千里爲作扁舟載酒詞序。思適齋集又有江寧



儒藏

江子屏先生年譜

堂詩片錄於下。世之論詩者以爲有學人之詩有詩人之詩。此大不然。詩也者學中之第一事。如其不學無所謂詩矣。是故吾友江右鄭堂人咸知其爲學人也。而其所著詩思集、永豐集、高秀、銘、裁、精、當、聲、律、諧、美。雖窮老盡氣期爲詩人者未見其能臻此也。生平所作極富散失幾盡。今子某始振爲二卷。吾觀天下詩人讀鄭堂詩者曉然曰學之所至詩亦至焉。則詩道其興矣。敢書斯言以爲序。吳山尊亦有半軒齋詩集跋見江氏學行記。又山尊集中初三日晚晴補和鄭堂元日雪中詩有延齡專倚長桑術句。注時病甚專服君方先生殆善醫矣。附記於此。

二十一年丙子五十六歲。

秋在揚州以畫蟬柳扇索願千里題千里爲填小重山一闕。秋得痹疾。冬十一月遇宋帥初於白公隄

上方晴江爲先生作募梓圖。詞初跋云甘泉江君節

著周易卷之四易大義三卷。言樂志典墳潛心撰著

難殊題生記不稱。樂縣考二卷、國朝漢學師承記八卷、舟車聞見錄十卷、皆繕寫成書矣。嘉慶二十一年冬十一月相相遇於白公隄上。節甫謂余曰：某今秋忽得士安痹疾，幾成鑿齒半人視，富貴如浮雲矣。惟平生精力半瘁於此，恐魂魄一去，將安秋草欲謀剗。願募之同學適淳安方君晴江在坐，云在歙時見仇十州畫朱性夫募驢圖，祝京兆唐解元皆出資書疏中。仿其意爲作募梓圖，持游江湖當有應之者。圖成予爲之記。案此圖後爲江建霞所得。

二十二年丁丑五十七歲。

龔璫人爲先生敘所著書。

略云：江先生以布衣爲掌

當道治四庫七閣之事，於乾隆名公卿老師宿儒畢下上請教，萬問千隨，窺氣運之大原，孤神明以突往。謂漢學師承記也。冬至日，璫人又埵與先生箋，固始將子蕭湘南嘗從先生問奇字研經術，見七經樓文鈔，聞形恩序埵記於此。

二十三年戊寅五十八歲。



客游南昌、陽城張孝廉子絜出惠松崖徵君易大義示先生、爲江艮庭先生手寫本、徵君易大義三卷、目錄云、中庸二卷、禮運一卷、闕。當時著於目、而實無其書、徵君子漢光卽以此爲大義耳。先生手錄一帙、知非易大義、乃中庸注也。夏客羊城、先生先晤陽城張君、後來嶺表見羣經室二集李尙之傳。先以著述數種付刊、問世、四方爭傳誦焉。阮文達延先生纂輯皇清經解、廣東通志、肇慶府志、畱幕府最久、所得館金盡易端谿石硯。後去粵時、歸裝壓擔、暴客疑其挾巨金、尾之兼旬、易舟發篋、乃唾而去。文達嘗採取清代諸儒說經之書、以及文集說部、加以翦截、引繫於羣經各章句之下、勒成一書、名曰大清經解、以爲能總其事、審是非定去取者、海內學友惟先生及顧君千里二三人案。

此所云經解與後來體例不同。學海堂本爲嚴厚民所輯實以人之先後爲次序不以書爲次序也。又文達高密遺書序云子屏飢驅至嶺南余延總纂廣東省通志數年書成余謂任雲南遂歸揚州不再相見子屏隨手揮霍雖有陸賈裝無益也。案文達於道光丙戌六月調雲南而先生姪孫順銘則云道光乙酉退息里門殆是年除夕阮文達爲作國朝漢學師先一年歸矣。夢陔堂詩集夢漢學師承記懷江鄭堂粵東承記序云祖龍燭書六經喪漢儒續絕嚴師傳。西京人自守一說力抱殘缺存簡編。由無之有等斟酌與失微緒寧拘牽所以當時重授受專經譜系如曾玄東都學者間旁涉邵公幼季尤稱賢偉哉鄭許靡不貫有似巨海納百川自從肅廟延臆會立言非必皆古先紛紛同異每互證南葉北葉各有偏貞觀諸儒作義疏但解徵綜不解研焉知宋後實學廢自許精義徒空詮坐談性命固道本苟無禮樂何由宣物名象數如可置何必一畫文開天我朝古義發無隱闕使有蘊胥昭惡聖人如日眾星列中天景運由陶甄太原德清濬導始後逮吳歙雙序淵支流派衍途分出師承不異昭宣年通來混沌盡鑿破一掃疑似歸本然脫非兩漢能繼述四代何自供搜穿聲音弗通



儒藏

江子屏先生年譜

字莫程。訓詁弗講。繁繁箋。不明制作。人道外。不究推步。天行愆。崇邱王氏。渭州段。新安程。叟。膠城錢。日中所見。幾先輩。在漢可列。經師筵。吾友凌焦。及江李。曩時聚訟。猶目前。三君墓木。皆已拱。江君遠客。如南遷。夢寐康成。志屹屹。淵源紅豆。膚拳拳。不忘數典。創斯作。直憑一綫。垂仔肩。茫茫絕業。望千載。一堂恍接遠與度。太常籍。奏虎觀。論對。此猶遜覃敷。全。悔我平生學詩。蘊篋中。殘藁成。還延。故人三問。倘見及。更何歲月。纔丹鉛。此書一出。俗儒省。導訓可令長。經綸。文章性。道本一貫。無忘博約。求高堅。

二十四年己卯五十九歲。

二十五年庚辰六十歲。

三月朔作惠松崖徵君易大義跋。九月二十一日。

跋宋揭本隸韻。

文二。敦夫太史所藏。乃餘清齋之故。收畫文。氣有跋語。惜缺表一首。老友

趙晉齋云。天一閣藏本。有表文半篇。今為雲臺先生

所得。碑目亦殘缺不全。藩曾補完之。敦夫刻本。碑目

下半篇。即落所輯也。

為阮賜卿

名福。文達子。說毛詩。因檢爾

雅正字舊藁重加刪訂據古本釐爲三卷易名小箋。
宣宗道光元年辛巳六十一歲。

霜月庚申作爾雅小箋自序。

霜月見韓勅造孔廟禮器碑集古錄以霜月爲

九月黃扶孟劉楚模從之錢竹江王石臞並引爾雅七月爲相以霜月卽相月埒記於此茲考。阮

文達刻江蘇詩徵成是書王柳村所輯文達束其藁

入粵屬先生與許楚生凌曉樓刪訂校正者也阮賜

卿倣祭詩故事隨先生祭之有詩畫卷。是年八月

二十六日會見士爲作隸經文序。

此先生從諸文中刪存者苟非說經

皆不錄見士稱先生善漢學不喜唐宋文每酒後耳熱自言文無八家氣云。

九月吳石

華爲作隸經文跋。

石華稱先生今年六十有一矣。饗饌善飯。

二年壬午六十二歲。

嘉平月、長白達三

字誠齋

爲作國朝朱學淵源記序。在

東樵署。又先生自序略云、近今漢學昌明、有一知半解者、無不痛詆宋學。然本朝爲漢學者、始於元和惠氏、紅豆山房半農人、手書楷帖云、六經尊服、百行法程朱、不以爲非、且以爲法。藉爲是記、實本師說。嗟乎、耆英彫謝、文獻無徵、甚懼斯道之將墜、竊窮行之不逮也。

三年癸未、六十三歲。

四年甲申、六十四歲。

五年乙酉、六十五歲。

退息里門、窮老益甚、所僦屋遷徙無定。客羊城時所

刻書板、亡失過半。

阮文達高密遺書序云、黃右原爽言、幼讀書入安定書院、曾賓谷先生

爲師、乃甘泉江子昇落也。右原以重脩禮延之、館其

家四年、子昇老病卒。蓋先生退息里門後事也、當在丙戌丁亥間、附記於此。



儒藏

六年丙戌六十六歲。

七年丁亥六十七歲。

八年戊子六十八歲。

九年己丑六十九歲。

姪孫順銘等請於先生將所刻書板修補而彙萃之

顏曰節甫老人雜著。

光緒丙戌姪曾孫巨渠又以板多殘闕命二子朝棟朝植校讐

補刊。今江氏叢書卽此本。

十年庚寅七十歲。

十一年辛卯七十一歲。

先生卒。

張午橋跋扁舟載酒詞云卒年七十一未言何年。以生乾隆二十六年推之應卒道光十

一年。陳穆堂讀騷樓詩二集注冬巢寒林獨步圖序云道光庚寅江鄭堂許楚生李練江周樂夫相繼歿



謝則當年七十矣。包慎伯安吳四種汪冬巢傳亦云。庚寅君之執友三數人皆以物故。為寒林獨步之圖。對記於此。以俟再考。汪孟慈跋爾雅小箋序曰云。江先生為大興朱學士弟子。博覽九流。尤精史學。為人以饑死。吁可悲也。黃謙牧夢陔堂詩集江鄭堂沒已數月。秋窗坐憶惘然。成詩云。緊子弱冠年。文章頗馳驚。經書註闡熟。但解事章句。如何為貫穿。茫然若乘霧。追論其室堂。不知有門戶。無何遇江君。言論迥異趣。吐詞必宗古。內實外敷布。朗如列宿分。不特百川注。達乎若有失。側聳叩以故。君曰吾語汝。此豈空領悟。古來善讀書。讀橫不讀豎。要在研精微。能使經義著。記誦非可師。經師有元路。由是俗見祛。恍然若趨暗。明我以六書。析我以九數。通我以金石。擴我以傳註。後來交浸多。引類從此赴。我行雖未逮。非君莫假步。君身為學海。君洵即武庫。鑄金事高密。重以廣資助。窮源極矣。與問盡矣。與因著書。今滿家。願倒橫竹素。當時游京華。幸相汲延譽。高名崛非常。幾將致殊遇。如何竟無成。奔走四依附。京看錢塘潮。西尋豫章樹。南登越王臺。北臨耿公渡。歸來已衰年。窮愁畢呈露。回憶少壯時。對飲數指顧。答人問百家。未有一字誤。光怪如目前。聞者莫不如。曾是遂蹉跎。無人與調

護。言鄉達經者，幾輩皆就墓。賴君爲靈光，今日復訣去。舊會茲銷沈，通儒不再晤。所關鉅靈奇，奚獨感遲暮。慚負驚蹇姿，每念飛子御。嘆逝益思哀，滔滔水空度。又文集江鄭堂象贊云：江君懋學，式懷淵充，千秋一師。源窮派通，江君植躬，載以夷曠，不屑不潔，而非儻。慕孟喜不達，范丹長貧，憂乃驥，民樂亦螭伸。南樓依人，北海好客，飲三百川，學母云遙，經神宛在。金石開然，想其堂階，如流百川，學母云遙，經神宛在。金石豈渝，丹青不改。王句生舍，是集挽江鄭堂先生云：實學昭代，崇宗風，遞流行。六經觀文章，根柢固不淺。先生信好資，哀籍經流，眇其說，明師承，深心獨精，闡蚤年負書，涼聲華，樂京華，晚等類，宸章旁徵，引墳典，鈔成奏松扉，五雲翼丹箋。皇情頗忻悅，召傳俞未遣。金鞍捧賜函，榮耀照軒冕。龍魁聯聯，脫略時公卿，無心致舛。媒發，歸謝，湘淵，起，脫略時公卿，無心致通顯。東南學海堂，坐抗廣筵，辯都講，風每移，操行石匪轉。山嶽論知交，黃金一言踐，元禮天下模，詎徒藝文選。晚從粵嶠歸，足息剡雙趺，舊篋新，生塵零落紙萬卷。精食舖，昃光席門臥陰，薛蕭條，孤雲奄忽送餘喘。往余接德，鄰青天，屢容展，搗腹調，贈嶼，枕裁，錄旁負疑，豹鼠指能辨。回首高山頽，馬悲涕長，法廟食同。梁、豐碑莫置，視人壽徒須臾，悠悠孰徵善，遺編



生自京歸、盛稱徐星伯及徐少鶴曰、京師學者、孰與

二徐先生。歿。星伯出泉十萬貫。俾汪子孟慈錄先生遺

書與吳太守、陳明經是正之。先生所著書有周易

述補五卷、在學海堂經解及江氏叢書中、卷七卷八合爲一卷、故經解祇四卷。國朝漢

學師承記八卷、經師經義目錄一卷、國朝宋學淵源

記二卷、增記一卷、隸經文四卷、續隸經文一卷、樂縣

考二卷。

以上數種在江氏叢書及粵雅堂叢書中。隸

及經解續編

並無之。扁舟載酒詞一卷。

在江氏叢書中。又有題

載酒詞。六家爲金冬心、朱老莖、

兩雅小箋三卷。鄧齋

朱二亭、汪巢林、羅雨岑及先生。

炳燭室雜文一卷。

積學齋叢書中。

半甌齋題跋二

卷。

功順堂叢書中。

經傳地理通釋、儀禮補釋、考工戴氏車制

圖翼、石經源流考、禮堂通義、通鑑訓纂。

序略云：江君

鄭堂專治漢經學，而子史百家亦無不通。

于通鑑讀

之尤審，鈔成資治通鑑訓纂若干卷，皆取其

所采之

本書而互證之。

乙丙集伴月樓詩鈔。

王柳村羣雅

覽甚博，審決甚精。

集載先生詩

四首錄於下。

三楚一首。三楚傳消息，連天草色空。

傷

心歌碩鼠，極目送哀鴻。楊柳誰家月，笙簫別院風。

雨

川估客斷，米價問江東。月夜渡太湖，一首。

十月湖水

清，扁舟去二更。丹楓當夜落，明月共潮生。

樹樹碧雲

合，峯峯翠靄輕。它年如泛宅，垂釣答昇平。

答吳玉松

一首。僻巷無人迹，成部揚子居。暮雲天際闊，春草故



儒藏

江子屏先生年譜

交疏。淵淵。文邀月呼。政酒。尋人讀冷書。商量詩格
 律。結習。去無餘。衡霍一首。伏波久駐。五溪蠻。看徧湘
 南。處處山。只恐功成枯。蠅須館雜記。計五種。爲槍譜
 萬。員天。教馬。草裏屍。還。蠅須館雜記。葉格。茅亭客話
 細流記。名優記。舟車筆談。嘉興錢氏碑傳。舟車聞見
 見揚州。畫船錄。舟車筆談。集曾載一則。舟車聞見
 錄十卷。此目見宋帥初募梓圖跋中。疑卽舟車筆談。
 經解入門。八卷。署甘泉江藩纂前。有阮文達序。光緒
 中。上海石印。十九年。癸巳。復刻於廣西書局。馮德材
 跋。已決其非。先生真本矣。

自題江子屏先生年譜稟後六首

萬閩千暗拓規模。學術寧因漢宋殊。早有淵源溯紅
 豆。並尊服鄭法程朱。

教游南北布衣尊。長揖升階禮數敦。一事傲它洪太
 史。未從幕府拜師門。

同心汪阮播蘭芬、樸學揚州自一軍。不似桐城矜義法、卓然雄俊隸經文。先生自言文無入家氣、蓋猶汪容甫不嫌於方靈皋諸人之意耳。

十載秋風海上琴、箸書辛苦鬢霜侵。歸裝賸壓端谿石、豪客休疑陸賈金。

載酒扁舟引興長、仲軒薇竹亦芬芳。填詞老去風流在、不獨談經豔二堂。扁舟載酒詞中華書局印清史列傳作江湖載酒詞誤。吾揚經

師有詞集者似只江焦二家、它人尙未見。

千秋青史詎相關、列傳儒林待要刪。付與旁人評得失、朱翁一例落孫山。清史棄竹君正三及先生並無傳。



儒藏

江子屏先生年譜

江子屏先生年譜

男孫僑校

校記

①既： 當作「即」。

②朝： 當作「潮」。

焦理堂先生年譜

閔爾昌 編撰

李文澤 校點

刁忠民 一審

蔣宗許 二審

民國十六年刻本

《焦理堂先生年譜》一卷，閔爾昌編撰。民國十六年江都閔氏刻本。

焦循（一七六三——一八二〇），字理堂，又字里堂，晚號里堂老人，清江蘇甘泉（今江蘇揚州）人。自少敏悟嗜學，嘉慶六年應鄉試中式，嘗遊山東、浙江。入京應試，不第，旋歸里著書授徒。嘉慶二十五年七月病卒於家，年五十八。焦循號通儒，時與江藩並稱「江焦」。於《易》、《詩》、《孟子》尤精研入微，又博通曲律、天文、算學、地理、醫術。其著述主要有《易學三書》四十卷、《六經補疏》二十五卷、《群經宮室圖》二卷、《禹貢鄭注釋》二卷、《孟子正義》三十卷、《憶書》六卷、《詩陸氏疏疏》二卷、《易餘籥錄》二十卷、《毛詩鳥獸蟲魚釋》十一卷、《毛詩地理釋》四卷、《書義叢鈔》四十卷、《里堂學算記》凡五種十六卷、《開方通釋》一卷、《孫子算經注》、《乘方釋例》、《種痘書》十篇、《劇說》六卷、《雕菰樓文集》二十四卷、《紅薇翠竹詞》一卷、《仲軒詞》一卷、《游山左詩鈔》一卷、《游江浙詩鈔》一卷、《焦氏家乘》八卷，編輯《唐賦選》一卷、《北湖小志》六卷、《揚州足徵錄》二十七卷、《里堂道聽錄》五十卷、《李翁醫記》等。

現存焦循年譜有數種，包括焦廷琥編《先府君事略》一卷、王永祥編《焦理堂先生年譜》一卷、范耕編《江都焦理堂先生年表》、戴培之編《江都焦先生年表》及本書所收閔爾昌編《焦理堂先生年譜》。據閔氏自序稱，民國十六年編次王念孫、王引之年譜成，又據焦循之子焦廷琥所撰《事略》，並佐以譜主文集編成此譜。此譜與其餘各譜略有不同，於各條下大多註明出處，以示其翔實可徵。年譜正文以大字標署，注釋文字則以小字雙行別出，顯得主次分明。



儒藏

焦理堂先生年譜

十六年三月、編高郵王氏父子年譜竟、更編焦理堂先生年譜一卷。王氏既彙葉有行狀、焦先生亦有令子虎玉之事略、竝能揚先芬述家學、吾第依據焉、排次其年月耳。通人雅士、覽而攷之、固其宜也。焦氏本貫江都、自雍正分縣、遂爲甘泉人。爾昌寄籍甘泉、今又併歸江都、維桑與梓、蓋彌親切而有味矣。先生易餘籥錄卷一曾引王樞野客叢書、以鄉里爲桑梓之謬、此語殆不免爲先生所訶矣。江上烽煙、連月未息、吾慕鄉先生、吾思故里、野鼠城狐之吟、廢池喬木之感、安得不盡於心哉。五月十日閔爾昌記。

焦理堂先生年譜

鄉後學閔爾昌編

清高宗乾隆二十八年癸未二月初三日辰時先生生。
幹癸乙辛壬枝未卯卯辰見雕菰集陳達夫傳。

先生姓焦氏諱循字理堂晚號里堂老人。先生於四十五歲自

稱老人見家訓。又先生乳名橋慶見雕菰集書徐文長集後。世居江都黃珏橋雍

正九年分縣爲甘泉人。先世或云白山左來明初居

江都東鄉八港口。有諱望武者遷於城北澗城壩之

西。北湖小志作澗陳壩。是爲北湖始祖。再傳至廣始遷下莊。廣

生有、有生鼎、鼎生遷。五世祖文科。高祖明陽。曾祖源、
字文生、江都縣學生、深於易學。祖鏡、字鑑干。父蕙、字



儒藏

焦理堂先生年譜

佩士、國子監生。皆方正有隱德、傳易學。佩士先生娶謝孺人、無子。納殷孺人、生子三人、長卽先生。

二十九年甲申、二歲。

三十年乙酉、三歲。

嫡母謝孺人撫育先生自三歲至十五歲、

此依謝孺人事略書

徐文長集後作十六歲

凡十有二年、未嘗離側。先生幼多疾、謝

孺人懷抱、行十四夜不寐。教以書數、口授毛詩及古

孝弟忠信故事。是年除夕、謝孺人抱之看門上春聯、

先生呼曰、字錯矣。孺人察之、果栽字誤作裁。春聯蓋

新換者、孺人問何以知之、先生曰、終日見此字、今筆

畫頓殊、故知其錯。

時母姪范氏表叔王容若皆以字音反切授先生。

三十一年丙戌、四歲。

弟律生

字叶六。

三十二年丁亥、五歲。

三十三年戊子、六歲。

受業於表兄范秋帆先生。

名徵麟、字彬文。

范先生授以詩、辨

別音韻。

先生從范先生七年。

歲饑、佩士先生出粟以濟。

三十四年己丑、七歲。

三十五年庚寅、八歲。

先生尙未結姻、偶以拜壽往公道橋阮氏家、賓客甚多。壁上詩有馮夷二字、族祖績園先生顧先生曰、子能誦之乎。先生曰、余固能誦、當不致讀馮爲縫耳。或



儒藏

焦理堂先生年譜

笑曰、此百家姓馮陳褚衛之馮、何誤邪。先生笑不已。日、吾嘗讀楚詞、此字音皮冰切、乃馮夷字也。賓客大稱奇。阮廣堯先生名承動、以此深契先生、遂以季女字之。長妹生。後適黃氏。

三十六年辛卯、九歲。

三十七年壬辰、十歲。

次妹生。

紅薇翠竹詞有河傳賈育仁妹壻以扇頭鵲鴉捕螢蛸畫扇題似次妹適賈氏。

三十八年癸巳、十一歲。

十一二歲時、范先生令讀古文、授以謝疊山古文軌範、遂好爲古文。十一二歲時、初學詩、佩士先生命質諸族父熊符先生。名賦。

三十九年甲午、十二歲。

十二三歲時、好爲詩、佩士先生以詩品示之曰、作詩必知詩之品、讀詩品又必知作詩品者之品。司空氏立身清潔、不受僞梁之汙、舊史誣之、王黃州辨明於闕文十七條。修新唐書者乃依其說、比美元德秀陽城而傳於卓行、李唐詩人罕有匹者也。先生授而錄之。十二三歲時、讀三蘇文卽解爲論序、見東坡文范增、晁錯諸論、思擬而效之、苦於不諳史事、乃閱漢書、三國志、遞及南北史、唐書、五代史記。弟徵生。字季蕃、先生兩弟兩妹皆同母。

四十年乙未、十三歲。

學於舅氏謝蕙田先生。名聯芳。謝先生嘗曰、讀書以能背誦精熟能解爲勝。先生當時易其言、久久釋之、誠爲功實而爲用遠也。

四十一年丙申、十四歲。

族祖倫士先生。名兆鰲。遺先生不雕硯、後三十年爲之銘。

四十二年丁酉、十五歲。

四十三年戊戌、十六歲。

四十四年己亥、十七歲。

五月、補縣學生。諸城劉文清公時以侍郎督學江蘇、課士簡肅、惡浮僞之習、試經與詩賦尤慎重。覆試日、



儒藏

焦理堂先生年譜

文清令教授金先生

名兆燕、字鍾越、號樓亭、全椒人。乾隆丙戌進士、後官國子監博

士。有國子先生集。

呼曰、詩中用齷齪字者、誰也。先生起應之。

文清視先生衣冠樸質、顏色甚懌、問二字何所本、先生以文藪桃花賦對、述其音義。文清大悅曰、學經乎。對曰、未也。文清曰、不學經何以足用、盍以學賦者學經、不學經無以爲生員也。先生歸、乃屏它學而學經。嘗曰、余之學經、公之教也。後文清卒、先生作感大人賦。有金陵道中詩。

四十五年庚子、十八歲。

初入安定書院肄業。

阮孺人來歸。

四十六年辛丑、十九歲。



試於泰州。買得汲古閣刻本十三經注疏。先生

既入學、讀書家塾、佩士先生授以太極西銘、正蒙及

周濂溪全書。辛丑壬寅專力於此。辛丑壬寅間宿西門外都天廟中、見

雕菰集書

江都兩生。甘泉姚雨田先生授徒於縣學崇聖祠、易

籥錄云、庚

子辛丑間。聞說太極西銘之理、先生往聽之。一日偶

舉宋儒張子厚之言云、天地之始、先未有人、人固有

化而生者。時坐上之客詰之曰、何近世之人不見有

化生者。姚無以答。先生起而對曰、張子之言是也。易

曰、天地絪縕、萬物化醇。必絪縕乃能化、故蛇蝎蚤蝨

之屬必生於人迹不到之處、人目不見之地。人迹所

到之處、人目所見之地、其氣已爲人所動、不能絪縕

矣。且物所生之地，著則氣易散，藏則氣易聚。洪荒之世，山水木石相混，其爲地也大抵多叢雜攢坳，而少寬平廣闊，其氣易聚，故人物由氣化而生。後世人物既繁，作息飛走，既有以動其氣，山水之界亦判，寬平廣闊，又無以藏其氣，故但有形化而不見有氣化。物有氣化，人遂不見有氣化也。四坐俱以爲善。明日，徐心仲乃問學於先生。癸卯先生邀心仲至家塾，令看諸經注疏，後頗以學結交。當時名士遂力詆先生爲謬妄，而先生不校也。

四十七年壬寅，二十歲。

春，雨雪十數日，不能出，客亦不至，轉以詩自娛，錄之得二十首。先生傳家教，弱冠卽好孟子書，立志爲



正義以學它經輟而不爲。

丹陽

事略作丹徒誤

吉渭巖先

生

名夢熊乾隆壬申進士官至通政使有研經堂集

主安定書院講席先生

往謁渭巖勉以經學時興化顧超宗與先生同學其

尊人文子先生以經學名先生就超宗問焉遂用力

於經。弱冠與阮文達齊名。文達少先生一歲少同

游長同學先生文達族姊夫也。

擊經室再續集辛丑天下第三十二西湖

詩序焦氏雕菰樓去此十餘里老姊健在年八十餘

子廷琥生。

四十八年癸卯二十一歲。

四十九年甲辰二十二歲。

十月督學謝金圃先生歲試揚州重經學先生補廩

膳生。

五十年乙巳二十三歲。

四月二十九日、丁佩士先生憂。佩士先生年六十有

四月、先子咯血疾發、數日小愈、但倦怠欲臥。二十五
六日、遂臥不起。然每歲疾發多如是、適縣有牌示五
月初一日試童子、循時方補廩膳生、例於前一日在
明倫堂公押保結、而二十八日則書院課期。二十七日
日、先子命入城課文、且應公押、日可初二日歸也。循
二十七日遂入城。明日在書院作文、更許家中僱工
張眇來日、今早公道橋黃醫來視、稱不治。聞之魂喪、
急行不及火、策驢驢不行、乃步歸。三鼓半、先子已氣
絕、臨絕呼大兒不已。先母哭謂循曰、汝父待汝歸、有
要語付汝、屢問曰、不可待矣。究不知所付何如語也。
言至此、痛心不可爲人計。離先子僅一日半耳。致此
終天之恨、時欲自殺。餓三日、婦翁阮公廣堯來曰、爾
父有語欲付汝、是可思而得也。爾惟於事之宜盡者、
皆盡之、卽父所欲語也。爾死、何以體爾父之所欲付。
先生居喪、自殮及葬、八閱月、未一櫛沐、飲食起臥不
離喪次。嫡母謝孺人病痢、便溺必審、觀察形色、以



儒藏

焦理堂先生年譜

商諸醫。九月初五日、謝孺人歿、哀毀如前。平江李氏先正事略

云、年十七、丁父及嫡母憂。蓋誤。十二月二十四日、合葬佩士先生、

謝孺人於本宅東數十步。乙巳、丙午、湖水旱涸。

五十一年丙午、二十四歲。

秋八月、外舅阮廣堯先生七十生日、時窘迫已極、算僅可有錢四百、與婦帶回、爲稱觴之用。它壻皆盛其儀物、婦頗以爲愧、先生舉禮貧者不以貨財爲禮說之、婦亦怡然、蓋禮足以勝情如此。連歲大饑、先生疊遭凶喪、負債日迫於門、有良田數十畝、爲鄉猾所勒買、得價銀僅十數金。先生止有田二百畝、丙午丁未間負債甚多、乃以賤值棄其半、而負債悉清。如居荊棘中得出。已而與兩弟析之、得田三十畝。常時有爲先生謀、棄此三十畝、或棄

其半以積麥稻取利、或借人得子錢、較田所獲爲多。先生立意守此田舍、乃損其衣食、減其酬應、舌耕餬口二十年。時米乏、食山薯者二日、持此銀泣不忍去。且有所餘。

適書賈以康熙初印本通志堂經解至、問售、需值三十金、所有銀未及半。阮孺人脫金簪易銀、得十二金、合爲二十七金、問書賈、賈曰、可矣。蓋歉歲寡購書者、而棄書之家急於得值也。

是書爲休園鄭氏所藏、舊缺三禮圖、學易記、讀易私

言、易雅、筮宗、周易輯聞、春王正月考、四書通證八種。丁未戊申己酉壬子甲寅、陸續購得之、已無所缺。嘉慶三年五月十九日、有修葺通志堂經解後序。先生以田去而獲書、雖受欺

於猾、而尙有以對祖父、且喜婦賢、能成其志、是夕餐

麥屑粥、相對殊自懌也。有荒年雜詩九首。

五十二年丁未、二十五歲。



儒藏

焦理堂先生年譜

館郡城壽氏之鶴立齋。顧超宗以梅氏叢書贈先生。曰：君善苦思，可卒業於是也。是年爲用力算學之始。
葉霜林以其子託先生教之，亦在是年。 有水龍吟記水災一首。有

賀新郎七夕夜泛舟虹橋一首。

與汪晉蕃掌廷、江定甫同作。

先

生以所撰序事文就正於汪容甫先生。容甫令焚之，曰：序事文須無一語似小說家言。當時時以左傳、國語、史記、漢書爲之鵠。先生心服之。
先生嘗冬夜與汪晉蕃飲容甫齋間，快論至三鼓，雪深二尺許。容甫酣臥榻上，睨曰：它人不易有也。

五十三年戊申，二十六歲。

元旦有詩。仍館壽氏，弟徵從讀。家人待館穀以食。先生不浪用錢，歸時步行炎日中，僮驢與弟騎。二

月作王處士纂周易解序。

處士名方魏字大名號薊城子祖修字俊士以通儒

爲明經先生祖明經女夫也王氏世以易名家故焦氏世傳其學

應鄉試不第。

八月十二日進二場夢一卒持刺來視之字徑半寸許曰年愚弟章世純或曰刺字稱年今科必獲中式矣榜發被黜越十有四年辛酉科始獲鄉舉年已三十九始悟章柳州亦辛酉舉人先生以夢之奇驗無過於此

秋作姚仁和百歲詩序。

顧超宗病歿於郡

城王思雷家醫藥之煩棺衾哭泣之凶思雷不以爲

忌先生實左右之且多方謀之未嘗自言也有哭顧

超宗三首。

有巴貞女挽歌。

先生有貞女辨二篇亦爲巴作癸亥五月午日

又有自書

貞女辨後

五十四年己酉二十七歲。

始交黃次和春谷兄弟。

仲軒詞有摸魚兒步月一首辛丑七月十四日黃春谷羅

養齋汪掌廷同作。案辛丑先生
尚未交春谷疑是辛亥之誤。

鄭柿里每以易中

滯義問先生日數往來。

五十五年庚戌二十八歲。

館於深港卞氏地瀕江多茂林修竹無往來之煩日

坐小齋窮禮經撰羣經宮室圖二卷凡九類曰城曰

宮曰門曰屋曰社稷曰宗廟曰明堂曰壇曰學爲圖

五十篇。

吳中江艮庭處士嘗以書來辨羣經宮室圖

論處士兩書皆用許氏說文體手自篆之工妙無一
率筆。先生語子廷琥曰人之規我必於我之書首尾
皆閱之矣。是親我重我因而規我當則依而改之不
當則與之辨明亦因親我重我而不敢不布之以誠
非惡夫人之規己而務勝之也。處士兩書宜珍藏之
恐子孫不知以爲是與余辨論者爲素不相好也。

春暮作鼃賦。

顧超宗歿三年矣是年八月葬先



儒藏

焦理堂先生年譜

生作招亡友賦。

督學胡希呂侍郎

名高望、號崑圃、又號豫堂、仁和

人。乾隆辛巳一甲二名進士、官至左都御史、謚文恪。

歲試揚州、先生試稻孫及

九方、歆相馬兩賦、擢第一。冬自泰州歲試歸、吐血七

日、每吐盈許、乃不飲酒、就醫於城寓佛舍。畏風不敢

出戶、友人日至而述所聞、病爲之忘、既愈、惟記其三

作三聞。

五十六年辛亥、二十九歲。

館於牛宅、牛故揚州司馬、居郡城、以詩酒自娛、好賓

客。先生以病軀時時體中不佳、就之、識吳縣周采巖、

名璣、效其作工筆畫。

雕菰集假山石賦序云、故太守牛公雅愛泉石、累石作山、對之不異

千百尺之勢。循獲侍其下、時夏月炎熱、淡風滿襟、塵慮盡滌、退而賦之。當作於是年。憶書采巖嘗爲余作



藏

焦理堂先生年譜

焦公像與焦孝然像。辛亥壬子癸丑相處最密。黃春谷夢陔堂詩集戲題季廉夫夢作判官圖。圖焦里堂所作。末云。吾友焦君劇淹雅文藝。曾無不能者。生平解畫。無人知。此圖豈出畫師下。

五十七年壬子三十歲。

館於郡城鄭氏。科試。胡侍郎於講書前一日諭士子各陳語。孟中獨得之見。次日於講堂面相問難。先生以夏時解進。越數日。應優生試。復發春秋三傳疑滯十數條。詩古試。山童隔竹敲茶臼。賦試既竣。於闔郡選取十人進署。各試以文藝。先生是日作試帖十首。竝蒙稱獎。贈以手書洛神賦小楷石刻。秋試。葉霜林數約先生游莫愁湖僧寺閣上。在金陵見薤工祀羅祖像。問何神。曰。羅隱秀才也。感而作蘭陵王

一首。九月、少子廷繡生。是秋作後漢書訓纂序。

元和惠徵士棟著。

有哀小甲。

壬子癸丑間、與鄭柿里以

古文相靡切。

先生嘗謂學問之事、以屬文爲要、雖有

文尤爲重大。春秋楚漢之人、後世豈絕無之、得左史以爲之傳、便精采百倍。韓昌黎之於南霽雲、何蕃、李習之之於高愍女、柳柳州之於段太尉、杜牧之之於燕將譚忠孫、可之之於何易、于采入史傳、頓生光采。至於難狀之狀、難寫之情、一經點次、如見如訴、宜從左史入手、參之以莊列諸子、廣之以韓柳諸集、大之能包括一切、細之能窮極毫髮、繁簡長縮、所不拘也。先生生平最愛柳州文、二十年習之不倦、謂唐宋以來一人而已。昌黎文未能及也。後人多斥柳州爲王叔文之黨、先生爲雪之。田山蘊古歡集論柳州與先生合、先生屬方鐵珊書之、張於壁。馮山公、王西莊亦論叔文事、先生錄之於道聽錄、謂其立論平允、足洗不讀書者隨聲附和之陋習。

是年、凌次仲有與先生論路寢書。

五十八年癸丑、三十一歲。



儒藏

焦理堂先生年譜

春有咎由人已對示二李生。本善、元善。胡侍郎歲試先

生於講書前一日又以孟子千歲日至解進稱獎如

前。有上王述庵侍郎書。是年五月阮文達爲作

羣經宮室圖序。先生有自序、雕菰集不載。范先生歿。

五十九年甲寅三十二歲。

與李濱石同舟試於省、濱石兄嵩泉送之江上、以弟

相託。八月二十日、偕濱石歸、嵩泉已病篤、明晨歿、先

生爲作墓志銘。仲冬月、序陸氏草木鳥獸蟲魚疏

疏。

六十年乙卯三十三歲。

阮文達督學山左、招先生至東昌。正月、由東昌至臨

清。二月始交偃師武虛谷大令、武進徐惕庵太守、至濟南、游佛谷龍洞、極登臨奇峭之觀。閏二月三日、小滄浪亭修禊、有詩。至青州。三月、至登州。二十日、有與

孫淵如觀察論考據著作書。

先生戊午復王伯申書、亦欲芟考據之名目、以

絕門戶聲氣之習。又家訓云、近之學者無端而立一考據之名、羣起而趨之、所據者漢儒而漢儒所據者又唯鄭康成、許叔重。執一害道、莫此爲甚。許氏作說文解字、博采眾家、兼收異說。鄭氏宗毛詩、往往易傳注三禮、列鄭大夫、杜子春之說於前、而以玄謂按之於後。易辨爻辰、書採地說、未嘗據一說也。且許氏撰五經異義、鄭氏駁之。語云、君子和而不同、兩君有之。不謂近之學者專執兩君之言、以廢眾家、或比許鄭而同之、自擅爲考據之學、余深惡之也。

四月初一日、同儀徵江安、字定甫。

甘泉阮鵠

字達陽。

游蓬萊閣望海、有登州觀海記。由萊

州復回濟南、有儀禮石經校勘記序。

阮文達撰。

五月六日、



儒藏

焦理堂先生年譜

東裝歸揚州。有游山左詩鈔一卷。作喬先生墓志

銘。名椿齡字樗友甘泉人。

六月、少子廷緒殤。七月、書塾中

玉蘭忽大放花、與春月無異、已而花落、玉蘭遂萎。此花先生先人所植、高數丈、圍二尺許。時截其上半、存根株、壅作丘、名之曰木蘭冢。通人名士爲詩詠之。

秋、遇桐城胡雒君於金陵、遺先生以謝蘊山先生所撰西魏書、於時談者或疑之、蓋未識箸書之體也。先生因作西魏書論。遇顧抱冲於秦淮水榭。熊杜

卿邀同人於塔影園爲文酒之會。後三年復修前事、先生有詩。鄉試同號生刺刺談經、大約祖鄭康成而左朱考亭。明日題下、爲旅酬下爲上、是生則深斥

朱注之非、以爲賓弟子兄弟之子、各舉解於其長、非古義。先生詰之曰、此正鄭氏注、而朱子依之未易也。君謂鄭氏爲學者所當守而不可易、然則此獨干慮之一失、而朱子偶拾之邪。其人默然。阻風江口、徧游山藪。十月朔日、有武虛谷先生手札跋。冬、阮文達督學兩浙、先生客杭州。先生自山左歸、閱梅徵君弧三角舉要、環中黍尺、及戴庶常句股割圓記、謂梅書撰非一時、繇複無次敘、戴書務爲簡奧、變易舊名、恒不易了。八月、取二書參之、撰釋弧三卷。十一月、過吳門、請益於錢辛楣先生。辛楣稱是書於正弧、斜弧、次形矢較之用、理無不包、法無不備。嘉平爲作

序。是書先生戊午復加副益詳見後。

先生交吳中李尙之、歙縣汪

孝嬰、商論算學、自謂得朋友切磋之益。是時李仁卿、秦道古之書、尙之孝嬰未之見也。是年先生在浙得益古演段、測圓海鏡兩書、急寄尙之、尙之爲之疏通證明。先生又得秦氏所爲數學大略、因撰天元一釋二卷、開方通釋一卷、以述兩家之學。尙之敘云、此書於帶方寄母、同數相消之故、條分縷析、發揮無復餘蘊。蓋自李樂城、郭邢臺之後、爲此學者皆未有里堂如此之妙也。有代阮侍郎撰萬氏經學五書序。

仁宗嘉慶元年丙辰、三十四歲。

正月人日、浙江學署同人射鵲子於西園、卽事聯句。



儒藏

焦理堂先生年譜

春、渡錢塘、由山陰四明至甬東、訪萬氏遺書。生

日有詩。

汪晉蕃和韻首聯云、宛委藏書迹可尋、游蹤天許到山陰。末聯云、客窗相對誰知己、只有

松茲舊館琴。自注、里堂善鼓琴、宗松弦館譜。

先生上書於錢辛楣先生、

論七政諸輪、辛楣回書云、推闡入微、以實測之數、假

立法象以求其合、尤爲洞徹根原。先生以弧綫之生

緣於諸輪、輪徑相交、乃成三角、輪之弗明、法無從附、

撰釋輪二卷。二月、在寧波校士館作釋輪自序。

是爲里堂

學算記之四。

爲阮文達輯淮海英靈集。

有哀程一亭

文。四月有豫章沿革考序。

胡雒君著。

六月十五日、凌

次仲有與先生論弧三角書。

先生在浙、子廷琥隨

侍左右。六月、廷琥患溼幾危、先生送之吳中就醫、歸



家一月、復爲金衢之游。先生以康熙甲子律書用諸輪法、雍正癸卯律書用橢圓法、實測隨時而差、則立法亦隨時而改、撰釋橢一卷。九月朔、在吳興舟次作釋橢自序。是爲里堂學算記之五。先生嘗以釋橢質詣沈方鍾、方鍾簽出數條、先生作書答之云、讀吾兄兩次手札、收到鄙作釋橢一本、細閱簽出諸條、足正弟之誤、已依改正。嘗謂友朋之益、不在揄揚、而在勘核。如吾兄真益友矣。十二月歸里、有浙江詩鈔一卷。

有答羅養齋書。有與劉端臨教諭書。

友人嘗假余咫進齋鈔本先生日記一冊、起嘉慶元年七月初四日、訖十二月初三日。摘錄如左、七月初四日、自浙省上船、歸揚州、以兒病也。初六日午後、至蘇州訪顧雨田先生于閭門、已出泊于其門。

初七日、至顧雨田先生家、坐其小讀書堆、晤抱冲、少選、雨田出、診廷琥脈。急趨山塘、過江鄭堂家、見其太夫人甚苦、送錢一千文。初九日抵揚、約李振聲爲廷琥診脈。初十日、同李艾堂及黃秋平往候趙仲葵、請其爲廷琥診視。以下闕十數行、後不言廷琥病、第敘振聲治病之效。如江鶴亭之弟及八十翁諸事、皆載李翁醫記者、蓋廷琥已爲振聲治愈矣。日記振聲名鈞、雕菰集李君墓志云、諱炳、似當從墓志。十一日、十二日在城。十三日、與李濱石喫茶於小方壺、茶後下鄉、水已遶門、湖田盡沒、佃戶嗷嗷無人色。八月初四日、自門外上船到瓜州、由閘宿。初八日、至嘉興入院。十二日、游煙雨樓、夜渡太湖。十三日、至湖州。十六日、作懷吳菴次太守詩。九月初二日上船、



儒藏

焦理堂先生年譜

初三日早入杭州界，在船錄釋橈畢。初八日，同程中之李艾堂、江補僧登吳山絕頂。十一日，兩日風雨，桂花盡落，厚二三寸，真香雪也。二十二日，出清波門，至六和塔，上江山船。二十七日，過嚴州。二十九日，至衢州。十月十四日，初蔣竹塘名調，字維梅，常州人，壬子舉人。夢中得句云：風雨吳山第一樓，同人以爲首句足成之。余和云：風雨吳山第一樓，只離有約和清秋。文章自信成名手，骨相何疑兆狀頭。江補僧、李艾堂並善珞珠子，它法推竹塘孫命當，中狀元。日獨登天祿閣，此時同泛富春舟。先生偏動鄉思切，春草池塘記夢游。竹塘自作，其末句懷及令弟。作成月餘矣，同人戲爲蔣狀頭之稱，竹塘以讓余，命更之，乃又和一律。

云、風雨吳山第一樓、登臨正值武林秋。開雙瞳見海之角、得七字教章有頭。此際迷離花吐筆、幾人豪快酒傾舟。浮生蕉鹿多如是、莫尙莊生夢裏游。上二詩雕菰集
不載。十九日、至金華。十一月十二日、至嚴州。二十一日、到省入署。十二月初一日、發行李上船。

二年丁巳、三十五歲。

課徒邨中。

鈔王築夫異香集序云、授徒湯氏。

正月初十日、有上王

述庵侍郎第二書、乞銘先人墓石。

春融堂集有園子監生焦君墓表。

先生於陽明之學、闡發極精、有以朱陸陽明爲問

者、作良知論辨之。六月、有答汪晉蕃書。八月晦

日、有鈔王築夫異香集序。

築夫名巖、寶應縣籍、居於江都。

先生以



儒藏

焦理堂先生年譜

七九三

劉氏徽之注九章算術、猶許氏慎之撰說文解字、講
 六書者不能舍許氏之書、講九章者亦不能舍劉氏
 之書、九章不能盡加減乘除之用、而加減乘除可以
 通九章之窮。甲寅秋、曾草創加減乘除釋。是年、取舊
 槁增損之、成加減乘除釋八卷。十二月大寒日、作加
 減乘除釋自序。黃春谷亦為作序、是為里堂學算記之一。是月立春前
 一日、集李冠三寸草齋中、同詠者十三人。巢縣唐雪江繪圖、見
洗桐軒詩集。有送程定甫赴京師序。馬瑤楓名登、華。丁
 艱、以二絕句唁之。詩見憶書、雕菰集不載。

三年戊午、三十六歲。

三月望日、有復王伯申書。

此書雕菰集不載、見儀徵汪氏廣陵思古編上虞羅

氏印經師手簡。年月日依手簡，思古編作復王侍郎書。戊午伯申尚未登第，不應有侍郎之稱。與

高郵沈方鍾晤於金陵旅舍，論月魄歸而因說文月

闕之義作釋月。九月十五日，題毛詩注疏。友人傳

收得先生所藏汲古閣刻本十三經注疏，於周易毛詩左傳公羊論語孟子爾雅批注甚多。尚書周禮儀禮禮記均有批注。惟穀梁孝經未動筆。此書已讓歸它人。沅叔曾錄存先生題識四則，茲列二則於此。餘二則則分列庚申戊辰二年。其一云：省試被落，緣此可以潛居讀書。毛詩久欲窮究之，因日間刪訂所撰草木鳥獸蟲魚釋及詩地理釋兩書，晚閒錄下銜寫毛鄭孔之義，偶拍得齊風乃自此本起。時嘉慶三年九月十五日，鑒下焦循記。又一云：榜發，若得解，自此碌碌，明春北上，何暇讀書。以此一載工夫，當增學問幾何。當得失榮辱之際，恒作此想，則得不致於蕩廢，失不致於憤懣。書此使子弟知之。

省試

被落後，溫習舊業，因取昔年所論六弧八綫未成之帙，刪益為釋弧三卷。微必求彰，期於簡要。讀梅戴兩



儒藏

焦理堂先生年譜

家之書者、庶得其輒輒焉。汪孝嬰爲集南華經作序。
是爲里堂學算記之三。十月、有書鵝。是年季冬月、江子屏
爲作釋橢序。

四年己未、三十七歲。

三月望日、作刻詩品序。先生幼讀毛詩、卽研求鳥
獸草木蟲魚之學。辛丑壬寅間、始讀爾雅、又見陸佃
羅願之書、心不滿之、思有著述、創橐復易者三。丁未
復改定、辛亥訂爲三十卷。壬子至乙卯又改一次。戊
午春合爲十一卷、以考證陸璣疏一卷附於末、凡十
二卷。蓋自辛丑至己未共十有九年、橐易六次。先生
語子廷琥曰、以今之所訂、視草創之初、十不存一。雖

它有撰述、必兼治之、歷喪荒疾病爭訟、未嘗或輟。嘗節錄數則、質諸金壇段懋堂先生。如黃鳥非倉庚、方言合而爲一、非爾雅義。說文訓鱣爲鯉、其物分而類則同者、郭氏竟分鱣鯉爲二者非。唐蒙與女蘿爲二物、宜依毛傳以正爾雅。瓜無紹之訓、毛傳瓜紹也、連上不絕貌言、若曰不絕貌者瓜紹也。懋堂以爲精確不可易。十一月、作毛詩鳥獸草木蟲魚釋自序。十二月除日、作天元一釋自序。是爲里堂學算記之二二卷。是年冬、阮文達爲作里堂學算記總序。

五年庚申、三十八歲。

四月上弦、題十三經注疏。

在周易兼義前文云、余己亥庚子開始學經、敬讀欽



定詩經彙纂、知漢唐經師之說、時時欲購十三經注疏、竟觀之。乾隆辛丑、買得此本、珍之、不啻珠玉。時肄業安定書院、院中宿學舍、夜秉燭閱之。每風雨、窗外枇杷樹、擊門作彈紙聲、時有句云、驚人似鬼、窗前樹、誘我如癡、几上書。於今蓋二十年矣。購此書時、實無資、書肆索錢五千、僅得二千、謀諸婦、以珠十餘粒、質三年、珠價實值數倍、以易贖、寡取之、然究未能贖也。為購此書者、吳君至、言購之於書客、吳叟、叟未幾以游湖死於道、思之、向為悼歎。嗟乎、購一書、艱難若此、子孫不知惜、或借人、甚或散失、真足痛恨、故書以告之。嘉慶庚申四月上、是月、阮文達以書招先生。十月、弦江都焦循記。

復為武林之游、寓居節署、誠本堂之東偏、與李尚之同屋居、共論經史、窮天人消息之理。談階平教諭亦客督學劉侍郎幕中、時過先生寓舍、互相證訂。是年曾至江寧、未知何月、見憶書。有汪母李安人哀辭。汪飲泉有書、喬劒溪選大曆詩後。劒溪名億、字慕韓、寶應人。太學生。此文為汪芝亭作。

十一月、有修補六家術序。李銳著。

冬、有神風盪寇記。

是年六月、馮鷺庭爲作羣經宮室圖序。十月二十日、李尙之爲作天元一釋序。十二月上澣、談階平爲作天元一釋序。

六年辛酉、三十九歲。

有元旦登吳山第一峯詩。

同作者李銳、顧廣圻、陳鴻壽、羅永符、許珩、阮亨。

正月人日、作開方通釋自序。

春、回揚州、送子廷琥

至泰州院試。是年、弟徵及廷琥皆入學。先生在泰州一月、手錄王曉庵遺書三冊、計十四卷。先生嘗謂曉庵算學過於梅氏、梅書刻行、故知者多、曉庵書未刻、有寫本藏於湖州施氏、先生借而錄之。所寓之地卽

爲陳曙峯太史之會心樓、亦佳話也。五月二十六日、有勘倭本鄭注孝經議。有誠本堂記。在金陵市中買得寫本天步真原一冊、不完、有朱書鼎按云、蓋梅勿庵之書。應鄉試中式舉人。十月、作孝女王淑春墓碑。是年九月朔、汪孝嬰爲作開方通釋序。

七年壬戌、四十歲。

入都會試。正月二十二日、過湖、至邵伯埭、宿竹巷口。二十三日、汪年丈舟來、從之。二十七日、渡河。二十八日、登車。二月初一日、至堰頭、遇談階平。初二日、過壩頭。初三日、渡陶溝、晚宿陰平。是日先生四十生日、汪



年丈殺雞煮酒爲一夕歡。同席者李濱石、汪星巖、張又箋、喻階符。初十日宿劉智廟。十一日至景州。十四日由鄭州城至雄縣。十七日至蘆溝橋，遂入彰義門，寓南柳巷鄭柿里舍人寓中。三月初一日，吳玉松太史來，明日往候。初四日，與諸同年生公謁座師英煦齋侍郎於史家胡同，侍郎見先生甚喜曰：吾知子之字里堂，江南老名士，屈抑久矣。考試不必趨風氣，主司好尚之不同，往往至於相反，莫如據己之所學而自用之，一聽人之去取，庶不失乎己耳。先生平昔每持此論，至是益自信。是夜足痹發，大痛不能屈信。初八日，足稍差，入場坐國字三十五號，遇無錫孫平叔。



明日題紙下、首題爲人君止於仁、爲人臣止於敬。出場、有見先生文者曰、是可得元。十四日、有題闌中壁詩。十六日、王伯申來、贈先生以所著周秦名字解詁。先是、吳玉松言刑部戴金溪精於算學、嘗道先生所著書。十八日、至鐵廠訪之、有詩。十九日、李冠三邀與汪星巖、徐德三、朱休臣、李濱石飲於龍王堂楸樹下。二十日、看花於崇效寺。二十二日、鄭柿里邀同劉芙初、汪珊樵、唐竹虛游釣魚臺。四月初四日、謁朱文正公於西華門之北池。初六日、有傳先生爲會元者。初十日早、公然有報錄者、賀者十餘起。先生以會元卷至末乃拆、日閒何得、知此妄說、趨避於外。是夜榜發。

下第。十二日、往南海店雙關廟見英侍郎、侍郎爲之太息。二十六日、偕鄭柿里出都。五月二十日、抵家。下弦、作壬戌會試記。是月晦日、江文叔邀同汪晉蕃、張開虞、蔣春榭、袁又愷集康山草堂、有詩。六月、有村居草木詩十一首。立秋後病瘖瘡、病愈、有書非國語後。七月、以阮文達之招、復客武林、與程易田先生同處數月。易田出所著喪服足徵記、先生以十日之力讀之、歎其精審、嘗曰、著書不易、讀書亦不易。有代阮撫軍作喪服足徵錄序。阮文達得陶陵鼎、送置焦山、邀同人以詩賡之、先生作五言一首。在浙、值海鹽倉盤量倉穀、阮文達屬爲簡明之法、先



儒藏

焦理堂先生年譜

生因爲依斗定尺議、文達令每縣習此量法、俾不爲胥吏所欺。八月、孫貴齡生。九月、作蕭山雙節記。阮文達問古三江之說、先生曰、鄭氏三江之注、合於班氏、今人所輯之鄭注、販自初學記、非鄭注也。十月、自浙歸、撰禹貢鄭注釋一卷、專明班氏鄭氏之學、於班曰志、於鄭曰注、而以禹貢水經山水地澤所在一篇條列而辨之。十二月臘日、作禹貢鄭注釋自序。有杭州雜詩二十二首。有鈔依歸草序。張符驤字良御著、泰州翰林。有贈方鐵珊序。

八年癸亥、四十一歲。

以母疾不果出游、授徒於家。

有白香山生日序。爲阮

文達四十
生日作。

先生閱王伯厚詩地理考、苦其繁雜、無

所融貫、撰毛詩地理釋四卷。三月朔、自爲之序。四

月、有學圃記。秋、水溢隄壞、鳩工修之、種以楊柳、築

者請爲歌以宣其力、作兒郎偉二首。八月、汪孝嬰

來訪、對飲於豆花菴語閒。中秋前一日、先生爲孝嬰

作衡齋算學序。

略云、壬戌春、予在京師、孝嬰寄一書

知不可知、尙之作開方三例以明之。秋八月、孝嬰謂予曰、或謂尙之誚吾所著書、有之乎。予因出尙之所爲衡齋算學跋與之、孝嬰怡然曰、尙之固

不我非也。因謂予曰、子亦爲我序。予諾之。孝嬰作北

湖訪焦圖。是月二十六日、汪慶人來訪、設榻畱之、

相與日乘小舟泛於湖、慶人以爲勝游、因繪爲圖。慶

名榮懷、儀徵人。在硯山揚州畫苑錄云、慶人嘗爲焦里堂孝廉繪湖莊圖八幀、渾樸古雅、脫盡時習。最妙



儒藏

焦理堂先生年譜

散市一幀、寫村市百貨羅列地上、所捆豬羊數
頭亦闌入畫筆、純以意運、深得元人荒率之妙。十
一月至日、有與黃春谷論詩書。有代阮撫軍撰春
秋上律表序。

九年甲子、四十二歲。

授徒家塾。三四月閒、突有巨蚊齧人、相傳蝗卵所
化、喜而賦蝗變蚊。四月、有黃鳥吟。初夏、在泰州
得杜子美詩、集中朱筆抹處甚多、先生以杜詩亦有
似率似陋者、夫作一詩、必字字滿意、此人力也、彼僉
父烏足以知之。先生嘗善東原戴氏所著孟子字
義疏證、於理道天命性情之名、揭而明之、如天日、而
惜其於孔子一貫仁恕之說、未及暢發。是年秋、撰論

語通釋一卷、凡十二篇、曰聖、曰大、曰仁、曰一貫、忠恕、
曰學、曰知、曰能、曰權、曰義、曰禮、曰仕、曰君子、小人、九
月作論語通釋自序。是年大水。

十年乙丑、四十三歲。

正月二十一日、有答鄭耀庭書。

耀庭勸先生入都會試。先生答之云、昨舍

弟道及足下厚意、怪弟今歲不赴公車、且爲籌行李
之資、尤爲感激涕零。但循不北行之故、實有苦心。王
戊正月北行、家母送至舟中、舟已過橋、甚遠、望見吾
母、尙立岸側、翹首而望、心甚悽惻。五月歸家、母甚歡
及秋閒、往浙、與母別、家母則曰、歸家才兩月、又行、吾
近年多病、甚不似往年強健矣。明日上船、家母以鮮
鱸魚四尾、盛水桶中、令婢攜至船上、家母曰、恐路上
擔怕、可烹食之。循時惻然、畱二尾在家、帶二尾行。既
行、念念在心、遂屢思歸、故冬月歸來、決意家居、訓蒙
不復作遠游計矣。去秋受溼氣、以致尻內脹痛、呻吟
痛楚者四十餘日、家母時以爲憂。近雖安、好神色未
健、一旦遠行、兩地懸挂、此實弟不出之苦心、非樂安



佚而輕仕進也。

穀雨日序劇說。

六卷。先生壬子冬月於書肆破書中得一帙、雜錄前人論曲、論劇之語、引輯詳博而無次序。乙丑

養病家居、因取前帙、參以舊聞、名曰劇說。

大水

倍於去年、莊東之屋倒廢過半、大風拔老樹二十餘

株、書塾之垣悉委於浪。四月、生母殷孺人以橫逆所

加、心志鬱鬱、疾發、臥牀上二百日不能起立。是月、

有鈔何有軒文集序。

陳震發字鳴夏著、江都學生。

六月、孫貴齡

殤、先生有詩哭之、又作冢志。是月、有鄭舍人文集

序。有朱登三兄弟同壽序。閏月、子廷琥女弧矢

及子婦皆病。

作名醫李君墓志銘。

李名炳、字振聲、號西垣、儀徵人。

七月卒、九月葬於蜀岡之陰。振聲與先生交最久、先生家有危證、皆振聲所活也。振聲嘗以所撰辨疫瑣言屬先生正之。振聲既歿、先生為刻於板、又為撰李翁醫記二卷。先生研求醫學亦數十年、有雕菰樓醫

說一卷。家人有病，先生必反復思之，乃用藥，以是危證多獲安。

殷孺人病，醫藥罔

效。十月初四日，丁殷孺人憂。十二月初六日，祔葬。

殷孺人於佩士先生，謝孺人合窆之穴。有乞程易

疇先生爲先人作墓志書。

通藝錄修辭餘鈔有皇清太學生焦君墓志銘。

十一年丙寅，四十四歲。

館於郡城鄭氏。二月二十三日，有請究毀名人墓

狀。王大名先生墓也。

三月，臧在東來揚，寓阮文達家，先生

顧焉。

拜經堂文集題北湖訪焦圖載先生之言曰：兩漢經生守一家之言，通人鄙其固焉。鄭康成氏

注禮經，雖子夏之言猶駁之，蓋非深入其室者不能難。古人立言，固樂夫人之深入而難我，不樂人之略

觀大意而詔附我也。

去年，鍾保岐歿。是年夏四月，保岐子葵

嘉負二囊來，皆保岐著述草槁也，別無謄寫清本，且



儒藏

焦理堂先生年譜

有零星斷爛卷帙未完。先生窮三日力，刺其精華，親手錄之，得四卷，名曰匡考古錄。葬有日，竝作甘泉優貢生鍾君墓志銘。夏，有上河水災記上下篇。七月，患腹疾，兼多愁鬱，終日廢書默坐，作天慵庵筆記序。方士庶小師著。孟冬之晦，有題禹航嚴堪忍先生遺象。爲堪忍入世孫杰題。伊墨卿守揚州，延先生纂修揚州圖經，揚州文粹兩書，所議圖經體例，僅用纂錄，不易一字。先生揆之，有未盡然者，有上郡守伊公書論之，竝爲擬目錄。明年，墨卿以憂去，事不果成。在郡城晤王伯申，以易通釋質汪孝嬰、王實齋，均許可。有答李尙之書。是年新夏，汪孝嬰爲作禹貢鄭注釋跋。

是時孝嬰館於汪氏、與先生館相去甚近、時以易義相證訂。

十二年丁卯、四十五歲。

二月二十一日、有縣中舊役聶兆何者在湖中東嶽廟聚集男婦講經、身被道袍而氈笠朝鞞、高坐於嶽神之前、里人不平、同里甲郭標往擒之、眾乃駭散、縛得數人、竝經卷解送於縣。縣之胥隸以爲多事、將縱之去。時阮文達丁憂在家、先生往告、文達以爲不可輕縱、卽作札與郡守伊墨卿、急提至府枷示。其後嶽廟一帶無敢有講經傳法者、先生坐是深遭怨恨、跼伏數年、不入城市。三月八日、病寒。十八日、病劇昏臥、甦時開目見紙窗日色、以爲十九日天始明耳。家



儒藏

焦理堂先生年譜

人則告曰二十四日矣、蓋已越七日、昏絕中它事不復知、惟周易雜卦一篇往來胸中、明白了析、曲折畢著、自云它無所憾、所憾者易學未成耳。五月病新愈、作朱文正公神道碑後記。六月、於表兄謝良材家借徐又陵名石巖、字坦庵、江都人。花傭月令一卷、錄一通、序之。又族子廷玉、歲又陵客齋餘話草本五卷。丙寅冬月、索閱一過。丁卯四月、病小愈、復閱一過。剛次爲四卷。九月、有憑軒遺筆跋。族父熊符先生著。十二月十三日、作范氏墓表。北湖自明嘉隆以來偉人奇士相繼而起、惜載筆無人、遂難徵考。是年先生理葺舊聞、搜訪遺籍、雖蟲齧鼠傷、片紙隻字、必檢閱而採摘之、成北湖小志六卷、凡敘六、記十、傳二十一、書八、家

述二共四十有七篇。阮文達爲作序，謂此書數卷，足
覘史才。先生與汪晉蕃、掌廷兄弟交最久，晉蕃有
易橐二帙，竝論爻辰一紙，先生藏之篋笥數十年。是
年晉蕃卒，先生爲作傳，取所藏論爻辰一書，舉其概
於篇。晉蕃固未脫橐，轉無之也。先生以此竝易橐二
帙遺其孤。有送郡太守伊公歸里序。有弔忠毅
李將軍詩三首。李卒於是年，故列此。有書家奴陶裕婦杜氏
與張芑塘。名維楨。長孫授易生。是年，臧在東爲作
焦氏世德記。

十三年戊辰，四十六歲。

元旦，作石湖遺書序。

范石湖先生本名恆美，字德一，後易名奎，自號今之石湖，亦稱



儒藏

焦理堂先生年譜

盟鷗野老、北湖之隱君子也。遺書多不傳、子孫亦無人矣。先生求之數十年、僅得詩三四首、文二三篇而已。丁卯、王柳村語先生生日、子所稱范石湖者、吾見其遺書、蓋在關南陳氏。先生急同柳村訪陳氏、陳素村因以遺稿十數帙昇先生、皆石湖手迹也。然俱蟲傷鼠齧、或片紙、或白全、東帖、寫蠅頭小字、斷爛雜亂、字迹潦草、殊難辨識。先生以一月之力、分其年次、卷數、凡得讀史小識一卷、竹隱居隨筆二卷、文集四卷、竹隱居詩集五卷、梅花十六詠一卷、論語詩一卷、春雨詞一卷、秋吟一卷、秋花雜詠一卷、柳塘寤語一卷、今之石湖詞一卷。總之、爲石湖遺書、皆先生手自謄錄。湖中范氏式微已久、是稿經歷百年、轉徙數家、蓋它人所不能收拾者。先生竭力葺之、葺既成、甚以爲樂。春、塾中海棠盛開、意有所觸、作兩絕句。仲弟律歿。先生生平最忌夢蛇、二右壁、越一月。有謝景張哀辭。景張名文英、甲子始而仲弟病歿。十三日死。閏五月、題周易兼義。文云、余初學易、有然一時偶會、非定說也。以今所撰易釋、易注校異同、柄鑿十之五六。後人比而觀之、可知余用力於此經。

之勤而不可遽以爲減否也。戊辰閏五月里堂老人記周易首葉闌上。又題注易初稟四字。下署江都焦循。

先生既撰北湖小志、阮文達爲之刻而屬爲圖。

先生以府志之役、屬同里歐陽錦、字製美。往來高郵天

長界上、求諸山澗入湖之道、歐陽爲作圖、按而核之

爲六圖、又繪舊迹名勝爲十圖、共圖十有六、爲一卷。

是年七月序之。是年、以訟事伺候對簿。見易通釋自序。

十四年己巳、四十七歲。

三月、相搏九邀游相墩、因爲之銘。四月、作吳少文

詩序。八月乙卯、阮文達由浙江赴京師過揚、先生

餞之北湖相墩。仲秋、楊竹廬都尉名大壯。過半九書

塾小飲、明日作詩乞竹廬和。佐歸安姚秋農先生、



通州白小山先生修葺揚州府志、先生分得山川、忠義、孝友、篤行、隱逸、術藝、釋老、職官諸門。先生謂忠孝乃一生大節、關係於闔郡之風俗人心、能多描寫一字則多增一層光焰。舊志於忠義諸公序說甚簡、先生次序古公道行、郝公景春、高公邦佐、鄭公元勳諸傳、皆極詳備。舊志孝友於割股割肝皆略之、而存其名、先生云、孔應試之割肉三十二處、抉一目以入藥、此與蕭日曠割肝不相優劣。乃舊志刪孔而取蕭、不知割肝割股乃孝之實迹可憑。舍此可憑之孝、轉以虛辭爲據、未敢以爲然也。先生於凡割股者皆一一詳之、或正傳、或附傳、一本南齊書孝義傳之體。又如

孝子陳嘉謨救父不得、上書於轉運使而投於水、其精神氣節畢見於所上之書。舊志將書刪去、而孝子之烈遂索然矣。先生竭力求之、僅得半篇、序次入之。先生謂修志者刪削舊志、考其行事、往往爲必不可刪之人、故其空言無可考者未必皆濫竽徼幸、大抵修志者苟率完事、使孝子仁人之精氣不揚也。刪之則不敢、存之則煩冗、反復求之、則附書之體爲宜。史於忠孝、文苑每用此法、旣不煩冗、又不失體裁、省泛語一二行、即可存姓名三五輩。先生於舊志舛誤者核而正之。如孝友傳之董永、本千乘人、不得以爲泰州產也。隱逸傳之應曜、隱於淮陽山中、見白氏六帖、



淮陽屬陳國、與揚州無涉。舊志改作淮南、淮南在漢屬今六安等處、亦與揚州無涉也。醫卜星相之流、寓居無定、既非生長此土、卽宜從削、如藝術之趙達、妙應方、石藏用是也。術藝釋老必求精核、不入小說家言及二氏荒誕之語。職官一門、莫不歎精核詳備、以爲揚州前志所未有。李濱石歿於京邸、黃春谷亦以事罷官、聞而慨之、作兩君詠。有神風盪寇後記。十五年庚午、四十八歲。

正月十七日、大風、風中有小黑豆、自先生家十數里皆有之。拾而驗之、乃槐子、黑色中尙帶青、驗之十里外亦如是。明是槐子、斷非天上有豆也。三月、里人

相驚有狼、草木深雜或駭、集多人喧而就之、實無有也。此地傳狼在彼、彼地又傳狼在此、而兩地皆無之。或曰、此宜防盜、六畜、賊先播此語、使孤邨零戶夜不敢出、且失去六畜、可委之於狼也。先生以此說頗切情事、亦造微之論也、錄而記之。九月二日、楊竹廬邀往誦芬莊看桂、有詩。是月初四日、次孫授書生。十六年辛未、四十九歲。

元旦、戲作夢游仙七首。

一天官、二竈王、三門神、四鍾馗、五牀公、牀母、六坑三姑、七

井泉童子。子廷琥和

正月、有告先聖先師文。

文中有年

已五十語、據易通釋自序、誓於先聖先師在是年。

黃春谷新卜油坊巷宅、

即汪晉蕃舊居也。先生偶念曩昔、七月二十四日賦



儒藏

焦理堂先生年譜

憶舊游一首、寄晉蕃弟叔震、即掌廷名光炬。竝及春谷。仲

秋月、因食菱憶乾隆丁未與顧小謝仲嘉兄弟事、賦

秋夜月一首。先生家舊有讀書老屋數楹、庭植山

茶、海棠、蜜梅、玉蘭、桂、牡丹、後有竹、白曾祖傳至先生、

先生名之曰牛九書塾、取行百里者其半九十之意。

己巳纂修郡志、得脩脯金五百、以少半買地五畝、在

雕菰洶中、其形盤曲若羸、以爲生壙、其大半以之修

葺書塾、爲雕菰樓、柘籬、紅薇翠竹之亭、蜜梅花館、倚

洞淵九容數注易室、木蘭冢、仲軒、花深、少態、移、是年

冬落成、此依子廷琥撰事略、蜜梅花館文錄、白茅草堂記又云、拓葺半九書塾、落成於庚午之冬。

作霜天曉角八詠記之、因柳閣詞鈔亦有八首、夢阮陔堂詩集作憶舊游、蓋誤。阮

文達、黃春、谷皆賦以詩。

半九書塾記當作於是年。

十二月祀竈

神日、作婆羅門引題慶弔和尚名山行腳圖一首。

十七年壬申、五十歲。

秋雨後、闌外金燈玉簪、秋勺藥鴨、蹠雜開、紅白相間、偶取李獻吉何大復文集觀之。大復與李空同論詩書曰、僕觀堯舜周孔思孟氏之書、皆不相沿襲而相發明、是故德日新而道廣、此實聖聖傳授之心也。後世俗儒、專守訓詁、執其一說、終身莫解相傳之意、背矣。先生以爲是言也、非空同所能及也、不相沿襲而相發明、此深得乎立言之情者矣。水溢、春麥既沒、秋又無稻。冬十月、湖魚頓生、一夫日可得數十頭、賴



以不飢作湖之魚以紀其盛。是月作醫經餘論序。
羅浩養十一月阮文達爲漕督二十一日專使來

屬爲丈量簡明法。明年晤文達語先生曰依君以小
尺一尺二寸五分九釐九豪爲一尺令胥吏量而算
之殊爲便。先生旁通九流之書必造其微有所論
往往爲術士所不能道。壬申癸酉閒汪掌廷問先生
形法家十二長生或主向上消納或主坐山消納當
何從。先生詳答之。治八五之術者多請問先生先生
引申之作八五偶談一卷。

十八年癸酉五十一歲。

塾中海棠自戊辰開後四五年不花。是年春三月盛

開光豔照人。花老矣、恐發洩太過、明歲又將不花、流連不已、記之以詩。先生承家學、幼年卽好易。嘗疑

一號咷也、何以旣見於旅、又見於同人。一拯馬壯也、何以旣見於復、又見於明夷。密雲不雨之象、何以小畜與小過同辭。甲庚三日之占、何以蠱象與巽象相例。丁父憂後、乃徧求說易之書、閱之、撰述成帙。甲子後、復精研舊藁、悟得洞淵九容之術、實通於易、乃以數之比例求易之比例、擬撰通釋一書。丁卯病危、以易未成爲憾。病瘳、誓於先聖先師盡屏它務、專治此經。日坐一室、終夜不寐、遂成易通釋二十卷。自謂所悟得者、一日旁通、二日相錯、三日時行。旁通者在本



卦初與四易、二與五易、三與上易。本卦無可易、則旁通於它卦、亦初通於四、二通於五、三通於上。先二五、後初四、三上爲當位。不俟二五而初四、三上先行、爲失道。易之道惟在變通、二五先行而上下應之、此變通不窮者也。或初四先行、三上先行、則上下不能應、然能變而通之、仍大中而上下應。如乾四之坤初、成小畜、復失道矣。變通之、小畜二之豫五、姤二之復五、復初不能應、姤初則能應、小畜四不能應、豫四則能應。坎四之離上、成井、豐失道矣。變通之、井二之噬嗑五、豐五之渙二、豐上不能應、渙上則能應、井三不能應、噬嗑三則能應。此所謂時行也。比例之義出於相

錯、如睽二之五爲无妄、井二之噬嗑五亦爲无妄、故
睽之噬膚卽噬嗑之噬膚。坎三之離上成豐、噬嗑上
之三亦成豐、故豐之日昃卽離之日昃、豐之日中卽
噬嗑之日中。漸上之歸妹三、歸妹成大壯、漸成蹇。蹇
大壯相錯成需、故歸妹以須之卽需也。歸妹四之漸
初、漸成家人、歸妹成臨、臨通遯、相錯爲謙履、故眇能
視、跛能履。臨二之五、卽履二之謙五之比例也。易通
釋旣成、復提其要爲圖略八卷。凡圖五篇、原八篇、發
明旁通相錯時行之義、論十篇、破舊說之非。是年十
一月冬至前五日、作易圖略自序。是爲雕菰樓
易學之二。冬至
前二日、作易通釋自序。是爲雕菰樓
易學之三。先生素患足疾、



至此連月疊發、意殊倦。先生易學既成、數年中有隨筆記錄之書、編次之得二十卷、名曰易餘籀錄。凡友朋門弟子所問答及於易者、取入三書外、多有所餘、復錄而存之、得二卷、名曰易話。自是年立一簿、稽考所業、得二卷、名曰注易日記。又有易廣記三卷。有書徐文長集後。

十九年甲戌、五十二歲。

夏、阮文達由淮安南下、過北湖見先生、問易法。先生恩恩於終食間、舉三十證語之、文達有聞道之喜。四月至七月不雨、沿湖之農日夜引水救菑、車具爲之敝、既易而新之、其敝者將用以爨。先生惜其有功

於農、而以勞致病、病致棄也、解而察其實、可成一巨櫝、乃授工以式。櫝成、以版經史及考訂經史之書、置之倚洞淵九容數注易室、因作改水車爲書櫝銘。

四五月不雨、筍尖雖出土數寸、而不能上發、亦不枯。至立秋後始得雨、諸尖怒出、八月末新篁滿林、殊爲奇觀。乃明年四月、凡去秋所發之竹大半黃萎。又甲戌秋農種蕎麥多不出、明年乙亥初夏盡出于土、且在刈麥之後、然旋即有花盈畦如雪而不實。先生以爲物之不時者固不可久耳。先生每得一書、無論其著名與否、必詳閱首尾、心有所契、必手錄之。或朋友以著作來者、無論經史子集、以至小說詞曲、必詳



儒藏

焦理堂先生年譜

讀至再至三、心有所契、必手錄之。如此者三十年、所錄者盈二尺許。是年秋、令子廷琥編寫目錄、得五十卷、先是壬戌癸亥閒嘗編之、名道聽錄、茲仍其名。七月、序里堂道聽錄於紅薇翠竹亭。先生嘗稱淩仲子、李尙之、汪孝嬰爲論天三友、淩、李先後沒。癸酉十一月、孝嬰去世。甲戌十二月、其弟子胡竹村舍人以書來屬先生作傳、先生竭十日之力、細讀衡齋算學、掇其菁英、撰別傳一篇、又作記得一首哭之。

二十年乙亥、五十三歲。

二月、有半九書塾後記。是月、作九經三傳沿革例序。門人儀徵汪昌序紹咸刻。海棠丁香盛開、喜羅養齋、汪掌廷

至有詩。伊墨卿太守入都補官。五月二十一日、阮

仲嘉

先生弟子。

招先生會於雷塘之阮公樓、墨卿爲先生

書仲軒扁、竝謁阮招勇將軍墓、湘園光祿墓、訪隋煬

帝陵。是日大雨、先生作雷塘話雨記。未幾、墨卿卒於

揚州、先生爲樂府鼓琴以寫其德政。九月霜降日、

序揚州足徵錄。

先是丙寅、伊墨卿守揚州時、阮文達亦在籍、相約纂輯揚州圖經、揚州文

粹兩書、先生分任其事。己巳庚午閒、修揚州府志成、卽原本於圖經也。而文粹之槁則向來分存於所纂輯之人、未嘗選訂。是年墨卿與先生會、語及圖經、因論文粹、先生檢舊麓、收拾文粹雜槁、共得文三百一篇、爲卷二十有七、名曰揚州足徵錄。文粹者、存揚人之文、非揚州者不取也。足徵錄者、存揚州之事、事有關乎揚者、不必揚人之文也。義各有當乎爾。先生修圖經、取舊志考核、隨筆記錄之、又次爲六卷、名曰邗記。案揚州足徵錄二十七卷、光緒中儀徵張氏刻入榕園叢書中。仁和錢氏文獻徵存錄、同治揚州府志



江陰繆氏儒學傳稟，並作一卷，蓋誤以目錄一卷卽全書卷數也。

先生既以易通

釋圖略節錄大略，請教於阮文達，是年文達有書來

索見完本，先生因取章句草稟，手葺之。凡五閱月，成

章句十二卷。十二月除夕，鐙下作易章句自序。是爲

樓易學之一。是書之成，凡數十年，專力於此者亦十餘年

矣。是冬，聞武進臧在東，歙縣程易田兩先生歿，作

詩二首。案在東卒於辛未，易田卒於甲戌。

二十一年丙子，五十四歲。

正月二十三日，有請立北湖耆舊祠狀。黃珏橋鎮有舊屋一所，係

前明忠臣梁公于洪之宅，梁賣與謝公承貴，詳見謝氏湖居語。謝氏後人因屋久圯壞，將售於人，謝與先

生爲中表兄弟，先生不忍以前賢舊迹，母家遺屋，一旦拆毀，勉力歸謝之債，契買投稅。惟思梁公之忠謝

氏父子之孝以及里中孝弟忠信行誼載於史志者甚多乃請於邑侯羅公設立牌位奉祀於內名爲北湖耆舊祠不設僧道不雜祀它神羅以爲善遂於是年春重新修葺於後捐爲龕分上層中左右下層中左右設木主三十位皆嘗居北湖行誼載於史志而足爲一鄉表率者其有子孫僕從可祀者附書於主之左右如高忠節公之子錦衣公梁公于湜之義僕梁善等是也祠旣成摘錄諸公事實揭於壁里人頗有觀感焉

三月上巳日有種痘書序。程翁維章精種痘之術先生嘗問之

其說極平易亦極神奇。會遺先生一書錄瑣不足以盡其神也。辛亥先生爲子廷琥種痘輯錄種痘書庚己巳爲孫授易種痘丙子又爲授書授詩種痘以所日驗證翁之說有不爽者先生因述程翁之意撰種痘書十篇授易授書授詩又患沙疹先生用古荒萎酒法其效如神作沙疹吾驗篇一卷

四月初

十日立夏作論語補疏白序。

是爲六經補疏之六三卷。

五月四

日阮公子常生自江西歸攜阮代公先生把卷圖來訪先生因爲題之。秋分日有放船詩。十二月初



儒藏

焦理堂先生年譜

一日、有上座師英尙書書。乞作雕菰樓易學序、較文郡城晤後、循以病居湖者十年、故未通一柬。未署十二月初一日、當亦是年作。冬、與子廷琥纂孟子長編三十卷。越兩歲乃完成。此依孟子正義事略、在丁丑冬、似與閱兩歲語稍不合。是年四月、阮文達爲作雕菰樓易學序、竝寄手札云、昔顧亭林自負古音、以爲天之未喪斯文、必有聖人復起、未免太過。茲之處處從實測而得、聖人復起、洵不易斯言矣。昨張古愚太守持去讀之、亦極詫極歎也。文達又稱先生易學不拘守漢魏各師法、惟以卦爻經史比例爲主、號眺密雲、蹤迹甚顯、蒺藜樽酒、假借有據。如郭守敬之以實測得天行也。

二十二年丁丑五十五歲。

二月初三日作西江月一首。去秋左臂筋掣右腕、

幾不可筆。十月九烏頭日服一錢、掣處漸柔活、遂可

執筆、因取詩文草彙理之、錄爲二十四卷。是年二月

九日、編爲目錄一卷。雕菰集首有嘉慶二十年吳興徐熊飛撰序一首、玩其詞意似

序虎王詩者、謂宜列有浣溪紗、六月雜詠四首。蜜梅花館詩錄之前。

里中有會試公費、辛未先生未入都、而江文叔壽寧

之張開虞諸君亦將此項遺先生、乃用以治木、解其

表爲修屋之用、其木之裏存爲棺料、風之七年燥矣。

是年七月、造成二棺、因吟一詩。雕菰集題作製棺成詩以落之、惟未詳何

年、此據八月十九日、有與朱椒堂兵部書。九月

憶書。



儒藏

焦理堂先生年譜

十二日、手寫雕菰樓易學四十卷完。

友人尹石公假

本二十冊、計易學十六冊、周易補疏、尚書補疏、合一冊、毛詩補疏二冊、論語補疏一冊。起壬申、訖己卯、每篇並有寫校月日、風雪水旱、花開稻熟、靡不記之。易通釋上下一條、末云、此條凡易十數、得而後成、白癸酉三月十八日、寫至二十日而畢。時天晴微寒、海棠丁香盛開、凭閣對之、甚益我神智也。癸酉五月十九日至二十三日、又改寫一度。以蒙之上下順、求小過上逆下順、乃至確之證也。明日夏至、至今天氣猶寒、開北牖看新筍成簁、石榴菊葵、至此方大開、較往年遲近一月矣。二十日在城、黃魚枇杷方上市。譽懼一條、末云、癸酉五月二十日、足疾大發、忍痛寫此。中有神解、雖不可易。君子小人、末云、嘉慶癸酉五月二十八日、山田望雨、湖田水小。甲戌二月九日、鑑下改一過。甲戌八月五日、又改寫一次。山田赤旱、湖田竭。力運水、稻將熟、水又至矣。甲戌九月十九日、鑑下改。君子用罔一段。十月十九日、改寫首三葉。甲戌十月十九日、既改寫首三葉、三鼓於杭上、悟得豹變之義。雞鳴即起、改此一條。述古之難如此、而聖經之精又寧容以大意觀之。定寧安成息一條、末云、癸酉八月十五口、改不寧方來一段、此條經百十度、改易而定。

勿視爲泛泛也。握渥一條末云、甲戌正月初十日增補二月二十七日改、二十八日又更錄爲此篇。此篇鬼神通之、病滯頓通、爲之大快。約酌豹論一條末云、甲戌十月二十日、此似奇而實確、非明六書不可解易也。易章句第七末云、嘉慶丁丑秋八月二十日寫起、寫至二十八日、第七卷完。連日天晴暖、木犀木芙蓉並放。此卷細意推酌、頗多更改、如乾道成男、坤道成女、成象之謂乾、效法之謂坤、制而用之之謂法等義、俱較前爲細。己卯正月二十日校至此、是日小雨。四月二十八日、又點勘一過、小有塗改。芭蕉舒第四葉、其畔罌粟六十本、鮮紅豔麗、惜不得憚南屏圖之。第十二末云、嘉慶丁丑秋九月十一日寫起、至十二日寫第十二卷完。自二月二十日寫起、先圖略、次通釋、次章句、至今日手寫雕菰樓易學四十卷完。己卯四月十二日。錄。冬、以完糧米入城。十二月除夕、此以見一班。

作春秋左傳補疏自序。

是爲六經補疏之五、五卷。

是冬、有黃次

和七十壽序。

次和明年七十。

先生二十時讀書安定書院、

王鳳階光祿新刻尙書後案成、以數十部寄院長吉



渭巖先生屬示諸肄業者。先生得其一、日夜翻閱、月許能言其略。越十年癸丑甲寅間、江艮庭先生尙書集注音疏出、其書用篆、不識篆者莫之能目也。書賈自吳中攜十部來、無售者、先生買其一、費十日力閱一過。丙辰、在浙與江貢廷同寓學署中、貢廷艮庭長子也。居同室、出同舟、先生時舉書中新義及不用鄭注而用僞孔者、貢廷詫之、先生乃語以故。壬戌、自京師歸、舉兩家異同筆記之、謂之王江尙書、載入道聽錄。丙子、武康徐雪廬以周晉園新刻尙書證義寄來。晉園名用錫、平湖人。乙卯副榜、官鹽庫大使、在廣陵惟以注經爲事。先生入城訪之、則已回籍。明春復訪

之、則已病歿於里中。先生愴然久之、復把其書細加
紬繹、蓋參翼王江兩家、時出新義。先生謂古文之僞、
自閻氏百詩、惠氏定宇證而卻之詳矣。而二十八篇
之不僞者、述而疏通證明、此三家實相鼎立、因鈔次
之、更益以當世通儒說、尙書之言足與三家相證訂
者、彙爲一帙、題曰書義叢鈔。仿衛湜禮記之例、不專
一說、不加斷語、以時之先後爲序、共得四十卷。所採
錄者共計四十一家五十七種。書義叢鈔未詳成於何年、姑以丙子明年
先生訪周晉園、則已病歿、繫於此。是年四月、英煦齋爲作雕菰樓

易學序、竝寄手札云、元本經文、疏通引證、使全易無
一剩句閒字。於焦京荀虞舊學、補所未備、而正其舛



誤、獨抒心得、不爲隨聲附和之言、卓然成家、可以不
朽矣。序及手札並刊易學首事略云。
乙亥夏、煦齋以序文寄來、蓋誤。
二十三年戊寅、五十六歲。

三月三日、序易話。四月下弦、作尙書補疏自序。是爲

六經補疏之二、二卷。五月五日、作周易補疏自序。是爲六經補疏之一

二卷。六月既望、作毛詩補疏自序。是爲六經補疏之三、五卷。七

月下弦、序易廣記。是月、作禮記補疏自序。是爲六

之四、三卷。十二月初七日、立定課程、撰孟子正義。先生

謂爲孟子作疏、其難有十、孟子道性善、稱堯舜、實發

明義、文周孔之學、其言通於易、而與論語、中庸、大學
相表裏、未可以空悟之言臆之、其難一也。孟子引書

辭多在未焚以前、未辨今古文、而徒執僞孔以相解
說、往往鑿柄不入、其難二也。井田封建、殊於周禮、求
其畫一、左支右詘、其難三也。齊梁之事、印諸國策、太
史公書、往往齟齬、其難四也。水道必通禹貢之學、推
步必貫周髀之精、六律五音、其學亦造於微、未容空
疏者約略言之、其難五也。棄蹤招豚、折枝蹙頞、一事
之微、非博考子史百家、未容虛測、其難六也。古字多、
轉注假借多、賴卽嬾、姑嘍卽咀嚙、爾卽呼私、淑卽叔、
凡此之類、不明六書、則訓故不合、其難七也。趙氏書
名章句、一章一句、俱詳爲分析。陸九淵謂古注惟趙
岐解孟子文義多略、真謬說也。其注或倒或順、雅有



條理、卽或不得本文之義、而趙氏之意焉可誣也、其難八也。趙氏時所據古書、今或不存、而所引舊事如陳不瞻聞金鼓而死、陳質娶婦而長拜之、苟有可稽、不容失引、其難九也。孟子本文見於古書所引者、既有異同、而趙氏注各本非一執、誤文譌字、其趣遂外、其難十也。本朝文治昌明、通儒徧出、性道義理之旨、旣已闡明、六書九數之微、尤爲獨造、推步上超乎一行、水道遠邁於平當、通樂律者判弦管之殊、詳禮制者貫古今之變、訓詁則統括有書、版本則參稽罔漏、或專一經以極其原流、或舉一物以窮其宣奧、前所列之十難、諸君子已得其八九。故處邵武士人時爲

疏實艱、而當今日集腋成裘、會歸爲饌、爲事半而功倍也。趙氏章句既詳爲分析、則爲之疏者不必徒事敷衍文義、順述口吻、效毛詩正義之例、以成學究講章之習。趙氏訓詁每疊於句中、故語似蔓衍而辭多佶聾、推發趙氏之意指、明其句中訓詁、自爾文從字順、條鬯明顯矣。於趙氏之說或有所疑、不惜駁破以相規正、至諸家或申趙義、或與趙殊、或專翼孟、或雜它經、兼存備錄、以待參考。凡六十餘家、皆稱某氏以表異之、著其所撰書名以詳述之。諸家姓名不備錄。是月十八日、有至後詩。序云、自去歲以來、未曾作詩、偶有所興、半月始成。冬、先生謂子廷琥曰、李樂城之學、余既撰天元一釋以闡



明之、而測圓海鏡、益古演段兩書、不詳開方之法、以常法推之不合、讀者依然渙沔黯黯、莫窺彷彿。余得秦道古數學九章、有正負開方法、因作開方通釋、詳述其義。汝歲杪無事、可列益古演段六十四問、用正負開方法推而祓之、因以同名相加、異名相消、用超用變之法詳示之。廷琥乃知以秦氏之法讀李氏之書、命策推算、一一符合。六十四問、每問皆詳畫其式。先生喜曰、得此而演段可以讀矣。卽命名曰益古演段開方補、且曰可附學算記之末。

友人嘗假余先生手書撰孟子正義日課記、係用聖堂道聽錄草藁紙背所書、中有殘闕、尙餘二十九葉。

前有自記云、雕菰樓易學三書既脫藁、遂與廷琥編寫本朝三十餘家之書、爲孟子長編、因將纂成正義、恐有懈弛、立簿逐日稽省如前。此注易云里堂記、茲摘錄於左。

嘉慶二十三年戊寅十二月初七日庚午、晴暖如二三月、開筆撰孟子正義、起孟子卷第一。十四日丁丑、陰、細雨天寒、事冗姑止之、俟明正續草。

二十四年己卯五月以前五月十一日辛未、晴、飯後雨、

草第四章完。足疾尙未全好。十四日甲戌、晴、飯後雷雨、草第七章至心之所同然者謂理也義也。足方好而腰痛月好。^②六月初六日丙申、晴、草第七章至母曲



防。英尙書師寄來臨趙孟頫爲南谷師書易說卦大字一幅。又集蘇句聯一付。手植數松。今偃蓋。夢吞三畫舊通靈。連日足疾。未能行。昨方作謝書。今早謄寫。然字小則眼昏不甚明了。手腕亦搖搖。蓋衰老之至矣。初八日戊戌雨。草第八章完。雨後甚涼。草第九章完。又草第十章至惟黍生之晚。晴月來病足。步履維艱。有所翻檢。不能自取。令大孫授易取之。凡注疏說文及漢魏諸書。示以所在。尙能翻檢不誤。次孫授書亦能檢經籍纂詁。十二日壬寅晴。草第十六章完。雨足尙寒。不行大步。動必須杖。草盡心章句上第一章完。十六日丙午。晴。有風。五月初三日足疾發。至今日


方出門外行、然步殊蹇也。晚甚涼、如深秋。十九日己酉、晴、草二十一章完。足疾、坐內室不能起者前後共十二日。痛楚無聊、扶坐牛皮牀、日草花部農談數行、雖諸詭短書、然有悟處、因刪而錄之爲一卷。二十六日丙辰、晴、草第二章、第三章完。連日黎明卽起、至昏而罷、兀坐板牀、臀肉磨破。七月十七日丁丑、晴、熱甚。草藁旣成、乃討論於羣書、今日閱潛夫論。八月初一日庚寅、夜雨、至早不已、天氣涼、閱鹽鐵論、終日小雨。次孫授書、猶能爲五言律詩、其思甚苦、尙閒有好句、且不鄙俗、閒日課之、用以自怡。不雨半月、草木皆枯、惟石畔野菊枝葉如故、乃知此物不惟傲霜、兼能耐



儒藏

焦理堂先生年譜

旱非它種所可冒也。初八日丁酉晴。閱春秋繁露。暇則編易餘籀錄。晚坐仲軒看桂。二十日己酉晴。閱韓非子。足疾發。是日寒露。九月初四日癸亥晴。閱管子。授書十歲生日。水溢上書塾之西廊。十四日癸酉晴。閱列子。水溢階下。得一絕句。黃河秋漲水連天。排闥新添幾尺泉。獨坐小樓讀周易。波光和月到鐙前。此詩此雕菰集不載。十一月十一日己巳陰。小雨。阮宮保祝嘏返里祭墓。往候之。十二月初九日丁酉。大風。閱後漢書。撰陰陽治亂辨。補入易話上卷。十三日辛丑晴。阮宮保寄王伯申經傳釋詞來。閱之。擇其說孟子若干條入正義。十六日甲辰晴。閱荀悅漢紀。自初一日以來

兩足筋攣，不良於行。今日早起，坐東廊，向初日負暄，體頗融適。霜亞金鐙，葉如縞帶，羣卉俱枯，惟木犀、山茶、海桐青青如松柏。十八日丙午，陰，閱漢紀。王曰：化余姪廷琮之師也，沒于余家數年矣，尙未葬。其甥裔種言無葬地，余以莊西菜園地葬之。今日令廷琮遷其柩來。十九日丁未，雨，閱漢紀。修先墓訖。二十四日壬子，晴。田野閒有雙菇者，葉如藕而狹，背紅色，根如茨菇，故名。驚蟄時開花，形略近蘭。邨童每當春月掘其根食之。前年，余移栽塾中，值立春其牙卽發。今過立春三日耳，葉已長半寸，此物能應候而生，不知於古爲何物。檢本草也。橋埂新修，人免於渡。夕陽



儒藏

焦理堂先生年譜

八四七

時坐紅薇翠竹亭、觀往來者均欣欣有喜色也。二十
 五日癸丑、足疾稍愈、肩輿至耆舊祠、課僮洒掃。薄暮
 坐紅薇翠竹亭望湖、東風解凍、梅柳漸有生色。夕陽
 映於湖水、湖外遠邨盡含紅色、因得一絕。此詩見雕
 菰集卷五。
 末寒煙原作寒雲、塗改煙字。猶見原作又見疏柳
 原作一片、改寒水、又改疏柳。末句帶字亦係塗改。
 二十五年庚辰正月初一日戊午、陰、增補書義叢鈔。
 齒痛有月餘日、今一齒落、甚適。草道德理義釋一篇、
 以入易話中。初八日乙丑、一夜雨、增補書義叢鈔鐙
 下。閱三國志、除夕枕上作。詩見雕菰集卷四。第五句
 下三字原作閭閻、塗改
作鳴鵲。十二日己巳、晴、閱三國志至閭溫傳、注引孫賓
 碩傳、採入正義卷一。二十七日甲申、晴、有畫工汪生

昨日來、今往看之。二十八日乙酉、晴、汪生來爲作小像、刻字穆正昌來修補通釋板。二十九日丙戌、晴、汪生來畫半九書塾八詠圖。二月初六日壬辰、晴、自初一日以來寫孟子正義卷一。三月初九日乙丑、陰、閱藝文類聚。藝文類聚引後漢趙岐藍賦曰、余就醫偃師、道經陳畱。此境人皆以種藍染紺爲業、藍田彌望、黍稷不植、慨其遺本念末、遂作賦曰、同丘中之有麻、似麥秀之油油。二十四日庚辰、晴、閱六帖。修高家橋成、往閱之。歸過吳少女白茅草堂、觀其鬪魚圖、小飲而回。四月初十日乙未、晴、增改孟子正義卷一。十五日庚子、早起、雨、飯後晴、閱太平御覽。汪匯川約於關



帝廟小飲、聽何生彈琵琶、范生吹笛、乘月色而歸。三十日乙卯、陰、飯後小雨、寫孟子正義二十三。閱姚秋農先生求是齋自訂彙。五月十五日庚午、雨、足疾不能行。十八日癸酉、晴、閱太平御覽、足稍能行。二十日乙亥、雨、閱太平御覽、寫孟子正義二十五。題吳少文鬪魚會圖、深竹庖廚近市闌、白茅湖水一亭灣。主人風尚謙謙甚、偏借鱸鱖作鱸鱠。不慣簪裾肯素餐、太平佳事託漁竿。笑它憔悴神仙客、寄意崧山數本蘭。
此二詩駐
菰集不載。二十七日壬午、晴、熱甚、小暑、汪生畫冊葉十六幅完。七月初五日己未、晴、寫卷二。英大豕宰以惜驄馬詩寄為令作詩文、百卅里郵程、三時入帝京。

癸酉九月十六日、乘此驄由白潤、一身皆汗血、兩耳
馳歸京師、自未至西、僅三時耳。但風聲久已消、烽盡、空餘伏櫪鳴。敝帷曾未棄、送爾
傍佳城。此詩雖甚、集未載。初八日壬戌晴、寫卷二、閱五禮通
攷。日課記止於是日、殆先生絕筆矣。

二十四年己卯、五十七歲。

正月二十九日、序易餘籥錄。二月乙丑、有祭黃氏

妹文。六月十八日立秋、序花部農談。一卷。湖部二

演劇、鏡鼓喧闐。先生每攜諸孫觀之、或乘駕小舟、或
扶杖徐步、羣坐柳陰豆棚之間。花部演唱、部人每就
先生詢問故事、先生略為解說、莫不鼓掌解頤。案日課記列十九日。七月十四日、孟

子正義草稟成。是年十月、阮仲嘉為作易學跋。

十一月、齋南橋。名榮、先生弟子。為作易學跋。後道光七年
黃春谷為作



孟子正義跋、見夢陔堂文集、本書未刊入。

二十五年庚辰、五十八歲。

先生易學既成、思爲孟子正義一書、乃於丙子冬採錄清代通人之書、令子廷琥查寫。或專說孟子者、或雜見它書者、一一纂出、編爲孟子長編十四帙。戊寅十二月初七日、開筆撰正義、立簿逐日稽省、仍如前此注易。簡擇長編之可採者與否者、有不達則思、每夜三鼓後不寐、擁被尋思、某處當檢某書、某處當考某書。天將明、少睡片刻、日上紙窗、起盥漱、卽依夜來所尋思一一檢而考之。語子廷琥曰、著書各有體、非一例也。有全以己見貫串取精、前人所已言不復言、

余撰易學三書及六經補疏是也。有全錄人所已言而不參以已見。余輯書義叢鈔是也。有採擇前人所已言。而以已意裁成損益於其間。余所撰孟子正義是也。各有所宜。亦各有所難。己卯又四月。撰至萬章下。先生曰。此書初藁看來七月可完。必加以討論修飾。惟神氣日衰一日。殊自畏也。然惟初藁最難。今已成十九卷有奇。未成僅十卷耳。用當努力爲之。爲山九仞。功虧一簣。宜自勉夫。七月十四日。孟子正義草藁成。次爲三十卷。於是討論羣書。至庚辰正月修改既定。有所見。用謹案字別之。廷琥有所見。亦本范氏穀梁之例。錄而存之。乃手寫清藁三卷。就正於阮文



達。四月、令廷琥校對一過、又重白手錄。至七月、共手錄十二卷而病作、病中猶以未能錄完爲憾、語廷琥曰、孟子正義無甚更改、惟所引書籍、仍宜逐一校對、恐傳寫有誤耳。先生自癸亥家居至庚辰十八年、著書將三百卷、成不朽之業、而心血實耗於此矣。先生患足疾二十餘年、起於己未庚申間、然或閒歲一發、年四十外則歲一發、將五十則一歲數發、五十四五後則連月必發。是年六七月、足疾疊發、忽然煩熱似瘧、舌燥無津、日漸加重。病中猶作惜驄馬詩後序、命子廷琥寫寄英煦齋先生都中。七月二十七日辰時卒、年五十八。十二月初三日、葬於居宅祖塋之內。

阮元撰傳稱曰通儒。子廷琥字虎玉江都學廩膳優生能讀書傳父業。道光元年二月十二日歿。年四距先生之喪甫逾半載耳。

焦理堂先生著書目

易章句十二卷。

易圖略八卷。

易通釋二十卷。以上三種爲易學三書。學海堂經解有。

易話二卷。

易廣記三卷。

論語補疏三卷。

周易補疏二卷。

尙書補疏二卷。

毛詩補疏五卷。

春秋補疏五卷。

禮記補疏三卷。以上六種爲六經補疏。學海堂經解有。

羣經宮室圖二卷。

禹貢鄭注釋二卷。以上二種經解續編有。

孟子正義三十卷。學海堂經解有。

加減乘除釋八卷。

天元一釋二卷。

釋弧三卷。

釋輪二卷。



儒藏

釋橢一卷。以上五種爲里堂學算記。

北湖小志六卷。

李翁醫記二卷。

自易章句至李翁醫記二十一種，附

遺書。並焦氏家刻光緒丙子板歸銜山魏氏民國十

八年又歸上海受古書店。

雕菰集二十四卷。文選樓叢書，道光四年儀徵阮福

稭雕菰樓集。

憶書六卷。

仰視千七百二十九鶴齋叢書，光緒六年

刊記六卷。

傳硯齋叢書，光緒乙酉儀徵吳丙湘刊。

紅薇翠竹詞一卷。

同上。

仲軒詞一卷。

同上。

里堂家訓二卷。

同上。



揚州足徵錄二十七卷。裕園叢書、儀徵張丙炎刊。

詩陸氏疏疏二卷。南菁書院叢書。

論語通釋一卷。木犀軒叢書、光緒閒九江李盛鐸刊。

易餘籥錄二十卷。同上。

開方通釋一卷。同上。

花部農談一卷。懷幽雜俎、宣統辛亥南陵徐乃昌刊。

劇說六卷。誦芬室讀曲叢刊、民國六年武進董康刊。

焦里堂先生軼文一卷。鄧齊叢書、南陵徐乃昌錄刊。

里堂道聽錄五十卷。藁本、今歸北平圖書館。

愧酪集。

毛詩鳥獸草木蟲魚釋十一卷、埭考證陸璣疏一卷。

集有自序、南菁書院刊詩、陸氏疏疏、當卽考證陸璣疏。

唐賦選一卷。

游山左詩鈔一卷。

游浙江詩鈔一卷。

毛詩地理釋四卷。

注易日記三卷。

書義叢鈔四十卷。

八五偶談一卷。

雕菰樓醫說一卷。

種痘書十篇。集有序。

沙疹吾驗篇一卷。自愧詒集至沙疹吾驗篇十二種、僅事略有目、尙未見傳本、山左、浙

江兩詩鈔當已歸入懸菰集矣。

詩話一卷。

見阮元撰傳、同治揚州府志作駐菰樓詩話。

毛詩傳箋異同釋。

乘方釋例。亦見揚州畫舫錄。

孫子算經注。以上三種見定香亭筆談。

禮記索隱數十卷。

焦氏教子弟書二卷。或卽家訓。

釋交。以上三種見揚州畫舫錄。

論語地理考四卷。見同治揚州府志、民國江都志亦有此目。

焦氏家乘八卷。

里堂劄錄六卷。



藏

焦理堂先生年譜

易餘集一卷。

以上三種見光緒江都縣志。自詩話至易餘集諸書亦尚未見傳本。

焦虎玉先生著書目

附

先府君事略一卷。

增焦氏遺書末。

蜜梅花館文錄一卷。

文選樓叢書增勝菰集後。里堂先生事略後弟徵記作文二卷。

蜜梅花館詩錄一卷。

同上。事略後記作詩四卷。

因柳閣詞鈔二卷。

傳硯齋叢書。事略後記作詞一卷。

尙書仲孔篇一卷。

積學齋叢書。南陵徐乃昌刊。又在廣雅書局叢書中。事略後記無此

目。

冕服考四卷。

積學齋叢書。

讀書小記二卷。

郵齋叢書。南陵徐乃昌刊。事略後記無此目。

春秋三傳經文辨異四卷。

邃雅齋叢書。民國二十三年影印。事略後記春秋三

傳異同考、當卽此。

益古演段補二卷。事略作益古演段開方補。

讀詩小牘二卷。

儀禮講習錄二卷。

禮記講習錄二卷。

地圓說一卷。續疇人傳、清史彙編儒林傳並作二卷。

北湖舊族表四卷。以上六目、並見事略後記。

柘籬集二卷。見江都光緒縣志。自益古演段補至柘籬集七種、尙未見傳本。

揚州二王江焦四先生年譜陸續栞成漫題一律

簡編風雨送年華、夢寐江淮驛路賒。頗笑齊人知管晏、獨推漢學盛乾嘉。公卿韋布皆千古、道義文章自



儒藏

焦理堂先生年譜

一家。詳譜亭林諒難及。椎輪或許比吳車。

焦理堂先生年譜

男孫僑校

校記

①「者」下，《易圖略》卷一原文有「有三」二字。

②月好：「月」字疑誤。



儒藏

焦理堂先生年譜

[General Information]

书名=儒藏 史部 儒林年谱 42

丛书名=

作者=吴洪泽，尹波，舒大刚主编

出版社=

出版日期=2007.04

形态项= 863

页数=863

原书定价= 35000.00 全套

读秀号=000007507445

SS号=12365609

ISBN= 978-7-5614-3656-1 / B222.9

分类号=0204030207&sw=81.901475E-3075B2D8+AB7B2BF+82.636783E-30851D642.638915E-307A

主题词=

参考文献格式=吴洪泽，尹波，舒大刚主编.儒藏 史部 儒林年谱 42.成都市：四川大学出版社,2007.04.

简介=